



八

義我

目錄

第一齣 家門大略

第二齣 上元放燈

第三齣 周堅沽酒

第四齣 酒家索錢

第五齣 宴賞元宵

第六齣 趙宣訓子

第七齣 猜忌趙宣

第八齣 宣子勸農

第九齣 翳桑救輒

第十齣 張維評話

第十一齣 宣子見主

第十二齣 權作熊掌

第十三齣 宣子爭朝

第十四齣 決策害盾

第十五齣 鉏覺觸槐

第十六齣 張千探聽

第十七齣 舉家兆夢

第十八齣 報失張維

第十九齣 犬撲宣子

第二十齣 靈輒負盾

第二十一齣 周堅替死

第二十二齣 宣子避仇

第二十三齣 圖形求盾

第二十四齣 嬰投杵臼

第二十五齣 宮掖幽思

第二十六齣 程嬰歸探

第二十七齣 喚囑收生

第二十八齣 靈輒留朔

第二十九齣 定計殺孤

第三十齣 醫人揭榜

第三十一齣 孤兒出宮

第三十二齣 韓厥死義

第三十三齣 捱捕孤兒

第三十四齣 替換孤兒

第三十五齣 僞報岸賈

第三十六齣

公孫赴義

第三十七齣

山神點化

第三十八齣

孤兒耀武

第三十九齣

杵臼出現

第四十齣

陰陵相會

第四十一齣

報復團圓

八義記

明徐元箸

第一齣 家門大略

〔滿庭芳〕〔末上〕左氏春秋。晉靈當國。趙盾七世忠臣。岸賈讒佞。殺害趙家人。駙馬將身逃匿。遇靈輒一處安身。把公主冷宮囚禁。生下小郎君。程嬰藏出禁。韓厥自刎。杵臼遭刑。十八年孤兒觀畫。夫妻子母再完成。除奸佞。冤冤相報。傳說到如今。

第二齣 上元放燈

〔瑞烟濃〕〔生上〕春回帝里。破泥牛凍烟輕雨初霽。畫閣深沈。熒煌龍燭。神僊境。千秋錦繡籠珠翠。聽滿耳笙歌鼓吹。酒醒後。不覺樂人報道。上元節至。趙朔詩禮族。表字號居方。相門將種。功勳德行滿他邦。晉侯納吾爲壻。德安公主。共效鸞凰。青春纔二八。美貌世無雙。翡翠簾。琉璃瓦。白玉堂。通宵飲宴。高燒銀燭照紅妝。富貴吾生極矣。敢不謝穹蒼。萬事

數已定。浮生空自忙。〔末〕聖朝天子重英賢。一奏須交禁上元。雖則放燈非盛事。黎民都道慶豐年。

〔生〕程嬰。今日是元宵佳節。家家點放花燈。與民同樂。爲何說此話。〔末〕稟駙馬得知。今早老相公入朝。但見十度來朝金闕。轉過九重鳳閣。八寶殿珠簾高捲。七寶臺龍燭光明。六曲闌畔設着力士黃巾。五鳳樓前簇擁金瓜武士。四百員文武官僚。專聽靜鞭三下。兩邊羽扇拂開。一座明君登寶位。衆官山呼已畢。聖上傳旨。有事奏事。無事退班。卻才道罷。班部中閃出一員官來。〔生〕那官怎生打扮。〔末〕那官員紫袍象簡。玉帶烏靴。程嬰上前觀看。卻元來是老相公上表乞禁元宵。〔生〕那表章你可記得。〔末〕小人記得。道切見每歲正月十三至十七夜。觀燈遊戲。鬧動街坊。鼓樂駢集。燈火熒煌。聚朋挾友。酣鬪爭強。男女混雜。縑素列行。竭資破產。至于離亡。不測風火。引慝官坊。燕趙有連境之患。秦楚有橫逆之加。穢污由此而生。習俗因斯不良。雖云慶賞。乃其禍殃。憂國擾民。無利有傷。乞頒榜示。禁止施行。〔生〕晉侯如何道。〔末〕賢哉晉侯。看罷表章。道家有孝子。使父母必無憂慮。國有賢臣。令君王安居寶位。卿言須當還與衆文武商議。卻才道罷。班部中閃出一員官來。〔生〕那官是誰。怎生打扮。〔末〕頭戴一頂黃燦燦束髮冠。身穿一領紅焰焰絳羅袍。端一雙兀兀突突皂朝靴。束

一條班班駁駁犀角帶。環一雙團團團團光眼睛。生一部挖挖皺皺落腮鬚。程嬰看來不是別人。
〔生〕是誰。〔末〕乃中朝下大夫屠岸賈上表乞放花燈。〔生〕岸賈如何道。〔末〕夫上元者乃上界天
官賜福之辰。黎民慶賀豐年之日。家家點放。無非願國泰民安。戶戶駢闐。盡祈禱田禾豐稔。民既樂
業。國必安寧。風火不測。有司官常加警察。盜賊生謀。金吾軍不時巡捕。燕趙作釁。有微臣何足患之。
秦楚無知。三晝夜舉成何事。若有疎虞。臣敢爲保。〔生〕晉侯如何說。〔末〕晉侯依言准奏。乞放花燈。
〔生〕既然准放花燈。分付街市軍民人等。五家搭一燈棚。十家共一鰲山。明日與公主望春樓上玩
賞花燈。與民同樂。〔末〕領鈞旨。

〔賞宮花〕〔生〕吾王有感。滿朝中皆大賢。外邦齊拱伏。絕狼烟。〔合〕文武忠心
王有德。不日須見太平年。

〔前腔〕〔末〕時當上元。黎民樂堯舜。天。晉侯無讒佞。萬民安。〔合前〕

〔生〕稟過爹爹老相公。〔末〕放燈歡樂與民同。

〔合〕人生總在春風裏。個個同游和氣中。

第二齣 周堅沽酒

〔秋夜月〕〔丑上〕我賣酒住在京師裏。造下醇醴真綠醴。來此飲酒皆豪貴。王孫公子同歡宴逸。老婦姓王。住在京邦。造下美酒。諸般羹湯。時新菓品。炙兔燒羊。百般野味。椒料馨香。饅頭搭餅。件件堪嘗。出入相府。托庇門牆。一不怕人來賒酒。二不怕惡黨強梁。若有人來飲酒。現錢有甚商量。若是無錢喫酒。休怪我剝下衣裳。動不動扯到官府。打出他詩讚羔羊。老身無甚營生。開一酒店在天漢橋邊。小廝籠下火盪下酒。正是清晨忙把店門開。煮酒烹茶待客來。不將辛苦意。難近世間財。〔下〕

〔賞宮花〕〔小生〕今宵上元。拉朋同賞翫。忽見天街上。鬧喧喧。借問酒家何處有。牧童遙指杏花邊。自家名姓號周堅。家住汾陽是祖傳。父母雙亡妻未娶。一生好酒任飄然。

留落在晉陽間。蹉跎不覺又三年。何時得遂還鄉願。辦炷明香謝老天。今上元節屆。那家不飲酒。那家不看燈。惟我身邊無錢。不免去天漢橋下王婆酒店。賒他五百文酒喫。去大街上游玩一番。多少是好。迺運行來。有人在此麼。〔丑〕是誰。〔小生〕飲酒的。〔丑〕既如此。裏面請坐。〔小生〕有甚麼酒。

〔丑〕蘇州酒。秀州酒。蘇秀二州真燒酒。官人若還飲三甌。肚皮雞巴像漏斗。〔小生〕甚麼下飯。〔丑〕手絲雞。炕麵角。東坡蹄兒。天下少。官人不惜杖頭錢。飲到天明不覺曉。〔小生〕也罷。看三百文酒。二百文下飯。〔丑〕待我取來。〔小生〕王婆。有妓者請一位來送酒。〔丑〕原來官人愛風月的。我老身原是舊院裏出來的粉頭。也會吹彈歌舞。官人不棄。老身奉一盃。〔小生〕勞你不當。

〔前腔〕〔丑〕官人飲酒。我香醪美更佳。現錢來買喫。定不賒。〔合〕遇飲酒時須飲酒。不醉不飽不歸家。

〔前腔〕〔小生〕香醪醞美。停車須下馬。今日元宵景。甚繁華。〔合前小生〕王婆。有東西再拿些出來。〔丑〕官人慢飲。待老身取來。〔虛下小生〕如今婆子去了。不免去罷。本是猩猩漸作癡。此情莫與外人知。王婆若來清酒帳。這回不走待何如。〔下丑上〕呀。原來去了。四兒關上門。待我去尋他。

今年元宵節。

卻與上年別。

月光作燈籠。

四方俱照徹。

第四齣 酒家索錢

〔步步嬌〕〔小生上〕不懔不呆不曠蕩。名利誰承望。心偏好酒漿。兩錠三壺。自覺歡暢。不醉不歸來。行樂天街上。〔丑〕漢子。怎麼不還酒錢。〔小生〕你是甚麼人。〔丑〕我是賣

酒王婆。

〔北鋪地錦〕〔小生〕原來是賣酒女杜康。〔丑〕不是。只要還我錢。〔小生〕五百文賒錢。直甚麼賊。〔丑〕一分也是債。〔小生〕俺也是主顧。好商量。〔丑〕留下當頭。〔小生〕又不是神僊。怎留下當。〔丑〕你敢要打我。〔小生〕我打你。便怎麼。激得我揮拳起掌。饒你這個老婆娘。來日還錢不在忙。〔丑〕我便要。〔小生〕不要錢。有一個比方。養男兒爲卿爲相。〔丑〕這是老娘積德。〔小生〕養女兒似觀音模樣。〔丑〕像老娘也罷。〔小生〕做經營錢如水漲。〔丑〕有本多生利。〔小生〕好家私兒孫興旺。〔丑〕還我錢。不要你管。〔小生〕教你男兒受殃。女兒落娼。呀。要錢時直待西方日上。

〔丑〕賒酒無錢學賴皮。

趙家府內告輪迴。

〔小生〕非關我每無行止。

你若無錢便得知。

第五齣 宴賞元宵

〔貼上〕燈毬隱隱畫堂中。鼓樂笙歌徹上穹。萬盞金蓮開禁苑。千家燈火照庭中。開宮扇。起簾櫳。滿堂笑語與民同。猶如仙子辭蓬苑。恰似姮娥離月宮。

〔傳言玉女〕〔旦〕三五風光真個勝如前歲。〔生末〕更天與奢華富貴。日日宴

樂。我少年伊家嬌媚。〔合〕姻緣一對。世間無比。〔貼〕駙馬才而俊。公主德而賢。龍孫虎

子。青春富貴兩當年。〔生〕公主金枝玉葉。居方相門相種。一對好姻緣。〔合〕肯把良辰虛度。排筵在望春樓上。人月兩團圓。但願人長久。千里共嬋娟。

〔畫眉序〕〔生〕與民歡慶。賞元宵。廣排筵。會簪纓珠履。貴戚三千。坐列着公子王孫。簇擁處。嬌娥粉面。〔合〕太平無事人樂業。黎民盡歌歡晏。

〔滴溜子〕〔合〕鰲山上。鰲山上。鳳燭萬點。綵樓內。綵樓內。士女歡笑。歡笑見番郎胡女。搽灰弄鬼臉。燈燦爛。引得游人挨擦同觀。

〔神仗兒〕〔丑〕金宵上元金吾不禁銀漏杳然我們神歌鬼舞孩孩逐鼓孩來

好也使人觀看諸社大鬧爭先〔末〕你每是那裏來的〔丑〕我每是東方鶴神〔末〕敢是樂

人〔丑〕樂人聞知駙馬與公主飲宴特來承應〔生〕那裏來的〔丑〕本司樂人〔生〕曉甚本事〔丑〕

有笛吹得有絃彈得有鼓打得大得勝小得勝貓兒滾繡毬陣陣贏太平古點〔生〕天下無非只要

太平打太平鼓罷〔丑打介末〕還有甚本事〔丑〕曉得二十五孝〔末〕只有二十四孝怎麼有二十

五孝〔丑〕有一個兪州兪府兪縣兪家村兪老兒與兪媽媽生下十個兪兒子討下十個兪媳婦纔

是孝順〔末〕怎見得〔丑〕我是一哥哥一嫂嫂頭頂爹爹媽媽泰安神州廟裏燒香一個兒子孝順

〔照此一氣念七遍倒地介末攙介丑〕這個攙我的兒子纔是孝順知音說與知音聽不是知音不

與談〔下〕

〔畫眉序〕〔生日〕向華筵拚取今宵醉不眠聽笙歌繚繞鼓樂聲喧金鼎燕鳳

腦龍涎畫燭映朱顏粉面閨苑長如春不老和伊醉倒花前

〔滴溜子〕〔合〕人生裏人生裏富貴在天公主與公主與駙馬少年少年生居

宮苑思之這福分前世緣。不取樂。蹉跎良夜枉然。

〔神仗兒〕〔丑扯小生上〕時乖運蹇。遭逢村漢。不還酒錢。那些留貂解佩。沿街拽住。可不羞臉。留下當且饒拳。〔丑〕告狀。〔末〕啓駙馬。一婆子扭一醉漢告狀。〔生〕着他有司去

告。〔末〕叫你有司去。〔丑〕實不瞞管家。老身領本府本錢。又住本府房子。以此特來相告。〔末〕他道

領本府本錢。〔生〕帶近樓下。問欠多少酒錢。〔丑〕五百文。〔生〕程嬰。問那醉漢。委實欠他多少。〔末〕

醉漢。欠多少酒錢。呀。啓駙馬。這醉漢面龐與駙馬一般。〔生〕王婆。你且去。我還你錢。〔丑〕謝駙馬老

爺。〔下生〕程嬰。可領醉漢到外書房去睡。明日問他。〔末〕一雙星眼任模糊。問你緣何不應吾。〔小

生〕酒中不語真君子。財上分明大丈夫。〔末小生下〕

〔鮑老催〕〔生旦合〕花燈萬盞。雙頭牡丹並蒂蓮。梅花燈細把冰刀剪。鼓兒燈鉞

兒燈團團遍。老兒燈拜得腰肢軟。婆兒燈跪得裙腰淺。寶塔燈層層現。

〔前腔〕〔合〕走馬燈驟犇如飛電。滾繡毬燈滴溜溜搏。魚燈蝦燈蟹燈巧。鬪雞

燈雙對面。蟬燈好看。琉璃燈算來千萬碗。千萬盞。仙鶴燈飛來路遠。

〔雙聲子〕〔合〕福非淺。福非淺。前世曾爲伴。今幸然。今幸然。生長王宮苑。你貌鮮。我少年。似雲裏吹簫。並頭鳳鸞。

〔尾聲〕來朝廣設華筵宴。五夜風光疾如箭。不樂不歡也枉然。

〔旦〕景遇良宵且恣游。

〔生〕開懷暢飲不須憂。

〔貼〕來朝更有新條在。

〔合〕惱亂春風卒未休。

第六齣 趙宣訓子

〔女冠子〕〔外上〕聖主垂衣。國安民樂時治。文忠武烈。讒臣迴避。果然朝野太平時。名標十二國。位至三公。子爲王壻。這赤心忠義。與金石冰霜相比。趙盾乃成

季之子。位至上大夫。佐明主。變理陰陽。爲正卿調和鼎鼐。曾陪御宴。座前錦袖惹天香。昔侍宸游。歸

去玉聽嘶禁院。門迎珠履三千。簇擁金釵十二。秉心忠直。使讒臣戰慄不容。同理朝綱。人盡道忠貞

輔佐。真個國家得我重如山。邊境聞風驚破膽。今乃上元殘燈之夜。爭奈孩兒趙朔。朝朝晏樂。夜夜

酣歌。倚駙馬之威。托晉侯之庇。卻成何體統。今念及父子之情。甚是不安。不免叫他出來。教道一回。

孩兒趙朔過來聽我道。

〔瑤臺月影〕〔生〕方纔畫堂排筵宴。聽得爹爹嚴命相傳。〔外〕汝不知稼穡之艱難。常受榮華富貴。朝朝飲宴。夜夜酣歌。父爲晉國之正卿。旣不能教道其子。何以諫諍于朝。〔生〕公主在那裏。孩兒不得不去。〔外〕只推公主。汝豈知物盛必有衰時。安得長久。今後再不可。〔生〕孩兒再不敢了。

〔桂枝香〕〔外〕孩兒聽取。恁爹說與。不知稼穡艱難。常享榮華富貴。今來古往。今來古往。一興一廢。此人之常理。我孩兒休倚妻力勢。常不是恁的。

〔前腔〕〔生〕孩兒博學。叨蒙恩爵。托賴父訓言詞。豈敢過違差錯。昨日恁兒。昨日恁兒。和着公主觀燈游樂。〔外〕人皆有過。改之爲貴。〔生〕自今日怎敢違尊命。從今改過卻。〔末〕夜來醉漢。欲辭駙馬去。〔生〕老爺正惱。你且低聲。〔外〕說甚麼。〔生〕孩兒夜來與公

主觀燈。賣酒王婆扭一醉漢。告討酒錢。〔外〕觀燈也勾了。又受狀。叫程嬰。你也少生事。〔生〕酒錢猶可。但此醉漢面龐與孩兒無二。因此代還酒錢。留在書房。今日要去。〔外〕叫過來見我。〔小生〕知恩

報恩。有恩不報。非爲人也。〔見介外〕你是那州人氏。賒他酒喫不還錢。也是不成器的人了。

〔玉胞肚〕瞥然一見。見他們儀容俊偉。貌堂堂凜凜身軀。好一似我的孩兒。多
少年紀。〔小生〕二十五歲。〔外〕年紀相同兩相宜。只是貴賤難稱一對兒。

〔前腔〕〔生〕昨宵在街市。見他們醺醺醉迷。一見後使人徘徊。因此上帶回衙
內。未知何名姓阿誰。一一從頭須記取。

〔前腔〕〔小生〕家居汾水。號周堅是吾賤諱。爲營求買賣肥家。誰知道命乖時
悔。昨宵因欠酒錢倍。謝得恩官見賜與。〔外〕既無老少。吾欲收留汝爲門下。意下如何。

〔小生〕周堅三載流落。正疑身墮溝渠。今蒙相公收留。願爲執鞭墜登之使。

〔玉漏遲〕〔外〕纔方見你們。見着他使人心下歡喜。相貌身材。舉止共着年紀。
與我兒無些異處。幸聚會來家裏。〔合〕寬懷取。莫思着故園桃李。

〔前腔〕〔衆〕吾家富貴。論門下盡皆簪纓珠履。懷着忠心。運至自有通時。你休
恁貪盃滯酒。你休管他人是非。〔合前〕

〔生〕憐孤惜寡念貧窮。

〔小生〕今日收留我運通。

〔外〕一葉浮萍歸大海。

〔末〕人生何處不相逢。

第七齣 猜忌趙宣

〔丑上〕帥府銅鑼一兩敲。轅門內外聚英豪。男兒志氣當如此。今日方知武藝高。自家屠府張百戶是也。在教場中操演回來。不免在此伺候。道猶未了。老爺早上。〔下〕

〔紅衲襖〕〔淨〕晉朝中爲大臣。論英雄膽氣增。門迎珠履三千客。戶納貔貅百萬兵。吾王寵信聽萬民。皆畏欽。把俺聲名料應達帝京。兩朵金花藏日月。一雙袍袖

按乾坤。人人盡道吾王寵。半由天子半由臣。吾乃晉國下大夫。姓屠名岸賈。家住堯都。名揚華夏。英雄豪傑。文武冠諸邦之將相。承顏順旨。權寵過一國之公侯。順吾者高官顯爵。逆吾者滅族亡身。正是一朝權在手。便把令來行。只一件。班行居趙盾之下。此吾心不足。待夫人出來。與他商議。

〔換春令〕〔老旦〕玉人春困酒力消。早元宵過了。聽窗外黃鸝聲聲巧。又報道寒食節到。〔淨〕夫人富貴雖受吾王寵。到底終非是我心。〔老旦〕相公。但把赤心行正道。何愁官職

重和輕。〔淨〕夫人。身不能脫下緋衣而換紫袍。官不離下大夫而爲正卿。

〔祝英臺令〕〔老旦〕告相公聽訴分割。諸國盡來朝。欽羨晉國。文武英雄。官屬盡依朝綱。須曉兩班先自爭功。心生惡兆。怕外邦聞知傳揚不好。

〔前腔〕〔淨〕焦燥論將來越懊惱。怎肯落他後。手握重權。功業勳天。一旦位卑官小。懊惱定欲爭取分明。不成虛謬。算此事朝夕榮我懷抱。

〔前腔〕〔老旦〕失笑他是相子王孫。流傳官爵豈一朝。七世助國。忠直功臣。積代累有功勞。不道布衣身佐公卿。尤嫌官小。料莫是日夜思誰錯了。

〔前腔〕〔淨〕不曉自思德滿邊疆。朝野盡欽道。惟有趙盾。挾勢欺凌。非是我要閒鬧。〔老旦〕聽告勸君休掛心懷。人生如夢。對媚景追歡取懷抱。

〔老旦〕人生富貴是前因。

莫要勞神苦用心。

〔淨〕畫虎未成君莫笑。

安排牙爪始驚人。

第八齣 宣子勸農

〔末上〕萬紫千紅二月天。花含宿雨柳拖烟。光陰不覺人憔悴。寒日清明在目前。今日卻是二月十五。該勸課農民。自家乃趙府中程嬰是也。我老相公分付安排酒。在十里長亭勸農。你看今年強比去年。〔內問〕怎見得。〔末〕不用管絃竹。何須錦繡棚。牆南村北。果然桃李弄精神。漆桌上羊肉和猪肉。金瓶內蒲萄竹葉清。社長和耆老。齊唱賀昇平。道猶未了。老爺早到。

〔似娘兒〕〔外〕好景豔陽天。花爛熳芳草芊芊。〔生〕長亭十里開筵宴。官民共祝風調雨順。齊樂豐年。〔外〕衆父老可曾到麼。〔末〕還沒有到。〔外〕屠爺可曾去請。〔末〕請去了。還不會來。〔外〕不消等了。

〔添字紅繡鞋〕〔合〕今日勸課農民。農民安排酒食在長亭。長亭知稼穡老人們。都到此倒金樽。〔合〕都交欣欣。欣欣說與勸農文。

〔前腔〕〔生末〕節屆寒食清明。清明西郊外步踏紅青。紅青草鋪茵柳拖金花。世界錦乾坤。〔合前〕

〔前腔〕〔淨〕老漢住在東村。東村今日是二月中旬。中旬相公駙馬在長亭。開

筵宴請農民。〔合前〕

〔前腔〕〔丑〕老漢住在山深。山深擔一擔草薦入城。入城賣得三百與三文。買

些菓子與杏仁。將歸去與兒孫。〔合前淨〕你這個老兒。我到你家叫你。你媳婦說方纔扒了

灰。出去了。〔丑〕休得取笑。家醜不可外揚。去年屠老爺勸農。甚是經紀。〔末〕爲何來遲。老爺等久了。

稟老爺都到了。〔外〕亭子上窄小。只着幾個會講的上來。〔問介〕你每爲何來遲。〔淨〕被子孫牽絆。

故此來遲。〔外〕姓甚麼。〔淨〕姓鐵。〔外〕那個老人姓甚麼。〔丑〕小人姓李。〔外〕多少年紀。〔淨〕屬茗

箒的。〔外〕多少。〔淨〕一把年紀。聽孫子說。明年一百歲了。〔外〕有何積德。如此年高。〔淨〕老漢家中

常禮斗。燒香須淨手。廣行方便事。壽年九十九。〔外〕你這老人。多少年紀。〔丑〕老漢家中曾受祿。喫

菜不喫肉。廣行方便事。壽年九十六。〔外〕老人每。我有幾樁事情問你。我每爲官的快活。你莊家人

快活。〔淨丑〕老人看來。莊家人快活。〔外〕怎麼快活。〔淨〕先是不戴網巾。快活了。〔外〕怎見得。

〔淨〕村居樂。村居樂。撒髮披襟赤了脚。簞笠拐杖任過眉。綾錦千箱無分罽。悶扳罽。喜打鵲。愛喫螺

螭池內摸。紅蝦紫蟹錦鱗魚。白酒青梨黃豈熟。住低房。擺矮桌。莎草鋪來着地洛。井泉水。無窮樂。堪

笑市人佳城廓。假使你聰明我愚濁。愚濁之人心無惡。籬頭處處出黃金。遍地生涯人不覺。任他行計有千條。土產人家無失着。前栽桑。後栽柳。鮮菓蒲萄結成蒂。葱蒜菲薤及黃瓜。茄兒瓠子與茭白。種得蘿蔔芋頭多。收得菜豨亦豨有。池中摘起紅菱角。塘內掏出白蓮藕。晚來一碗葶薺茶。天明兩個雞子酒。庭前稚子舞班衣。院內山妻同白首。起時紅日照東窗。睡時明月過北斗。小老人家中呵也養羊。也養狗。雞猪鵝鴨成羣有。驢牛放出滿山頭。羸馬無繮到處走。稅糧納了得安寧。公差不敢登門毆。兒童報道有佳賓。自幼相交知己友。安排飯。整治酒。至晚打鋪着地宿。天明相送到溪頭。義氣相投怕分手。騎畊牛。田內走。風吹苗葉顫抖搜。任他炎熱暑氣天。樹下乘涼如數九。勤耘稻。慣栽秧。蠶老麥熟大家忙。夜來得陣及時雨。家家頂禮謝穹蒼。婦人日裏忙。全憑燈火補衣裳。睡時不覺三更後。雞叫披衣起掃場。大船載。小船裝。玉粒看看搬上倉。犁罷收拾歸家去。車具農工一一藏。東邊晒。西邊曬。場內把扒鬧嚷嚷。鼓吹不如擊刮響。諸花怎比稻花香。稻已盡。場已光。修補泥垣遮蓋牆。遙觀樵牧歌偏好。盡道豐年樂未央。冬至到。宰猪羊。謝天謝地謝穹蒼。簷前搆得三伏麵。薄薄椒漿做幾缸。邀東舍。請西莊。鍋燒瓢餲使碗裝。大家喫得醺醺醉。草簷簷頭步夕陽。縷唐布。做衣裳。新

鞋新襪暖堂堂。這個便是村家樂。一年一度過時光。〔丑〕小的每不過是一個細民。怎及得老爺十分榮耀。須信是一人之下。萬人之上。出則駟馬高車。享用有千鍾美祿。小老人也有幾句單表老爺。岩岩氣象老平章。磊磊襟懷湖海揚。體掛宮羅雲錦燦。腰圍文玉荔枝香。丹忠久著黃金陛。嘉譽高標白玉堂。希聖希賢傳世業。千秋萬載侍君王。

〔月上海棠〕〔末〕父老們聽。五穀之事民爲本。論一年之計在此一春。一日計在于平明。一生計無非勤謹。〔合〕田豐稔。黎民盡賀太平風景。

〔前腔〕〔外〕父老們。滿斟一盞清香醞。論吾王德化外邦肅靜。劍甲藏武偃文修。則那更風調雨順。〔合前〕

〔前腔〕〔生〕明媚景。平明微雨寒食近。遍郊野紅紫嫩柳相映。會文武宴樂長亭。都待與民農歡慶。〔合前〕

〔前腔〕〔淨丑〕聽拜稟。今年必定田豐稔。論節候雨水共春分。這幾日無雨晴明。纔是我莊家準信。〔合前〕

〔外〕須要殷勤教子孫。

〔生〕莫妨農事懼春耕。

〔末〕非徒獨要吾邦熟。

〔淨丑〕惟願諸州盡太平。

第九齣 翳桑救輒

〔壩陵橋〕〔丑上〕告天告天。略略相憐念。我娘親老年。兩三日不見些黃糧米。

飯。我死溝渠猶等閒。我娘行有誰來看管。天何必苦困英雄漢。靈徹家居池州。遭兵

火。背負母親。逃難晉國。舍于首陽。打柴爲活。誰知連遭雨水。又染一病。險喪其身。內無糧米。外無親

人。靈徹身死溝渠。值得甚麼。只愁八十歲老母。無人看養。感謝神天。略略稍可。只得闖闖下山。前面

有一桑林。地名翳桑。如今正生得桑椹。不聞青紅。拾些回家。活我母命。多少是好。

〔五供養〕春色惱人。聽得黃鸝枝上聲。聲愁人。還聽得教我悶添榮。英雄困厄。

還自嘆不逢時運。勉強來扶病到桑林。拾些桑椹救饑貧。你看二十餘里。遍村都是

桑林。樹頭桑椹色青青。且摘來救母饑窘。只慮主家行至。羞臉何處藏身。遠觀不審。近見分明。一簇

人烟將近。不知是主家有人來。也不知是游人。不免躲在草茵。多少是好。

〔望吾鄉〕〔生外末上〕日暖溶溶。山花映水紅。呢喃燕子調舌弄。粉蝶雙雙游花叢。似入蓬萊洞。身如在畫圖中。對景堪吟詠。〔外〕此是那裏了。〔末〕是翳桑。〔外〕怎

見得。〔末〕但見習習香風拂面。融融麗日和人。萬花燦爛柳拖金。綠水青山相映。多是東君弄巧。工夫盡付花神。乍寒乍暖。午風輕。寒食清明將近。正是翳桑。請老爺上前觀看。〔外〕這邊爲何茂盛。這邊爲何凋零。〔末〕茂盛的是大戶人家。有人澆灌。凋零的是小戶人家。沒人澆灌。故見如此。〔外〕這是甚麼山。〔末〕是北邙山。〔外〕這一派水從那裏來。〔末〕這水是此山灣里流出來的。〔外〕流往那裏去。〔末〕流往大江去。〔末〕老爺有個漢子。仰臥草上。

〔古輪臺〕〔外〕是何人。因何草上臥其身。你是何方住何名何姓。你敢是好細麼。〔丑〕息怒停嗔。試聽我說個元因。家住池州。姓靈名徹。爲遭兵火。只得逃難。到京城。誰想年時不順。〔外〕爲甚的形體尪羸。臉皮黃瘦。衣衫藍縷。行不由徑。到此沒來因。遭盤問。莫非懷着不良心。

〔前腔〕〔丑〕賢聽。念我運蹇受災迍。三日無食。米糧缺欠。只得扶病下山林。拾

些桑椹。遠觀人來至。只疑都是守園人。藏身草徑。〔外〕聽伊言說得恓惶。使人憐憫。初來疑是奸謀藏隱。到此且寬心。休憂悶。管教枯木再逢春。程嬰食箱中有下飯麼。〔末〕有羊肉水飯。〔外〕取些與他。〔末〕好古怪。那漢子說三日無飯。爲何不喫。藏過一半。〔外〕那漢子。你說三日無食。爲何不盡其飯。〔丑〕家有老母。留一半回去。〔外〕將謂是無運智之人。卻有這一點孝心。〔生〕人之德行。孝義爲先。〔外〕也罷。程嬰。你去此村中有大戶人家。說我趙正卿父子游至鬻桑。逢一義士。暫借白米五斗。白銀十兩。來日送還。〔末〕一心忙似箭。兩脚走如飛。〔下外〕左右。箱中盛食。都把與他。〔末〕劍誅無義漢。金贈有恩人。銀米在此。

〔撲燈蛾〕〔外〕樹傍忽見你。止疑是奸細。聽說恓惶語。教人怎不悲感也。白米五斗。十兩白銀。你取將回去。做些經紀度日。免交伊此身狼狽。恁藍縷。

〔前腔〕〔丑〕賜我銀和米。又蒙賜喫食。論這恩和德。山高海深難報也。〔外〕不須拜跪。閒時節來吾家裏。〔丑〕念靈徹人非草木。未知相公名位甚官職。

〔前腔〕〔末〕家居在堯都帝里。聲名天下盡知。爲正卿名趙盾。兒爲晉侯女壻。

也。年華五十居相位。一朝獨貴。〔丑〕名和姓一時記取。報恩日只爭來早與來遲。

〔尾聲〕〔外〕今日得吾提掇起。免使終身落污泥。久後常思這苦日。

〔外〕白銀和米贈英雄。

〔丑〕謝拜恩官趙相公。

〔生〕今日得吾提掇起。

〔末〕免教人在污泥中。

第十齣 張維評話

〔探春令〕〔老旦上〕綠柳飄綿。紅花散錦。韶光已破三分。對景歡娛。肯教辜負良辰。我相公官至下大夫。不知爲何。近日只要與上大夫趙正卿爭朝。勸解不從。我想兩虎相爭。必有一

傷。今晚安排筵席在後花園。請相公飲酒。我家有個張維。說得好評話。飲酒中間。叫他出來說些評

話。勸相公回心轉意也好。張維那裏。〔丑〕終朝服事紫緋衣。出入閨房主不疑。將身跳入花園內。隔

牆聽得叫張維。夫人有何使令。〔老〕我叫你非爲別事。吾爲督侯驕奢。我相公要與趙正卿爭競。吾

勸不從。只恐兩虎相爭。其勢必無兩全之理。今晚排宴後花園中。你說幾句諫諍相公。勸得回心。我

自賞你。〔丑〕夫人叫張維做別事不曉得。說評話三言兩語。便教回心。夫人不必苦憂心。非是張維賣口唇。管教勸得相公轉。賞我一頂細網巾。

〔出隊子〕〔淨〕思之耐耐。思之耐耐。無端老賤才。勸農不待我們來。欺我朝中梁棟材。只爲仇家惱我寸懷。夫人耐耐耐耐耐耐。〔老旦〕耐耐誰來。〔淨〕耐耐趙盾。恃權勸農。不待我每。欺我太甚。一定殺那老賊。〔老旦〕相公息怒。妾身安排酒在後園。對花暢飲。消遣情懷。則個。〔淨〕夫人。心事未平。空宴飲。除非殺卻事方休。

〔耍孩兒〕〔老旦〕斟此一杯香醪醞美。拚今宵共樂沈醉。目今富貴。又何須戀紫爭緋。〔合〕算這歡樂人世能幾。何須要辨是爭非。

〔前腔〕〔淨〕夫人賢德怎比。恨那人諫諍非理。激得人怒起。不殺他怎消惡氣。〔合前老旦〕樂聲絮煩。〔淨〕既絮煩。退了樂器。〔老旦〕既退了樂器。府中張維說得好評話。叫他來

說評話解悶。〔淨〕張維說得評話。我到不知。叫張維。〔丑〕全憑三寸爛斑舌。打動華堂飲宴人。那個叫張維。〔淨〕夫人說你會說評話。叫你來說。〔丑〕小的會說。〔淨〕你曉得我的心性。說得好賞你。說

得不好砍你。〔丑〕說得好不要賞。說得不好不要砍。扯平了罷。〔淨〕這等沒賞罰了。〔丑〕說評話要張卓兒。張維磕頭。說評話有三不平。〔淨〕那三不平。〔丑云〕天不平。地不平。人心不平。〔淨〕把張維砍了。〔老旦〕看妾身之面。饒了張維。〔淨〕也罷。夫人討饒。饒了罷。〔丑〕張維謝不砍之恩。磕頭。朱雀橋邊野草花。烏衣巷口夕陽斜。舊時王謝堂前燕。飛入尋常百姓家。這四句說到那裏。說到金陵建都之地。魚龍變化之邦。不說盤古共三星。不說夏禹共陶唐。不說稼穡關河事。單道姐已荒淫說紂王。紂王是何代。乃商湯王之後。商湯王得了六百二十九年天下。傳留三十三代。臨了一個喚做紂王。〔淨〕那紂王生得如何。〔丑〕紂王生得眉清目秀。儀容奇偉。曉詩書。知今古。一心寵着一個妃子名妲己。〔淨〕妲己生得如何。〔丑〕那妃子生得肌如雪瑩。臉若桃腮。鬢若堆鴉。眼如丹鳳。吟得詩。作得賦。奏得好清樂。理得好玉琴。能謳掌上之歌。善舞盤中之曲。紂王甚悅。紂王見他生得好。把一片聰明賢慧之心。頓作個癡呆懵懂之漢。朝朝宴飲。夜夜酣歌。不聽諫諍。不理朝綱。焚炙忠良。剝剖孕婦。以酒爲池。以肉爲林。其時有三個賢臣進諫。〔淨〕三賢是誰。〔丑〕微子。比干。箕子。微子累諫不從。退走山谷。比干力諫。紂王怒。與妲己取樂。剖比干腹。剝比干心。驗他七竅。箕子懼怕。任顛狂。紂王禁

箕子獄中〔淨〕殺得好。沒要緊。只管諫。殺得好。賞他。〔丑〕天下萬民皆怨。〔淨〕怨誰。〔丑〕怨紂王無道。周武王興兵。拜呂望爲師。統領三萬三千三百三十三個半軍。〔淨〕怎麼有許多。緣何又有半個。〔丑〕稟老爺。沒零頭不算帳。戊午日兵臨孟津。甲子日血流漂杵。破紂王于牧野。殺妲己于宮中。詩曰。使計謀心總是空。也須收拾話談中。紂王無道將臣斬。妲己荒淫亂紂宮。評話已完。討賞。〔淨〕張維說甚。〔丑〕說紂王殺賢臣。〔淨〕夫人。這是你的見識。張維怎麼敢說。明人點頭卽知。癡人拳打不曉。明知我與趙盾不和。故將話來說。左右。拿張維砍了。〔老旦〕相公息怒。是妾身之罪。非張維之罪。寧斬妾身。休殺張維。〔淨〕叫左右。把張維送去。廷尉勘杖一百。約回聽吾指揮。渾身有口不能言。遍體排牙說不得。〔淨下老旦〕本待將心托明月。誰知明月照溝渠。指望叫張維說評話。誰知反成不美。左右。分付廷尉司官。量情發落便了。閉門不管窗前月。一任梅花自主張。

第十一齣 宣子見主

〔珍珠簾〕〔生上〕長安自古春先早。風光好。綠遍滿園芳草。〔旦貼〕濃睡是今朝。黛眉慵掃。〔生〕夢斷華胥乍驚曉。啼鳥無端。故作枝頭巧。〔旦〕鎮日名園人未到。滿地香塵。跡

踏金蓮小〔生〕百歲人生容易老。但願開樽。酩酊眠芳草。〔旦〕從此東君生意好。趨交花卉都開了。
〔生〕公主。今當豔陽天氣。同到花園游玩一番。多少是好。

〔金井水紅花〕天付姻緣美。今生喜諧會。才貌兩相宜。世應稀。融和天氣正好
尋芳拾翠。扉蓋礙花低。紅映紫鬪芳菲也囉。只見狂蜂浪蝶來往翻飛。看取教
人越添情緒。〔合〕和你同攜纖手。雙雙步徐。珠圍翠繞。椒蘭噴衣。霎時安肯和
你輕拋棄。

〔前腔〕〔旦〕人在香風裏。芳春景最奇。草色妬羅衣。喜追陪。幙天席地。遙望鞦
韆起處。樂意賞心時。漸迤邐。過庭西也囉。只見棠花繡野柳線垂堤。春色三分
又早夾鍾時序。〔合前外〕滿園花卉供時景。一派笙歌撥亂人。〔生〕爹爹。孩兒見。〔外〕趙朔。你又

在此間玩耍。〔生〕孩兒不敢。公主在花庭上游玩。孩兒在此侍陪。〔外〕我要見公主。〔生〕公主在上。
我爹爹求見。〔旦〕春來。去召老相公見。〔貼〕春來叩頭。娘娘有旨。請老相公相見。〔外〕公主在上。老

夫有一言相啟。主公晉侯。朝朝游宴。夜夜酣飲。不理朝綱。不容諫諍。還是爲何。〔旦〕公公。晉侯乃父

也。妾乃女也。女子事夫。從其夫也。公公坐理朝綱。調和鼎鼐。父王但有不明之事。公公合當直諫。諫若不從。再作區處。〔外〕賢哉公主。老夫明早出班奏事。奏得准。吾之願。奏不准。吾之禍。

〔外〕烏鴉喜鵲同枝。

〔生〕吉凶全然未保。

〔貼〕常懷義膽忠肝。

〔合〕定把奸雄祛掃。

第十二齣 權作熊掌

〔末上〕上命差遣。蓋不自由。自家乃晉國中一個御廚是也。今晉侯起一絳霄樓。安排御宴。諸般野味都有。只少熊掌。煮羹。事于于我。無處尋討。今日屠相國鈞旨。既無熊掌。路上攔幾個馱漢入宮。截卻雙手。將人手心來當熊掌。煮羹。只得在此等候來人。道猶未了。馱漢來了。〔丑扮矮人上〕小子喚名隔夜憂。特來觀看絳霄樓。人生一世。草生一秋。自古千聞不如一見。果然好座樓。不免看看。〔問介〕穿紅的是誰。〔末〕是晉侯。〔丑〕穿紫的。〔末〕諸王公子。你道我是誰。〔丑〕你是我的兒子。〔末〕我是晉國一個廚子。〔丑〕我家不要辦酒。要廚子何用。〔末〕你拿手來。我與你相一相看。〔丑〕你會相。我有些悔氣麼。〔末〕有些悔氣。〔丑〕疥瘡悔氣。〔末〕如今晉侯在絳霄樓上飲宴。要熊掌煮羹。

將你手權作熊掌。〔丑〕苦惱。〔末〕哄你那邊有人叫你。〔割介〕一來晉侯要羹羹。二來屠相公主意。〔末下丑叫〕不好了。如今擲色兒也只一隻手。拿酒鍾也只一隻手。我去告狀去。天殺的。一九二九相喚不出手。倘然割了脚。教我怎行走。〔下小生扮貨郎兒上〕

〔沽美酒〕貨郎兒非自誇。論物件果精華。占斷同行第一家。有的是汗巾手帕。有的是空耳挑牙。奇異的籤筒筆架。蒼古的香牌墨畫。我呵。更有海鯁海玃。海裏出的海馬呀。買與那嬌養兒郎閒戲耍。〔內打眼介小生倒介〕

第十三齣 宣子爭朝

〔出隊子〕〔外上〕官居極品。官居極品。輔佐明君除佞臣。晉侯不治國政遠賢臣。朝夕酣歌貪宴飲。職掌朝綱須當諫諍。主憂臣辱。主辱臣死。趙盾身爲正卿。調和鼎鼐。變理陰陽。近日晉侯起一絳霄樓。終日與羣臣飲宴作樂。不理朝綱。不容諫諍。如何是好。程嬰。文官齊也未齊。〔末〕未曾齊。請老爺朝房坐一坐。〔丑〕告狀。〔末〕稟老爺。一人告狀。〔外〕着他有司去告。〔丑〕有司管不下。〔外〕告什麼人。〔丑照前白外〕你認了一個悔氣罷。〔丑〕認了一個悔氣。沒了一

隻手認了兩個悔氣。兩手俱沒了。〔外〕程嬰帶他進朝做證見。〔小生〕告狀。小人壞了眼。爲看絳霄樓。一個赤臉鬍子。一彈把我烏珠打出了。〔外〕押了入朝做證見。〔末〕老爺便可奏事。〔外〕欲待晉侯回宮去諫。卻又晚矣。只就這裏諫去。程嬰止遏人民。晉侯起絳霄樓。寵吳姬。信讒佞。要熊掌煮御羹。堽臺上彈打人。人民毋得自取累。

〔北端正好〕兀的不壞了朝綱。傷殘着民命。你道是那一個文武公卿。把撲頭按下。將朝衣整。牙笏捧持定。俺這裏一樁樁奏與君王聽。赦微臣萬死千生。做不得揚塵舞蹈丹墀下。願吾王准奏傳宣命。誠惶誠恐。稽首頓首。臣有短章。冒瀆天顏。臣聞舜造漆器。諫者十人。舜帝曰。朕造漆器小事。卿何苦諫。其中一人應曰。小事不諫。漸成大事。今我王禁苑之中。無端起絳霄樓。寵吳姬。信讒佞。壞平人。要熊掌煮御羹。堽臺上彈打人。打落人牙。傷害人目。臣恐民心有變。願吾王拆絳霄樓。逐吳姬。遣佞臣。立見太平。〔淨〕何人在此苦諫。晉侯大怒。已入宮中了。〔外〕晉侯好不耐煩。怎做納諫如流。晉侯已入宮。傳令者是誰。〔淨〕是屠岸賈在此。傳主公之令。岸賈嘗聞田舍翁多收拾斛麥。尙且欲尋樂。晉侯一國之主。臣下何爲苦諫。自惹禍殃。

〔滾繡毬〕〔外〕俺這裏正打聽潑佞臣是甚人呀。卻原來是你們作釁。俺和你做頭敵辨別個輸贏。〔淨〕你是文是武。〔外〕俺是文官管着晉國民。武官管着晉國兵。俺兩個文武官皆賴着一人有慶。卻不道民爲邦本。本固邦寧。〔淨〕你文俺武如何。〔外〕俺是個文官把筆安天下。那曾見武將持刀定太平。敢與俺評論。〔淨〕岸賈雖是不才。頗曉一二。〔外〕你曉甚麼。

〔倘秀才〕田舍翁你敢大膽和咱相挺。〔淨〕挺便怎麼。〔外〕你認我是誰。〔淨〕我認你是趙宣子。〔外〕可又來。趙宣子何曾怕恁。〔淨〕你敢打我。〔外〕打死你潑讒臣。待怎生合着口。噤着聲。我跟前容不得你強挺。〔淨〕岸賈有甚罪過。〔外〕還說帶上二人來。

〔滾繡毬〕要熊掌煮御羹。〔淨〕只一件。〔外〕壇臺上彈打人。〔淨〕也只兩件。〔外〕只這兩樁事殘害了幾家兒百姓。搬鬪得晉靈公百事無成。你道優容便索停。整半月不臨朝。卻不道有妨國政。外邦聞知不雅。笑俺朝廷。則交你昨宵讒佞今朝報。遠在兒孫近在身。仔細叮嚀。〔淨〕丞相岸賈回避罷。假作癡呆漢。權爲懵懂人。〔下〕

〔煞尾〕〔外〕只交你一朝馬死黃金盡。萬副凌遲潑佞臣。以酒爲池肉作林。每遇元宵苦放燈。高築壇臺彈打人。打落人牙并眼睛。有日他邦起戰爭。軍馬臨城待怎生。把你錦繡江山都吞併。那時節敗了國忘了家方纔醒。

驟諫吾王不肯聽。

外國聞知不太平。

有人問我紅塵事。

擺手搖頭不再論。

第十四齣 決策害盾

〔福清歌〕〔淨上〕男子漢不可無毒。毒心腸且藏在其腹。趙盾忒煞欺負。除非殺了吾心足。恨小非君子。無毒不丈夫。今日飲宴絳霄樓。回耐趙盾奏諫不了。晉侯大怒。罷宴入

宮。我若做晉侯。就殺那老駟便了。我如今乘晉侯怒。將機就計。殺了老賊。我必爲正卿。欲待還歸府中。猶恐夫人知道。不免從後門花園內轉到廳上。獨坐思量壞他之計。吾想趙盾之子趙朔。雖爲晉侯女婿。有寵而弱。其父有勇而強。先壞其父。其子不足慮也。眉頭一蹙。計上心來。吾府中有一犬。名曰神獒。遍身赤色。諸物不喫。只喫羊肉。不免叫園丁縛一草人。衣紫穿靴。模頭象簡。扮如趙盾模樣。

腹中藏着羊肉。令人喂它幾日。他必認穿紫的。一朝中惟有趙盾穿紫。待他入朝。放出此犬。必然撲他。吾計成矣。更有一計。吾府中有兩個心腹之人。一人喚做張維。前日評話冒犯。卻杖一百。雖無怨我之心。卻不可用他。一人喚做鉅麀。且是一個好漢。因打死了人。我免其罪。留在府中。此人性直。有勇無謀。若肯從吾。吾計成矣。叫他又恐夫人得知。不叫他怎生得來。〔丑〕將相本無種。男兒當自強。小人鉅麀也是好漢。只因拳頭沒眼。打死了人。謝屠相公免我罪。留在府中。喫的穿的。都是他的。這恩無盡。今日相公在朝未回。不免往後花園中閒游一番。你看好花園。不枉了朝中下大夫受用的。四時有不謝之花。八節有長春之景。

〔蛾郎兒〕〔丑〕只見草芊芊。柳拖烟。梅子青青濺齒酸。微微雨。春歸人有餘閒。路傍猶未拆鞦韆。待來年再游玩。唱一曲哩囉哩。〔淨〕哧甚麼人。〔丑〕小人鉅麀。

〔淨〕到此何幹。〔丑〕聞知老爺入朝未回。來此閒耍。〔淨〕這廝該砍了。〔丑〕好古怪。相公往常見我歡喜。今日爲何眉頭不展。上前稟問。老爺爲何煩惱。〔淨〕說與你分不得憂。替不得力。問我怎麼。

〔丑〕相公何不說明。小人也分得憂。替得力。〔淨〕你既分得憂。替得力。上前來。我不因別事。只爲朝

中趙盾弄權。晉侯無計殺之。令我處置。我無計。以此憂悶。〔丑〕趙盾身爲正卿。一朝最貴。若是弄權。何不殺之。〔淨〕此人行事奸猾。無計可殺。若得一好漢。前往刺之。極妙。〔丑〕鉏麇蒙相公再生之恩。報答相公未能。我雖非人才。願充刺客。〔淨〕既願充刺客。怎麼近他。〔丑〕這個有甚難處。常年三月初一。他父子二人到後花園燒香。待我到夜三更時後。從園中潛伏要路。待他出來。一刀一個。有甚難處。〔淨〕你肯去。重重賞你。〔丑〕男子漢一言既出。駟馬難追。

〔奈子花〕〔淨〕太平時誰想有奸細。一朝中趙盾獨貴。官居極品。情不容恕。壞他終日無計。須是你用心前去。

〔前腔〕〔丑〕相公聽說因依。害他們有甚難處。官居極品。尙懷不良之意。虧心的怎瞞天地。明日交他命歸泉世。

〔淨〕謀計在心懷。

〔丑〕逢吾他受災。

〔淨〕閉門家裏坐。

〔丑〕禍從天上來。

第十五齣 鉏麇觸槐

〔末上〕受人之託。必當終人之事。自家程嬰是也。老相公分付安排香燭。後園燒香。不免打點。若要國安併身樂。全憑早晚一爐香。〔下丑〕磨起剛刀快。殺人膽氣粗。俺鉏麋是也。蒙屠老相公分付。到趙府行刺。此間就是他花園。呀。好株大槐樹。好一個花園。不知幾更了。

〔駐馬聽〕月黑星昏。聽得譙樓鼓二更。是我潛蹤躡跡。欲刺權臣。過卻西庭。潛身密地。在山陰。那壁廂一路燈兒影。敢是他來燒香了。且在此埋身。窩梁僻處。權藏隱。〔躲介〕

〔曉行序〕〔外〕斗轉三更。見羣星皆移位。〔生末〕列香燭子。父雙雙拜跪。〔外〕

左右的。是甚麼時候。〔末〕正是三更。〔生〕怎見得。〔末〕但見唧唧啾啾禽語。悽悽切切蛩聲。感感慘慘冷風。嗚嗚咽咽鳴角韻。瑟瑟叮叮更鼓聲。噹噹滴滴簷鈴。疎疎密密滿天星。黑魃魃夜闌人靜。

〔惜奴嬌〕〔外〕取香過來。心爇明香。願吾王納諫。佞臣迴避。國安民泰。風調雨順。及時。須是五穀豐登。無奸細。願山河齊天地。〔合〕更願取使皇朝一統。萬民盡

歌堯世。

〔前腔〕〔生〕今夕拜告神祇。願滿朝文武。各依官職。讒言不入。軍民路無拾遺。父子願祝吾王。闢言路。辦赤心。答恩主。〔合前丑〕若非聽此語。幾欲害忠良。〔外〕花園中有賊。〔末〕半夜入人家。非奸卽盜拿。〔丑〕上前來。來一個死一個。來兩個死一雙。〔末〕不好了。一個大漢手持剛刀。〔外生〕休拿。問他姓甚名誰。〔丑〕事做不成。不必言姓。小人乃晉國小民。相公是晉國大臣。近聞你父子有謀叛之心。特來行刺。今聽相公一句句忠言忠話。一聲聲赤膽赤心。小人此行錯矣。背主之命非忠也。不識忠佞非智也。行刺不決非勇也。爲人失此三者。不如死也。被人拿住也是死。回去見主也是死。不如觸槐而死。〔觸介下〕

〔錦衣香〕〔外〕無端刺客爲甚的。忒性急。遽張威。持刀行兇。跳入園內。我家積祖有功績。怎肯造惡。做着非爲。未知甚人與他們共合謀計。懷着不良意。事有區處。埋心舉意。難欺天地。

〔漿水令〕想他們忒不仔細。不殺吾吾豈害你。可憐一漢恁雄威。滿地鮮血浸。卻身軀。你前生作甚罪。今世致令得如是。〔合〕相憐取。相憐取。與他舊衣。忙安。

頓忙安頓送出郊西。〔外〕

〔前腔〕想他們必有主。程嬰。你來朝必須探取。若知明白報吾知。與他主人討個端的。聾着耳莫理會。都因命乖遭如是。〔合前〕

〔尾聲〕今朝做事難迴避。待等來朝問端的。做事不成。想必他們定有主。

來朝安頓出郊西。

落得今宵血污衣。

當初只道傷吾主。

誰想今朝反自誅。

第十六齣 張千探聽

〔翠地錦襠〕〔淨上〕昨宵暗遣鉏麈行刺。今日如何不見歸。當時舉意是如此。只恐其間事不濟。事無大小。關心者亂。昨使鉏麈行刺趙盾。今日不見回來。已着張千探聽。待他來時。必知端的。

〔前腔〕〔丑〕前街後巷紛紛揚。盡道鉏麈觸槐亡。當初舉意害忠良。誰想今日反受殃。百戶回話。〔淨〕其事若何。〔丑〕告相公。人人都道趙相公府中一人觸槐而死。如今把棺盛

了。送出西郊去。〔淨〕罷了罷了。

〔女冠子〕趙盾諫諍非其理。晉侯怒壞他無計。暗尋求刺客無覓處。鉏麇願前去。不知怎的事。又不濟。觸槐死好不敗事。趙盾還知吾怎的。〔合〕算來都是誤人鉏麇。

〔前腔〕〔丑〕相公放心休憂慮。料鉏麇事不由己。多應被他先拿住。不敢言姓名兒。只得就死。是他英銳。大鵬飛上梧桐樹。自有傍人說是非。〔合前淨〕罷罷。一不做。二不休。叫園丁縛一草人。衣紫穿靴象簡。內藏羊肉。打扮如趙盾模樣。將神熬食之。一日兩日。犬認面熟。吾計成也。纔離弔客喪門去。又撞黃幡豹尾來。

第十七齣 舉家兆夢

〔掛真兒〕〔外上〕因爲觸槐死那人。連宵夢裏魂驚。〔生〕昨宵夢裏多不穩。教人無語自沈吟。〔旦占〕夢寐不安寧。一家裏盡憂心。〔合〕思之那日行兇漢。謀心非理。舉意太不仁。〔外〕自從觸槐死那人。連宵夢寐不安寧。〔生〕百年一枕華胥夢。〔旦〕一

夢誰知在妾身。〔外〕孩兒。我夜來得一夢。甚是不祥。〔末〕夢裏常爲夢。來朝覺自知。人生都是夢。同說夢中詩。〔外〕怎麼說。〔末〕程嬰夜來也有一夢。〔占〕春來也有一夢。〔外〕既然合家都有夢。程嬰府門外叫個員夢人來。〔末〕員夢人走動。

〔水底魚兒〕〔丑〕員夢如神卻有見。人人道我似神僊。能知興廢與愚賢。術通玄妙訣名播在京傳。〔末〕先生。請你員夢。〔丑〕我不員。〔末〕敲碎石頭丸彈子。不員。請發課。

〔丑〕不發。〔末〕造酒忘了麪。不發。先生高姓。〔丑〕小子姓姜。名不辣。〔末〕祖公是誰。〔丑〕祖是太公伯姜子牙。父親呂望。叔渭水河邊釣魚姜老子。〔末〕錯了。姜太公子牙。呂望姜老。都是一個人。〔丑〕如何是一人之稱。〔末〕姓呂名望。字子牙。尊爲太公之號。封于姜。〔丑〕若不得你說。連上祖都忘了。

〔末〕你移居失了家堂廟。連祖上都忘了。〔丑〕管家。你是那裏。〔末〕趙府中請你員夢。〔稟外介〕員夢人叫到。〔丑〕上面是甚麼人。〔末〕公主娘娘。〔丑〕甚麼公主。〔末〕晉侯女兒。〔丑〕我家女兒叫做丫頭。〔末〕好高比。〔丑〕那個甚麼人。〔末〕駙馬爺爺。〔丑〕甚麼駙馬。〔末〕晉侯女婿。〔丑〕卻怎麼說。我家女婿叫做燒火布代。〔跪介〕請問公主娘娘。有何貴夢。

〔普天樂〕〔旦〕妾夢見在空房裏。有人相招出門去。待奴家方出房兒。見狂風和驟雨把房屋四圍一齊吹毀。〔合〕吉凶尙未知。試問先生此夢凶吉何如。

〔前腔〕〔占〕妾夢在名園裏。見一朵烏雲起。把奴家罩卻身軀。回頭見百花落地。〔合前占〕請娘娘回宮。〔旦〕未審凶和吉。心中想是疑。〔旦占下丑〕管家有令郎麼。〔末〕沒有孩兒。

〔丑〕待我與相公員了。與閣下員。〔跪介〕請問老爺有何貴夢。

〔四塊玉〕〔外〕正三更朦朧睡。夢見虎狼爭血食。欲相吞未見贏輸。東方走出妖魅。如兔似犬身赤色。虎見妖魔將身避危。逃竄奔走山谷。是一個小鬼。手持刀當時殺取妖魅。〔丑〕駙馬老爺有何貴夢。

〔普天樂〕〔生〕朦朧在船兒裏。一網把魚持起。持將起走脫其二。擺尾更不回覩。〔合〕吉凶尙未知。試問先生此夢凶吉何如。

〔前腔〕〔末〕告先生聽咨啟。咱夢裏多奇異。夢見與妻子同食。忽主強人急圍住。強人把我兒殺取。當時覺來渾無事。〔合前丑〕相公夢見虎狼爭食。虎者。尾火虎也。狼

者。奎木狼也。如兔似犬者。婁金狗也。三物爭強。其虎必傷。此是不祥之兆。駙馬夢一網之魚。脫卻其二。雖得脫。乃是一網打空之兆。此夢也不吉。公主夢在空房中。主有幽禁之災。有人相招。主生貴子。出門屋倒。破家之兆。也不吉。管家汝夢妻子同食。主口舌殺汝一子。半年有報應。夢百花落地。乃春來無主也。目下災殃三日知。這場鬧吵不輕微。要安直待三六載。終見春風桃李枝。〔下小生〕情性不拘。妄幻無實。〔外生〕你又醉了。〔小生〕周堅不醉。夜來一夢。甚是不祥。〔外〕你也有夢。叫員夢人轉來。〔末叫〕員夢人轉來。〔外〕周堅。你去看員夢如何。〔丑〕二老爺。〔小生〕不要取笑。我是門下人。〔丑〕怎麼面龐與駙馬爺相似。〔小生〕夜來睡到三更。夢見合府人都走不動。被周堅一擔擔了出門去。一跌覺來之時。依然身在牀上。〔丑〕老爺賀喜。合府之憂。都是周堅一擔擔去了。他夢見合府人都走不動。〔外〕怎麼走不動。〔丑〕悔氣重。走不動。被周堅一擔擔出府門。一跌卻消除了。〔外〕擔得好。〔丑〕擔得好。只是有些喫力。夢幻是非莫亂傳。料應生死總由天。分明指出平川路。莫把忠言當惡言。〔丑下張維上〕你度我爲怨。我度你爲仇。〔外〕汝是何人。〔張〕老爺。小人姓張名維。是屠岸賈門下之人。〔外〕岸賈乃主人。何故稱其名姓。〔張〕此人讒佞不義。以此呼之。他使鉏麂來殺老相。

公。小人不忍。故來報說。

〔吳織機〕告相公休致疑。張維是個忠孝兒。不忍朝中多奸細。特來報知。那鉏
斃是他使來的。〔外〕岸賈埋心沒道理。他舉私仇必害我。只愁自家相兢持。外
邦聞知必笑恥。〔生〕待來朝入見時。孩兒必奏知。必與岸賈辨是非。爹爹休慮。孩
兒來日與岸賈對個明白。〔外〕孩兒他是前輩。你休向前。我明日自有道理。程嬰把張維監在此。休
放出去。〔末〕領鈞旨。

〔外〕那人舉意太不良。

〔生〕聽得伊言覺慘傷。

〔末〕大鵬飛上梧桐樹。

〔丑〕自有傍人說短長。

第十八齣 報失張維

〔一翦梅〕〔淨上〕梅子青青杏子肥。竹內新筍。翠映荷池。〔老旦〕小亭日永試

單衣。草滿桃溪。雙燕交飛。〔淨〕一片花飛減卻春。薰風吹動夏初臨。〔老旦〕逢時對景宜歡樂。

閒事何須苦掛心。〔淨〕夫人。今日無事。閒玩一番。

〔二犯淘金令〕綠陰薰眼嫩竹搖新粉。榴花噴火。豔質多嬌嫩。草滿芳園廢人鋤墾。削草不除根蔓。他遇景逢時。萌芽到底依舊生。景屆夏初臨。何妨同宴飲。

〔合〕且自開懷和你兩情暢飲。

〔前腔〕〔老旦〕員荷泛水。萬頃波光淨。竹亭跨水。境界通幽勝。戲浴鴛鴦。向人交頸。我把蘭舟搖拽。他兩兩飛鳴。直須打開他恩愛情。覩物也難禁。不由人不動心。〔合前末〕莫取非常樂。須防不測憂。告相公。走了張維。〔淨〕夫人回避罷。〔老旦下淨〕張維走了。必然報與趙盾。不如先下手爲強。叫園丁。〔丑〕稟老爺。有何分付。〔淨〕草人與神獒面熟了未。

〔丑〕熟了。〔淨〕左右聽我分付。來日牽着此犬。隨我入朝。待我先奏云。有外邦進一犬。名曰神獒。能識忠佞。奏過晉侯。放出此犬。必然撲他。吾計成也。

〔淨〕計就月中擒玉兔。

〔丑〕謀成日裏捉金烏。

第十九齣 犬撲宣子

〔小生上〕人平不語。水平不流。自家直殿將軍金瓜武士提彌明是也。今日趙老丞相被讒臣引惡。

犬逐之。我當救他出朝門。只得在此等候。待牽出來時。一南瓜打死。方遂我之願也。

〔出隊子〕〔外〕朝廷爲念。赤膽忠心天地知。五雲深處是丹墀。執笏當胸來拜

趨。伏望吾王納臣諫語。事無大小。關心者亂。只爲屠岸賈誑君。有傷風化。不免再上表章。多少

是好。

〔前腔〕〔淨〕陰謀心事。陰謀心事。只恐遲遲泄漏機。吾今先去奏丹墀。把誤國

奸邪來斬取。好歹今朝辨別是非。上大夫所奏何事。〔外〕奏你這讒臣。〔淨〕我倒是讒臣。

如今外邦進一犬。名曰神獒。能識忠佞。我如今奏過晉侯。此犬撲着你。你是讒臣。撲着我。我是讒臣。

〔外〕你便奏。〔淨〕臣有短章。冒奏天顏。誠惶誠恐。稽首頓首。今外邦進一犬。名曰神獒。能識反臣。望

陛下開文武兩班。放出神獒。〔內云〕依卿所奏。〔犬撲盾介淨〕奏陛下。此犬只撲穿紫的。〔外走

慌介小生〕我送你出朝。〔大喝犬介〕休得無理。一南瓜打得粉碎。〔獒走下淨〕左右。拿住提彌明。

他打死神獒。放趙盾逃走。必與趙盾同謀。他家有多少人口。〔衆〕一十八口。盡都砍了。將提彌明過

來。〔小生〕屠岸賈。你要害忠良。使惡犬趕逐趙盾。恨不得一南瓜打死你讒臣。我死是忠良。你死是

讒賊〔淨〕左右拿去砍了。趙盾雖走了。還有你兒子趙朔。我即便奏過。一人謀叛。九族遭誅。只教你從前作過事。沒興一齊來。

第二十齣 靈輒負盾

〔金落索〕〔丑上〕那日身貧。爲饑餒拾桑椹。遇見公卿。憐貧賜我米和銀。這恩德常在心。知恩不報。非爲人也。那日翳桑遇見趙老相與駙馬。賜我銀。贈我米。這恩德將何報答。歸到家中。母親死了。我如今埋葬了。不免下山來探聽相公駙馬。一則謝恩。二來做個門下之人。我如今往城中打聽。相公入朝奏事未回。不免去朝門外等候相公出來。謝了恩德。隨歸府中見駙馬去。

〔番鼓兒〕〔外急上〕忒無禮。忒無禮。讒臣在宮闈。惡犬趕來無處躲避。〔丑〕靈輒在此。等候多時。不知相公因何如是。

〔前腔〕〔外〕靈輒是。靈輒是。桑間的。因何在此處。急急奔走沒個道理。〔丑〕恩人有危。請自寬取。靈輒負去不須憂慮。〔外〕車兒馬兒。〔丑〕不須車馬。小人負去。〔並下〕

第二十一齣 周堅替死

〔風馬兒〕〔生上〕嫩竹搖竿雨初霽。葵榴吐半開紅蕊。〔旦〕對景歡娛。一雙兩

美。〔貼〕怎知道日來如是。〔生〕似水如魚不暫離。人生莫負少年時。〔旦〕暮樂朝歡隨所欲。樂

極誰知有怨悲。駙馬相公入朝。尙未回來。〔生〕且和你閒玩一番。

〔二犯傍妝臺〕我和伊今生富貴得如意。諧琴瑟聲和美。如魚水。樂雍熙。不料近日有事關心裏。頓使人廢寢忘餐。心下疑。〔合〕吉凶事尙未知。爲何程嬰一去竟忘歸。

〔前腔〕〔旦〕相公必與那屠賊把觸槐一事奏丹墀。只恐落在奸雄手。生巧計。中他機。聽得烏鴉喜鵲簷前噪。展轉教人心下疑。〔合前〕

〔入賺〕〔末〕行步如飛。告覆駙馬和公主。料他們埋心舉意太非理。〔生旦〕爲何的直恁荒忙語似癡。且休垂淚。相公入朝怎未歸。〔末〕告且聽咨啟。相公方奏忠言語。那屠賊放一惡犬。撲着相公怎躲避。幸當時金瓜武士隨擊死。走出朝

門忽遇桑間靈輒。背負前去。事有周濟。

〔皂角兒〕〔末〕氣填胸冤屈訴誰。怎知道禍從天至。恨奸臣專權亂國。我晉侯豈知他意。那屠賊恣強橫。將彌明當時殺取。〔合〕細思量起。交人淚垂。生和死寧同一處。怎忍分離。

〔前腔〕〔小生〕哭哀哀特來報知。請駙馬早早脫離。滿目前鎗刀劍戟。四下裏舉兵來至。〔生〕聽伊言肝腸碎心慘悽。天涯遠去住無計。〔合前〕

〔尾聲〕恨奸臣生惡意。將咱骨肉盡分離。得報冤仇知甚日。〔生〕程嬰周堅。你二人快走。我拚死以報晉侯便了。〔末〕駙馬老爺。小人寧可與駙馬同死。怎捨駙馬去。〔生〕我死理之當然。與你兩人何干。〔小生〕小人夢合府之人都走不動。被我一擔擔了出去。人人都說周堅面龐與

駙馬爺相似。我蒙相公駙馬收留之恩。惟死可報。我脫衣服與駙馬穿。駙馬脫衣服與周堅穿。駙馬假作周堅。與程嬰同走。那時周堅自刎。卻不應前日之夢。一擔擔了。〔生〕怎麼無辜害你。我心何安。

〔小生〕一言既出。駙馬難追。如此方報駙馬大恩。〔末〕事急了不須推遜。〔生〕今生虧得你替死。此

恩來世報你。公主我虧周堅替死。諒屠賊來不敢殺你。多應幽囚冷宮。你今五個月身孕。若生女兒。冤屈莫伸。若生男兒。暗取其名趙氏孤兒。待滿月之日。你可詐病求醫。汝父必令金紫醫官醫治。你推醫不好。再出榜招草澤醫人。程嬰這都在你身上。〔末〕如何。〔生〕你卻扮做草澤醫人入宮。用心藏出孤兒。看老相公和我之面。你卻好生看養在家。待長成人。說與冤枉之事。必報得冤。你可千萬記取。〔旦〕駙馬放心。妾若不死。冤仇必報。〔末〕如今收拾金銀寶貝。與駙馬做路途費用之資。〔旦〕春來。收拾金珠。與駙馬做盤費。〔貼〕不知老相公在何處。

〔五更轉〕〔生〕我父親感得桑間人逃難各自去。如今謝得周堅替我的。公主你須牢記。春來須力自勉相隨侍。〔合〕程嬰記取今日語。這段冤仇分付着你。〔前腔〕〔旦〕駙馬與妾分離生死猶未知。若還賤妾身脫離。這段冤仇必須報取。知他此去時何時會。〔合前〕

〔前腔〕〔貼〕自小來隨公主惜奴如掌上珠。平白怎知風波起。把我一家飄蕩分離。周堅死駙馬去何時會。〔合前〕

〔前腔〕〔小生〕自那日忽遭遇賜食蒙賜衣。看承覩我如親戚。駙馬深恩如何忘得。今日裏將此身答恩主。〔合前〕

〔香柳娘〕〔末〕小人和駙馬拜辭。小人和駙馬拜辭。公主休得致疑。程嬰這裏獻赤心報恩。獻赤心報恩。不道事不濟。只得且分離。〔小生〕在生難自效。死後報深恩。

〔刎介衆〕謝周堅拚死。謝周堅拚死。誰人似你。難得相會。

〔前腔〕嘆人生世間。嘆人生世間。幾人如是輕生捨死。報答恩主。你看兵馬來了。看鮮血遍身。看鮮血遍身。教人痛傷悲。只得且分離。謝周堅替死。謝周堅替死。神魂似飛。各出珠淚。

〔哭相思〕〔旦〕耐耐奸雄心太毒。打散夫妻分南北。〔貼末〕相逢未審知何日。

〔生〕此去候伊消息。〔生末並下丑上〕娘娘。百戶帶小軍叩頭。〔旦〕你帶許多軍馬來何幹。

〔丑〕朝廷有旨。老相公同駙馬有反叛之心。特來追趕。〔看屍首介〕這自刎的不像駙馬。〔旦□□〕

□□把屍首埋葬。不可作殘。〔丑〕請娘娘入宮罷。

〔前腔〕〔旦〕此去□身知何底。〔貼〕甚時節重相會。〔合〕□□生死事難□目斷也人千里。〔並下〕

第二十二齣 宣子避仇

〔望遠行〕〔外上〕自離絳州城。路上百忙回首。〔丑〕前後無人。公相且免憂愁。

靈輒。你手中甚麼東西。〔丑〕老相公朝服象笏。〔外〕還要他怎麼。與我撇在大江東流去。

〔丑〕爲何。〔外〕只爲這金章紫綬。到今日被人掣肘。屠賊你在金鑾殿上使機謀。逐犬

來奔無處投。靈輒不是伊家來救我。一命猶如水上漚。〔丑〕言往事。在心頭。讒臣何苦結冤仇。冤家

好似東流水。往往來來甚日休。〔外〕靈輒你在前頭引路。〔丑〕小人認得熟路。〔外〕好苦呵。

〔入聲甘州〕讒臣誑晉侯。把車輪拽起。調弄惡狗。不知左右。當時有誰搭救。若不是提彌明挺戈來救我。難洗今朝一面羞。那時真個有家難投。

〔前腔〕〔丑〕恩德尙未酬。在朝門忽遇公相奔走。天教輻輳。念汝怎脫毒手。如今且喜來路遠。一任野草閒花滿地愁。這場非是小可冤仇。

〔前腔〕〔外〕尋思淚暗流。怎知落在屠賊機彀。嗟年朽。吉人自有天祐。吾王聽他讒佞語。惱亂春風卒未休。看他斗筲之器不久。

〔前腔〕〔丑〕茅簷且暫留。但粗衣糲食。足以充口。權時生受。常言道備而不週。林泉養道甘自守。免得伏侍君王不到頭。那時榮華富貴依舊。

〔尾聲〕到今日落他後。不成此事肯干休。待報冤仇鎮日愁。

〔外〕別卻富貴與榮華。

〔丑〕來飲村醪看落花。

〔合〕休戀故鄉生處好。

受恩深處便爲家。

第二十三齣 圖形求盾

〔唐多令〕〔淨上〕壞卻那仇人。今朝方遂心。〔老旦〕幾番諫勸幾番嗔。多應是前生曾害你。今世裏害他們。〔淨〕夫人。不施萬丈深潭計。怎得驪龍領下珠。〔老旦〕相公無端

殺他三百口。可傷。〔淨〕可傷甚的。正身尙未拿獲。〔丑〕只爭幾句口言語。害了多多少少人。張千回

話。〔淨〕趙家都沒了未曾。〔丑〕趙府三百口。都殺盡了。〔淨〕趙朔。〔丑〕自刎了。〔淨〕三百口屍首何

在〔丑〕撇在千人坑裏了。〔淨〕趙盾安在。〔丑〕被樵人背入深山去了。〔淨〕正要拿他走了。張千。你如今去喚幾個畫匠來。畫趙盾形像。各府州縣張掛。拿住的有官有賞。出首者賞銀百兩。藏者同罪。〔剔銀燈〕〔老旦〕不須得直恁用心。非讒佞如何殺盡。惟有趙盾逃得命。尙兀自追獲投尋。〔合〕如今圖形畫影。出榜示捉拿趙盾。

〔前腔〕〔淨〕鎮日裏只待要諫諍。吾用計把一家殺盡。誰知元惡逃出境。被樵人背入山深。〔合前〕

〔前腔〕〔丑〕思量起無非昧心。三百口一齊殺盡。知他趙老何投奔。把公主囚在宮庭。〔合前〕

〔淨〕驟諫吾王不肯休。

〔老旦〕今朝變化死骷髏。

〔丑〕是非只爲多開口。

〔合〕煩惱皆因強出頭。

第二十四齣 嬰投杵白

〔江神子〕〔外上〕貪名圖利世間人。不修因果恁癡心。蠅頭蝸角總虛名。頓拋

軒冕居村樂。別一境。另乾坤。棄職歸農。非自誇。不貪名利與榮華。悶邀舊友排棋局。閒拉親知。泛紫霞。籬下荳。隴頭瓜。及時耕種是生涯。市人莫笑村中叟。嘗玩溪山四季花。老夫姓公孫。名杵臼。官拜晉國中大夫。爲因晉主荒淫。不容諫諍。故此告歸田畝。在城北十五里太平莊居住。我有個結義兄弟。喚名程嬰。十分契合。自從兩月前來看我一次。直到如今。杳無消息。不知何故。且在莊門首閒玩片時。多少是好。

〔玩僊燈〕〔末〕荒速不須通報。吾兄幸在莊頭。哥哥把門閉上了。〔外〕兄弟爲何來得

荒張。〔末〕小弟一言難盡。

〔園林好〕告哥哥聽咨拜啟。〔外〕賢弟甚事。〔末〕那屠賊狹權使威。把趙府一家殺取。〔外〕駙馬如今在那裏。〔末〕吾駙馬已逃避。我程嬰已脫離。

〔前腔〕〔外〕聽伊言教吾慘悽。恨奸臣狐假虎威。想趙氏忠良七世。一旦受這冤屈。說將起淚交頤。

〔川撥棹〕〔末〕無依。擬望哥哥留賤軀。這恩德決不忘之。這恩德決不忘之。那

其間唧環報伊恨權奸罔欺。

〔園林好〕〔外〕聽言詞令人轉悲。賢弟。在吾家胡亂□□。屠賊那廝呵。任你節生毒計。須有個報冤日。說將起淚交頤。

〔外〕奸佞當權主見偏。

〔末〕忠言逆耳受冤愆。

思之刺骨言難盡。

欲報深仇知甚年。

第二十五齣 宮掖幽思

〔女冠子〕〔旦上〕爹娘一旦生嫌棄。更不念女孩兒。恁讒臣媒孽生奸計。直交打散鴛鴦侶。〔占〕公主不必多憂慮。算別離事皆前注。〔旦〕但只愁目下懷身孕。看看滿月如何是。〔旦〕春來。我眼中不見老相公駙馬程嬰。不覺又是四個月日。並不知駙馬

程嬰消息。〔占〕公主低聲。如今左右皆是屠岸賈之人。若有一些動靜。他必知之。休言駙馬事體。

〔旦〕春來。若不是你說。幾乎誤了事。〔占〕妾如今只愁公主懷娠之事。多在此月分娩。

〔石榴花〕〔旦〕思量那日宮中受榮貴。誰知道有今日。懊恨爹娘直恁信讒語。

全不念自家兒婿。更不思七世有大功。寵讒臣害卻忠直。〔貼〕復將親兒女囚宮。冤屈事對誰說與。

〔前腔〕〔占〕他當時使計遣鉅覺。一心要壞恩主。事做不成枉設計。不知前世有甚冤對。到如今兀自氣未息。想吾主怎生得理會。〔合前〕

〔解三醒〕〔旦〕記夫主那日分離。分付我日來如是。又不知近日程嬰底。又不知他用心着意。又不知懷卻男和女。又恐怕奸雄人報知。〔合〕如何是。只得告天憐念週庇。

〔前腔〕〔占〕想目下程嬰須探知。只恐屠賊令人來守取。那奸雄弄權挾主勢。每出入仗雄威。宮中從人都是新選入。只怕落在屠賊謀計裏。〔合前〕

〔光光乍〕〔旦〕纔過了上元時。舉目又寒食。頃刻端陽朱明至。如今敗葉飄階砌。

〔前腔〕〔貼〕當初在駙馬宮。媚景多歡聚。怎知今日遭奸計。終須有日重相會。

〔尾聲〕一心靠着天和地。早得分身一個兒。子母團圓□道理。

〔旦〕倘得分身一個兒。

〔貼〕恩家必有再歸期。

〔合〕休言常在秋江上。

也有收醫罷釣時。

第二十六齣 程嬰歸探

〔韃鞨兒〕〔末上〕人生富貴如春夢。我恩家直恁當風。遭着那奸雄。奔西走東。駙馬共程嬰逃出府門。被軍卒趕緊不知去蹤。程嬰那日自與駙馬逃出府門。被軍卒

趕緊。各逃性命。更不知駙馬下落。我投奔公孫杵臼家安身。不覺又是四個月了。家中想必事冷。當時駙馬臨別之時。交我打聽娘娘分娩。扮作草澤醫人入宮。藏出孤兒。如今分娩之際。怎敢忘恩人之語。不免辭了公孫杵臼。歸家走一遭。想我的妻子在外家。亦該此月分娩。甚是掛心。待哥哥出來。說與他知道。

〔玩仙燈〕〔外〕村落守桑麻。有誰人冷淡似我。兄弟。何故今日眉頭不展。面帶憂容。莫

非爲待你不週。〔末〕哥哥說這話。兄弟人非草木。謝哥哥看承四個月日。豈不知感。如今朝中想已

事冷。欲辭哥哥回家。探公主分娩的消息是如何。

〔駐馬聽〕〔末〕聽訴因依。〔外〕敢是想家。〔末〕非是程嬰思故里。〔外〕爲甚麼。〔末〕爲着恩人公主。禁在宮中未知消息。又兼程嬰家裏有妻房。奈何日下懷娠孕。因此要回歸。欲辭兄長他日再來至。

〔前腔〕〔外〕聽我說與。非是癡迷留住伊。聞知村郭。畫影圖形捕捉伊主。恐那護臣身畔認得伊。我心疑慮不放伊回去。未可便回歸。淹留幾日再作區處。

〔前腔〕〔末〕那日分離。駙馬叮嚀囑付與。候他分娩之際。扮作醫人暗入宮裏。今朝未卜事何如。怎生違卻恩人語。只得且辭歸。別卻兄長他日再來至。

〔前腔〕〔外〕欲報恩主。不敢十分留戀你。須是使人來此。怕有吉凶討個消息。我雖然無計救着你。也須謹避奸雄賊。未可便回歸。淹留幾日卻得再區處。

〔外〕你去須當改了名。〔末〕這回怎敢叫程嬰。

〔合〕惟有感恩并積恨。萬年千載不生塵。

第二十七齣 喚囑收生

〔玩仙燈〕〔淨上〕當初若不用機謀。怎得今朝這榮貴。智過禽獲得禽。智過獸獲得獸。趙盾恃功欺我。初令鉏麇刺之不遂。鉏麇反自觸槐而死。復用神獒一計。把他一家殺盡。只走了趙盾。不知存亡。當時已奏晉侯。把宮娥美女一齊換了。如今左右上下皆我心腹之人。有些動靜。吾必知之。自公主禁于宮中。不覺五個月日。今日入朝。有人道公主懷身。在此月分娩。見物不取。便是呆漢。若生女也罷。生男必要殺了。庶絕後患。削草不除根。萌芽依舊發。叫左右。〔末〕珍珠簾下忽聞聲。碧玉堂前聽使令。老爺有何分付。〔淨〕今日入朝。有人說公主懷孕。此月分娩。不知是男是女。你去府前叫個收生婆來。〔末〕收生婆走動。

〔前腔〕〔丑〕老婦收生幾年。每出入府衙庭院。收生婆叩頭。〔淨〕婆子。我叫你無別事。這幾日進宮去麼。〔丑〕方纔宮中出來。〔淨〕德安宮主幾時分娩。〔丑〕只在目下。〔淨〕若生男兒也來報。若生女也來報。我定然重重賞你。

〔玉交枝〕伊當留意。到宮中須探養的。是男是女傳消息。若瞞昧罪及于汝。眞

詳報吾多賞給。些兒隱諱不饒恕。〔合〕見傍人休言是非。偷人知漏泄事機。

〔前腔〕〔丑〕尊承台旨。妾如今逕入禁闈。偷分身生下男和女。忙趨報不爽毫釐。令行山岳誰敢違。威揚海宇人欽畏。〔合前〕

〔淨〕不是今朝是明日。

〔末〕我每望你說端的。

〔丑〕正是眼望旌捷旗。

〔合〕果然耳聽好消息。

第二十八齣 靈輒留朔

〔鳳凰閣〕〔生上〕秋來蕭索。敗葉滴溜旋落。悶懷途路先寂寞。天外孤鴻似我

一身飄泊。便縱有音書怎托。旅次好恹惶。道路悠悠愁斷腸。挑包帶傘促行裝。回首桂花香。故

國恁風光。珠履金釵列兩行。今朝何事這淒涼。幾時歸故鄉。趙朔自與程嬰同出府門。各逃性命。不

覺在路五六個月。那日程嬰忙報說。我父親得遇桑間饑人。背負逃走。我曾記得二月十五在醫桑

。濟饑餓人之名爲靈輒。他說住于首陽山。知今我不免尋到此處。天若見憐。見父親一面。多少是好。

〔錦纏道〕路中人。果然是勞落苦辛。昔日在宮庭。那曾識巉巖峻山高嶺。最苦

是脚兒又疼。麻鞋和黑傘傷情。欲待奔他城。提兵領將除卻那佞臣。不道冤還報。萬民報道我不仁。

〔前腔〕入山深。路崎嶇。屈曲怎行。沒一個打柴人。但聞得山雞野鳥聲聲。聽猿啼。鶴唳。慘悽。靈輒的住那村。只得告神明。相哀相念。令吾見父親。遠觀山林下。呀。卻原來是所土堆墳。前面一所墳墓。有一牌在上面。寫着數行字。〔念介〕晉國上大夫趙正卿之墓。呀。原來父親死在此處。苦惱呵。

〔東甌令〕尋思起痛傷情。萬苦千辛。指望來見恁。誰知死在荒郊徑。罪重逆天命。有誰燒陌紙錢銀。〔合〕教我珠淚傾。

〔前腔〕〔丑〕靈輒去打柴薪。且往墳頭拜母親。既拜母親。還要拜恩人。趙老爺。恩人冷落誰憐問。愁及言難盡。恩山義海痛難伸。〔合前生叫〕靈輒哥。〔丑〕你是何人。〔生〕我

是趙朔駙馬。〔丑〕有鬼有鬼。〔生〕非是鬼。我是趙朔居方。〔丑〕是人是鬼。是何神。靈輒何曾害汝身。岸賈是你冤家主。今日緣何嚇小人。〔生〕趙朔居方是我身。遍處搜尋我父親。五六月前謝得周堅

替我死。汝莫猜疑不是真。〔丑〕是人一聲高一聲。〔生〕叫介〔丑〕。雖然是鬼。是我恩人。相見何妨。

〔哭相思〕〔合〕昔日桑間相會。今朝又得相逢。〔生〕靈輒。我父親在你家麼。〔丑〕駙馬

老爺早來三日。也得見老相公。如今死了。〔生〕好苦惱。我父親爲何死了。〔丑〕老相公令我。去城中探駙馬消息。都道趙府三百口都被殺了。駙馬自刎了。公主禁在冷宮中。歸報相公。一時哽咽而亡。此間就是老相公墳墓。

〔孝順歌〕〔生〕忒忠直。我父親。誰知內有奸佞臣。屠賊起私心。將惡犬害忠臣。靈輒若非你誰救。我爹行脫離他境。那屠賊呵。妄遣軍兵。把我一家殺盡。

〔前腔〕〔丑〕靈輒病。多蒙賜米銀。歸家誰料喪母親。思量我恩人。特來剖方寸。怎知公相遭着奸佞。背負歸山。不知駙馬音信。

〔前腔〕〔生〕謝周堅死。替我身。與程嬰兩兩出府門。一時奔前程。勞落受艱辛。鄉村遍經。半載風霜。有誰投奔。不道爹行。葬此孤墳。〔丑〕且請駙馬到靈輒家住下。再

作理會。〔生〕我爹爹虧你殯葬。無恩可報。我在此三不可住。〔丑〕如何不可住。〔生〕一不可住。要報

三百口冤仇。二不可住。不知俺公主的消息。三不可住。盤纏使盡。不當擾你。〔丑〕駙馬道三不可住。靈輒道三可住。此處山深樹遠。地廣人稀。一可安身。靈輒不時入城買賣。探聽消息。二可安身。靈輒家中粗茶淡飯。略可充饑。三可安身。〔生〕這話卻好。恐生受你。〔丑〕駙馬差矣。你是靈輒恩人。何出此言。

〔丑〕紫綬金章爲正卿。

今朝葬在土堆墳。

〔生〕正是未歸三尺土。

果然難保百年身。

第二十九齣 定計殺孤

〔逍遙樂〕〔淨上〕蕩淡金風細。送過木樨香。〔老旦〕嬌黃嫩白惹蜂忙。另有一般佳況。〔淨〕夫人。今日恁英雄。不是岸賈逞自功。帶劍入朝文武懼。殺得趙盾一家不見蹤。〔老旦〕休使一帆風。暗想人生如夢中。凡事只宜退一步。冤冤只怕又相逢。

〔金衣公子〕〔淨〕今世我和伊。更奢華尤富貴。眼前簇簇皆珠翠。伊家貌美。吾官位極。滿朝文武皆驚畏。〔合〕且傳杯。開懷暢飲。撇卻是和非。

〔前腔〕〔老旦〕人事有興衰。得饒人且放去。位高職險從來是。年華撚指。時光過隙。休得用心結冤對。〔合前〕

〔劉潑帽〕〔丑〕我們夜來蒙分付。入宮中探取消息。未知相公懷何意。不說男兒只說是女。〔見老旦介〕收生婆回了。〔老旦〕公主生男生女。〔丑〕是男兒。〔老旦〕禁聲。相公面前只說是女兒。〔淨〕夫人那裏去了。〔丑跪〕收生婆回話。〔淨〕德安公主生出甚麼。〔丑〕是個女兒。〔淨〕好了。生下女兒。冤家之患罷了。叫做甚麼。〔丑〕叫做丫頭。〔淨〕把那婆子揸起來。好好說饒你。〔丑〕叫做孤兒。〔淨〕卻原來。放了揸子。〔淨〕幼而無父曰孤。趙朔駙馬與德安公主分別之言。你到瞞我。拿收生婆去砍了。

〔簇御林〕〔淨〕當初道殺已盡。只留他公主的。如何削草根不去。至今得今日萌芽起。怎留伊。如今定計。殺卻趙孤兒。

〔前腔〕〔老旦〕他公和父文武懼。尙不能脫汝計。纔生孺子三兩日。縱然長大何足慮。且饒伊。不須定計。饒卻趙孤兒。〔淨〕夫人。削草不除根。萌芽依舊發。叫張百戶分

付張千李萬韓厥李海。好生把守前朝後宰門。不許奸細之人入宮。隱出孤兒自取累。〔內應介〕

〔淨〕前朝後宰都把守。〔老旦〕孤兒只在宮中有。

〔合〕假饒插翅也難飛。便是騰雲飛不久。

第三十齣 醫人揭榜

〔丑上〕妙藥難醫冤債病。橫財不富命窮人。自家晉侯宮中一個內侍官。一月前公主生下孩兒。產後冒風。症候難醫。紫金醫官醫治不好。除官減俸。如今出榜。召草澤醫人。若醫得好。有官加官。無官充本部職。不願官者賞銀三百兩。只恐藥能醫假病。不能醫死命。不免在此等候。多少是好。〔末〕踏破鐵鞋無覓處。得來全不費工夫。榜文還掛。不免在此試讀一遍。

〔大聖樂〕一女幽在宮中。數月前產後驚風。如今四肢無力。渾不動。贖藥餌更無功。紫金醫官絕無效。特召草澤醫人定有功。〔合〕醫得效也。賜黃金百兩。官上加封。〔淨上〕誰揭榜。〔末〕草澤醫人。〔淨〕我問你。紫金醫官醫治不好。你識得甚麼病。

〔前腔〕〔末〕公主犯產後驚風。論醫科非一種。四物湯加減隨時用。加官桂與

防風黑沈散把湯來送。管一服交他定見功。〔合前淨〕醫得好。有官有祿。醫不好。險道人剝了矮道人衣服。大家做一場話靶。

第三十一齣 孤兒出宮

〔三登樂〕〔旦上〕自與兒夫分兩下。音書無個。教我心常掛。〔占〕被奸臣行巧詐。把我一家拆破。奸雄性惡。尙不放下。〔旦〕詐病欲求醫。料想宮中總不知。未卜程嬰知也未。難期來時交付與孤兒。〔占〕出榜已多時。料想程嬰不敢違。只恐來得出不得。思之。願得奸雄醒覺遲。〔旦〕春來。自從八月十五夜生下此兒。我看他形容和駙馬沒兩樣兒。你公公父親不知在那裏。〔占〕如今屠賊將前朝後宰門。都交人把守。只愁程嬰來得去不得。

〔武忒令〕〔旦〕未知果程嬰掛心。未知他死生難准。未知他目下來的音信。只恐被奸人竊窺榜下。入宮內謀事不成。〔末扮醫人上丑〕草澤醫人。皇宮內苑。非比尋常。可要志誠。

〔前腔〕〔末〕念吾生行醫志誠。〔丑〕不可調舌。〔末〕須不會調舌弄脣。對天修合

方真藥聖。揭榜入宮庭。醫公主切脈。便知驚風病症。〔內云〕通報草澤醫人進宮。〔旦〕

令入宮來。〔占〕娘娘令醫人入宮。〔旦〕那內使迴避。〔內下旦〕那人是誰。

〔宮娥泣〕〔末〕拜稟公主試聽。念小人姓張名鼎。〔旦〕家住那裏。〔末〕家居遠村。

慣醫諸病症。〔旦〕敢是程嬰。〔末〕名不喚程嬰。〔旦〕是甚麼人。〔末〕是個草澤醫人。〔旦〕

擡起頭來。你們不須隱名。吾宮內並沒來人。伊休戰驚。寬懷放下心。今日見你來。謝得神明。〔末〕聽得公主問詢。非干是不言名姓。恐隔牆有耳。人聞使人欲言不語。淚珠交傾。

〔前腔〕〔占〕早則是家業瓜分。老相公不知安頓。駙馬在何處安身。〔末〕小人不知。〔旦〕你且從頭說個元因。那日離門庭。不知老相公生死吉凶。逃身他郡。

駙馬共程嬰。方纔離府門。被軍卒趕緊。兩兩奔前程。竟不知個音信。

〔前腔〕〔旦〕我只道和你們同行。和你們同行。吾駙馬不識行徑。那曾受途路上艱辛。淚溼溼。淚零零。恁得寬心。〔占〕公主公主後且說個如今。今日見你來。

見你來使人愁悶增。忒耐耐鐵心腸的好佞。程嬰你們老誠。你們志誠。好把孤兒。把孤兒交付與恁。

〔紅繡鞋〕〔末〕公主請自寬心。請自寬心。看儀容似駙馬脫真。駙馬脫真。只恐怕那奸臣施巧計。去無門。〔合〕脫得去。謝神明。謝神明。

〔前腔〕〔旦〕孤兒付與伊們。付與伊們。但願我兒聰俊。我兒聰俊。孤兒。身長大與父親報冤恨。屠賊滅。我兒興。〔合〕脫得去。謝神明。謝神明。〔末〕娘娘趁早打發

小人去。恐屠賊知道。不當穩便。〔旦〕程嬰取藥箱過來。〔末〕娘娘。小恩主幾時生的。〔旦〕此子八月十五日。子時建生。你可牢記。春來。取十兩銀子過來與程嬰。〔末〕小人不取領。〔旦〕倘被人拿住。爲脫身之計。〔末〕如此程嬰收下。〔旦〕程嬰。你和孤兒回家。多多上覆你的媳婦。看他公公之面。好生看養。待他長成。說與冤枉之事。〔末〕小人記得了。〔旦〕我的兒。你在娘懷五個月。別了父親。今離娘懷一個月。又別母親。知他此去。有相見日。無相見日。兀的不痛殺我也。

〔香羅帶〕〔末〕公主免淚零。寬懷放心。出得禁門伊再生。只愁屠賊有奸人也。

若是搜將去。卻不苦程嬰。娘娘。凡事靠天。〔旦〕天天可憐遮護恁。〔合〕異日和他說
冤恨。報取奸佞臣。程嬰。若得成人也。趙府一門如再生。

〔前腔〕〔旦〕程嬰你試聽。我把孤兒付恁。想相公駙馬不見影。孤兒。三百口盡被

他殺了。冤家都在你一身也。程嬰。你不要看我分上。看他公公面。再思駙馬恩。看
成乳哺勝嫡親。〔合前負箱走介〕

〔前腔〕〔末〕辭卻離宮庭。不由人心懷戰兢。〔兒哭介末〕不好了。小人踏步向前。卻纔得

幾步。你看小恩主在藥箱中啼哭起來。前朝後宰門。可不被人聽見了。娘娘再分付幾聲。〔旦〕孩兒。
你怎麼這等不成器。你家三百口被屠賊殺了。望你一人報冤。你到啼哭起來。孩兒。趙家當滅。你到

前朝後宰門啼哭起來。趙家當興。你不要啼哭。〔末〕再三囑付小郎君也。休啼哭。莫高

聲。高聲我死伊命傾。〔合前〕

〔哭相思〕〔合〕親生骨肉分離去。不知何日再相逢。此行生死事難量。只恐別

時容易見時難。〔並下〕

第三十二齣 韓厥死義

〔梁州令〕〔小生上〕單刀疋馬定乾坤。果然有聲名。論威風膽略冠三軍。主有德。民安靜。樂昇平。自家姓韓名厥。三代將門。一生驍勇。十八般武藝。件件皆能。十三篇兵書。章章記

得。本是忠良門下客。今爲奸佞牙爪人。似此吾心不悅。左右何在。〔丑〕不聞天子宣。慣聽將軍令。告將軍。有何鈞旨。〔小生〕奉屠相公鈞旨。在此把守後宰門。怕有奸細人入宮。藏出孤兒。不當穩便。

〔淨〕朝中天子三宣。闕外將軍一令。奉爺鈞旨。教將軍好生把守後宰門。怕有奸細人入宮。藏出孤兒。個個要搜檢。〔小生〕不妨。回去道與相公。不消囑付。〔淨下〕末〕心懷有事出宮庭。如臨深淵履薄

冰。假饒便有潑天膽。到此應須也喪魂。程嬰出此門。便是火裏蓮花再生。有軍馬在那裏。只得大踏步搶將過去。〔小生〕拿過來。那裏來的。〔末〕冷宮中來的。〔小生〕是甚麼人。〔末〕草澤醫人。〔小生〕

醫甚人。〔末〕醫德安宮主。〔小生〕甚麼病。〔末〕產後驚風。〔小生〕見效麼。〔末〕見效。〔小生〕藥箱中有孤兒沒有。〔本〕沒有瓜萁兒。〔小生〕既沒有去罷。〔末跌介小生〕拿轉來。既沒有孤兒。爲何慌張。

〔末〕小人是鄉下人。從沒有進城。今見將軍。不由不慌。〔小生〕去。〔末跌介小生〕拿轉來。左右搜一

搜。〔末〕不要搜。〔搜介小生〕那里銀子。〔末〕藥錢。〔小生〕這是甚麼。〔末〕人參。〔小生〕好大人參。〔末〕不差。男子漢做事若成。乃其功也。事做不成。聽之天也。將軍。你非不認得我。我非不認得你。你我皆趙正卿門下之人。今日你助桀爲虐。來做他手下之人。你拿我去請功。卻是可惜。〔小生〕可惜甚的。〔末〕此兒是報三百口冤家之主。謾自悲哀空嘆息。英雄好漢助讒賊。你富你貴你身榮。我死他死說不得。他做高官寵用伊。孤兒你做黃泉客。史官日後有公評。韓厥平生那些個表忠直。〔小生〕聽得他言我淚零。男兒到此好施仁。得放手時須放手。得饒人處且饒人。快走。〔丑〕將軍放不得。〔小生〕誰要你管。〔丑〕將軍專打自家官司。〔兒哭介丑〕將軍放硬掙些。〔末〕我程嬰聰明了。一世。懜懜在一時。這將軍被我道了幾句言語。喬做人情。卻交別人拿住我。那時死又不明白。不如只就他手裏死也甘心。韓將軍。〔小生〕放你去。又轉來做甚麼。〔末〕將軍被小人道了幾句言語。喬做人情。待小人出去。教別人拿住。小人死不明白。不如只就將軍手裏死。小人也甘心。〔小生〕你疑我。〔末〕是疑將軍。〔小生〕百戶。你去報與屠相公。說孤兒拿住了。多帶人馬來。〔丑應下末〕將軍可看趙正卿之面。〔小生〕宣子于吾多少恩。如今盡付與他孫。程嬰此去休疑惑。我自盡方能見此心。

〔刎介〕

韓厥刎死爲孤兒。

待他長大說交知。

一心貪着中秋月。

失卻盤中照殿珠。

第三十三齣 捱捕孤兒

〔七娘子〕〔老旦上〕心懷慢自成悒快。爲屠趙二人爭強。幾回諫勸其心不放。多應前世曾冤枉。貧賤榮華前世因。不在燒香并告神。但願身心行好事。空中報應卻分明。趙家滅。屠氏與幾番勸解不回心。近日看守孤兒緊。直欲剗草去其根。相公近日爲因冷宮中德安公主生下孩兒。前朝後宰門卻交人把守。不知消息如何。且待他來。再將幾句言語勸解。饒取孤兒。多少是好。

〔秋夜月〕〔淨〕事在眼前。不取必成怨。須去卻苗根。根須斷。那時放懷從吾願。

無人報冤。〔丑〕相公穩坐深庭院。外面安危總不知。稟爺。〔淨〕張千怎麼說。〔丑〕韓厥在後宰門搜

出孤兒了。〔淨〕搜出了。好了。〔丑〕搜便搜出了。被草澤醫人道了幾句言語。韓厥拔劍自刎而死。孤

兒放去了。〔淨〕放去了。吾差錯了人。韓厥本是趙盾家人。可知道放去了。〔老旦〕相公。本待將心比明月。誰知明月照溝渠。相公使鉏麴。鉏麴槐觸。用韓厥。韓厥自刎。相公托得好人。據妾身之見。孤兒既走。不過些小殘生。饒他有何不可。可要三思而行。再思可矣。〔淨〕夫人錯了。若留一個孤兒。長大之時。必來報冤。〔老旦〕相公如今怎麼。〔淨〕張千。你去街坊上分付。五家爲甲。限三日拿捉孤兒。告首者賞銀五百兩。三日如不出首。把同年同月一國小兒盡皆殺了。

〔淨〕五家一甲限三朝。

〔老旦〕一個孤兒不肯饒。

〔丑〕若無平地升天計。

〔合〕目下災殃怎的逃。

第三十四齣 替換孤兒

〔賀聖朝〕〔外上〕悶來行樂村莊。每思兩相爭強。程嬰一去杳無蹤。未審吉和凶。事無大小。關心者亂。那日我兄弟程嬰。爲屠岸賈爭強。匿在我莊上四個月日。辭我歸家。說道探公主與妻子分娩的消息。一去四十餘日。更不聞個音信。不知禍福吉凶如何。〔末〕曙色纔分出禁城。慮他前後有好人。心慌不怕程途遠。錯走前村半里程。兀的是俺哥哥。莊上門開了。不須通報。俺哥

哥正坐着。不免向前。哥哥拜揖。〔外〕兄弟。你來了。〔末〕哥哥閉上了莊門。〔外〕自從你去。日夜想念。
〔出兒介〕此兒是誰。

〔紅衲襖〕〔末〕他公公是宰相宗。〔外〕他娘。〔末〕娘是王侯流派種。〔外〕他父。〔末〕父
乃簪纓豪貴戚。一家兒做了虛飄飄水上蹤。覷着小兒童。似爺一般面容。他是
報三百口冤家小主翁。〔外〕兄弟。此子幾時建生。〔末〕是八月十五子時生。

〔前腔〕〔外〕他生時年月冲。〔末〕有關煞麼。〔外〕反覆沈吟六害凶。八月十五子時太
陰得令。他未離娘懷。先把爹爹送。纔離娘懷。娘囚在冷宮。公公不見蹤。家私一
旦空。他是敗國忘家小業種。且問此子畢竟何人之子。〔末〕此子乃恩主趙正卿之孫。駙馬

之子。正是趙氏孤兒。〔外〕且喜且喜。兄弟。你去了。我憂嫂嫂懷身卻如何。〔末〕兄弟於前月已生下
孩兒。〔外〕賀喜賀喜。叫名甚麼。〔末〕名喚驚哥。亦與此兒同月生的。〔外〕驚哥。看來亦有關係難養。

〔末〕哥哥不須閒講。〔外〕兄弟。我且問你。公主冷宮生下孩兒。前朝後宰門。把守甚嚴。如何藏得出
來。〔末〕我不說。哥哥不知。其時公主產下得病。出榜召草澤醫人。兄弟扮爲醫人入宮。藥箱內藏出

來到後宰門。正遇韓厥。搜出孤兒。欲拿程嬰去見屠賊。被程嬰道了幾句。那韓厥放出小弟和此兒。竟自刎而死。〔外〕好俠烈丈夫。後來怎麼。〔末〕如今屠賊出榜。五家一甲。只限三日。不見孤兒。把同年同月生下一國小兒。盡皆要殺。兄弟孩兒也是死。此孤兒也是死。〔外〕兄弟。你既看他公公父親之面。須要好生看養。你今抱此兒在此。怎麼。〔末〕兄弟與哥哥忝爲厚交。把此子安頓哥哥莊上。哥哥撫養成人。說與報冤之事。兄弟回去。把自己孩兒驚哥到屠賊處。出首代替孤兒。以報吾主之恩。〔外〕兄弟。你曉得保孤死難麼。〔末〕兄弟不曉。〔外〕你今年幾十歲了。〔末〕兄弟今年四十。〔外〕卻又來。你要此子報冤。該得六十歲。我今年六十三。再加二十。得八十三歲。不死也潦倒龍鍾。說不得了。你既要報主之恩。你還把孤兒抱回家去。卻把你兒暗地送到我莊上。你去出首。說太平莊上有趙氏孤兒。那奸雄必定引軍來殺我和這兒。你養取孤兒。待他年長。說與報冤之事。那時節卻不是報主之恩。〔末〕程嬰報主。理之當然。哥哥圖甚。〔外〕圖名不圖利。有甚希罕。〔末〕又一件。兄弟去報與屠賊。屠賊必來拿哥哥。倘或拷打不過。扯拔兄弟。此事如何。〔外〕一言既出。豈肯改易。你去你去。

〔外〕吾生六十有三年。

〔末〕拚死今生不枉然。

〔合〕異日孤兒生頭角。

殺取仇人冤報冤。

第三十五齣 偽報岸賈

〔生姜芽〕〔淨上〕昨日忒回耐那韓厥。令他守着孤兒。底防奸細。怎想他心先變。放出孤兒。吾不及知。有罪甘自犯。拔劍刎喪黃泉。一着不到處。滿盤都是空。誰想韓厥放出孤兒。自刎而亡。我曾分付張百戶。限三日要孤兒出首。如今三日限滿了。如何回話。〔丑〕稟爺。也有遠的有近的。〔淨〕也罷。再限你幾個時辰。〔末上〕出首孤兒。〔丑〕稟爺。有人出首孤兒。〔淨〕拿過來。叫做甚麼名字。〔末〕小人叫名張鼎。〔淨〕孤兒在那裏。〔末〕小人今早至城北五十里太平莊。見一老兒。手抱一子。見小人便走。小人趕着問道。老兒怎麼長。怎麼短。莫不是孤兒麼。那老兒把小人一頓打。以此出首。〔淨〕那老兒姓甚名誰。〔末〕其時訪問。那老兒姓公孫。名杵臼。〔淨〕此行果有孤兒。你有官有賞。不見孤兒。你罪卻如何。〔末〕小人甘死。

〔淨〕拿住孤兒。只一刀。

〔末〕這回削草不留毛。

〔丑〕好似皂鵬追紫燕。

〔淨〕猶如猛虎啖羊羔。

第二十六齣 公孫赴義

〔海棠春〕〔外上〕每思世上英雄少。不得身歸荒隴。結交須勝己。似我不如無。兄弟程嬰一時許了他。他抱孩兒與我受死。今日屠賊必引兵來拿我。拚死一命。萬古留名。媽媽抱孩兒出來。我看一看。孩兒你父到屠賊處出首去了。命在須臾了。

〔駐雲飛〕今日明朝。杵臼驚哥命怎逃。我今年六十三歲。我兒我死何足道。乍離娘懷抱。都是五行招。爲忠爲孝。兒你向前行。我也隨後到。死只一般。生死一般。只爭一個老共少。媽媽抱了進去。休驚了他。

〔前腔〕休掩柴扉。只恐屠賊心下疑。只管叨叨絮。只恁閒嘔氣。呸。與我合着鳥嘴。又不是我來尋你。媽媽我死埋我在伯夷首陽山根底。萬古留傳作話兒。〔丑領兵上〕

〔前腔〕〔外〕休恁猖狂。密密層層是刀共鎗。四下無攔擋。唬得小鹿兒心頭撞。嗟。撇番了土泥牆。休得鬪爭索強。好似長江後浪催前浪。都是一般狐羣狗。

黨〔丑〕老禽獸。〔外〕小禽獸。我有甚罪犯。引兵來怎麼。〔丑〕還說沒有罪。窩藏叛臣在家。〔外〕啣。你看莊門上甚麼字。〔丑〕你也曾做官來。

〔前腔〕〔外〕休得欺咱。俺不比尋常百姓家。曾伏侍君王駕。只爲朝內多奸詐。嗾不與你休干罷。又不曾販牛殺馬。〔丑〕比販牛殺馬。罪還重些。〔外〕若見屠賊指定名兒罵。我死到陰司。一殿二殿三殿四殿五殿。告閻王不放他。〔丑〕屠爺有請。閻王注定三更死。定不留人到五更。〔同下〕

〔梁州序〕〔淨帶外上〕皇朝撒扎兀誰不怕。〔淨〕你怎麼不跪。〔外〕我怎生跪你。〔淨〕請聖旨過來。〔外跪介〕跪只跪當今宮駕。把他一家殺盡。饒他有何不可。〔淨〕他成人長大。那時報仇如何。〔外〕既怕他成人長大。直恁冤仇何如休結下。〔打介外〕任他麻錠撒子也。瑣上更添加。只恐將伊連累殺。不抵捱怕瞧破。

〔前腔〕〔淨〕虎狼公吏。搨扒拷打。自覺氣力不加。替吾行權。莫不是就里拴科。官府事如同作耍。恨不得一錠打死無回話。〔末〕相公端的也是如此。好似一

種黃連分兩下。卻教我怎結果。

〔前腔〕〔外〕趙孤兒是伊家跚過。把惡頭踹來與我。叫一聲冤屈。有誰憐我。他是隱孤兒的窩主。來到〔末慌介外〕把舌尖上話兒都吞下。〔末〕潦倒公孫也險些露根芽。〔外〕小膽程嬰慌怎麼。放了有孤兒。孤兒有在吾家。〔殺兒介〕

〔前腔〕〔外〕一劍下命掩黃沙。有一日還他千副。鬼門關等待。報冤驚哥。若還是了。不枉了小兒。令人唾罵。異日相逢後。休想輕輕饒過他。

〔尾聲〕杵臼驚哥擔消灑。大家做一場話靶。老夫死也勾了。拽起枷稍向屠賊面上打。不隨刀下死。情願觸枷亡。〔下淨〕這老賊好狠。首告人請起。〔末〕不敢。〔淨〕你要官要賞。〔末〕

小人只是要救一國小兒性命。不願官賞。〔淨〕極是好人。你年幾十歲了。〔末〕小人四十歲。〔淨〕我大你二歲。你可拜我爲兄麼。〔末〕小人豈敢。也沒這福。〔淨〕你幹此大功。使我絕卻冤家之患。你是我恩人。我與你做結拜兄弟如何。〔末〕相公不棄嫌。小人情願做個兄弟。〔淨〕兄弟有子麼。〔末〕近日生得一個小兒。〔淨〕叫名甚麼。〔末〕叫名驚哥。〔淨〕爲何叫作驚哥。〔末〕爲受許多虛驚。〔淨〕兄

弟。我沒孩兒。你肯過房與我麼。〔末〕兄弟雖肯。恐夫人意下不悅。〔淨〕我夫人甚是賢德。不妨事。

〔淨〕殺卻孤兒絕禍胎。

〔末〕這場冤事少人猜。

〔合〕休言今日同結義。

五百年前已定來。

第二十七齣 山神點化

〔戀芳春〕〔生上〕勞落山間歲月。枉受了多少磨難。暗憶奢華快樂。萬愁千感。

怎想恩情阻斷。〔丑〕每歎息。都緣時乖運蹇。光陰轉。造物安排。使人得相見。〔生〕

迅速光陰如過箭。〔丑〕勞神困苦在山間。〔生〕若得見吾公主面。尤如缺月再團圓。靈輒。我昔年在

宮中受十分快樂。今日受此苦楚。如之奈何。〔丑〕只得無奈。

〔梁州序〕〔生〕憶昔從幼。生居宮苑。相子王孫爲伴。融和天氣。紅紫遍滿名園。

攜手同歌同唱。同飲同杯。兩兩同歡宴。怎知遭此行。困山間。野草閒花作並蓮。

何時見舊庭院。

〔前腔〕〔丑〕山中冷淡。光陰如箭。是非榮辱不管。饑來就食。醉後草閣高眠。自

覺炎威不入。蕩淡薰風。懶去揮紈扇。勝如仙洞府。水晶宮。放下心腸。免掛牽。興衰事總由天。

〔玩仙燈〕〔外〕脫化變其形。來到此點化他們。善哉善哉。自家非別。乃是本山土地是也。特來點化趙朔駙馬下山。假作客商爲由。不免逕入。〔生〕靈輒。何人在外面。出去看來。〔丑見〕到此何幹。〔外〕天色已晚。投宿一宵。〔丑〕我這裏小房窄狹。安歇不得。〔外〕隻身一幅之地便勾了。〔生〕是誰。〔丑〕投宿的。〔生〕請進相見。不知客長何處來。〔外〕城中來。〔生〕城中有甚新聞。〔外〕沒有什麼新聞。晉靈公崩。晉景公登位。朝綱正道了。〔生〕公主在冷宮麼。〔外〕不在冷宮了。〔生〕在何處。〔外〕在陰陵看守先君墳墓。〔生〕岸賈老賊尤自弄權。〔外〕岸賈老了。無人怕他。只怕兒子屠程。〔生〕屠程是程嬰之子麼。〔外〕沒相干。乃是趙朔之子。〔生〕靈輒。那客長好古怪。再問還有甚新聞。〔外〕沒有新聞。前面有人來了。〔生回頭介外〕三醉岳陽人不識。朗吟飛過洞庭湖。〔下生〕不見客長。只遺兩頂道巾。我曉得了。見我在山日久。分明是神明點化我二人下山。〔丑〕駙馬寧可信其有。不可信其無。來日靈輒和駙馬扮作雲游道人。下山去探公主消息。天若見憐。再得相逢。也未可知。

〔生〕此行你不要叫我駙馬。只叫師徒之稱。〔丑〕師父請了。

改換衣裝扮道人。

遠探公主信和音。

萬事勸人休碌碌。

舉頭三尺有神明。

第二十八齣 孤兒耀武

〔末上〕蜘蛛結網最貪求。蝙蝠傷人爲子仇。試看兩般奇異物。冤冤相報幾時休。程嬰爲何說這話。只因兩相爭強。走了相公駙馬。禁了公主。殺了公孫杵臼和驚哥。屠賊反結我爲兄弟。招孤兒爲子。時光甚疾。又不覺過了一十八年。如今孤兒長成。文武雙全。有朝一日。惡緣相會。把這冤枉事說與他不遲。今日見說楚國有一奉使來我晉國。奉使喚做養由基。在教場中論武藝。誇能百步穿楊之箭。被孩兒屠程。一鎗擲下馬來。想屠賊不知。不免步過畫堂。問過消息。多少是好。

〔賀聖朝〕〔淨〕我們六十有三年。孩兒贏了養由基。咱喜歡。今日好快活好灑落。

〔末〕爲甚的快樂。〔淨〕今日楚國有一奉使。喚做養由基。來進奉。浪說百步穿楊之箭。被我孩兒一鎗擲下地來。〔末〕孩兒來了。

〔燕歸梁〕〔小生〕今日小將逞強梁。和他論一場。堂前料應不知道。拂着衣袂見我爹娘。二位爹爹拜揖。〔淨〕我兒。把養由基事。試說一遍。

〔二犯沽美酒〕〔小生〕養由基惹禍殃。惹禍殃。來進貢。到吾邦。他賣弄百步穿楊。自逞強。使屠程燥莽。燥莽。攀弓箭。搭上絲韁。連射去三矢齊響。那將軍也不斷放。我呵。好一似天王射着太陽呀。那養由基被屠程一鎗。落番在教場之上。〔急板令〕〔淨〕這幾日不見我兒。畫堂中詢問仔細。忽然見你來的。說道我兒今日煞似強會。聞得交人暗生歡喜。不日裏諸國聞知。羞殺了養由基。〔丑〕會傳天外信。善達世間書。奉諸王公子將令。差來請二位老爺。爲嬴了養由基。來日就北邙山下出獵。做慶喜筵席。一則重陽佳節。二則與小將軍賀喜。交來日早出郊去。〔淨〕兄弟。明日引數隻獵犬。三人同北邙山去。多少是好。

〔丑〕文武官僚五百員。

〔淨〕與兒慶賞設華筵。

〔小生〕時值香橙螃蟹月。

〔末〕景當新酒菊花天。

第三十九齣 杵臼出現

〔水底魚〕〔末上〕暗想年時兩相爭是非。光陰如箭。趙孤兒已長成。公主和駙馬不知在那裏。這一家冤事。在吾心下裏。

〔前腔〕〔小生〕劍甲旌旗。馬前如錦綺。引幾隻獵犬。到北邙山游玩時。蹀跡馬蹄不加鞭。一似飛。諸王公子。儘今朝遊戲歸。

〔前腔〕〔淨〕持箭拈弓。腕中無氣力。後生可畏。跨馬卻如飛。我兒雖強也須等片時。我非無氣力。恨馬只有兩雙蹄。此是那裏。〔末〕太平莊。〔淨〕有鬼。有鬼。〔末〕左右扶太

老爺先去。〔淨下小生〕

爹爹怎麼見鬼。〔末〕孩兒你不知道。他十八年前在此做了些不公之事。今

日到此。眼花撩亂。心疑生惡異。你自去赴宴。不要管閒事。小生〕迅砲一齊鳴。三軍不暫停。一心忙

似箭。介馬疾如星。〔下末〕善有善報。惡有惡報。若還不報。時辰未到。屠賊想。你惡貫滿盈。眼見虛花。

方纔見的公孫杵臼。小厮就是我的孩兒驚哥。冤冤不散。在此討命。〔下〕

第四十齣 陰陵相會

〔窄地錦繡〕〔丑上〕駙馬快行休遲滯。兀的旌旗一似飛。料應只奔我和伊。倘沒個人家怎躲避。

〔前腔〕〔生〕前頭鳳旄排鱗鱗。兀是襄王古墓墳。回頭軍馬亂縱橫。那裏權時好隱身。

〔雙勸酒〕〔小生引軍上〕鶻打兔兒不知音耗。前面兩人拿得分曉。趕捉怕他奔走逃。拿來定不相饒。〔小校稟介〕方纔二犬二鶻打得兩個兔兒。大的走了。小的到被兩個道人拿了。〔小生〕拿過來。你這道人怎麼拿我兔兒。

〔雙鷓鴣〕〔生〕望將軍聽哀告。我兩個雲游道。不曾有甚觸犯了。望將軍休焦燥。〔小生〕我兔兒是伊家藏了。這罪犯非輕小。打這無知道。料應你心不好。

〔前腔〕〔丑〕這痛苦教人怎熬。惟有皇天可表。俺們若委的眞拿了。甘受你擗扒弔拷。擒住住牢扯住牢。苦怎得個人來勸好。〔末〕自不整衣毛。何須夜夜嚎。屠程你不赴宴還在此。〔小生〕告爹爹。孩兒一犬二鶻。打得兩個兔兒。大的走了。一個小的。被這兩個道人拿

了。孩兒正問他。〔末〕孩兒他是個出家人。要他何幹。左右去問。果拿得還了罷。孩兒你放了他。我說個比方你聽。〔小生〕爹爹嚴命。孩兒拱聽。〔末〕昔年有個強弱二人爭強。將一犬逐着弱的。弱的走了。那強的欲殺那弱的。幸仗一人負走了。那強的又要殺弱的。弱的之子。又得一義士替死。救其子性命。其子不死。今日你把犬逐着兔兒。小的想必是這一個大的之子。這兩個到像昔年強弱二人。如今你赴席去罷。〔小生〕孩兒便是。情到不堪回首處。一齊分付與東風。〔下生〕靈輓。我教你快走。如今喫了虧了。〔丑〕喫虧不要說。那人好是程嬰。〔生〕你又來。程嬰那得在此。〔丑〕待我叫一聲。〔生〕不要叫他。非是好人。就是程嬰。也不要見他了。

〔川撥棹〕〔丑〕我這裏叫程嬰。他那裏故阻佯羞不側聲。你害了孤兒。你害了孤兒。自取身榮。到今日見恁。好交人怨着恁。

〔哭相思〕〔合〕那日桑間相會。誰知此地相逢。〔末〕靈輓哥。爲何到此。恩主如今在那

裏。〔丑〕你好欺心。誰是你恩主。〔末〕駙馬是恩主。〔丑〕駙馬不是你恩主。屠岸賈是你恩主。〔末〕你

不知其中緣故。待我見駙馬。自有分曉。〔丑〕待我稟。〔生〕果然是程嬰。不要見他了。〔末〕駙馬爺。程

嬰叩頭。〔生〕程嬰。你忘恩負義賊。我有甚虧負你。把我孩兒在太平莊公孫杵臼處出首。與屠賊殺了。將自己孩兒。在他處享榮華受富貴。恨不得把你烏珠剜出來。今日來見我怎麼。〔末〕駙馬爺。你莫責傾杯啞婦。休鞭爲主耕牛。我有萬千愁恨在心頭。今日對伊分割。只爲你全家遭戮。空交我兩淚盈眸。恩東若要報冤仇。須仗取兔兒將軍之手。那太平莊殺的是我孩兒驚哥。適纔取兔兒的乃是恩主之子。趙氏孤兒。〔生〕好苦也。原來錯埋怨你了。

〔憶多嬌〕聽汝說。心哽咽。人生聚散如電掣。一十八年成永訣。一旦相逢。一旦相逢。兩兩盈盈淚血。

〔前腔〕〔末〕聽訴說。休淚撇。孤兒暗藏出禁闕。深感將軍名韓厥。放出孤兒。放出孤兒。此恩何時報得。〔生〕我如今要見公主。怎麼得見。〔末〕要見不難。如今不在冷宮。公

主與春來在陰陵守先君墳墓。況小人與屠賊結爲兄弟。一宅分爲兩院。我家做事。他家不知。這陰陵軍士都伏小人管。指引駙馬相見娘娘也不難。〔生〕倘屠賊知道。〔末〕都在小人身上。〔行介末〕分付把守陰陵軍士。〔內應介末〕屠爺傳示。要修理四面牆圍。〔內應介末〕府中鄉親。要見娘娘。開

人都退〔內應介生叫介〕

〔青玉案〕〔旦〕陰陵鎮日多煩惱。多煩惱。兒夫斷音耗。今朝聽得鵲聲噪。未審何人囉哩。疾風暴雨。不過寡婦之門。此乃晉襄公之陰陵。妾乃晉靈公之嫡女。當今晉侯之妹。汝何人不知進退。擅擊宮門。把門軍人。怎不止喝。〔生〕趙朔一十八年相別。今日方來拜見。〔旦〕誰人不知我丈夫。叫名趙朔居方。故來調弄。〔生〕我當日在宮中。感得周堅替死。公主五個月身孕。生下女兒。冤枉休提。生下男兒。暗取名趙氏孤兒。着程嬰扮草澤醫人入宮。藏出孤兒。撫養成人。說與報冤一事。言猶在耳。〔旦〕這言語卻真的了。且開門。〔相見介〕

〔臨江仙〕〔合〕自別伊家常念想。分飛去二十餘年。今朝相會謝蒼天。萬般哀苦事。今日對伊言。〔旦〕駙馬。你一向在那裏安身。〔生〕我爹爹幸翳桑靈輒負歸家去。後來知道

一家三百口被屠賊殺了。哽咽而亡。多謝靈輒殯葬。〔旦悲介生〕我又在靈輒家一十八載。虧他看管。說不盡許多苦楚。〔旦〕如今靈輒在那裏。〔生〕在外面。〔旦〕多謝靈輒。叫他見我。〔丑〕公主娘娘。靈輒叩頭。〔旦〕你是恩人。公公虧了你殯葬。駙馬生受你家。無恩可報。起來。〔丑〕娘娘。程嬰要見。

〔日〕程嬰是忘恩負義的賊。我恨不得剜出他烏珠。還見我怎麼。〔生〕也非程嬰之過。待他相見。自有分曉。〔見介日〕啍。程嬰。你這老禽獸。我家有甚虧負你。把我孩兒出首。將自己之子。過繼與他。還要見我怎麼。〔末〕娘娘息怒。〔生〕公主且聽他說。〔末〕公主娘娘息怒。消停聽咨啟。自從兩相爭鬪。屠賊倚勢相欺。縱盜奸計。遣神獒逐趕奔馳。公主與駙馬宮中分別。不知駙馬去向因依。投奔公孫杵臼五個月日。娘娘分娩將期。小人不取有違駙馬。扮作草澤良醫。入宮見娘娘。受多少驚恐。娘娘那時分付。孤兒哭哭啼啼。來到後宰門。遇韓厥把守。被他搜出孤兒。被我道了幾句。那將軍自刎。放出孤兒。那屠賊知道。五家一甲。限三日待首孤兒。小人心驚膽戰。怎禁魄散魂飛。把自己孩兒驚哥。寄在太平莊上。將來代替孤兒。小人反到屠賊處出首。說公孫杵臼窩藏趙氏孤兒。屠賊引兵圍住。拿下公孫杵臼與我孩兒殺了。傍人無不下淚傷悲。那屠賊道我爲人忠直。反招孤兒爲子。養着冤家。今年一十八歲。能文能武。誰想今朝偶輾。天教他出獵打圍。如今不說待何時。太平莊出首的是我孩兒驚哥。方纔取免的是你孩兒。

〔大環着〕〔生旦〕聽伊家言。卻苦了程嬰。說起當初分散元因。〔末〕當時駙馬

使令〔生旦〕感你不忘恩義。謝伊家恩深義深。結草啣環報伊不盡。〔合〕今日裏恩報恩。怎想道相逢到此前定。

〔前腔〕〔末〕公主分娩。扮作醫人。暗藏孤兒出離宮門。韓厥爲他自刎。累及公孫杵臼遭刑。那奸雄信吾是好人。反把孤兒與我結義相親。

〔越恁好〕〔合〕父親身喪。父親身喪。我家不見影。伊東我西。十八載斷音信。如今謝得伊兩人重回帝京。若還報得冤和恨。雙雙老景諧鴛枕。

〔前腔〕晚些人靜。晚些人靜。駙馬就此行。今宵父子先廝見。再完成。從頭那時說事因。恩須報恩。冤家定不饒過恁。

〔尾聲〕當初只道無忠信。誰想今朝恩報恩。得報冤仇只靠恁。〔生旦〕程嬰。我要

見孩兒。怎生得見。〔末〕駙馬宮主靈輓。今晚驀地都到程嬰家裏來。〔生〕使不得。只恐屠賊先知道了。

卻不好。〔末〕屠賊雖與程嬰共居。屠賊之宅。潭潭深處。一宅分爲兩院。駙馬不須憂慮。我將一十八年之事。編成一手卷。待我說與小恩主知道。就可相見。

〔生〕夫妻子母謝神天。

〔旦〕天若憐冤必報冤。

〔丑〕兩片菱花重相會。

〔末〕一輪明月再團圓。

第四十一齣 報復團圓

〔末上〕造惡欺君妄自尊。殺人害命實傷心。此事若還無報應。鬚臉閻王木偶人。昨日屠岸賈與屠程出郊打獵。到十五里太平莊。忽然眼見虛花。口稱有鬼。先自回來。吾到陰陵。天差遇見駙馬公主靈軀。我把殺驚哥救孤兒的事。從頭說與一遍。夫妻團圓。三人俱潛到我家。吾思屠賊祿盡。勢敗無權。今日不說與屠程得知。更待何時。我如今把兩相爭強。一十八年的事。畫成一軸圖畫。不免點起畫燭。在小閣兒上少坐片時。待屠程出來。從頭一一說與他知。先教父子團圓。次殺屠賊報此冤。

〔小生〕踏盡天涯路。平生不信邪。爲人豈怕鬼。怕鬼是心疑。那壁廂爹爹日昨口稱有鬼。不知爲何。不免到這壁廂爹爹處問明。爹爹拜揖。〔末〕你那裏來。〔小生〕如今在那壁廂爹爹處來。〔末〕我問你那裏是親的。那裏是義的。〔小生〕那邊是義父。這邊是屠程親父。〔末〕你也是個不成器的。爲人怎麼有許多父母。

〔北村里逐歌〕〔小生〕俺爹爹爲何爲何眉皺。莫不是與娘與娘爭鬪。他那裏一聲聲罵着。罵着誰是負心禽獸。他那裏長吁氣拭着淚點着頭。莫不是老人家近日來帶酒。

〔上馬嬌〕既然帶酒也不煞恁憂。俺欲將撲天關手段解他愁。罷罷。又道屠程開大口。〔末〕三六年間問是非。此情不與外人知。伊心不曉吾心事。仔細端詳仔細推。〔下小生〕適纔爹爹爲何掛起畫圖。待我看一看。這是甚麼故事。

〔元和令〕這幾個燈下游。這婆娘將衣袂扭。這一個臥在桑林下。那兩個多應是公與侯。這一個貌皺搜。這兩個燒香燒香稽首。

〔柳葉兒〕穿紅的引惡犬在街上吼。穿紫的得一個背了走。呀。想一家怎有。這將軍自刎自刎其首。這老子莊上遭枷扭。這一個埋屍首。這婆娘淚交流。也不知有甚冤仇。〔末〕要知心腹事。但聽口中言。屠程你看畫。曉得其中之事麼。〔小生〕孩兒頗知。

〔末〕那一個卻是。那一個卻不是。〔小生〕孩兒看起來。那穿紅的卻不是。穿白的卻是。〔末〕我說你

也曉得穿紅的卻不是那一個強。那一個弱。〔小生〕穿白的強。穿紫的弱。〔末〕你如今敢替那穿紫穿白的殺那穿紅的麼。〔小生〕爹爹說與孩兒明白。就去殺那穿紅的。〔末〕既如此。你坐着。我站着。說與你知道。〔小生〕爹爹到站着。孩兒到坐着。傍觀不雅。〔末〕你不坐。我不說。當初那畫工說。若要此畫講明。須要公子坐了。方纔好說。〔小生〕孩兒告坐了。〔末〕景遇元宵。花燈滿市。〔小生〕那戴鳳冠與穿着白的是誰。

〔啄木兒〕〔末〕這是趙駙馬和公主。此樓喚名望春樓。爲結綵觀燈樂盛時。那醉漢名喚周堅。賒酒飲潛奔天街。這個婆子。索酒價扭告樓底。那醉漢與那穿白的呵。儀容動止渾無二。待還酒價留他住。那穿紫的乃是穿白的父親。正是當朝丞相。這個地名喚做醫桑。爲勸課農民到此處。這個餓夫呵。

〔前腔〕名靈輒病又饑。賜飯還留半不食。待攜歸奉養慈親。因孝義贈他銀米。那穿紅的與穿紫的生嫉計。爲因趙老丞相勸農不會同他去呵。遣人行刺三更裏。那刺客喚名鉅麋。聞得趙老丞相言詞忠義呵。他不忍行兇反自觸槐死。那穿紅的因謀不果。

又生一計。他家有一犬。名曰神獒。諸物不喫。止喫羊肉的。分付心腹之人。縛一草人。扮作趙老丞相模樣。

〔前腔〕冠緇弁掛紫衣。與丞相儀容克肖的。設計兒腹匿羊羔。使惡犬終朝食之。他讒言奏主滅天理。故稱外邦進一犬。名曰神獒。能識忠佞。兩班文武。止有趙老丞相穿紫。其時放出犬來呵。果然犬見來撲取。把個護國忠臣無計施。當時虧了直殿將軍提彌明呵。

〔前腔〕真烈士義氣舒。他怒執金瓜將犬擊死。那丞相呵。出朝門忽遇靈輒。得他人背負前去。那穿紅的知道走了趙老丞相呵。奏君又欲傷其子。這穿白的其時呵。幸周堅拚死能相替。這二百口冤仇有誰報取。

〔黃鶯兒〕公主痛分離。在冷宮中產下兒。那穿藍的呵。喬妝草澤入宮去。將那趙氏孤兒呵。藏出禁闈。後宰門有韓厥把守。被他搜出。穿藍的自分必死。返觸他幾句傷心語。好傷悲。將軍義勇。自刎放孤兒。

〔前腔〕出榜限三日。若出首孤兒則止。假如無出首呵。把同年兒盡誅。那穿藍的無計可施。只得把親生孩兒驚哥呵。俏然送到公孫處。那穿藍的逕到穿紅的府中出首。說城北十五里太平莊公孫杵臼窩藏趙氏孤兒。那穿紅的呵。領兵四圍。拿了公孫杵臼和那驚哥呵。一時殺取。那穿紅的錯認穿藍的是個好人。欣然結拜爲兄弟。把孤兒螟蛉爲子。冤恨有誰知。〔簇御林〕〔小生〕聽言語。自三思。舉一隅當三返之。看來愁容蹙。迫無些喜。說明白我與彼爭些三氣。〔末哭介〕可憐可憐。〔小生〕爹爹。你免傷悲。從頭至尾。說與恁兒知。

〔前腔〕〔末〕將言發。又三思。說將來卻甚易。只怕受恩深處冤難洗。天那。枉教人墮下千行淚。話難提。〔小生〕我的親爹。你有話就說。〔末〕我不是親爹。那穿白的是你父親。戴冠的是你母親。穿紫的是你公公。穿紅的就是屠岸賈。那穿藍的是我。〔小生〕那趙孤兒是誰。〔末〕你就是趙孤兒。〔小生〕呀。十八年枉叫讒賊爲父。好氣殺我也。〔倒介末〕駙馬公主快出來。救取孤兒甦醒。

〔荷葉鋪水面〕〔生旦占上〕不甦醒怎奈何。屠賊那曾發付我。三百口冤家盡靠着兒一個。你如今有失教我怎生結果。傷痛怎不教人恨殺屠岸賈。

〔前腔〕〔小生起介〕尋思起那匹夫。一十八年枉叫你爲父母。把我一家蕩絕無門路。老恩人我爹娘知道有也無。教我苦無伸訴。〔見介〕我的爹娘。

〔駐馬聽〕年少愚癡得罪逆天。我是不肖兒。使人氣冲牛斗。怒決江河。便死待何如。管教屠賊受分屍。閻王注定已無辭。老恩人。你休漏深機。須防人有隔牆耳。

〔前腔〕〔生旦〕少長深閨誰識人間是與非。把我陰陵囚禁。酷暑嚴冬。罕見天日。今朝得見我孩兒。天交夫婦重相會。觸景傷悲。思量展轉偷彈珠淚。

〔前腔〕〔末〕住哭停悲。聽我從頭說仔細。疾忙開宴。請他夫妻。到此相會。待吾設個小機兒。管教中俺牢籠計。那日呵。四下裏把兵圍。除非插翅難飛去。〔生〕孩

兒。我一家三百口被屠賊立盡。今仗兒報冤。你心下如何。〔小生〕待孩兒奏過朝廷。〔生〕還與老恩

人商議。〔小生〕老恩人有何妙計。〔末〕來日就此設席。只說有一鄉親在此。請他夫妻。席間下手。〔小生〕倘被他知覺。不要走了。〔末〕一十八年尙不泄漏。何愁一時。〔小生〕叫小校。〔衆應介小生〕快點五百名軍士。圍了自家府第。〔末〕去請大老爺和夫人出來陪鄉親。

〔鮑老催〕〔淨〕前日我孩兒和兄弟。出郊巡歷去打圍。〔見介〕兄弟請我出來。有何話說。〔末〕兄弟有兩個鄉親在此。請哥哥嫂嫂。〔淨〕既有鄉親。請相見。〔末〕今日是我。明日是大哥。〔淨生見介淨〕好無禮。我且下禮。他不回禮。〔末〕他是鄉里人。不曉禮數。〔小生喚〕小校。刀要出鞘。弓要上絃。〔喝介〕屠賊認得上面的是誰。〔淨〕好古怪。〔生〕我是誰。〔淨〕好似駙馬居方。〔小生〕可知道挪了。〔衆挪淨介〕岸賈氣凌雲。威權殺大臣。殺伊三百口。就死也甘心。〔下小生〕小校傳令。把屠賊一家老幼都殺了。〔末〕他夫人最賢。累累諫勸不從。非干他事。可饒他死。〔小生〕老恩人。屠夫人他豈不知。〔末〕累累相勸。不肯聽從。〔小生〕既是老恩人討饒。發在漿欄房去罷。冤仇已報。酒過來。此杯酒先送那一位恩人。〔生〕先到靈輒。後到程嬰。

〔園林好〕〔小生〕斟一杯香醪蘊美。我公公若非是伊。怎脫得好英雄謀計。吾父

親困山居。不是你怎相會。

〔前腔〕〔小生〕趙孤兒爲人在世。這恩德將何報伊。害了公孫杵臼。又帶累你孩兒。

〔川撥棹〕〔小生〕娘歡喜飲一杯。休怨憶。娘在冷宮中悲慼。娘在冷宮中悲慼。父在山中怨憶。恨奸臣沒道理。管教他爲粉碎。〔生〕孩兒。你爲何曉得此事。

〔大環着〕〔小生〕因孩兒觀畫。因孩兒觀畫。問及恩人。說起當初分散元因。提起交人怒增。殺害我一家老幼。遭刑。恨奸臣直恁誑君。萬剛凌遲報也不盡。今日裏恩報恩。怎想道相逢到此前定。

〔越恁好〕〔合〕事皆前定。事皆前定。冤冤相報尋。一還一報。遭誅戮。怎逃命。如今謝得伊兩人。重回帝京。冤家怎生饒過恁。

晉侯殿下伸冤枉。

十字街頭辨是非。

好手之中逞好手。

喫拳須記打拳時。

西

樓

目錄

- | | |
|------|----|
| 第一齣 | 標目 |
| 第二齣 | 覓緣 |
| 第三齣 | 砥志 |
| 第四齣 | 檢課 |
| 第五齣 | 倦遊 |
| 第六齣 | 私契 |
| 第七齣 | 銜恚 |
| 第八齣 | 病晤 |
| 第九齣 | 庭譖 |
| 第十齣 | 閣忤 |
| 第十一齣 | 鷓逐 |

第十二齣 緘誤

第十三齣 疑謎

第十四齣 空泊

第十五齣 計賺

第十六齣 集豔

第十七齣 之任

第十八齣 離魂

第十九齣 凌窘

第二十齣 錯夢

第二十一齣 俠概

第二十二齣 自語

第二十三齣 虛計

第二十四齣

情死

第二十五齣

言祖

第二十六齣

邸聚

第二十七齣

巫給

第二十八齣

泣試

第二十九齣

假諾

第三十齣

載月

第三十一齣

捐姬

第三十二齣

羣嘖

第三十三齣

歸訊

第三十四齣

衛行

第三十五齣

詰信

第二十六齣

喜雋

第二十七齣

巧逅

第二十八齣

會玉

第二十九齣

遊街

第四十齣

乘鸞

西樓記

清袁于令箸

第一齣 標目

〔臨江仙〕〔未上〕

白髮無根愁種就。勸君及早徜徉。風流節俠滿詞場。尊前顏

似玉。燈下語如簧。

試看悲歡離合處。從教打動人腸。當筵誰者是周郎。縱思

敲字句。無敢亂宮商。

〔問答照常〕

〔沁園春〕穆氏于生。西樓曲意。兩逗情腸。奈庭幃起譖。禍因歌譜。拆散鸞凰。寄跡錢塘。被奸掇賺。羨殺伊人節似霜。于叔夜鍾情特甚。一病幾亡。訛傳謊報。堪傷。穆氏聞之。縊繡房。旅邸又驚。鷺樓虛信。無心待榜。星夜走還鄉。豈俠士捐姬奪穆。送至京師。遍覓郎。除奸黨。重逢舊玉。千載播詞場。

于叔夜死與素徽期。

胥長公生把輕鴻棄。

種愁根幾句楚江情。

載癡緣一部西樓記。

第二齣 覓緣

〔戀芳春〕〔生晉巾青圓領上〕劍閃秋霜。硯飛寒雨。唾壺不叩長鳴。季子黃金雖盡。舌在堪憑。夢想秦臺鳳影。奈緣淺空餘愁病。還思省。何事蒼天。恁般虛付才情。

風韻蕭疎。一少年。病多愁劇。嘆連遭。荆山空有投瑜淚。漢水難期解珮緣。只索舉杯邀素月。漫勞搔首問青天。從來去路黑如漆。且聽時人笑眼前。于鵠字叔夜。御史雪竇公之子。南畿解元也。技擅雕蟲。素重長安紙價。功耽刻鵠。曾分太乙藜輝。人說我二酉爲胸。長淮爲口。怎奈葉公有龍圖之好。涓人無駿骨之求。未得上國觀光。且向寒廬抱影。正是富貴在天終莫強。功名到手始爲真。不在話下。咳。只是一件。向爲父任隨行。母憂守制。雖成冠禮。未遂姻盟。我想婚姻乃百年大事。若得傾國之姿。永愜宜家之願。天那。你便剋減我功名壽算。也謝你不盡了。目下綠綺無絃。玄霜乏杵。如之奈何。嘆難道三生石上。半笑也沒有。或遲速不同耳。今上元佳節。多少女子遊玩。不免觀看週遭。萬一夙緣不期而會。也未可知。文豹何在。〔丑扮書童上〕掌管圖書府。遨遊翰墨林。相公有何分付。〔生〕

你鎖了書房。隨我看燈去。〔丑〕恰纔李相公差人來約相公住在家裏。要來同去看燈。〔生〕既

如此。我進書房。你在門首少待。竹裏茶初沸。門前客正來。〔生暫下〕

〔臨江梅〕〔臨江仙〕〔末巾服上〕飲酒歌騷不愛醒。漫將花鳥推評。〔小淨巾服上〕

〔一翦梅〕紅樓十二盡留名。東院聞箏。西院聽笙。〔末〕小生李節。字貞侯。〔小淨〕

自家趙祥伯將是也。呀。貞侯兄何往。〔末〕偶訪于叔夜兄看燈去。〔小淨〕挈弟何如。〔末〕總

是相知同去便了。〔小淨〕行行去去。此間已是有人麼。〔丑忙應介〕呀。兩位相公來了。相公有

請。〔生〕來了。〔見介〕正欲看燈。小廝說李年兄來約。伯將兄不期而至。可稱勝遊矣。〔末〕就

此同行。〔生〕告茶。〔小淨〕沒心想喫茶了。去去去。〔末〕伯將兄請。〔生〕隨意走罷了。〔行介〕

〔繡太平〕〔繡帶兒〕〔生〕東風靜。溶溶夜景。〔丑指介〕到處都是花燈有趣。〔末〕遍紅

樓掛綵燒燈。〔生〕多少龍銜寶樹。雞上蓮花。〔小淨〕妙。銅芝之金藕參差。〔丑〕前面鰲山燈。

造橋燈。〔生〕星橋火樹縱橫。〔醉太平後〕〔末〕堪驚。平康數里耀人明。〔丑〕月

起了。〔小淨〕更月上素暉相映。〔丑〕多少看燈的。〔生〕可誇遊興。〔丑〕看蒼筤竹

馬往來不定。〔小淨〕我每再到歌院裏走一走何如。〔生末〕正有此興。〔丑〕趙相公往那

裏去〔小淨〕轉灣西去。一帶都是高樓子。

〔三解醒〕〔三學士〕〔生〕曲巷高樓疏樹影。〔末〕一路明璫翠鈿。煞妖嬈也。〔小淨〕蜂

黃蝶粉輕盈。〔丑〕那個姐姐開着簾看相公。〔生〕假看珠勒垂紅袖。〔丑〕一個在那裏插

釵。〔末〕倦整金釵倚翠屏。〔丑〕什麼香。〔解三醒〕〔生〕幾陣香風吹醉醒。〔丑〕

一陣烟。〔末小淨〕這是蘭麝氤氳寶霧橫。〔丑聽介〕那壁廂鳴鳴的響。〔生〕春纖

冷。想綠紗深處。小婦調笙。〔小淨〕且住。眼闕雖飽。腹內漸漸裏楞起來。怎麼處。不如向小壚買

酒。痛飲一番。〔生末〕也使得。此間已是。〔小淨〕酒保有麼。〔小旦青衣扮酒婆上〕仙人留玉

珮。學士解金貂。呀各位相公。〔小淨〕有好酒麼。〔小旦〕有細麵琉璃碧。陳年琥珀紅。小店呵。座

上客常滿。樽中酒不空。〔小淨〕請樓上坐。去熱酒來。〔下〕衆作登樓。〔丑斟酒介〕

〔大節高〕〔大勝樂前〕傾佳釀。殘內紅生。小壚邊拚醉醒。長歌一曲梁州令。

〔節節高後〕風流性。詩酒情。花月興。及時管領繁華境。聲聲漏鼓無多剩。此夜

燈前快傳觴。來朝霽雨渾難定。〔末〕小弟醉也。別了罷。〔生〕酒闌歌罷已三更。〔末〕

醉眼看來月倍明。〔小淨〕寂寂平康朱戶掩。〔生〕教人何處覓娉婷。〔末小淨〕請了。〔生〕
李相公醉了。文豹你可扶送歸去。我自步回也。〔衆下生弔場介〕咳。李趙二兄都去了。看天色空
青懸翠釜。月華虛白漾冰壺。此時佳人才子。銷金帳中。沈香火底。無不淺斟低唱。共賞元宵。獨我于
鵲形影無依。徘徊中夜。怎生是好。方纔燈影中。遍選紅粧。總無有解吾情者。天那終不然罷了。既是
書生薄命。你不該生我多情。

〔東甌蓮〕〔東甌令前〕煞薄命。枉多情。腸斷東風少珮聲。良宵美夜偏孤另。悶
無語。誰相並。空瞻星斗數殘更。〔金蓮子後〕管盼殺翠紅鄉。綺羅叢。款軟話綿
藤。

〔尾聲〕這段緣難廝稱。巫雲夢影未分明。惟有清光照淚橫。〔長嘆介〕

行歌處處月明中。

獨我牢愁鬱未通。

攜取梅花數升酒。

醉尋江岸哭東風。

第三齣 砥志

〔祝英臺近〕〔旦淡粧上〕夢初回。燈未盡。鴉噪綺窗曉。自照菱花。羞點翠眉小。謾教選伎徵歌。強爲歡暢。滿腔恨。有誰知道。朝朝淺淡妝。不競鉛華侈。太陽升輕霞。芙蓉出淥水。莫道人斷腸。每自銷魂死。風塵浪得名。淪落何時已。奴家姓穆。名麗華。字素徽。居住西樓。教坊出身也。七歲能謳桃葉。十三善舞柘枝。曲曲連娟。爭呼昔日修眉史。纖纖束素。不減當年來夢兒。只是性厭鉛華。無奈闌門車馬。心憐才雋。空誇滿壁圖書。咳。倘得撥琴之挑。永遂當壚之願。吾事畢矣。看來再沒有一個。只有做錦帆樂府的于叔夜。是天下奇才。我日夜習其歌曲。心欲歸之。但不知邂逅何日。緣分有無。今日託病謝客。不免把他歌曲。玩味一番。〔做翻譜介〕呀。是他做的楚江情。待我謄寫在花牋上。則個。〔做口念手寫介〕朝來翠袖涼。薰籠擁牀。昏沈睡醒眉倦揚。懶催鸚鵡喚梅香也。把朱門悄閉。羅幃漫張。一任他王孫駿馬嘶綠楊。夢鎖葳蕤。怕逐東風蕩。蜂兒鬧紙窗。蜂兒鬧紙窗。蝶兒過粉牆。怎解得咱情況。〔看箋沈吟介〕

〔桃柳爭春〕〔老旦妓妝上〕輕妝恁嬌。特來探問鄰家。不知因甚病倒。奴家歌院

劉楚楚便是。聞得穆家素徽妹子有病。特來候問。妹子開了門。〔旦做開門接介〕噯。姐姐來也。

〔老旦〕妹子有甚麼病。〔旦〕我沒有甚麼病。〔老旦〕又來了。都說你有病在家。兩日不出門。

〔旦〕這是不出門病。〔老旦〕敢是害相思。〔旦〕那個是我看得上的。我去思想他。正爲碌碌

風塵。無有解者。若提起相思。越教人斷腸矣。〔老旦〕我每銜銜人家。那裏認得真。只好隨花逐月

過日子。〔旦〕劉姐姐。

〔祝英臺〕你只道少年場花似錦。結隊逞妖嬈。歌繞畫梁。舞動香塵。管使座中魂銷。〔老旦〕今日烟花部中。還推你第一。〔旦〕多嬌。怕一朝春去。門前寶騎雕輪稀了。

那時候誰肯憐。〔老旦〕雖是這等說。你年當二八。正好風光。

〔前腔換頭〕你容貌。一似李師師。張盼盼。不減舊蘇小。那更水暎翠眸。山遠輕眉。果是素喉蠻腰。〔旦〕怎奈應酬不暇。知己甚少。〔老旦〕你談笑有鴻儒。往來無白丁。交好。

無非詞苑名流。與那騷壇年少。怎拚捨西樓。月夜花朝。〔旦〕姐姐。

〔前腔換頭〕你差了。那些流水行雲。豈是久常交。〔老旦〕畢竟什麼樣人。方稱得你

意。比似有才無情。有情無才。總不入你眼睛。〔旦〕咳。姐姐。那見有才的沒有情。惟真正才人。方是

情種。除是沈約宋玉。情種愁魔。方曉得我的根苗。〔老旦〕倘王孫公子。要娶你起

來怎麼處。〔旦〕兒曹。任他白璧黃金。一點芳心難討。漫無緣。可不空負了求凰

琴操。

〔末丑扮家僮上介〕主命遣差。蓋不由己。我每池相國府中院子。俺三爺差我每去請穆素

徽陪酒。此間已是西樓。有人麼。〔叩門介內應〕不在家裏。〔末丑怒介〕前日請不動。三爺着惱

得緊。今日來過三次了。又回我每。怎好去回覆。若在裏面。快些梳起頭來。〔內應〕果然是城中崔

老爺接去船上陪酒了。〔末丑〕既如此我每去回覆了。但憑三爺。正是有心來漢水。無路入桃源。

〔下旦〕只聽這些聒噪聲。何日是了。

〔前腔換頭〕〔老旦〕聒噪是誰家三兩青衣。促戴翠雲翹。〔旦〕那知我粉冷絮

塵。脂凍桃花。不理舊時笙簫。〔老旦〕妹子你這等洗脂謝粉。定有個心上人在那裏。不妨與

我說知。〔旦〕咳。沒有。〔袖出譜介〕只有做這錦帆樂府的于解元。未識其面。先慕其才。是真正

情種。尚不知容貌若何。邂逅何日。〔老旦〕佳人才子。原是天生的配偶。只是王嬙遠聘。虞姬嫁遲。

姻緣事非偶然也。〔旦〕在我也忒不偶然了些。〔老旦〕休焦。縱如當日虞姬。只是花

星遲照。〔旦〕倘終身不得其人，便怎麼處。〔嘆介〕怕無成，還被東風嘲笑。〔老旦〕這

點真心，不知那于郎可消受得起。待我借這歌譜去看他如何才調。〔旦〕我有親筆花牋在內，也

是他做的楚江情，不可遺失了。〔老旦〕這個自然。〔做收譜在袖介〕

春絲未許障秦樓。

心事都從淚裏流。

羞道紅顏多薄命。

由來綠鬢易牽愁。

第四齣 檢課

〔賀聖朝〕〔外冠帶蒼髯末老院子隨上〕烏臺日冷清霜，鳳池風裊奇香。拾遺補過

盡動勤，鬢髮漸成蒼。鳴鳳寧栖谷，丹葵敢向陽。責君惟大道，教子有義方。期不負恩數，無以贊

朝綱。憂心千萬縷，都作鏡中霜。下官于魯，號雪賓。進士出身，官受京畿道御史，卓囊獻替，白簡繩糾。

舉帷露冕行春，風幹漫同郭賀。簪筆整襟達旦，忠誠不讓傅玄。畫戟遮門，懷異謀者莫入。赤棒破輦。

犯清路者有誅。自掌事來，墨吏聞風解綬。椒藩斂影避驄。天子褒我爲真御史，近因宗王多忌。宦侍

生猜，暫且託病告假。正好理家課子。亡荆顏氏，止生一男。夢鷓而生，因以鷓名。雖列桂林，未攀杏苑。

奈他雄才自恃。雜藝分心。廣結四方之名流。遂襲一時之虛譽。只怕他把舉子業看輕了。不今不古之學。無以應選。失學在彼。失教實在我矣。

〔步步嬌〕暮景催人添惆悵。有子年方壯。他才名已擅場。愛他鏤管生花。繡紙翻浪。只是心活得緊。無奈性疏狂。詩酒襟懷放。今日閒暇。不免查檢文課。訓他一番。叫院

子請大相公出來。〔末〕想是出去拜客了。〔外〕是了。我一向不會到他書館中。定不防範。我今乘其不在。悄悄進去。檢他書課。有何不可。分明有個朝天路。何事男兒不讀書。〔暫下丑文豹上〕

洗硯魚吞墨。烹茶鶴避烟。自家于相公書童文豹便是。俺相公書房中琅函萬疊。緗帙千層。都是我收拾。今日出去拜客了。待我整理書籍。磨濃了墨。等他回來寫字。〔做磨墨介外換便服。蹙地上〕

轉過曲欄杆。又是深簾幕。寂寞掩雙扉。不鎖葳蕤鑰。〔丑〕呀。老爺來了。書又收不及。怎麼處。〔見外做驚駭介外〕大相公那裏。〔丑〕想拜客去了。〔外冷笑介〕終日拜客。再拜不完。咳。可惜明

窗淨几。

〔沈醉東風〕悄書齋樹陰滿窗。銅雀硯墨花輕漾。〔看書介〕呀。這是一卷梅花賦。數闋

竹枝詞。鸞牋酬和曲。蘭簿往來詩。〔做不樂介〕哦。翻新課。費端詳。呀。這是楚中張太史文

集序。這是粵中徐儀部傳記。這是新脫稿的薛文康墓誌碑銘。這又是答王山人茶醉詩。答武陵僧

偈語。都是和吟酬唱。聖賢書並沒在桌上。這又是種種成帙的泣夢篇。破壺吟。擊筑歌。

花月評。松風餘奏。錦帆樂府。咳。淫詞滿案。豔曲成編。怎麼了。〔合〕淫詞豔章。說甚錦心繡

腸。兀的笑殺庭前訓義方。文豹過來。大相公還不見歸來。〔丑〕就回的。

〔海棠春〕〔生忙斟上〕名高無奈交遊廣。酬應畢歸來書幌。〔做看介〕噯。噯。何事

把門開。好費沈吟想。〔丑〕老爺竟步入書房。如今在裏面翻閱書案。〔生做驚介末〕大相公歸

了。〔生整冠揖外介〕你在那裏閒耍。〔生〕拜客。〔外〕拜什麼客。〔生〕滇南馮太史年伯來

拜了。特去答拜。〔外〕怎麼拜了你。倒不拜我。只怕又是支吾。且住。你平日用什麼功。試說與我聽

〔園林好〕〔生〕星月淡雞聲曙窗。風雨暗燈花夜缸。五典三墳曾講。只指望繼

書香。只指望繼香書。〔外〕這些新製。都是桑間濮上之詞。豈是吾家世學。

〔江兒水〕這是桑間調。水面腔。宜淫啓亂靡靡響。好付梨園供歌唱。豈堪清廟

明堂賞。怎值把精神滔蕩。祖父遺書儘讀不盡。何暇去撰著詞曲。〔合〕庫有青緗。何不潛心參講。

〔五供養〕〔生〕騷壇伎倆。遊戲餘功。正業無妨。披函或倦讀。灑翰漫成章。尋聲問響。逗不破花魔月障。敬佩庭前訓。感難忘。自今不去理宮商。〔外〕張衡研京十

年。左思練都一紀。大凡雜著。最是妨功。况俳優所習。綺靡之語。作之益傷雅道。當今以制義選士。待博得金紫。後及詩歌。未爲晚也。若浪擲才華于騷壇酒社間。縱爲山中高士。實則天下廢人。古人云。梁棟不斲。終爲林木。圭璋未剖。何異砮砮。汝既具有用之才。常知大人之學。亦思上報國恩。遠繩先武。只管悠悠忽忽。一任窗前的駒隙。不愁鏡裏之霜華。吾以爲魯戈難再。江筆可危也。

〔玉交枝〕丈夫趨向。墨悲絲楊泣路旁。文章事業青雲上。豈爭些小伎倆。渥丹鏡顏不久蒼。過駒窗影難輕放。〔合〕俊才華休得自戕。美田疇莫教自荒。

〔玉胞肚〕〔生〕才疎學曠。感嚴親諄諄義方。一霎時啓瞶開聾。從今後刺股懸梁。〔合〕專心制義獻明光。雁塔爭看姓字揚。〔小淨扮閹人持書上〕爲奴二十年。鬚鬢

已瞞然常防賓客至。守在大門前。外邊馮老爺家有書。送與大相公的。〔外〕又是什麼書。〔取開看介〕

〔川撥棹〕封函上半鉗着小印章。展開時素紙凝光。展開時素紙凝光。呀。又是

詩詞了。又早是新詩幾行。呀。馮太史是我同年。不好唐突他。管門的只說相公被老爺督課。

書簡都不得送進。〔小淨應介合〕說庭闈凜似霜。督攻書絕寄將。〔小淨應欲下介外

復喚轉介〕從今以後。凡是會文的相公來。都請進廳堂。若是詩人酒客。一切都回。〔小淨應介〕

曉得。〔外〕凡書柬是求詩索字的。也不許送進。〔小淨〕這個小人那裏看得出。〔外〕也罷。一

切都回了。孩兒過來。你今後一意舉業。把所製詞曲。不論已成帙未成帙。已刻版未刻版。都將來燒了。決不可再做了。〔生〕孩兒謝教了。

〔尾聲〕〔外〕從今休費閒思想。把慧劍掃空魔障。〔生〕一心攻有用文章。

當今天子重英豪。須把文章教爾曹。

正是萬般皆下品。果然惟有讀書高。

第五齣 倦遊

〔探春令〕〔丑扮鴿母上〕垂楊深巷隱棲鴉。歎朱門瀟灑。〔旦上〕對東風淚溼鮫

綃帕。共誰語衷腸話。〔丑〕嫩雨瀟瀟苔蘚細。曉寒猶自侵衣袂。〔旦〕幾番欲去整琵琶。病怯

更愁纖指脆。〔丑〕獨我門前不繡鞍。誰家樓上無高髻。〔旦〕茶鐺藥碾是吾謀。那管梅花滿階

砌。〔丑〕我兒。我老身乜氏。年紀一把。祇收拾得你一個。從小聰明伶俐。學得歌舞琴棋。果是謔處

成詩。行來入畫。蹴鞠場中第一。琵琶隊裏無雙。當今四方才士。那個不曉得平康巷西樓。有個穆素

徽。只是你性厭烟花。心甘箕帚。十二個時辰。怨恨多。快活少。一句說話二句便惱。春病懨懨不得好

門前車馬空喧鬧。咳。朱簾寂寂。几生塵。教我做娘的怎麼了。〔旦〕但是請陪酒的。便好扶病而去。

抵暮而回。若要接客。斷然不成矣。〔丑〕養嬌了你這般執性也罷。近有池相國公子有名池三爺。

要請你看梅花。自來三次。家人日在外邊伺候。我兒看娘面上。一定要去。〔旦〕不去罷。〔丑〕來

意甚誠。已難推阻。你若再不去。他勢焰滔天。我一家都送在他手內了。〔旦〕這樣使勢公子。要我

去。倒不如你去了罷。〔丑笑介〕我兒又來調戲母親了。我老人家面凍梨花。傅粉皺如雪浪。首飛

蓬草塗煤暗若烟林。那個要我兒不要閒講。他每想必就來接也。

〔前腔〕〔小淨上〕特邀殊麗共尋花。見朱扉低亞。小子趙伯將爲池公子邀穆素徽探

梅。此間已是有人麼。〔丑開門見介小淨〕池三爺請令愛探梅。等待已久。託小子致意媽媽。快催

令愛登舟。〔丑應旦做換衣介丑小淨敍寒溫介〕

〔天齋郎〕〔淨盛服帶家僮上〕慣扛紮少傷僮。開譚父祖是科甲。草其腹而花其

面。人人喚我蔡跣踏。〔笑介〕自家池相國之子。池同是也。久慕穆素徽之名。不得一見。今特

請他玄墓探梅。此間已是快去通報。〔雜通報相見介〕久慕大名。如雷應鼓。〔丑代答介〕幸辱

寵愛。似漆投膠。〔淨〕伯將兄早在此了。〔小淨譚介旦扯丑介〕你與他先講過了。坐不共几。食

不同器。要依我這兩件方去。〔丑笑介〕我兒敢是揪銀子的法兒。〔旦怒介〕俗答答那裏說起。

果是不願接他。依我便去。〔丑〕這又是難題目。難殺我了。〔旦〕只說有病。〔丑向淨介〕三爺

來喚女兒。幾次失迎開罪。〔淨〕便是。也不止一二次了。〔丑〕只是今日還有一言告稟。女兒爲

有賤恙。且是生瘡。雖應三爺之命。必要坐不並几。食不共器。直待病好了。方得共几而坐。同器而食。

〔小淨〕這樣作難。〔淨〕也罷。小子是極有趣的。但憑令愛便了。就請登舟。〔丑促旦登舟向小淨介〕趙相公全仗你照顧。我兒早些回來了。〔小淨應介丑〕我自進去也。閉門不管窗前月。分付梅花自主張。〔下淨〕只怕天色要雨。〔旦〕看來晴意甚少。

〔長拍〕〔小淨誦介〕非雨非晴。非雨非晴。欲晴欲雨。十里冷雲如畫。溪橋烟鎖。野渚水滿。曲灣灣並沒人家。蘭楫漫輕划。到水雲深處。淺堤殘壩。前面有村舍了。隱隱疎林草舍簇。孤寺矗。斷烟又。風景果然幽雅。一派都是梅花。試遠山遠望。遍麓梅花。〔旦〕看珠離玉綴。苞布冰懸。宛然庾嶺。不輸官閣。

〔短拍〕馥馥清香。馥馥清香。微微幽韻。白茫茫雪彩霜華。何處最堪誇。幾萬疊藥宮瑤瓦。〔淨〕未許空辜此景。俺直待相抱醉流霞。小廝看酒來。我與穆姑娘喫酒。

〔小淨〕此時也該了。〔旦〕我病不用酒。原說坐不並几。食不共器的。如何相強。你自喫酒。我自看花。各適其適便了。〔淨〕既如此將酒來。我自酌。〔小淨〕小弟奉陪。

〔羽調排歌〕閒雅新妝。輕盈素葩。尊前冷澹堪誇。〔旦背介〕梅花梅花。看你冰魂玉

魄果無瑕。不向東風鬪麗華。孤芳勁。幽韻嘉。只怕霜欺雪妬。委泥沙。〔淨〕素徽爲
何不飲不歌。祇多嗟嘆。〔小淨〕必有心事。〔合〕無歡笑。少問答。自將心事語梅花。〔旦〕
不是我怠慢你。實是病體難勝酒。愁懷不耐歌。

〔前腔〕病鬼愁魔。心猿意馬。縈牽萬緒如麻。懶歌白雪。按紅牙。倦舞迴波。落翠
鴉。〔小淨〕這是爲什麼。〔旦〕這是膏肓病。未可拏。風塵不耐受波查。〔淨〕我已醉倒。

你又多病。各設一席去睡了。明日送歸罷。〔小淨〕三爺知趣得緊。〔合前〕

相逢爭奈兩心違。

信是三生緣分稀。

夜靜水寒魚不餌。

滿船空載月明歸。

第六齣 私契

〔吳小四〕〔丑使帽輕衣笑上〕

酒中糟。賭內淘。昏昏暮又朝。因甚年來生意少。大

老官人都變了。苦推磨閒絮叨。頭戴吳江帽。腳套松江履。雙襪細如簫。單衣輕似紙。魂旛闊

衣帶。偏衫大袖底。〔笑介〕說起伎藝來。真正要愧死。有個叫化的吹簫過街市。私去拜從他學得

些兒伎。只因傳派低。到底原如此。提琴弄忒楞。又去彈絃子。串戲身段粗。清唱喉嚨脆。一句十三腔。白字如流水。侵尋開口唱。天怜卻閉嘴。坐在石場上。磚片一齊起。聽得別人唱。倒把唇來圪。素性喜談人。非咱不度己。慣騙小官人。專嚇無名妓。〔笑介〕本事何常動得人。只是一味大言不慚而已。小子老白賞郭思嶠便是。今日同強二老官阮三郎一班。在劉楚楚家會講伎藝。還不見齊。〔望介〕呀。遠遠望見強二老官來也。

〔前腔〕〔淨使帽鮮衣白鬚上〕老幫闕。手段高。招牌慣弄脬。莫笑區區知契少。士夫官員盡見招。誰不識強夢橋。〔丑接介〕還有個郭思嶠。〔笑見介〕二老官攤浪大名。〔淨

不是肉麻說。其實夢橋二字。人人曉得。只管來尋我白賞。苦忙得緊。意欲把橋字改了秋字。不知可好。〔丑〕弗差。極妙。只怕口生。待我叫你應。〔叫介〕夢秋。〔淨應介丑連叫〕夢生。夢老老。〔淨

連應介丑〕明日送一個紅心軸子與你慶號。〔淨〕休得取笑。今日劉楚楚當會講曲。只怕此時該去了。呀。許一官遠遠的來也。

〔前腔〕〔小淨扮村妓上〕態妖嬈。打扮喬。行來頸骨搖。兩片嘴唇闊。又蹇。眼大眉

粗面又凹。只落得彎話騷。〔笑見介淨〕一日不見。鬚鬚滿面。〔小淨〕兩日不見。〔丑〕汗

毛打辮。〔淨〕老一伎藝大進。〔丑〕前日唱窺青眼的一套。妙得極。〔小淨〕我每那班彎話朋

友。少不得我的弋陽曲子。我原苦得甚。〔淨〕果然你說話惹聽。客料自然動火。〔丑〕當今好姊妹。

除了老一。其實少有了。〔小淨拱手介〕老兄。學生是不受臭偏的。〔淨〕休要嚼蛆。阮三郎怎地

不見。〔丑〕他路近。一定先在劉家了。迤邐行來。此間已是。〔叩門介小生帽服應上小淨〕果然先

在裏面了。〔小生〕誰人門外至。喜鵲噪簷端。〔老旦上〕繡梅牙牌亂。掀杆玉子殘。〔總相見介〕

劉妹三哥。〔老旦〕許小一官。打扮得好。總把盤龍髻。金釵兩鬢分。身穿玄色襖。細細佛頭雲。〔小淨

怒介〕慣是穆素徽妹子。專奚落我。你也學了他。難道我便打扮不得的。〔淨丑〕沒傷僮。今日是

會講曲子。不是大紅帖子。請來相罵。還不先起調。〔小淨〕人還不齊。穆家妹子呢。〔老旦〕池公

子接去看梅花了。〔小淨〕洪寶兒呢。〔小生〕河南棗子客人接去了。〔丑〕不要敗了興。就是

許一官起調。〔小淨做遜介衆催唱介小淨〕唱了新時曲罷。〔做打掃喉嚨討茶喫做閉眼搖頭

擊板唱介衆贊介小淨〕又來了。唱也不會唱。先贊好了。可見是戲我。〔衆〕曲意先妙了。〔小淨

隨意將時曲一隻唱作夸調介衆笑贊介淨附丑耳云方纔老一唱的曲兒這幾個調我都摹擬在此了〔丑〕你摹擬像個什麼來〔淨〕那一個闊調呵

〔黃鶯兒〕如把破筒敲〔丑〕啞調呢〔淨〕癩蝦蟆猛醋哮〔丑〕低調呢〔淨〕雨

中曲蟾啼陰調翻高字雌貓怕交做拖腔綿紗漫搖快來好似鷓鴣叫〔淨搔喉

介丑〕把喉搔接連幾套〔小淨〕越聽越難熬

〔二臺令〕〔生上介〕曉風偷勒輕鏢又到平康畫橋美盼笑相招儘看遍兩行

豔嬌呀何處歌聲聲在這家不免徑入〔老旦小淨接介淨丑小生〕我每去走一走再來講曲正

是前客讓後客迎郎復送郎〔下老旦向生介〕路隔桃源何幸仙郎迷棹〔小淨〕烟深柳陌不

知花史停車〔生〕爲聽新歌特來芳徑

〔集鶯花〕〔集賢賓〕閒乘駿馬來畫橋聽歌韻飄蕭〔黃鶯兒〕果然花下鶯簧

繞〔老旦小淨〕紅牙緩敲碧玉漫調〔生〕唱風情不禁秋波俏〔賞宮花〕半縷細

沈幽澗響一聲清徹彩雲高桌兒上原來一本歌譜〔嘆介〕譜上的曲正好費推敲也

〔老旦〕請教如何便是。〔生〕歌之所重。大要在識譜。不識譜。不能明腔。不明腔。不能落板。往往以襯字混入正音。換頭誤爲犯調。顛倒曲名。參差無定。其間陰陽平仄。喚押轉點之妙。又儘有未解者。恰纔我聽歌半晌。那班少年。功夫正少。〔小淨〕盡是盲啣老白賞。伎藝是不敢勞的。〔老旦〕相公尊姓貴表。這樣精于曲理。〔生〕小生于叔夜。〔小淨老旦相顧介〕莫不是製錦帆樂府的千相公麼。〔生〕然也。〔老旦〕卻又來。穆素徽妹子見了錦帆樂府。日夜稱誦大名。今得幸會。不敢擅便。奴家欲將此譜校定宮調。點正板眼。不知意下何如。〔生〕不妨。我與你校正便了。〔小淨〕謹介。生看譜介。

〔御袍黃〕〔簇御林〕研朱露。蘸彩毫。這都是新曲。咦。這新詞全費敲。不但學疎才淺。此道全然不曉。〔做塗抹介〕入平去上都相拗。改正了方協調。〔老旦小淨〕畢竟宮調如何分別。〔生〕那裏枚舉得許多。〔皂羅袍〕羽越清脆。黃鍾最濁。正宮雄壯。商角冷落。這其間就裏多微妙。〔老旦小淨〕當今誰則知此。〔生〕〔黃鶯兒〕語兒曹。陽春古奏和者甚寥寥。改得幾套在此。雖本文單薄。今勉強協調。可齒牙矣。呀。住了。這是時

人所作。畢竟那個手眼。〔老旦小淨〕這幾套都是趙伯將相公新製。〔生〕咳。我說像他口氣。這個人極不服善的。一時高興。都把他新曲塗壞了。怎麼處。〔老旦〕既是認得的。這個何妨。〔小淨〕〔介生〕幸得不曾校完。幾乎又遭幾個怪。〔翻譜得單牋介〕這是什麼歌曲呀。這是小生所製。楚江情。那個寫的。〔老旦小淨〕不要說起。這就是恰纔所說穆素徽妹子的親筆。他只喜錦帆樂府。日夜思念相公。常說道一朝得見。作歌者便死花前也。遂心。〔生驚喜介〕有這等事。可就得一見麼。〔老旦小淨〕被他公子接去看梅花了。不然今日也在此。〔生〕咳。這樣薄命。〔細看箋介〕如何寫得這般風致。

〔墜梧枝〕〔貓兒墜〕好似當年郗衛。筆勢恁飄蕭。〔老旦小淨〕小小花箋捲素濤。

〔生〕看他點的板。不差半下。熒熒錦字點紅么。于鵲做一向詞曲。只道世無識者。誰料素徽相愛。真同調矣。〔小淨〕我也是贊的。〔老旦〕你唱麼。〔小淨唱不出諷介〕〔梧桐花〕〔生〕

可幸新詞中雅好。〔老旦〕記歌娘子。願曲周郎。合是一副。〔生〕紅紅有意周郎少。〔淨〕

他夢想大名。已非一日了。〔玉交枝〕未相逢神先訂交。〔生〕待我袖此箋去。〔拍箋長

嘆介〕害相思多應這遭。他回時多乞致意。即便拜訪也。〔小淨〕不干我事。〔老旦〕領

命了。〔生別下復上〕失問了。家在哪處。〔小淨〕這是要緊的。〔老旦〕就在左首。〔生〕有記

色麼。〔老旦〕楊柳高樓下。銅環雙闔扉。〔生〕小生就去訪他。但雙扇門的儘多。〔老旦〕記了

春聯者。鏤月爲歌扇。裁雲作舞衣。〔生念鏤月二句下小淨別老旦〕下老旦〕咳。易求無價寶。難

得有心郎。穆家妹子。終日慕于生。誰想那于生今日來。驀地見他寫的花箋。卻原來就是于生做的

楚江情。竟袖了去。還要去訪他。少不得許多情話。從此做出來也。

巫山六六夢難成。

一幅花箋作主盟。

東邊日出西邊雨。

道是無情卻有情。

第七齣 銜恚

〔雙勸酒〕〔小淨方巾便服上〕心術恁頗。幸災樂禍。口舌又苛。喜談人過。一味面

前柔懦。霎時易起風波。小子趙伯將。今值閒暇。不免到平康一步。呀。此間已是劉楚楚家。爲何

一個人也不住在門首。不免徑入則個。〔看介〕呀。寂寂瑣窗幽。琴書滿案頭。咳。是咱新樂府。誰把

筆來勾。咦。這是在叔夜筆蹟。〔怒介〕這個畜生。這般無狀。這等可惡。他一向道自家是有名舉人。把我來奚落得緊。今又公然抹壞我的歌譜。

〔前腔〕〔老旦上〕誰行怒詆。爲些什麼。〔見小淨介〕原來趙相公。〔小淨〕這本歌譜。是那

個看的。〔老旦〕于叔夜相公校正的。是他親筆校訛。改易些三個。〔小淨向老旦介〕這麼

校正。他曉得什麼。〔低頭自語介〕咦。縱是他長于音律。也不合在這里出我的醜。可恨可恨。那

譜快將扯破。〔做扯碎介〕這一腔憤恨難磨。楚楚我去也。〔老旦〕他也不知是尊作。出於

無心。不必記懷。有慢了。正是各人自掃門前雪。莫管他家瓦上霜。〔下小淨〕恨小非君子。無毒不

丈夫。于鵠這等可恨。如何弄他一弄便好。眉頭一皺。計上心來。他與穆素徽相好。昨日會考。竟在他

家裏頑耍。那穆素徽又是極作喬的。都在我面上可惡得緊。竟將這樁事情。再點綴些。與他父親于

雪賓一說。可不快暢。〔笑介〕妙妙妙。

〔好姐姐〕見他父親把舌尖輕簸。說他會文字。卻在娼家高臥。一入此言。教他

好奈何。非小可。漫使素徽遭場禍。父子生心家不和。好計。好計。

全憑三寸舌。

惹起一天愁。

第八齣 病晤

〔懶畫眉〕

〔生上〕

漫整衣冠步平康。

前日在劉楚楚家。見穆素徽寫我的楚江情一曲。袖

之而歸。聞得他十分相慕。好生牽掛人也。爲了花箋幾斷腸。藍橋何處問玄霜。記得劉

楚楚云。楊柳高樓下。銅環雙闔扉。還說春聯兩句。鏤月爲歌扇。裁雲作舞衣。

〔做看介〕

呀。此間已

是了。咦。聞得他是第一名姬。填門車馬。爲何閉門在此。

〔叩門介〕

試叩銅環響。

〔內作丫鬟

應介〕

忽聽鶯聲度短牆。

〔咳嗽介〕

〔前腔〕〔丑上〕誰叩朱門嗽聲揚。不是劉郎定阮郎。教人答應恁般忙。

〔開門見生

介〕原來是擲果車初降。相公上姓。

〔生〕

姓于。久慕素徽。特來相訪。

〔丑〕

素徽是小女。〔生〕

令愛在家麼。

〔丑〕

不要說起。自池三爺接去看梅。歸卽染病。至今不好。概不接見。有慢相公。〔生〕

原來這個緣故。所以閉門在此。

〔丑〕

可奈懨懨病在牀。

〔生遲疑介〕

極欲一見。今既有病。

不接賓客。又不好相強。只得別了罷。改日再來。

〔丑〕

可有什麼話了。

〔生〕

只說來謝花箋的便。

曉得了。〔丑〕領命了。〔生〕相思相見知何日。此時此際難爲情。〔依違下介丑向鬼門道白〕

我兒方纔這個相公好笑得緊。什麼謝花箋的扯淡得緊。〔內〕這是在相公了。請他轉來。〔丑〕

去了罷了。趕不上了。叫不應了。〔內連叫〕一定要請轉來。〔丑叫生介生上〕喚小生轉來怎麼

說。〔丑〕俺素徽聽得謝花箋三字。亂叫請轉。不知他意思。〔內傳介〕請問可是于叔夜相公。〔生〕

正是。〔內〕請坐西樓。俺姐姐扶病出來也。〔丑〕就是于叔夜相公。失瞻了。俺素徽久慕大才。日

夜想念。

〔前腔〕〔旦扶病上〕夢影梨雲正茫茫。病不勝嬌嬾下牀。欣然扶病認檀郎。〔看生

介生揖介旦低頭介〕果然可愛風流樣。〔凝眸相顧介丑笑介〕阿呀。恁地相逢看欲狂。

〔丑催茶下旦〕就是叔夜于相公尊庚了。〔生〕十九。〔旦〕曾娶否。〔生〕沒有娶。〔旦〕曾聘否。

〔生〕也沒有聘。芳齡幾何了。〔旦〕少足下三歲。〔生〕久慕雋才。兼得妙楷。今幸一晤。如渴遇

漿。只是玉體不安。不合驚動。扶病而出。感次五中矣。〔旦〕思慕經年。適逢一旦。喜慰夙懷。死且瞑

目。何有於病。〔生〕卿與小生。交淺言深。不知何緣得此雅愛。〔旦〕三生留笑。兩載神交。何言淺

也。妾本烟花賤質。君乃閥閱名流。葭玉羅喬，雖不相敵。然錦帆三奏，已殷殷司馬之挑。妾鉛槧數行，豈泛泛雪濤之筆。情之所投，願同衾穴。不知意下若何。自薦之恥，伏乞諒之。〔生〕小生一向覓緣，碌碌風塵，無能解吾意者。劉楚楚家得卿親筆，且聞相愛已久，不勝驚喜。今蒙以生死相訂，小生永期秦晉，決不他圖。如負恩背義者，有如日。〔旦〕片刻相逢，百年定約。如有他志者，亦有如日。〔生〕只是少媒妁。然我輩意氣投合，何須用媒。〔旦〕呀，楚江情一曲，是吾媒也。願爲君歌之。〔生〕願聞。但恐俚鄙之詞，有污香頰。且吾卿病虛氣怯，只是莫歌罷。〔旦〕隨歌而沒，亦足明志。待吾謾歌你聽。

〔楚江情〕〔香羅帶〕朝來翠袖涼，薰籠擁牀。昏沈睡，醒眉倦揚。懶催鸚鵡喚梅香也。把朱門悄閉，羅幃漫張。一任他王孫駿馬嘶綠楊。〔一江風〕夢鎖葳蕤，怕逐東風蕩。只見蜂兒鬧紙窗，蜂兒鬧紙窗。蝶兒過粉牆。〔做氣怯不能歌介〕病後氣

促，十分費力。〔生〕恐怕傷氣，住了罷。〔旦〕歌完了，怎解得咱情況。〔強按宮商，殊失作者

之意否。〔生〕歌中之意，摹寫無餘，詞出佳人口，真令人銷魂死也。

〔大迓鼓〕清商繞書梁。一聲一字萬種悠揚。高山流水相傾賞。欲乘秦鳳共翱
翔。又恐巫山還是夢鄉。〔丑文豹帶馬急上〕夜放踏殘花底月。曉行嘶破陌頭烟。相公馬在

門外了。今日是會文日子。趙相公道相公不到。卻曉得在這裏來了。大聲發話。老爺又要來閱社。轎

已發了。請相公快些赴社。〔生〕正欲談心。卻忘了今日是會期。〔遲疑無措介〕既如此。只得暫

別。停一日再來候問。〔旦〕住了。爲何說起要別。不覺肝腸似割。莫不是會期從此少也。〔生〕有

暇就會的。說那裏話來。〔旦〕我有玉簪一隻贈汝。〔做拔簪墜折介〕呀。玉簪折了。一發不是好

兆。〔生〕罷。我有所佩舊玉一塊。不曾帶得來。當取來贈卿服之。後日可以爲記。〔丑催介〕

〔前腔〕〔生〕汪汪淚數行。得暇就會的。〔旦〕來時總會。此際堪傷。〔生〕緊牽紅

袖難輕放。章臺柳色繫情長。何事花驄嘶得恁忙。就此別了。〔旦〕有暇不住要會。

〔生〕一准來。〔別介〕

琴聲簫意逗情緣

乍見隨看別淚漣

東去伯勞西去燕

斷腸回首各風烟

第九齣 庭諍

〔西地錦〕〔外上〕老去蕭條玉樹。鎮日督子攻書。望他平地登雲路。乃不愧我

貽謀。下官于魯。自給假回來。惟以課子爲事。奈他雜念分心。雄才自恃。委難駕馭。今日閒暇。不免去

請他社友趙秀才。問他近業如何。他還肯直言。院子何在。〔末扮老院子上〕堂上一呼。階下百諾。

老爺有何分付。〔外〕你去請趙伯將相公來。到時即便通報。說道帶了前日會簿來。不可有誤。

〔末應外〕正是雪隱鷺鷥飛始見。柳藏鸚鵡語方知。〔暫下末〕行行去去。已是趙相公門首。有

人麼。〔小淨內問〕是那家。〔末〕是于老爺家。〔小淨〕不在家裏。〔末〕是他聲音。待我挑破

紙窗看他。〔做挑窗見小淨笑介〕呀。相公現在裏面。〔小淨在內答〕只是你不該挑破我窗。快

與我糊好。〔末做糊介〕請出來。〔小淨〕如今又不在家了。〔末〕休得取笑。快請出來。〔小淨

上介〕

〔出隊子〕方懷夙怒。早見于家一老奴。〔做看介〕這個老兒不見你隨于相公。〔末〕

小人是老爺身邊的。〔小淨〕阿呀。我說像位大叔。爲什麼來。〔末〕老爺差小人密請相公。家

爺專等相公過。

〔小淨〕可曉得爲什麼說話。

〔末〕

想是怕大相公閒耍不在會上做文字。故

請相公面問。說道帶了會簿來。

欲看前宵文會簿。

〔小淨〕

前日你相公赴會。幾時出門的。

〔末〕說是七篇會。侵早出門的。

〔小淨〕

恰又來。你每相公麼。直至眼烏了步來。抹得一篇。不知

可會訂入簿中。不是我當會。文簿也不在我處。

〔低頭自笑介〕

對出機關。〔指末介〕使乎使

乎。

〔末〕說話間已到門首。相公廳上請坐。待我通報。老爺有請。

〔外上〕

堂上有佳賓。倒屣忙相接。

〔見介〕小兒時沐大教。感激良深。

〔小淨〕

晚輩日仰高風。儀刑頗切。

〔外〕

今日屈駕。非爲別

事。小兒忝列文社。先生必知其學業之消長。志向之邪正。先生其明言之。據老夫看起來。只管耽於歌曲。輕視書史。莫不於此道荒唐了。〔小淨〕老先生在上。

〔獅子序〕令公子掌上珠。晚生每豈敢含讒獻諛。

〔外〕

呀。先生差矣。爲父者有愛勞

之心。不用姑息。爲友者有忠告之道。豈曰讒譖。

〔小淨〕

令郎是高才。原不消十分用功。那曾有

名士甘就時趨。

〔外〕

說起名士。一發是他自誤張本。只爲終日自負了詞壇重名。反以時藝看

易了。〔小淨〕須是禁他做綺麗詞。

〔外〕

前日老夫會到他書房。見歌曲滿案。已面諭一番。

都把來燒毀了。難道又做。〔小淨〕不瞞老先生說。燒得幾何。如今俳優所習。皆令郎歌曲。須是搜索外面底本。懲治演習之人。方斷其作興。還須屏外遊。鎖書齋。限功夫。精神方聚。〔外〕咳。藥石之言。老夫謹領命了。正是與君一面語。強看十年書。但不知習其歌曲者。那家爲最。〔小淨〕待晚生想來。〔思介〕雖在劉楚楚家塗我的歌譜。楚楚無甚得罪於我。那穆素徵幾次不接我。情理可惡。又與叔夜至交。不免舉薦。〔向外介〕有一個穆素徵。凡令郎歌曲。都在他家。俳優所不習者。素徵教之。素徵所未明者。令郎教之。兩人因歌成契。正是如漆似膠。〔外〕穆素徵是何人。

〔太平歌〕〔小淨〕他是青樓女。與公子呵。好似水和魚。〔外怒介〕是爲妓女所迷。一發罷了。〔小淨〕有幾部新歌留彼處。〔外〕有這等事。他要新歌動人。我每癡兒子。爲其所役。先生如何妙策教他斷。〔小淨〕沒有什麼策。除非是差些使者逐他去。〔自悔介〕呸。晚生差了。令郎與素徵非常契合。只管說他萬一知之。可不是切齒之仇了。〔外〕正所以愛之也。這個不妨。〔小淨〕隔牆有耳。慎防諸。〔外〕這個不妨。〔小淨〕既如此。還有一言。逐之。

一說不可緩矣。〔附耳低介〕斬草要除根。〔外〕謝教了。且住。我家不肖之子。與這妓女相交幾時了。〔小淨〕這個倒不知。只是令郎出來會考。或是赴席。無不到他家裏的。〔外〕阿呀。有這等事。恰纔正失問了。前日會考七篇。文簿上是完的麼。〔小淨〕令郎說家中有事。抵暮方來。止做得一篇。不是晚生當會。文簿在他友處。所以不得如命。〔外怒〕一定又在那個姓穆的妓家。可不敢殺我也。這一篇定是心粗氣浮的說話。看他怎麼。〔小淨〕好物不須多。靈丹只一顆。也不是這等論。〔外怒介小淨勸介〕請息怒。

〔賞宮花〕〔外〕我言之氣阻。這不才無賴徒。終日耽歌賦。又去戀迷途。我只道

分心詞賦。尙且當他不起。那曉得又去迷戀青樓。咳。趙先生。老夫亡荆未葬。年已六旬。祇有此子。又是這般不肖。不要說他的下梢。我夫妻骸骨。不知所之矣。父母後來誰靠傍。不知骸骨待何如。〔小淨〕老先生慮之太過。及今防之。未爲晚也。晚生就此告別了。〔外〕明早敢煩先生指引

小童一往。逐去穆素徽。〔小淨〕恰纔說話。尙恐隔牆有耳。此事斷不敢與聞了。〔外〕恐怕小童支吾。一定要勞。父在子不得自尊。慮他怎的。〔小淨思介〕前日受氣。今日狐假虎威。發揮他一場。

有他父在。怕他怎的。〔向外介〕領命了。〔外〕難得厚誼。一時着惱。有慢尊客。伏乞諒之。〔小淨別介〕須是瞞卻令郎方好。正是舌如鉤與線。釣出是非來。〔下外〕咳。人不說不知。鐘不扣不鳴。不肖子在外邊與妓女交好。竟荒學業。凡是出去。俱說是會考。這都是門上人與書僮文豹蒙蔽我。快叫門上人與書僮文豹過來。〔淨扮老門公丑文豹上〕何事連呼名字。心頭好費沈思。若問相公之事。只索打點言詞。〔外〕院子取大板子過來。各打二十。〔打介淨〕老人家打不起了。〔丑〕孩子家一發打不起哩。〔外喝介打完介淨〕問老爺爲什麼緣故。〔外〕咄。還要問我。你做門上人的。大相公在外閒遊。早出晚歸。豈不知首尾。只管騙我某日是會考。某日是赴席。前日已曉諭了。不許閒人及書柬出入。竟不作准。〔淨〕方纔搬是非的趙相公。是老爺請來的。〔外〕咄。還要胡說。文豹做書童隨大相公花街柳巷去。不與我說。傳消息都是你。砍死你這奴才便好。自今日起鎖了廳門。我坐定廳上。就是大相公出去。須與我請匙鑰。若不來報我。打死你每。須索聽者。〔淨丑應介〕

〔雙聲疊韻〕〔外〕從今後。從今後。敢知痛苦。〔丑〕弄得我屁眼疼得緊。〔外〕凡百

事。凡百事要來報取。報知吾當饒汝。若還不報時。鞭笞受楚。仔細隄防。相公起居。去罷。下次須要小心。〔淨丑應下〕

養子不教父之誤。

教訓不嚴師之惰。

父子從來不責善。

看得破時忍不過。

第十齣 閹忬

〔淨門公醉上〕

我儂看門極在行。迎官接府鎮日忙。憑渠大官府見子我和顏悅色。家主公面上

親眷朋友。挺我極口介贊揚。只因年紀多子星。合牆門叫我老伯伯。衆伴當大小酒席序齒坐頭一位。囉個敢搶。親筵喜事大門上。那少得一分使用。年朝月節。各房頭喫得我介肚膨。出子分上書柬。弗怕渠弗來謝我。壓起子手本揭帖。要點僑手裏香香。凡是投靠個。租房個。成田個。借債個。畫包個。糴米個。賣書畫骨董茶葉火腿個。囉個弗來求我。若無好氣替渠傳進。教渠立到夜。坐到黑。餓得眼淚汪汪。爬垃圾個。搜壞磚街常時。拾把鐵掘。捉着子白日撞。倒要剝渠衣裳。大門前賭博個。捉得頭錢。送我買星小菜。丫頭囤爺娘到偷出好酒。做准是我合嘗。陪絕子謝土個道士。喫絕子下桌個粉。

湯捉雞罵狗。落得脾胃。拉春拉會。有我風光。篋纏頭。蠟燭頭。一壁角落。殘拜帖。舊封筒。受子滿房。常常賺點白臉。不時騙呷黃湯。人道看門受用。阿得知我個痛癢。而生人回道。弗在屋裏。面熟人說道。請進圓堂。又有一種疑惑。客人弗知家主公要見弗要見。弗好回知。弗好回長。有時一淘客人來發作說話。教我極難主張。早晚弗得自在。夏裏要着衣裳。立遲子道是大模樣。應遲子又道慢肚腸。又要登記門簿。寫個長帖。古柬僭生僭生。萬一記差子住居。叫進去。罵得頭痛彭彭。內裏失子物事。一概門上支當。客人無子轎幔。又要我去賠償。咳。且弗要閒言閒語。那裏說起晚頭關介一場。老爺道是。小家主公出去白賞。盡是門上隱藏。捉我打得兩腿稀爛。滿身青滂。正是天有不測風雲。人有旦夕災殃。倒子兩壺糖酒。醉醺醺。只要上牀。正是今朝有酒今朝醉。明日乏鈔又商量。〔做醉倒介生上〕事不關心。關心者亂。西樓稷素徽。思慕小生。昨往拜訪。因病概不見客。素徽知我姓字。令人追轉。扶病出接。遂訂終身之約。又借楚江情爲媒。帶喘而歌。涕淚言別。實絕無僅有之奇遇也。不意父親知之。嚴禁出入。又把看門蒼頭。書童文豹責治。想起來日裏已難出入。不免乘此夜深。去會他一面。只是雨。得緊。怎麼處。使冒雨去也說不得了。呀。門已俏的鎖在這裏。看門的。〔連喚介〕呀。如

何連叫幾聲。一聲也不應我。〔又喚介淨醉上〕半夜三更。誰叫學生。是人是鬼。看不分明。〔生〕是

我。〔淨〕你是什麼人。〔生〕是你主人。〔淨〕這個時候。出來怎麼。〔生〕我自有正經事。要出去

片時。〔淨〕外邊大雨。如何去得。方纔連累我打得好。又要出去。〔生〕哇。一定要去。〔淨〕敢是

癡了。〔生怒介〕這等無狀。快把鑰匙來開了。方纔饒你。〔淨〕鑰匙在老爺處。就在這裏。也決不開。

〔四邊靜〕〔生〕惡奴膽大將咱慢。十分肆潑悍。〔淨〕請問大相公。此時有何幹。

〔生〕出言嘲訕。好把臀皮打爛。〔淨〕恰纔得過了。領過這一杯解褲。請查看。〔生〕

哇。不許胡說。快些開門。〔淨〕出去做甚。〔生〕你不要管。〔淨〕怎麼不要管。

〔前腔〕老爺命我嚴防範。須聽我規諫。〔生〕一定要開門。胡言總無幹。〔淨〕泥

滑路爛。獨行不慣。〔生〕路上難走。不干你事。〔淨〕好沒正經。不是去偷營。又不是逃

難。〔生背介〕欲待打他。半夜三更。恐怕驚動父親。〔怒看淨介〕咳。可惡可恨。就打死你這個老奴

才也不多。

忠臣不怕死。

怕死不忠臣。

勢敗奴欺主

時衰鬼弄人

第十一齣 鷓逐

〔青歌兒〕〔丑鴇母上〕吾家女病慵愁倦。暗塵生舞衫歌扇。門前車騎漫喧闐。都將謝了。我待如何消遣。自家穆素徽之母。只因女兒立志從良。池三爺要娶他爲妾。另置一宅。

憑他做主。極好的主顧。叵奈女兒嫌他品陋才疎。會幾次酒身也不肯着他。只慕那于叔夜。昨日一見如故。私訂終身之盟。病也都好了。今日又絕早去燒香。多應是祈禱此事。咳。這小娘。好不癡心也。〔上馬踢〕于郎是甚緣。偏中乘鸞選。池生枉用情。天台還路遠。倩女癡心。娘勸他不轉。嘆我老年。只要活動錢兒。那顧烟花賤。嚶呀。爲何不住的眼跳。〔小淨領衆家僮上〕

〔勝葫蘆〕驟到平康畫橋邊。霎瞬的聚人烟。〔做打進〕打破家生如雪片。一場慘禍。管使西樓鬧喧喧。〔丑忙接介〕請相公息怒。不知什麼得罪。故來見責。〔小淨曬介〕

你每這樣人家。不是輕易騙人的。也要看個來歷。那于叔夜相公。乃是見任京畿道御史于老爺之

子。你每去騙他。闕了幾月。費三百餘金。于老爺曉得了。十分發怒。卽欲寫詞送官。是我解勸暫免。就託我來逐你向遠方去。不許住在這裏。立看搬場。不容片刻。〔丑驚介〕噯呀。天那。從不曾留什麼于相公。那裏說起。一定是那個挾仇的。造出此事。〔小淨〕哇。難道是我挾仇。再打家伙。〔丑〕既是要搬。不須打了。〔小淨〕立刻搬。〔丑取銀介〕趙相公在上。俺家穆素徽。又出去燒香。失陪相公。一時不及備飯。敢折白金二十兩。送相公買果子喫。〔小淨〕些須之物。那個希罕。難道我趙相公。是要銀子的。且暫收在此。〔一面袖銀介〕噯。方纔忘記了。于老爺還說要我立定拆你房屋。如何但趕搬場。竟不拆屋。啐。這樣有粗無細快些。〔衆家僮應向丑賣春介丑〕再奉二十金。求相公少緩雷霆。免拆房屋。〔小淨笑介〕既如此。卽刻搬場罷了。〔丑〕也求寬緩一日。待女兒回來。出脫了房子。尋了一處住居。方好搬去。〔小淨假怒介〕這個老媽。是逐腳上的。教他拆屋。情願搬場。教他搬場。又待尋房。〔笑介〕也罷。天上人間。方便第一。尋房是等你不及。限你後日午時去罷。不許遲誤。〔衆〕且住。趙相公便仁慈。緩他一日。我每受老爺之命。卻緩不得的。〔丑又取銀介〕大叔每來怠慢了。不及辦飯。折白金二十兩請收了。老爺面前。只說搬了。萬乞遲我一日。〔衆〕得人

錢財與人消災也罷。

〔掉角兒序〕「小淨」那于生是讀書少年。你家素徽呵。做圈套把他來騙。豈不知嚴明父親。勢炎炎繡衣風憲。到今朝發覺了怒沖天。來驅遣外州他縣。〔合〕早離故苑。方得自全。休做了不識禍福。處堂雀燕。〔丑〕趙相公蒼天在上。真正冤枉。

〔前腔〕素徽兒春來病纏。鎮日的閉着門扇。幾曾留于家相公。好教人口難分辯。漫哀求姑寬緩。賜矜憐。與人方便。〔小淨衆合前〕後日一准要搬。〔丑〕曉得了。正是

閉門家裏坐。禍從天上來。〔下小淨向衆介〕方纔這些銀子。是不義之財。你每若是拿了。老爺得知。一定要打。不如總放在趙相公處。都送老爺。收不收。再作區處。〔衆〕老爺自然不收。難道趙相公拏了不成。〔小淨〕我兩日事忙。過了三四日。一定要送還那個老嫗。〔衆〕他後日搬場了。三四日後。那得還在。〔小淨諷介〕我有些散碎銀子在此。與你每買酒喫罷。去回覆老爺去。還有一件。相公若問起時。只說老爺自家曉得。差你每如此如此。我偶然在那裏遇着。從中勸解。不要說同來的。〔衆〕六十兩頭可要說。〔小淨〕分文也說不得的。你聽我道。

回覆老恩東。

單瞞大相公。

相思千萬種。

弄做一場空。

第十二齣 緘誤

〔金瓏璫〕〔旦上〕朝朝珠淚灑。那堪復受波查。平白地起喧譁。一家如破瓦。飄

流信逐烟花。無計策枉嗟呀。花正開時遭雨打。月當明處被雲遮。奴家穆素徽。病時許香。昨

往寺中酬願。兼禱于郎與奴家終身之事。歸來家破人離。原來是趙伯將銜恨。不曾接他。竟向于郎

父親前讒譖。率領于家狼僕。打毀牆屋。紮詐銀兩。卽刻驅逐。母親再三求懇姑緩。今日把西樓典與

劉家姐姐了。收拾行囊。欲往杭州府母族寄居。咳。此番脫了池公子也好。只是那于郎叔夜。我旣以

終身許之。隨你到天涯海角。決無他志。不要說原在烟花。就是一馬一鞍。也決不成了。咳。于郎。于郎。

空有兩年之神慕。從無一夕之面談。忽起風波。無端間阻。那放得你下。

〔桂花偏南枝〕〔桂枝香〕他是多情何賈。高才班馬。讀書太乙分輝。揆賦長安

騰價。〔鎖南枝〕憐他錦帆新製佳。只恁的搬弄才情。總是相思畫。奴家呵。傾慕

他。他也知愛咱。一個慕風流。一個愛閒雅。

〔江頭金桂〕〔五馬江兒水〕記前日垂楊停馬。留他一試茶。爲他輕翻白苧。漫響紅牙。看他聽歌時丰韻加。〔柳搖金〕秋水明霞。盈盈堪把。奴家呵。遂以百年相訂。願做倚樹蒹葭。他約暇時來看咱。〔桂枝香〕誰想翻成話靶。風波驚詫。好叫我淚如麻。紅顏自古多薄命。莫向東風怨落花。咳。今日匆匆束裝。別也不得一

別。那放得下。不免背了母親。修書一封。約他明夜瞞了父親出來。舟次一會。永決終身之事。死亦瞑目。便是他踰垣鑿壁。衝風冒雨。也說不得了。〔取筆硯寫書介〕你看一泓秋水金星硯。半幅寒雲

玉版箋。咳。我有許多情話。怎寫得盡也。

〔海棠醉東風〕〔月上海棠〕草素劄。訂他中夜偷來話。把山盟海誓再四申罰。這封書若解相思。竟向我于郎投下。〔沈醉東風〕寒溫細細。字畫又差。癡心想念。筆兒又倒拏。還有所截之髮。紮做髮子。等才郎贈他。不免封去。〔做解髮封介〕周旺在那裏

〔外周旺上〕正爾束行裝。又有何差使。〔旦〕你把我這封書。送與于相公。〔外〕前日留了幾

杯茶。惹出這場大禍。還要去纏他。況門上嚴禁。就插翅也難進。〔旦哭介〕我那于郎呵。你狠父親隔得我好苦也。周旺過來。我有白金一兩。與你買酒喫。千萬要傳與他。必要親手遞書。〔外〕周旺那敢受姑娘的銀子。待我持去。送與他門上人及書童。或者可得引見。〔旦〕如此就去。須要的當討得一件東西回我。方好信你。〔外〕曉得。

〔玉枝帶六么〕〔玉交枝〕〔旦〕此書非要面交他。休得送差。〔六么令〕〔外〕侯門如海怕難達。〔旦〕疾忙去。快來家。這回休得將人誑。這回休得將人誑。〔外〕

此去呵。一心忙似箭。兩腳走如飛。〔旦〕眼望旌捷旗。耳聽好消息。〔淨大聲叫上〕素徽可在家裏。〔旦〕是池公子聲音。這個可厭東西。又來了。我自託病進房去了。你的書不要露與他看。〔外〕

曉得曉得。〔下旦見淨急棄書案奔下淨怒看介〕

〔撥棹入江水〕〔川撥棹〕真堪訝。正在這裏寫書發人。一見我來。便拋棄筆硯。急走進去了。這冤家。怎避咱。爲他行喫盡糟茄。爲他行喫盡糟茄。找絕個驀頭醬瓜。看他桌兒

上殘箋剩楮。不免翻閱看。〔作驚笑介〕〔江兒水〕繡字花押。一幅原書遺下。噯啲。爲

何一封原書。倒遺在這裡。咦。待我先看。寫與那個的。辱愛妾穆麗華。斂衽泣拜于叔夜夫君足下。
〔笑介〕 這個癡婦人。原來寫與于叔夜那廝的。我未識其面。會聞其名。難道就是夫君。噯。書中
難字甚多。寒溫處一句也念不斷的。但是中間一二行可辨。無非是約于生話別。咦。可笑可怪。如今
慌慌張張。封去的書。一定倒是空函了。媽媽何在。〔丑上〕 自不整衣毛。何須夜夜號。〔見介淨〕

媽媽你一向風雲得我好。只管說俺素徽有病。不得如三爺意。教我坐不共几。食不同器。做小娘的
這樣作喬。我還道你是好人。今日素徽親筆所約之事。難道你不曉得。〔丑驚介〕 什麼親筆。又是
一出。〔淨做氣出書與丑看隨袖介〕 不要說起。我便不意間撞來。見素徽在房內封書。响與周旺

低聲說話。囑付綢繆。我待他封完了。步進去。一見時如避箭一般去了。這是什麼模樣。及至看他桌
上殘紙中。竟遺下原書一幅。書中云。今日母親買舟將寄居錢塘母族。明晚發舟矣。子丑二時。內君
可踰垣破壁。到舟中一會。以決生死之盟云云。後寫辱愛妾穆麗華。斂衽泣拜于叔夜夫君足下。如
此緣故。原是你二人已許了于生。所以將我奚落。〔丑〕 呀。果是寫來。三爺不要錯怪我。我每素徽
是癡心小娘。不知甚麼緣故。與于相公從無一面。見他歌曲。便要跟他終身。前日來。我已回去。他連

忙教人追轉。扶病而歌。攜手哭別。不在話下。不意昨日趙伯將相公。領着于家大叔。說老爺曉得哄騙大相公。託我每驅逐到遠處去。老身只得搬去。明日發舟。不道女兒又要去虎頭上做窠。天那。我
那裏曉得風縫。〔淨〕如此說。難道素徽自嫁了于郎。你也不知。〔丑〕咳。他便是這等癡。若要嫁他。我不肯那個做主。不要說虛言。就排了天平。寫了婚書。還好伸個腰哩。癡女兒可不是做夢。〔淨〕假如我情願出銀子。你便怎麼。〔丑〕這便是真正于生了。〔淨〕只是令愛那肯到我家去。〔丑〕我肯了。怕他不肯。〔淨〕有計在此。方纔書上說你要到什麼錢塘。不知那裏叫做錢塘。〔丑笑介〕呀。三爺又來耍我了。難道錢塘也不曉得。〔淨〕你又來作難了。我那裏曉得錢塘。〔丑〕就是杭州府錢塘縣。我老身有親眷在彼處。今往寄居。再作計較。〔淨笑介〕既是這等。我又怕老婆的。就討素徽。少不得另置一宅。何不就在杭州。買了別院。你來時只騙素徽是親眷家。待進門後。硬做他成親便了。〔丑〕妙計。我如今還要罵他一場。如何又要寫書去惹禍。〔淨〕這便淺見了。我每只做不知。待他等而不至。明知相棄。念頭就淡了幾分也。〔丑〕有理。有理。

〔園林帶僥僥〕〔園林好〕這空函多應送差。等不來教他巫山夢。〔僥僥令〕

但是悄載扁舟錢塘去。只說向娘行親眷家。

〔丑〕

既如此。明日我只催開船。待他要

等于郎。我便決他不至。果應吾言。再冷淡他。他自然丟下念頭。好一心隨三爺也。〔淨〕妙妙。我先去收拾房子。今日就送財禮五百兩與媽媽。差小僮遠遠隨行。正是。

無緣對面不相會。

有緣千里定相逢。

結成鸞鳳青絲網。

碾就鴛鴦碧玉籠。

第十三齣 疑謎

〔二江風〕〔生上〕意闌珊幾度荒茶飯。坐起惟長歎。記西樓喚轉。聲聲扶病而

歌。遂把紅絲綰。咳。藍橋咫尺間。誰知風浪翻。好事多磨難。前日約會穆素徽。不意父

親嚴禁。不得去一面。今日喜父親暫出拜客。欲待去會他。恐回來知之。又是害他了。所以展轉中止。畢竟不知如何計較了他。不免差文豹在門前打聽則個。好似和針吞卻線。繫人腸肚刺人心。〔暫下〕

〔秋夜月〕〔外上〕乍轉彎。前面那家想是了。好問于鄉宦。〔丑上〕有些相認白鬚

漢。〔外〕呀。文大哥。〔丑〕我說是你。如何站定東西看。〔外〕老爺可曾計較你。〔丑〕不

要說起。害咱每念板。今日你來怎麼。〔外〕是差來寄柬。〔丑〕天那。又寄什麼柬。呀。相

公正差我打聽消息。這書來得正好。我與你傳進罷。〔外〕穆姑娘千叮萬囑。教我定要面送。送些

酒錢在這裏。求悄然領我一見相公。〔丑樂收銀介〕幸喜老爺恰纔出去。門上人又病倒。好湊巧。

待我悄然領進書房去。〔外〕多謝。轉過迴廊。又是廳堂。過了廳堂。又是迴廊。〔丑〕相公有請。

〔生〕重門深似海。那得外人來。〔丑〕有信在這裏。〔外〕小的是穆姑娘差來的。〔生〕正要

問你。俺老爺可曾來計較你家。〔外〕不要說起。昨日趙伯將相公領着宅上一尙大叔。說老爺教

他來毀拆房屋。驅向遠方。詐了銀子六十兩。傢伙打得雪片。幸得穆姑娘燒香。不在家裏。歸來知之。

痛哭不已。〔生〕有這等事。〔外〕穆姑娘含淚寫書。囑付小人。必欲面見。還要討一件記色。方信

小人虛實。明早開船到杭州去。寄居親眷家。要緊說話。都在書上。〔丑急上〕老爺在街上喝道來

了。快些去罷。〔外急介生〕說話多了。不及看書。說道書中之言。定當如命。也寫不及回書了。有舊

玉在此。持去作記。〔丑〕快去罷。〔外〕鯉魚脫卻金鈎去。擺尾搖頭再不來。〔急走下生恨介〕

畢竟是趙伯將與父親說的。又領我每惡奴去打逐。致令父親嚴禁。教我別也。不得一別。回書也寫不得一紙。好生可恨。且住。書中不知有什麼言語。想必生死之約在內。咦。還有一件在裏邊。捏去又不硬又不軟。不知是甚麼東西。咳。封函上圖書密密。花押重重。又貼兩對紙方勝兒。可不用心也。待開只愁腸斷。不開時又忍不過。怎麼好。

〔紅衲襖〕看他燦瑩瑩盡淚斑。間着那印章紅花字幻。待開時祇恐添悲惋。不開時那得我心上寬。細細將指甲兒挑下闌。乍破緘不覺的香氣散。〔開書介〕

呀。元來一股髮兒。直恁的香也。早是一股髮兒。裊裊的好似烏雲也。呀。爲何一幅素紙。並無半字。恁教人猜謎難。待我猜一猜。

〔前腔〕敢是爲愁多不耐煩。敢是怯纖纖情染翰。敢是我淚模糊不見蠅頭束。敢是你暗中揮。早忘了筆硯乾。莫不有孫汝權。別弄奸。若是被人換了。如何原封不動。印記分明。且留香雲在內。想是厭套書寒溫泛。就是不落套語。爲何一句也沒有。呀。是了。他因我父親驅逐。料不成事。把啞謎來回絕我。多應把斷髮空書做了決絕回音也。痛。

殺人好似剜肺肝。咳。好痛殺人也。〔丑〕相公爲何只管墮淚。

〔前腔〕生。我只爲叫不開離恨關。〔丑〕嗟嘆也沒用。〔生〕咳。不由人不浩歎。喉間

愁塊何時剗。胸中淚海是甚日乾。難道我與素徽。畢竟是無緣的天那。怨殺那狼上蒼。未可攀。直恁的把我來不掛眼。若是沒有姻緣拚死向黃泉也。怕心窩不肯寒。

〔小淨上〕假做笑呵呵。滿肚毒蛇窠。口善心不善。面不和。阿呀。叔夜兄。〔生做忙收書髮介〕

文豹回了罷。〔小淨〕回不得了。開了門。〔丑〕怪人在肚。相見何妨。〔生〕如此開門。〔丑做開

門介〕

〔小淨〕爲何而來。〔小淨〕特來報兄一信。不知可曉得昨日之事。小弟替兄出盡寡力。〔生〕

多謝了。若不是兄去。幾乎就撇了。〔小淨〕爲何恩將仇報。倒把言語來唐突我。是你令尊不知那

裏曉得了。差人發話。我適值在那裏。爲兄解勸。姑緩驅逐。我又不曾先在令尊前搬是非。又不曾託

我去發話。好意報兄。難道倒是我不好麼。〔生冷笑介〕也好得有數。〔小淨怒介〕噯。不要

與你強辨。就作是我。趕去一妓。也有何妨。不去懲治家人。埋怨父親。到來與我聒絮。可不是屁話麼。

〔生怒介〕這便是你文字了。

〔大影戲〕看你理窮詞遁。故生怒噴。〔小淨〕我不是你嚴親。爲何把我來尋趁。

〔生〕只問道是誰挑釁。誰趕他去。紮詐他斷草除根。〔小淨〕是我說的。是我紮的。

〔生〕六十兩。〔小淨〕既做仇人。怎賺金銀。〔生〕你得了銀子。纔緩他昨日搬場。

〔前腔〕〔小淨背介〕語多相近。辨來漸眞。〔向生介〕是我使方便。他感咱恩。送來

禮物何須遜。〔生〕到說得冠冕。你是個紮火囤癩皮光棍。〔小淨〕畜生狗亡八強盜

賊烏龜。交絕不出惡聲。你欺我是個秀才。只管亂罵麼。我拉些朋友。打得你家片瓦無存。〔生〕你

這樣徹底無賴小人。我與你鬪什麼口。〔小淨〕既是不屑鬪口。爲何前日抹壞我歌曲。〔生〕只

此一句。有今朝破口傷情。〔小淨〕咬斷牙齦。誓不登門。〔生〕也不敢勞。

怪伊談笑起風波。
縱做仇人奈我何。

酒逢知己千鍾少。
話不投機半句多。

第十四齣 空泊

〔山歌〕〔末扮梢水上〕水面生涯最是難。不遇風來只好看。說甚麼九日灘頭坐。

一日過九灘。自家舟子王二是也。穆家媽媽喚我船要往杭州去。不意穆姑娘倒要搖進城去。到錦帆涇歇下。不知什麼意思。我的船急要趕歸攬載的。今日耽誤一日。焦燥得緊。可惜月明風順。不如勸穆親娘開了船罷。親娘。船頭上好月。起來一看。

〔卜算子〕〔丑搗母上〕花月春江勝。獨我離鄉井。〔旦上〕拆散雙鸞兩處鳴。展轉

嗟薄命。〔末〕老親娘還是頓載。還是搬場。請問明白。昨日喚船時。周老官說就去就回的。今日不

知要等什麼人。耽誤一日。此時不至。不如趁此月明風順。趕到市鎮歇了。做兩日到杭州。歸來約了人家要載的。千萬方便。〔丑〕說得有理。〔旦〕這廝好生可惡。我分付你要等到明早開船。只管

聒絮。你要船銀儘多也是我還。一定要過今夜。我原約于相公在這裏等的。〔末〕既如此。只要酒

錢。〔丑〕我兒。那個子生。是公子家小官人。還是一時渾一時敗的。他與你一面之交。又不曾宿幾夜。如今見父親嚴禁。意興自然敗盡了。那得出來會你。況虎頭上又去做窠。倘然弄出來。難道又受他家人紮詐。只是快開船罷了。〔旦〕若畢竟要開船。不容我一見。便赴水而死矣。〔丑笑介〕癡

東西。你便是這樣癡。他是決不來的。〔旦〕我約他一定要踰垣破壁。衝風冒雨而來。若過子丑二

時不到。是永棄我也。生死只在這遭。一定要來。〔丑〕候門如海。這個書那得送到。不知那個哄你。可有回書麼。〔旦〕回書是沒有。〔丑〕可又來。〔旦〕他父親回來。寫不及書。將前日所言舊玉送來爲記。又說道書中之言。決然如命。難道不來。〔丑〕我與你拍個手掌。若來了西方日上。〔旦拍介〕若不來日上西方。〔丑〕只看此時已是深二更了。我等不得先去船裏睡也。〔旦〕正好早哩。

〔九迴腸〕〔解三醒〕曲塘西斷橋烟冷。垂楊下古渡月明。人兒不至空廝等。頻掠鬢。屢挑燈。凝眸似來移步影。側耳如聞咳嗽聲。心耿耿。呀。外邊風雨大作。天漸明了。〔三學士〕聞一更漏鼓還僥倖。挨不住兩岸雞鳴。咦。他說道佳期當記書中句。又把舊玉重申樓上盟。〔急二鎗〕這就裏堪疑訝。多應是親嚴禁。難道恁無情。〔哭介丑上〕不聽老人言。必有悽惶淚。〔末上〕晴乾不肯行。雨到難迴避。于相公來了。〔旦急看介〕在那裏。〔丑〕只好不見來。〔末〕唱。〔旦罵末介末〕不要罵。昨日就閣了一日一夜。後來生意又誤約了。好天不走。如今這般風雨。進退兩難。船錢是要逐日加倍算的。〔旦〕哇。胡說。

〔丑〕女兒。

〔一封羅〕〔一封書〕伊執性苦爭。那于生有甚情。〔旦〕他須要踐盟。料嚴親防

範明。〔丑〕〔皂羅袍〕老人不聽。恓惶淚零。〔末〕晴乾不走。雨天怎行。〔旦〕吓。譬

如生了一場病。〔丑怒介〕要等情郎不至。羞慚到是嘴巴。這叫做落花有意隨流水。流水

無情戀落花。〔旦哭介末〕如今開船罷。〔丑〕恐怕于相公來。〔末〕親娘倒也會灑落。

〔鷓鴣天〕〔旦哭介〕最苦催人事遠行。疏風細雨總傷情。那堪回首西樓遠。烟

樹模糊隔幾層。人漸杳。恨難平。水窗猶自眼睜睜。欲知此際銷魂也。欸乃一聲

一淚零。〔同下〕

〔縷縷金〕〔老旦上小淨急做搖船上〕忙追去素徽船。到處都尋遍。好熬煎。聞泊錦

帆渡。如何不見。奴家劉楚楚。因妹子被于家驅逐。把西樓典與奴家。往杭州暫寓。我爲昨夜好日

子。搬到西樓。今早治具送他一程。再尋不見。咳。想是去了。梢水只得回去罷。〔小淨應介老旦〕管

昨宵開去怕留連。空辜我設餞。空辜我設餞。

第十五齣 計賺

〔青玉案〕〔淨上衆家僮隨上〕鴛鴦此夜牢籠就。最喜是機緣湊。要做新郎勻臉
皺。剔括牙膩。洗濯足垢。不住整新衣袖。我池三爺日夜要娶素徽。素徽把學生全然不睬。
一條心卻死在于生身上。如今被他父親驅逐到此杭州地方。寄居母族。學生得其行止。竟與他母
親五百兩銀子。做下計較。只騙素徽寄居親眷家。那曉得先已置房設屋。在此等候了。待進門時鼓
樂並作。不怕他不成。正是百年夫婦今宵合。一段姻緣天上來。叫小廝住在門首伺候。來時即便通
報。〔衆應介淨暫下〕

〔駐雲飛〕〔丑旦上外扮周旺持禮盒隨上〕族落杭州。買棹來茲。可暫留。看里巷非僻
陋。前面呵。大宅高簷雷。噪。栖鳥揀枝投。未知安否。〔門上人〕是那裏來的。〔丑〕是
穆姑娘來拜。急去通名。還有薄禮。〔外送禮介〕薄禮須收受。〔門上人〕既如此。請進
內廳。〔旦丑做行介〕避難而來滿面羞。〔內作樂介〕

〔粉孩兒〕〔雜扮侍女上旦作驚介淨揖旦介〕山雞侶媿難攀鸞鳳偶。望垂憐小子。萬

千哀求。〔旦〕無魚吞餌強下鉤。要成婚一死方休。母親快歸舟去。〔衆〕拜堂時怎說歸舟。重門鎖有路難走。〔丑〕女兒。

〔紅芍藥〕你聽老朽。且放溫柔。休嫌我話不相投。眼見得家中禍殃搆。〔低唱介〕借他每做過文迤逗。〔響唱介〕蘭房桂寢錦繡稠。我孩兒勾伊消受。〔指淨介〕

況新郎委是風流。〔淨〕惶恐。〔丑〕落得外語傳已嫁華胄。

〔耍孩兒〕〔旦哭介〕我有一人曾罰呪。〔丑〕可不就是于叔夜麼。這樣牙疼呪。那裏作准。〔旦〕向日于叔夜肯分地。唱出睢鳩。〔丑〕可記得前夜麼。停舟。你眼盼盼不

肯來相就。你慢想破甌難重湊。癡迷見全差謬。

〔會河陽〕〔旦〕縱是他差我不罷休。也須當面討回頭。豈甘送入機關。便忘那籌。決不嫁禽和獸。〔丑掩旦口介〕噤聲莫把他嘲詬。耐心莫與他廝鬪。〔向淨介〕

〔越恁好〕女兒年幼。女兒年幼。性格少溫柔。望垂見憫。鴛鴦網慢些收。〔淨〕只

怕他到底不肯。〔丑〕從教順你休待愁。喫團子也有三個口生。只難上口。須索要耐

了性相廝湊。須索要做下氣學。卽溜。〔淨〕咳。

〔攤破地錦花〕謾胡謫。都背立燈兒後。整萬遍求。再三的未肯回頭。媽媽夜深了。藥暗燈檠。篆冷香篝。漏將收。尙兀自淚珠流。〔丑〕女兒睡了罷。〔旦〕除非是層巒生

浪。碧波起塵。那時方好如命。〔丑〕噯。噯。越說得遠了。〔旦大哭跳介〕

〔添字紅繡鞋〕〔衆〕雲情雨意都收。都收。冰人月老空羞。空羞。求作合反成仇。一場喜半天愁。〔合〕兩處分頭。分頭。誰與話兜兜。誰與話兜兜。

〔尾聲〕勸娘行只索權迤逗。事到其間不自由。〔旦〕呸。除是日上西方纔聚首。

〔淨指衆旦擁旦下衆上介〕走進空房。把門拴着。再不肯開。〔淨〕倘或做些什麼來。怎麼處。差

丫鬢每去聽着。若有聲息不好。就來報我。〔丑〕三爺。婦人家極執性的。若逼得緊了。就弄出來。須

是款款輕輕。方是在行哩。〔淨〕光景太凶。〔丑〕明早一定要告別。〔淨〕再住幾日。俛得令愛

轉便好。〔丑笑介〕這個難道三爺不會。倒要我俛。家中人口。都未安頓。一定要別。省得在這裏。倒

增他作刁。〔淨〕也罷。明日送去。只是令愛已嫁我。不是在外光景了。

嫁犬逐犬。

嫁雞逐雞。

色不迷人。

人之自迷。

第十六齣 集豔

〔老旦小旦小淨妓粧上〕羨殺金昌錦繡叢。輕黃淺白雜嬌紅。舞低楊柳樓心月。歌罷桃花扇底風。
奴家劉楚楚。請着妹子。〔指小淨〕許一官。〔指小旦〕洪寶兒。在我家西樓坐地陪酒。〔小淨小

旦〕今日是什麼酒。〔老旦〕不要說起。好笑得緊。今日是李貞侯相公辦的。他爲好同年于叔夜

相公。思想穆素徽妹子。一病不痊。道是他小官人家。眼睜不大。只戀着一個素徽。要多請幾位姊妹。
去與他解悶喫酒。散他念頭。待念頭散了。就好去收他。也是個楚歌之計。〔小旦〕那個于叔夜。這

樣執性的。〔小淨〕敢是要我每去動他火。使他容易着魂麼。〔老旦〕正是這個意思。〔小淨〕

我是前日看見的了。他倒袖了穆素徽的花箋而去。把我睬也不睬。除是洪寶兒去動他。我是先去
也。〔老旦〕專是你又來作嬌了。這是李相公的意思。怎地要去。〔小淨〕待我搨他一把。打他一

下。抱住他親幾個嘴。咬他幾口。叫幾聲親肉俊心肝活寶夜明珠。怕他不硬將起來。那時節。那時節。

那時節。〔作嬌態嬌聲摟住小旦介小旦〕啐。〔老旦〕你敢眼花了。〔小旦〕老成女客這樣還魂騷。〔小淨〕閒在此模擬模擬。有何妨礙。〔老旦〕此時怎的不見來也。〔小生上〕有福之人伏侍。無福之人伏侍人。〔相見介〕奉主人李相公之命。說道上覆劉姑娘。酒席不要擺在西樓。怕于相公見了穆素徽舊居。益增傷感。千萬移在別院去。〔老旦〕也說得有理。分付小廝。快把酒席移在洪寶官家去。〔小淨〕若在我家去。剩下些殘東西。好湊做幾遭東道。不作成我。〔小生〕還有一說。說道叮囑列位姑娘。坐席間不要提起穆素徽半字。〔老旦〕曉得了。你快去請相公來。〔小生〕那于相公有病。且等他每老爺出去後。纔好偷工夫來赴席。想必就來也。〔老旦向小旦介〕我每都到你家去。

〔玉女步瑞雲〕〔傳言玉女〕〔生上〕病久無力。勉赴綺筵華席。〔末上〕〔瑞雲濃〕

邀契友閒譚頃刻。〔小旦覆介末〕小榼已在洪家小園。吾兄先請。〔生作行介衆妓女相見

介小旦〕請在園中坐。〔衆〕碧梧修竹綠雲攢。斜照稀微石凳寒。何處晚涼生腋底。爲沈瓜果列

冰盤。〔生〕今夕是何夕。〔小淨〕呀。相公是七夕了。〔生長嘆介〕織女牛郎。在今宵渡河矣。

〔末〕專是牛郎。要想織女。〔笑介老旦〕于相公與李相公可要下棋。或者吟詩。〔末〕極妙了。

〔生〕小弟爲心火易發。一向不下棋了。〔老旦〕竟聯詩罷。〔生〕倒是楚楚起韻。〔老旦〕不

敢僭先。〔末〕竟起韻方是楚楚。〔老旦〕小庭開晚宴。驟雨解炎蒸。〔末〕好。如今是于兄了。〔生〕

強笑因歌妓。呼杯爲酒朋。〔末〕嚶鳴憐獨鳥。偶聚歎浮萍。〔生〕兩位續來。〔小淨〕我每的詩。

不是這樣的。不如于相公完了罷。〔生〕無限心中事。南樓未忍登。〔衆合贊介末〕好便好。只覺

意氣未平否。小弟滿引大白。爲兄消之。〔生〕多謝了。〔末遞酒生遜答酒同坐介末〕披襟解帶。

各適其適便了。〔生〕兄自解袍。小弟病不能去。

〔畫眉序〕暑氣雨初浥。滿院梧桐翠欲滴。快涼風幾陣。爽然生腋。華堂內珀盃

晶盤。湘簾下象牀牙席。〔小旦〕可要移酒到池亭上去。〔生〕覆階綠蔭堪迤逗。不思

又去移席。〔老旦〕奴家送于相公一杯酒。〔末〕浙東劉探春。舊稱鏡湖春色。楚楚實似之。

〔絳都春序換頭〕當日鏡湖春色。洵爲雨爲雲。傾城傾國。〔指小旦介〕試問新粧。

獼髓微添吳宮赤。露華輕暈昭陽白。〔指小淨介〕偏教你梅花粧額。〔小淨〕風雲

我是花面麼。〔末笑介〕我讚你的色。〔小淨〕不敢欺。或是其實有兩個的。〔末〕漫將佳麗推評。盡是蕙心紈質。〔生起自語介〕咳。這些妓女。那個是我的素徽。不知此時何在。可不想殺人。

〔鬧樊樓〕當筵不見傾城色。強爲歡笑。就中如刺。盼斷錢塘隔。羞見銀河碧。問素徽何處。漫臨風珠淚欲滴。背人前看青衫袖暗溼。〔末衆妓〕于相公請坐了。〔小淨〕行其一令。取其一樂何如。〔末〕妙。只是半日。從未飲酒。先送一大杯。〔生〕小弟病不勝衣。勉赴知己之約。實不能飲。〔末〕這等怎麼處。

〔下小樓〕病多難勝涓滴。爲深情強赴席。〔末〕開懷且莫多憂憶。試把脣兒一溼。休教負此七夕。

〔鮑老催〕〔衆妓〕再三太息。繁華院宇番做寂。愕然呆想神如失。停杯久。送色遲。忘罰滴。但聞荷沼香習習。但聞蛩砌聲唧唧。紅燭淚向西風泣。

〔滴溜子〕休說那燕和趙麗姿豔質。縱列着滿院太真合德。奈何非吾儔匹。可

惜當筵笑語喧。不知您岑寂。囑付清光爲咱照及。〔末〕此時宜奏新聲。以開于兄積抱。
〔滴滴金〕尊前再把鵝笙炙。吹罷重將羯鼓擊。歌當煞尾聲聲急。〔生〕楚江情
安可得。廣陵散失。莫愁子夜何處覓。纔聽豔歌又思那日。

〔雙聲子〕〔衆〕今宵集。今宵集。衆歡笑。獨憂憶。〔生〕疲倦極。疲倦極。厭杯酒。思
牀席。〔衆〕好夜色。好夜色。轉可惜。轉可惜。把歌情舞意。未許狼籍。〔末私語老旦〕
他一心只念穆素徽。散他念頭不得。怎麼處。〔老旦〕便是。

〔尾聲〕名姝韻士花間集。奈愁病偏將酒興剋。須是放開鬱積。〔生〕小弟謝別。
〔末〕既有尊恙。不敢強留。反勞重了。〔小淨譚介衆旦別介〕

相逢不飲空歸去。

洞口桃花也笑癡。

一腔心事無人識。

惟有清風明月知。

第十七齣 之任

〔秋蕊香〕〔外上〕怪我孩兒愁病。祇應爲害着風情。〔小淨〕藥餌投來盡不應。

可媿我杏林橘井。〔外〕包必濟先生兩日重勞。不勝感戴。〔小淨〕勞而無功。實切惶恐。〔外〕

小兒病勢若何。〔小淨〕大人在上聽稟。

〔鎖南枝〕賢郎病在七情。三焦火多時上升。更兼積怒傷肝木。剋脾家性。〔外〕

可用得針。〔小淨〕除非心上針。〔外〕可灸得。〔小淨〕灸不得愁悶榮。任他古巫

咸好把眼兒掙。晚生不識病原。言多慙直。幸勿罪也。

〔前腔換頭〕〔外悲介〕驚聞小兒病。不由人汗滿纓。若是喪明膺痛。一旦搯掌

流紅。怎奈桑榆景。〔小淨〕且自寬休淚零。漫扶持聽天命。〔末捧月報送上〕報老

爺榮陞。〔外念介〕吏部爲急缺督撫官員事。今照山東盜賊蜂起。非文武全才。不能鎮壓。原任京

畿道御史于魯。已陞順天府尹。前巡察邊關。風烟一靖。正堪此職。擬刻期赴任。聖旨批允。限期甚促。

怎麼處。叫左右打發送報的銀兩酒飯去。〔末謝下小淨〕恭喜榮陞了。〔外〕君命難遲。子病又

篤。事在兩難。除是載他赴任。請先生同往。服藥調治。庶家國之念。兩無牽掣。〔小淨〕怕令郎病體。

不堪驅馳。必安車緩行。方不勞動。〔外〕老夫恐遲赴任之期。竟先一程走。先生同小兒不拘時日。

慢慢的後來有何不可。〔小淨〕既如此。晚生當暫時返舍束裝去。但不知何日起程。〔外〕禮有云。君言至不宿于家。君命召不俟駕而行。今限期甚迫。即日起程了。先生同小兒明早上路。一路全仗調理。〔小淨〕不消分付。〔外叫文豹丑應介〕着你送二十兩銀子與包相公安家。明日同大相公起程。大相公須用安穩車馬。百凡事體。須要小心伏侍包相公。〔丑應小淨謝介〕路上有花並有酒。一程分做兩程行。〔丑同小淨下衆〕接老爺的雜役。都在此磕頭。〔外〕起去過了。今日皆不宜出行。限期又迫。叫左右就此起程。

〔朝元令〕〔衆應行介〕蕭蕭馬鳴。打動離人聽。悠悠旆旌。移亂垂楊影。兩兩征軺。參差馳騁。老去猶勤王事。銜詔孤征。涼風細吹雙鬢輕。雲傍馬頭生。山隨人面迎。〔合〕村光乍暝。何處去駐扎鞍鐙。駐扎鞍鐙。〔下〕

〔前腔換頭〕〔朝元歌〕〔生乘車小淨乘馬丑執鞭隨上〕游子那堪多病。迎醫事遠征。車馬載愁行。回瞻故苑。烟林隔萬層。〔朝元令本調〕想念西樓嬌倩。生死相期。一朝打散如浪萍。幾句楚江情。分明唱渭城。〔小淨合〕君須三省。這病體耐些。

心性耐些心性〔下〕

〔前腔換頭〕〔五馬江兒水〕〔外雜隨上〕使館雞聲驚聽征夫盡起程。一路風枝
螢焰露草蛩聲。看東方天未明。〔四塊金〕過樹似人行。來雲如岫橫。〔朝天歌〕
謾憶着兒曹多病。路途愁悶增。〔朝元歌〕雖有報君誠。能無念子情。〔合〕心懷
耿耿。豈爲着利名奔競。利名奔競。〔下生小淨丑上〕

〔前腔換頭〕〔五馬江兒水〕〔生〕怎奈蕭條孤影。西風恨未平。這遠烟抹翠。一似
輕眉秋水泓然。爭如媚眼。〔柳搖金〕羞對晚烟青。怕見秋波瑩。行行且暫停。你看馬
行一步。又遠他一步了。卽漸遠芳卿。可憐各送人無媒徑。〔朝元令〕斜日繫鄉情。
浮雲指去程。〔小淨合〕且開懷對景。直恁的索然無興。索然無興。令尊大人叮囑

我每慢行。怕勞動貴體。今晚早歇了。明日慢行罷。〔生〕說得有理。咳。〔做拭淚介小淨〕尊恙原
從七情上來的。寧可不用藥。決不可添上愁煩。況路途勞頓。極宜保重。〔生〕不要閒講。且歇息一
宵。明早就道。東去伯勞西去燕。斷腸回首各風烟。〔同下丑弔場〕喫盡苦中苦。終爲人上人。我文

豹爲何道此兩句。只爲我相公害了相思病。隨任到此山東地方。一路焦躁。不消說起。只說到這衙裏來。終日長吁短嘆。廢寢忘餐。東不是。西不是。平日間極好的性子。自從生了這病。益發難服侍得緊。那包相公又是做身分的。不住使喚。〔內叫〕文豹。〔丑〕又叫怎的。若非蒸熟地。定是截人參。

第十八齣

離魂

〔隔重山〕〔生病裝上〕爲着娘行憔悴矣。耳朵裏受是非。面皮上擔慚媿。骨髓中害相思。猿公怎把愁魔斬。造父難將意馬羈。癡魂無幾。惟與鬼相宜。于鵠自與穆素徽爲生死之期。祇因讒口。好事難成。他避難錢塘。我又隨任來此。這番怯症。多應不好了。每日間聞得草響風聲。突然心動。見了花香月影。輒爾魂迷。思路茫茫。漫與江烟同暗。神情忽忽。恰如空鳥無依。不特寢食俱忘。連曉夜都不辨了。

〔桐樹滿山坡〕〔梧桐樹〕沈沈睡醒遲。不辨天陰霽。惟有樹色模糊。蛩語愁階砌。〔山坡羊〕浙歷歷是雨敲的。敗荷響颼颼。是廊下茶聲細。不知什麼時候了。呀。朝共夕教人幾度疑。想來好是黃昏矣。誰把燈兒窗外移。離披。提不動臂兒昏。

迷撐不開眼皮。

〔金梧落五更〕〔金梧桐〕我則道腰肢着緊偎。早是孤琴倚。我則道臉搨香腮。卻是枕角支撐嘴。牀兒向那裏。〔五更轉〕南北西東。茫無分際。纔得個眼睫兒朦朧閉。忽然聳跳心驚悸。冷汗一身。酸麻四體。

〔鶯啼春色中〕〔鶯啼序〕耳邊恍惚誰叫你。再三聽還非。口中的恍出聲兒細。思來自也不知。滿眼是青黃紫翠。審覷處霧迷烟翳。〔絳都春〕搖搖神思。莫不是二魂七魄。早離肢體。〔作昏臥介丑急上〕事不關心。關心者亂。方纔在園亭上打水煎藥。

見相公立在亭子上。轉眼的不見。想是魂靈兒已出了。待我看書房中去呀。相公病勢多應不好了。待我叫他一聲。相公可要蓋被。

〔黃鶯帶一封〕〔黃鶯兒〕被冷再添衣。躁來時火燎皮。幾番蓋了還推起。〔生〕素徽。〔丑〕咳。別無半語。還叫素徽。看他卽漸無力氣。〔一封書〕眼昏迷。把頭垂。〔摸介〕呀。手足如冰面似灰。〔高叫介〕老爺不好了。快些快些來。〔外內應介〕怎麼

說。怎麼說。〔丑〕大相公叫不應了。

〔香柳娘〕〔外急上〕聽孩兒病篤。聽孩兒病篤。驟來書院。〔丑哭介外看生介〕哎喲。

驚看一命懸如線。〔丑〕牙關都閉了。〔外〕歎牙關緊閉。歎牙關緊閉。我兒。我兒。再

叫不醒。人事已茫然。全沒氣兒喘。〔摸生胸介〕喜得心頭還熱。喜心窩未寒。喜心

窩未寒。倘得救轉。謝天恩眷。文豹。你打一口氣。〔丑做打氣介外〕聞得心頭不冷。死了幾

日後。還有復活的。且扶在牀上。請包相公到後堂來救治。〔扶生介〕正是閻王註定三更死。決不

容人到四更。〔下小淨笑上〕藥醫不死病。佛度有緣人。小子被于老先生請醫公子。來到任所調

治。又是我幾日前決他不久。不然幾乎弄出話靶。今夜八月二十五日。已死在書房中。有何面目。不

如急買小舟。歸家去罷。各人自掃門前雪。不管他家瓦上霜。

〔瑣窗郎〕〔瑣窗寒〕先生那有靈丹藥。箱中蟲蛀乾。于郎病體。補瀉兼難。今宵送死。付之一歎。〔賀新郎〕趁匆忙早把歸舟辦。休待要受輕嫚。

服藥人人死。

先生手段精。

今朝脫得去。

便是謝神明。

第十九齣

凌窘

〔雁兒舞〕〔淨上〕懊恨多嬌。誓不順我。要略近身兒。把我面皮抓破。甚日纔認是丈夫。錦帳裏雙雙。雁兒舞。得便宜處朝朝樂。不遂心時悶悶憂。正是有緣千里能相會。無緣對面卻成仇。爲何道此幾句。只爲那穆素徽。我用計娶他。背了妻子。另稅房子在此。討了丫鬢。伏侍他。誰想他一心向着于叔夜。抵死不從。身也近不得。一走去就要死要活。我見他滴滴秋波。輕輕晚岫。又不禁動火。見他惡語廝侵。強詞不屈。又不禁的懊惱。那老媽不是親生的。打發些銀子。欣然去了。爲今之計。只是少打。須要朝一頓。暮一頓。不怕他不從順。暮一拳。朝一拳。不怕他不團圓。待我走進他房裏去。先看他怎麼樣待我。咦。我到將心託明月。誰知明月照溝渠。〔暫下〕

〔胡搗練〕〔旦上〕心上事。淚中流。一段離情兩處愁。歸夢不忘樓上月。癡魂猶

記渡頭舟。根深不怕風搖動。樹正何愁月影斜。這歹賊賺我來家。被我要死要活。不得戲狎。今日爲何大驚小怪。又待進房來。萬一不幸。有死而已。只是放于郎不下耳。〔淨魃地上〕素徽我來了。

〔旦〕池同。你來怎麼。〔淨〕哇。見面不會相觸。怎把我姓名褻瀆。以前把我厭薄。尙說拿班舊襖。如今嫁與區區。須要一心帖服。〔旦〕那個要嫁你。〔淨〕既然不是嫁我。如何頭頂我屋。〔旦〕啐。只道是來母族寄居。誰想你做下圈套。〔淨〕你母親手寫婚書。把你明媒賣鬻。財禮五百餘金。那裏是寄居母族。〔旦〕好恨好苦呵。〔淨〕只圖夜夜歡娛。誰想朝朝痛哭。我又啞氣低聲。無不從伊意欲。簇新錦帳牙牀。貯以玉樓金谷。倒將兩鬢蓬鬆。不理舊時膏沐。公然另住一室。不肯同眠同宿。無非妓女班頭。這等無生無熟。〔旦〕既是妓女。要他怎麼。〔淨〕區區不肯下休。定要歡然和睦。若還使性放潑。只苦朝朝鞭朴。〔旦〕跌脚介。母親害得我好苦也。〔向淨介〕今日若能見殺。乃是本懷。〔淨〕我要你死不難。我偏不容你死。

〔玉肚交〕〔玉胞肚〕你自投機殼。枉傷悲徒然淚流。那教你母親寫下婚書。茶銀五百親收。〔旦〕〔玉交枝〕他說錢塘有親權逗留。幾曾說道成婚媾。這冤屈如何是休。恨娘行將人恁丟。

〔玉山供〕〔玉胞肚〕〔淨〕前緣輻輳。到今朝終不然罷休。只圖苦盡甘來。莫將

恩變成仇。〔旦〕〔五供養〕伊家鄙陋。笑有甚琴挑曲逗。〔淨〕敢把區區罵。好胡謔。教咱難忍這般羞。

〔玉雁子〕〔玉交枝頭〕〔旦〕冰霜操守。肯從伊出乖露醜。〔淨笑介〕衙衙人家從

了良。到說什麼冰霜操守。出乖露醜。不是守那于叔夜麼。〔旦〕正是。〔淨〕你要從他。我先擺布

殺他便了。直教斬草除根後。有甚別個朋友。〔旦〕好苦呵。〔雁過沙中〕在他矮

簷難出頭。〔淨〕休思低檻憑伊走。〔旦〕縱然在此決不久。不如好好放我去罷。

〔玉交枝尾〕望超生哀哀拜求。〔拜介淨〕敢是要別我而去。〔旦〕歎羅敷夫君自有。

〔淨〕呀。你原來只戀于生。抵死不肯順我。你自從前日一見面。便教老媽與我講過。坐不共几。食

不同器。天下那裏有這等事。我只爲愛你。吞聲忍氣。但憑發付。也難得我殺了。如今已娶回家。可不

該歡天喜地。幾曾見身也不肯着。自居一室。見了我便拖刀弄劍。罷。也是前世冤仇了。不如打死了

你罷。〔旦驚介淨怒打介〕

〔四換頭〕賊潑賤。沒道理。在我跟前喬弄嘴。惡言語緊迫。〔旦〕飲恨含冤無好

氣。要奴相隨。甘心做鬼。〔淨〕無計溫存。只苦打伊。〔旦〕受刑不過。惟求速斃。須
惹得傍人講是非。〔淨〕苦我打官司。先已弄殺你。〔旦〕我也要死。〔淨〕敢恁地
拖刀弄劍。怕你差池。〔旦〕欲言不語。淚珠垂。速死待何疑。于郎于郎。西樓枉訂
死生期。〔急踏下淨看鬼門道介〕呀。穆素徽被我打了一頓。含恨尋死。莫不真去死了。叫丫鬢每。

〔內應介〕把二娘看好了。〔內應介〕咳。要他心肯。反去打他。原是我不在行。不要怪他厭薄我。
如今一打之後。且着丫鬢老嫗每去呵轉他。隔幾時慢慢的再去溫存。或者回心轉意。也未可知。咳。

本非連理樹。

強締並頭枝。

待他心肯日。

是我運通時。

第二十齣

錯夢

〔二郎神慢〕〔生上〕心驚顫。見冷浸碧湖一片。是淚影瑩瑩。搖夢眼。披衣起。忙
尋筆硯。只怕遺忘腸斷句。辜負了滿庭秋怨。精神倦。揮毫無力。素紙乍開還捲。

一簾花影半牀書。抱膝呻吟賦案居。今夜月明應有夢。愁多未審夢何如。于鵲爲想素徽。只願一病

而亡。決絕了這段姻緣。誰想癡魂不斷。三日後。心口還熱。被父親救醒。依舊相思。如今半生不死。又悲傷起頭。是孽債未完。魔君還不肯饒我。

〔集賢賓〕只道愁魔病鬼。朝露捐。奈依舊纏綿。祇剩吁吁一線喘。鎮黃昏。兀首無言。呀。風兒吹滅燈了。風簾自捲。燈火暗寂寥。書院月漸轉。想照到綺窗人面。文

豹。點火來。〔丑上〕手銃放不完。朦朧忽睡去。夢進一小房。劈面見老嫗。老嫗抱了我。撮弄我肉具。掀裙剛湊着。精來揀不住。連忙叫嚶啣。恨其太急遽。既是這般快。何如手銃趣。相公敢是要我耍子。〔生〕哇。火暗了。叫你點火。〔丑〕爐內有火。待我吹着。〔做吹上燈介生〕咳。書又沒心看。做什

麼好。前日袖他花箋上的親筆。待我玩味一番。

〔二郎神換頭〕〔做開牋介〕花牋鍾王妙楷。晶晶可羨。羨殺你素指輕盈。能寫怨。記西樓按板。至今餘韻潺湲。怎奈關山憶夢遠。想花容依稀對面。咳。那得他此時。就立在面前也。漫俄延。但願得撲瓊生。立向燈前。待我閉了眼。模擬一番也好。〔丑暗

瞧生做鬼臉介〕

〔琥珀貓兒墜〕〔生〕虛空模擬。〔閉眼介〕閉眼見嬋娟。〔虛空做撲抱介〕假抱腰

肢撲定肩。依稀香氣鬢雲邊。〔做低唱介〕心肝悄悄叫一聲。似聞嬌喘。〔丑暗下生〕素

徽。我與你縱是緣慳分淺。難道夢裏的緣分也沒有了。今夜天色如水。河影如練。想幽夢可通。芳魂

不隔。多應趁此月明來也。只怕夢中去路茫茫。我夢來尋你。你夢又來尋我。又不能殼相值了。〔做

泣介〕咳。想你愁多無寐。此時政未睡也。〔沈思介〕想你倦極無聊。此時多應睡了。且虛着半枕

待你夢來。萬一徘徊片晌。也不負此良夜。

〔尾聲〕夢中萬一重相見。再向西樓續舊緣。〔睡介做醒介〕呀。幾度要朦朧睡去。又幾

度驚跳覺了。奈剛得朦朧還覺轉。〔做睡介小生扮生魂上〕十里平康風露幽。美人家住

大橋頭。匆匆尋向橋東去。不見當初舊酒樓。于鵲乘此夜靜。偷訪素徽。不知何處是他家裏。

〔北新水令〕秋高氣爽雁行斜。暗風吹亂蛩悲咽。這般寂靜。想必夜深了。平康人

靜悄。呀。路途直恁曲折。深巷路紆折。〔內作羣犬吠介〕犬吠不迭。犬吠不迭。〔做看介〕

呀。舊遊地是這家也。〔做叩門介〕

〔南步步嬌〕〔丑扮老鴿上〕看取誰行敲門者。滿地昏黃月。〔小生〕開門。〔丑〕來了。〔做絆介〕呀。階前鼓架斜。卻不道樹暗朱扉。絆了人跌。〔開門介〕啓戶漫迎接。〔小生揖介丑〕那書生向我深深喏。〔小生〕媽媽。夜靜更深。又勞動你開門。〔丑〕有客在堂。不便告茶。〔小生自語介〕嘆。怎麼待得我這般冷落。

〔北折桂令〕怪相逢款待疏節。懶應遲言。沒甚幫貼。〔向丑介〕一向素徽身子安否。

〔丑〕也沒有什麼不好。〔生〕倩伊行問我佳人。向他殷勤寄語。快請相接。〔丑〕

有客在裏面。不得工夫迎接。〔小生〕素徽是極愛我的。曾把終身許我。怎麼不出來一見。〔丑〕

我家素徽。從不曾認得你。那裏說起。〔笑介〕想是醉話了。〔小生〕噯。噯。那日扶病而出。你也在

那裏。怎麼生巴巴變卦了。咳。把婚姻霎時賴者。反道我夜深時醉語癡邪。〔丑〕夜深了。請回罷。正是花源誤入漁郎棹。星渚何勞使客槎。〔閉門下小生〕呀。徑自閉門進去了。看你

徑鎖門。擗。將人不睬而別。待打斷銅環。踹破雙靴。待我再叩門。〔叩門叫介〕素徽。于叔夜在此。快開了門。〔小旦扮丫鬢上開門小生〕好了。好了。小姐姐。你家素徽姐姐可曉得我在

這裏可有說話。

〔南江兒水〕〔小旦〕繡戶傳嬌語。兒郎枉歎嗟。〔小生〕你姐姐敢可憐我于叔夜麼。

〔小旦搖手介〕俺姐姐說從來不認得于叔夜。〔小生驚怒介〕呀呀。我我則道媽媽怠慢

我。原來你姐姐也不認我了。我爲他一病幾亡。堅志不娶。他便反面無情。死生之約安在哉。青樓薄倖。一至于此。快請他出來當面回我。死也死在他身上。〔小旦〕那得工夫出來。〔小生〕在裏面

則甚。〔小旦〕在舞榭歌臺薰蘭麝。〔小生〕出來片刻也罷。〔小旦〕鸞笙象管難拋捨。

〔小生〕怎生發付我。〔小旦〕尊駕不如歸也。〔小生〕倘等在此。幾時出來。〔小旦〕除是

酒散筵撤。或者醉遊明月。〔內叫〕丫鬢。〔小旦急應閉門下小生〕又閉門了。我待打門進

去。倘素微當了面。還有好意。反失雅道。不如再耐了等着。好生焦躁也呵。

〔北雁兒落帶德勝令〕〔雁兒落〕俺則受狠虔婆面數說。又被那小妮子輕拋撇。莫不待分開咱連理枝。敢待要打散俺同心結。〔德勝令〕呀。好教人盼殺畫樓遮。〔內作樂介〕聽簫鼓政喧熱。待得俺腳趂趂。心焦躁。看看待斗初橫。月又斜。

冤孽。須待當面相決絕。癡呆。眼睜睜只索看定者。呀的門響。想是出來步月也。待我立

在樹陰裏覷着。〔淨扮夢中素徽作醉態掩面雜扮侍女扶上小淨扮門客雜扮家僮隨後同上〕

〔南僥僥令〕銀河清影瀉。珠斗澹明滅。夜漏沈沈天街靜。醉擁着佳人閒步月。

〔北收江南〕〔小生〕呀。珮環行恰逐彩雲斜。綺羅香好被晚風揭。〔指淨介〕這個

是素徽。我便撞死在他身上。也說不得了。〔趕上捉住淨〕素徽。你爲何負義忘恩。〔淨〕吓吓吓。

這是怎麼說。〔小淨〕咄咄咄。這是什麼人。我那裏認得你。〔小生〕呀。作怪。分明是他。如何近身來

變了奇醜婦人。毫釐不像。與西樓相會那嬌怯。全不似半些。全不似半些。〔淨〕我便

是穆素徽。還有什麼素徽。人也不認得的。〔衆〕這個人是盲鳧。只管亂撞。〔小生〕好教我渾

身是口費分說。〔小淨〕小廝每。打那廝去。〔衆應介侍女擁淨小淨誦下衆家僮拉住小生指

唱介〕

〔南園林好〕這書生胡言亂說。驀忽地狎人愛妾。敢把我拳頭輕惹。〔攢打小生

介〕請喫打。漫饒舌。請喫打。漫饒舌。〔衆混下小生怒介〕呀。好生古怪。

〔北沽美酒帶太平令〕〔沽美酒〕待將咱死誓決。只道是素徽也。原來是估客村
姬。吓。錯認了村姬。遭嫚褻。莫不是素徽形容已改。風流體態不可得了。咦。是分明看者。
早知是變了枯癩。若這個就是他。我也還要問個明白。不道被狼奴打散了。呀。霎時都不見。
一派都是大水。怎麼處。〔太平令〕纔轉眼雲容山疊。見浩渺水光天接。舊西樓迢
迢難越。還怕向怒濤沈滅。我呵。一霎的聽些見些。是河翻海決。呀。嚇得人魂飛
魄絕。〔內鳴鑼小生急下生做醒介〕咽轉大哭介。我那素徽呵。〔丑文豹急上〕相公靠桌而睡
在此。爲何夢中大哭。〔拍生介〕生看丑介。

〔北清江引〕猛擡頭看來一會呆。這是那裏。〔丑〕是老爺的衙署。相公的書館。〔生〕

怎地刀鎗密密。〔丑〕呀。這是筆架上的筆。〔生〕前面都是城池麼。〔丑笑介〕在那裏。這是

庭下荒臺榭。〔生〕火起了。〔丑〕這是爐烟裊幔風。〔生〕鬼來了。〔丑〕這是樹影

搖窗月。〔生〕咳。我的眞素徽此時何處也。〔丑〕覺來還是夢話。重重疊疊。卻都是夢。且

住。這裏有風。待我扶在牀上。替他解了衣服。睡好了。相公請在牀上去睡。〔生閉眼應丑扶生醒介〕

呀。你是文豹。〔丑〕正是。相公纔是夢醒。〔生〕我倦倒了。你扶我在牀上去。〔丑扶介〕

夢斷殘宵淚黯然。

續來猶恨隔江天。

癡魂欲渡江天去。

卻是迷離一片煙。

第二十一齣 俠概

〔粉蝶兒〕〔小生高冠盛服上〕一片雄心。終日寄娛花酒。幾年來負此吳鉤。〔小旦〕

慕貞姬。思義女。芳聲垂後。苦淹留。伴殺舞裙歌袖。〔小生〕猿公劍術石公書。落魄吳

門十載餘。〔小旦〕選伎徵歌。惟買醉。只愁回首歲華虛。〔小生〕自家胥表字昭令。名號時常改

易。人但稱我爲江南胥長公。少年曾爲州牧。尺水杯泥。不足供吾舒展。遂棄官歸。〔指小旦介〕惟

與侍妾輕鴻。選勝湖山。怡情聲伎。亦可優遊卒歲。只是我俠腸一片。常欲爲知己者死。奈目前碌碌

之輩。無非守財虜。與夫賣菜傭。不足論交。這也不在話下。昨曾以千金購得徐夫人匕首。不免觀看

一番。輕鴻。匕首何在。〔小旦取出匕首介〕取在此。〔小生〕呀。看星文耀日。虹氣干雲。果是神物。

可惜沒處用他。你且繫之佩上。以待不時之需。〔小旦〕曉得。〔作佩介小生〕

〔榴花泣〕〔石榴花〕我生平俠氣向誰酬。俗人機殼豈相投。鏡中空自炯雙眸。腰間匕首。還顧轉增羞。〔泣顏回〕天涯可遊。載歌姬。遍選湖山秀。遇知心。贈以頭顱。見不平。便起戈矛。〔小旦〕賤妾雖屬裙釵。頗聞書史。常慕古時女子。如曹娥。苟灌緹縈。

木蘭。皆以孝著。羅敷。陶嬰。梁娥。焦婦。俱以節稱。妾辱寵愛。無可報答。如之奈何。

〔駐馬泣〕〔駐馬聽〕寵愛綢繆。取媚爭妍。祇自羞。漫想泣師關上。覆鳩階前。退虜城頭。忠貞欲報。奈無由。堪憐。姓字沈箕箒。〔泣顏回〕怎能得白刃一朝。遂博他青史千秋。

韶華零落半生殘。

俠骨嶙峋未肯寒。

欲向史官彤筆載。

細將豪客寶刀看。

第二十二齣 自語

〔破齊陣〕〔破陣子頭〕〔旦上〕病久越添愁況。夢回失喚才郎。〔齊天樂〕點點雲山。層層烟水。盡是三生業障。〔破陣子尾〕遶砌寒蛩。賡悲噫。滿院秋花。照淚妝。

難捱更鼓長。〔舊詞漁家傲〕疎雨纔收淡芋天。微雲綻處月娟娟。寒雁一聲人正遠。添幽怨。那堪往事思量遍。誰道綢繆兩意堅。水萍風絮不相緣。舞鏡鸞虛腸寸斷。芳容變。好將憔悴教伊見。奴家穆素徽。堅拒池賊。只想于郎。幾次尋死。又被丫鬢救轉。罷。寧受鞭箠。且留這條性命。圖與于郎萬一之遇。卻不是好咳。把往事從頭仔細想來。好傷感人也。

〔雁魚錦〕〔雁過聲〕尋思那日叔夜郎。記相逢共話西樓上。扶了病按他新詞唱。看他眼迷離口顛狂。更憐他的眉際清揚。匆匆言未詳。隨思做夜奔西明巷。漫牽住袖兒不忍放。〔一犯漁家傲〕悲傷禍起蕭牆。那父親聽了人讒謗。歡娛未講。豈知道驀地生風浪。趙賊強人向遠方。母親強人急治裝。奴家強待商量。差周旺往。囑他傳柬端詳。回來說曾見我郎。他親說是定依書中命。又把那舊玉來寄將。〔一犯漁家燈〕娘行怕被災殃。只有趕路將舟放。奏鼓鳴榔。那堪此際拜告消停。百計千方。娘親面搶。料他不至。又把掌兒拍向。錦帆月渡空凝望。等得我繡枕翠衾冷麝香。〔喜漁燈〕等殘漏鼓。忽聞雞唱忙。驚聽人聲亂沸。又

早天亮。這羞慚萬分。那時節。娘行笑咱薄倖郎。只說暫時他往尋親眷。更誰想將奴欺誑。池公子早做排場。他那里癡心待結天邊網。俺這里堅守爭如陌上桑。〔錦纏道犯〕漫索強。被奴家別居洞房。鴛母棹歸航。儘貪財全不管我行藏。狠池賊如梟似狼。煞把我鎖日的鞭杖。忍受待于郎。正是不經一度寒徹骨。怎望梅花撲鼻香。

一入侯門深似海。

從此蕭郎是路人。

惟有感恩并積恨。

萬年千載不生塵。

第二十三齣 虛計

〔出隊滴溜子〕〔出隊子〕〔老旦雜挑行李上〕琴書裝載。鎖卻西樓向水涯。清風

催我片帆開。〔小淨上〕〔滴溜子〕是誰輕裝瀟灑。有些識認他。心中自揣。〔老旦

作遇小淨介〕呀。纔離門庭。故人正來。包先生久違。〔小淨〕老一失瞻。〔老旦〕先生一向

不會。〔小淨〕不要說起。我前日被于雪賓大人。請到山東任所。去醫治公子于叔夜。不想他日夜

念着穆素徽那得病好。〔老旦〕如今怎麼了。〔小淨〕只好想殺了。〔老旦〕有這等事。幾時死的。〔小淨〕八月二十五日。臨死之時。他父親還道快請包相公救治。難道包必濟是仙人。不過隨了時運做去。要起死回生。就倒掛了我也沒法。誰想我單學一味乖巧。幾日先打點行裝。一待他差池。即便買舟而回了。〔老旦〕咳。可惜。〔小淨〕

〔啄木兒〕可惜那于叔夜國士才。祇爲相思鬱未解。怎把他肺腑調和。怎奈他心病難猜。欠些仲宣登樓債。要同尾生橋邊待。抱恨紅泉堪痛哉。楚楚半日不會問得你。匆匆出門。待到那裏去。〔老旦〕我正爲穆素徽妹子。被于家驅逐到杭州去。今訪其下落。原來是他母親哄去嫁與池三爺了。聞得素徽妹子生分。不與他同牀。日夜尋死。特去探望他一番。正值路遇了你。又聞于叔夜凶信。〔小淨〕偶然看病過此。傳了此信。素徽知道。好不痛殺也。

〔二段子〕〔老旦〕素徽被拐在池家。骨如瘦柴。這苦怎捱。况聞得于郎病乖。華周杞梁妻悲噫。一聲管取城崩壞。此樣恩情何處買。各要趕路。就此別了去罷。

偶爾敘鄉情。

浮蹤浪裏萍。

將軍不下馬。

各自奔前程。

第二十四齣 情死

〔梨花兒〕〔淨上〕我與素徽緣分少。低聲下氣甘陪小。可奈潑娼越做喬。莫教惹動三爺惱。今日也穆素徽。明日也穆素徽。誰料他一心對着于叔夜。把我做了臭厭。可恨可恨。怎麼樣處死了于叔夜。方絕其念。不然人有所願。天必從之。莫要被 he 走了爐。小厮門上分付一切三姑六婆出入。都要盤問。〔衆〕有甚麼劉家楚姑娘。要來拜二娘。〔淨思介〕劉楚楚來。莫不有什麼傳消息。咦。他也不敢。我反托他解勸素徽從我。倒是好機會。小厮來時通報。要先來見我。正是好看千里客。萬里去傳名。〔暫下老旦丫鬢隨上〕

〔浪淘沙〕敢憚水程遙。來訪心交。侯門那許外人敲。正是不因漁父引。怎見波

濤。大叔每與我傳進二娘知道。劉家楚姑娘拜訪。在門首了。〔衆〕先是俺三爺接見。〔報介淨上〕

天上美人瓊苑住。那陣風兒吹下來。〔相見介〕啞啞劉老。一向不見了。因甚到此。〔老旦〕特來拜訪。兼看素徽妹子。〔淨〕多謝了。小子有話。政欲告訴。〔老旦〕願聞。〔淨〕素徽一向把我奚

落教我坐不同几。食不共器。這個還是當初在外的說話。如今他母親受我財禮。嫁我爲妾。已是甕中之蠶。走往那里去。誰想他到俺家中。日夜拖刀弄劍。跌脚搥胸。開口便罵。動手便打。不要說同眠同坐。就是面也見不得。這個是何道理。我家門檻雖低。決不輕放他出去。楚楚。他生是池家人。死是池家鬼。作什麼癡想。政欲倩人曉諭他。今喜楚楚不期而至。十分難得。望乞委曲開諭他一番。倘得他回心改意。酬謝非輕。〔老旦〕說那裏話。〔淨〕在此多住幾日。今日小飯。倒不奉陪。省得他厭我。竟自你二人細談半晌。說到其間。千萬千萬。〔老旦〕領命了。還有一節喜信報你。你可知道。于叔夜已死了。〔淨作滿場滾笑介〕樂樂樂。樂樂樂。樂殺樂殺。〔衆扶起介淨〕楚楚。楚楚。可。可。可不是天隨人願麼。〔揖天介〕楚楚。停一回。你報與他知。若得哭了一場。也斷他念頭了。那時死心隨我。暢暢暢。早是你來說。若是別個說。又道是我的計較了。叫小廝後堂擺酒。請二娘陪了。楚楚。我自向書房中去也。正是人閒喜信精神爽。月到中秋分外明。〔下衆請旦上〕

〔霜蕉葉〕〔霜天曉角〕簷牙鵲噪。喜見親人到。〔老旦〕〔金蕉葉〕久別錢塘信杳。〔旦〕盼殺人西樓夢遙。〔老旦〕〔浣溪沙〕春夏暝違又是秋。〔旦〕何勞垂念買扁舟。

〔老旦〕你芳容瘦減帶圍收。〔旦〕只道不能重會面。〔老旦〕今朝復得話西樓。〔旦〕相逢不覺放眉頭。奴家自被趙伯將那廝驅逐。母親只說寄居錢塘親眷家。即日買舟。奴家放于郎不下。寫書去約我面決一番。不意竟無回書。但把舊玉來回我。據周旺說。適值他父親回家。寫不及回柬。及至等到天明。風雨並作。不見于郎來到。〔老旦〕其間必有緣故。奴家因四鼓搬到你家西樓。開得你船還未開。備一杯餞酒。再尋不見。想就開了船。〔旦〕生受你。那早就開船趕到杭州。母親還哄我是寄居親眷家去。直待進這裏的大門。笙歌迭響。母親就說道我把你嫁了。閃出來一名就是池同。此時要我同拜。被奴家急尋死路。他便只得住了。直至今日。不與他同房。重門深鎖。恨不能插翅而出。〔老旦〕你家媽媽那里去了。〔旦〕哄我到這里。他便卒然不見了。〔老旦〕終須不是親生的。得了銀子。便完他事。那願你死生。那池公子待你如何。〔旦〕這個禽獸。不要說起。待我細訴你聽。

〔小桃紅〕自從那日把家拋。早被彼妝圈套也。萬丈深淵墜了難撈。不住淚痕交。〔老旦〕飲食宮室也勾華侈了。〔旦〕咳。一憑他晝寒食。夜元宵。〔老旦〕桂漿浮蘭

膏照也。〔旦〕誰是鳳友鸞交。念羅敷不受使君挑。〔老旦〕駿馬每馱癡漢走。巧妻常

伴拙夫眠。姻緣事那得稱意。〔旦怒介〕這不是于郎。怎麼把夫妻兩字說起。〔老旦〕

〔下山虎〕俊才美貌。夢許神交。好事多顛倒。怎禁命薄。你這里翠繞珠圍。勾伊下稍。〔旦〕噯喲。既與于郎生死約。這番怎背了。那得古押衙施計巧。合浦珠仍返。燕歸舊巢。重與仙郎吹鳳簫。如今于叔夜。可在家裏看書。還在外邊遊蕩。〔老旦〕

〔五般宜〕他爲你終朝消瘦。悲沈腰。他爲你詩書廢。鎮日飲藥。他又早帶病上星軺。〔旦〕又到那里去了。〔老旦〕他父親徵起山東巡撫。連夜起程。請醫人包必濟。赴任調理。

〔旦〕病體怎勞動得。千里萬里。感傷多少。衝寒破曉。穿山渡島。你是個病怯怯書生。怕風霜憔悴了。〔咳〕姐姐。不知我何年月日。與他諧秦晉之好。〔老旦笑介旦〕怎麼笑我。

〔老旦〕

〔五韻美〕怕伊家傷懷抱。幾番待語還住了。〔旦〕有甚言語。不妨就說。恁欲言不語。費尋討。莫不把別頭娶好。你待將咱嘲笑。〔老旦又笑介〕不是。〔旦〕怎麼說。好

教我心如刺。體似燒。縱是您做負義王魁。怎奈我桂英拜禱。〔老旦〕

〔山麻楷換頭〕說向你休悲悼。這種相思。青史堪標。多嬌切莫自瘦。損了嬌容

貌。〔旦〕爲何只管安慰我。但說于郎怎麼樣了。〔老旦〕歎于郎似鏡花難採。石燐難照。

水月難撈。〔旦驚介〕莫不是死了。〔老旦〕也差不多。八月二十五日死的。〔旦〕可真否。〔老

旦〕是昨日途遇醫人包必濟。他說是目擊的。〔旦痛哭仆地介〕老旦扶起介。

〔江神子〕何須血淚交。姻緣事命裏相招。〔旦〕只思再續鸞膠。誰知今日這寂寥。信是緣慳分少。

〔尾聲〕夫妻本是同林鳥。大限來各不相照。一旦東西南北了。〔淨上〕素徽爲何

啼哭。〔旦〕這厭東西又來了。我暫避也。〔淨〕噯。見我來。又避去了。楚楚他這般啼哭。想是曉

得于郎死信了。可曾勸得他轉。〔老旦〕三爺在上。俺素徽但有痛哭于郎之意。全無順從公子之

心。古語云。眼前難會合。到底也埋怨。看起來終非好相識。倘弄出人命來。悔之晚矣。不如及早斲山

開路。放捨他去了。倒是上策。不然他的光景。甚是不好。〔淨〕難道就死了不成。〔老旦〕也不可

〔前腔後〕一葉扁舟載酒話離衷。〔雜叫住末船相見介末〕行已遠感芳卿特來相

送。〔老旦〕李相公行促。奴家昨早始知。治榼來送。不意餞送的船隻。擠斷河路。所以遲了。〔末〕多

謝厚情。〔老旦〕如今還是秋末。試期在二月間。爲何去得恁早。〔末〕一則怕天寒冰凍。船馬難

行。亦爲一向荒疎。欲早到京中。靜坐兩日。以掩飾僮婢之耳目。〔老旦〕相公才雄學膽。拾金紫如

芥耳。何其過遜。〔末〕我爲祖席潦倒。酒力不勝。今辱楚楚遠送。難辭再飲。分付挽了船。明早行罷。

〔衆應介老旦〕吳門烟月。今宵猶共離情。帝里笙歌。別後難通憶夢。所謂故國一尊酒。天涯萬里心。

正此時也。將酒過來。〔雜〕有酒在此。〔老旦送末酒末答介〕

〔念奴嬌序〕君行萬里。暫扁舟祖餞尊前。聽奏離鴻。秋老林臯。看晚照紅映山

麓。霜楓攀送。對酒歌騷。班荆揮塵。唾壺小叩。水聲湧。〔合〕堪悵快灞橋衰柳。消

水秋風。〔末〕楚楚。

〔前腔換頭〕猶恐咸陽路迥。做黑貂裘敝。當年蘇子悲痛。鏡點霜華。還待做半

枕邯鄲癡夢。〔老旦〕你是賈董策獻天人。榜開龍虎。曲江春宴馬蹄紅。〔合前末〕

楚楚看雲流淡影。水漾清光。好一派夜色也。

〔前腔換頭〕明瑩不知是月爲秋明。秋因月媚。關山搖漾水光中。嘆是那里吹笛。

〔老旦〕何處來一派笛聲低橫。〔末〕夜擁吳姬歌皓月。朝乘蜀馬逐驕陽。人生聚散。有何

定準。虛哄。今夜芳尊。明朝瘦馬。可憐佳景已難共。〔老旦合前末〕京中去。多應會得

于叔夜着也。〔老旦笑介末疑問介〕說了于叔夜。楚楚爲何笑起來。敢是有所聞麼。〔老旦〕今

日是吉行。不敢說。〔末急問〕你我兩人。怎麼這般拘泥。不妨明言。他一向有病。莫不有些差池了。

〔老旦〕奴家也是傳聞。恐未必確。〔末〕是那個說的。〔老旦〕是請去醫人。包必濟回來說的。〔末

駭介〕呀。這便真的了。〔哭介〕我那叔夜兄呵。〔老旦〕萬里之行。自今伊始。不宜如此悲傷。奴

家一時失口。悔之莫及矣。〔末〕這個何妨。于叔夜與我刎頸之交。今日失此良友。能不痛傷。咳。這

都是穆素徽害他。那穆素徽嫁了池公子。政好受用。那知叔夜爲他斷送也。〔老旦〕不要說壞了

他。穆素徽也爲叔夜死了。〔末〕怎麼說。〔老旦〕奴家偶訪素徽。將于相公凶信與他說知。他進

房去。竟自縊死。奴家急了。連夜回來。〔末〕有這等事。也罷。冥冥之中。可謂兩不相負。真正生死姻

緣難得難得。

〔賽觀音〕故人稀。增悲痛。憐俠女青鸞鏡空。早並付玉樓仙夢。趁此月明之下。把

酒臨風。弔我叔夜。楚楚。你也弔素徽一弔。〔老旦末同滴酒遙弔介〕遙賦招魂弔西風。叔夜

風流。素徽殊麗。且逐曉雲空矣。吾輩猶然逐利驅名。着甚麼緊。

〔人月圓〕可信是陽焰空花。渾無用。趕利驅名如蜂擁。河橋日夜相迎送。看來

往舟車逐浪蓬。真堪歎風塵古道。老盡英雄。

〔餘文〕話別離。亭情偏重。來朝馬首各西東。行色爭看劍氣雄。

一夜秋風萬里塵。半彎明月照關津。

勸君更盡一杯酒。西出陽關無故人。

第二十六齣 邸聚

〔杏花天半〕〔生上〕餘生無志鵬程遠。被嚴親強來赴選。于鵠病絕復生。姓字半屬

鬼錄。學荒不講。功名拚老賢書。若得穆素徽爲妻。卽終身乞丐。亦所甘心。不得穆素徽爲妻。雖指日

公卿非吾願也。怎奈父親強迫往京赴選。萬不得已。勉上公車。但得到京會試。即便歸去。尋穆素徽便了。任所至京不甚遠。一路晏行早歇。呀。這宿店到也潔淨。有人麼。〔外上〕不將辛苦藝。難近世間財。呀。相公請進。〔生坐介末上〕

〔前腔後〕行行車馬長途倦。投宿店征夫聚喧。〔見生驚避自語〕呀。好怪。這店中坐的

分明是于叔夜。〔又看介〕莫不是撞了鬼。〔生趨揖介〕貞侯兄。怎麼避了小弟。〔末〕咦。想是

傳聞誤了。〔生〕莫不是聞弟死信麼。〔末笑介生〕這定是醫人包必濟誤傳了。兄從何處聞之。

〔末〕小弟聞之劉楚楚。楚楚聞之包必濟。有自來矣。請問訛傳之誤。〔生〕包必濟同到任所。見弟死了。竟連夜買舟回了。誰想小弟三日後心口還熱。老父救醒。宜乎有此信也。〔末〕小弟得罪了。

〔生〕吾兄受了虛驚也。〔合〕

〔憶多嬌〕音信絕。許久別。山水重重愁恨疊。〔生〕可曉得穆素徽怎麼樣了。爲問西

樓前世孽。〔末〕向因令尊驅逐鴛鴦。只說寄居錢塘親族。誰想做計把他嫁與池同了。〔合〕奸

計私設。奸計私設。賺做池家侍妾。〔生〕有這等事。如今不知在池家好否。〔末〕小弟也

聞得。

〔前腔〕立志決守死節。鞭笞痛楚難備說。可歎明珠今埋滅。〔生〕呀。莫不死了。〔末〕受盡磨折。受盡磨折。一旦紅綃自絕。〔生大哭介丑文豹末同扶介生〕此信可是確的麼。

〔末〕是劉楚楚去探望他。他也聞得兄死信。遂向房中自縊。是楚楚親見的。〔生〕小弟初會時。以

玉簪贈我。投下跌成兩段。原是不祥之兆。前日又夢見他。變做奇醜婦人。不是他容貌。想必那時就死了。〔痛躍介〕我那素徽呀。

〔鬪黑麻〕是我緣乖。是他命劣。歎西樓數語。遂成永訣。似空中霧。水中月。待返香魂。憐無絳雪。難禁淚咽。從教五內裂。我待追到泉臺。追到泉臺。奈幽明路絕。

〔末〕

〔前腔〕勞頓長途。況兼病怯。寧堪此悲傷。萬惟自攝。〔生〕弟與素徽呵。原說生同

被死回穴。不要說歡娛幾時。自西樓一見。直至今日。別也不得一別。未得生離。未得死別。

〔合〕藍橋水竭。巫山一夜裂。〔末〕好事難成。好事難成。彩雲易滅。〔小生乘馬上〕

〔不是路〕輕騎遊燕。歸路還投客店眠。〔相見生末〕欣相見。今宵萍聚真堪羨。〔生

末相顧〕看那人呵。神情遠。眸光炯炯如搖電。舌浪滔滔似倒源。〔小生〕同歡忭。

〔指生介〕因甚君家獨淚漣。就中難辨。二丈是會試來的麼。〔末〕是。〔小生向生介〕老

丈高姓大名。〔生〕小弟于鵠。〔小生〕莫不是叔夜麼。久慕大名。時誦尊製。〔生〕老丈上姓。〔小

生〕胥表。〔生末〕原來是胥長公。〔小生〕此位上姓。〔末〕李節。〔小生〕是李貞侯。〔笑介〕

尊前一笑皆知己。不是尋常陌路人。且住。爲何叔夜兄墮淚不已。〔末〕他有溺愛名姬。喚做西樓

穆素徽。向日愛慕叔夜。錦帆樂府。未得面晤。先已心許。及至叔夜訪他。爲歌楚江情。遂訂生死。數語

而別。被讎友趙伯將讒譖。遂向杭州。豈意池相國之子池同。用計賺歸。抵死不從。日夜受苦。近有虛

傳。叔夜訃音于素徽者。素徽聞之。卽自縊而死。所以叔夜在此悲痛。〔小生怒介〕咳。趙生讒口傷

人。池同忍心害理。致才子佳人。生死零落。小弟聞之。髮指眦裂。定當爲兄斷趙生之舌。斬池同之頭。

只是素徽已死。哭之無益。丈夫須要看破關頭。勿爲兒女子所牽也。〔生悲介末〕免愁煩。〔生〕小

弟不去會試了。竟向錢塘去尋素徽骸骨。同坑而葬。永遂西樓之盟。卻不是好。〔末小生〕咳。萬里

功名在此一舉。何出此言。兄衣錦榮歸。那時營建素徽之墓。重泉永慰。枯骨有光矣。客邸風霜。萬勿過悼。且看酒來。爲兄解悶。

〔梁州新郎〕〔梁州序〕客懷無賴。神交堪羨。四座高談雄辨。衆皆歡笑。〔指生

介〕獨伊血淚涓涓。記得尾生淹水。倩女離魂。至死情難變。〔生〕指望鳳皇臺

上也擁飛仙。誰想燕子樓中哭斷猿。〔末小生〕〔賀新郎〕相解慰。休悲怨。喜今

宵偶聚風塵面。村市釀。且頻勸。

〔前腔〕〔生〕歎佳人已向泉原。望仙女難梯月殿。縱相逢也。索與我無緣。〔末〕

佇看宮袍翦綠。御墨題紅。十里花看遍。雀屏開處也。少年選。那怕無膠續斷絃。

〔合前生〕

〔節節高〕記桃花扇影邊。悄聲言。生盟死誓如書券。眉含怨。齒露妍。空留戀。迷樓斷送西樓願。陽臺路隔泉臺遠。〔合〕腸斷悲風爲玉簫。除非夢中成姻眷。

〔前腔〕〔生〕夫妻信有緣。五百年。三生石上曾識面。〔小生末〕你兩人又不同。風情

戀孽債牽。姻緣淺。相思空受魔君騙。渾如畫餅難吞。〔生合前末小生〕

〔尾聲〕勸君須念前程遠。惡姻緣休得掛牽。〔生〕謝你旅邸相逢贈至言。〔小生〕明日小弟南歸。二丈北上。但是叔夜有所感傷。貞侯丈當解慰之。客路風霜。須宜保重。

今宵旅邸同杯酒。

明朝驛路各風塵。

十年未識君王面。

始信嬋娟解悞人。

第二十七齣 巫給

〔淨上〕不如意事常八九。可與人言無二三。自家要與穆素徽做夫妻。做下千般計較。費了萬種心機。拜之跪之。打之罵之。殺之。越觸越生。只是不得相好。終不然我倒費了許多銀子。替別人養老婆。在家裏不成。必要弄他心肯。又無計可施。昨去求籤問卜。那起課的說。夫妻不睦。原有一個和合的法兒。一做做了。那婦人便生死要跟他。生男育女。無限妙處。只有觀音堂間壁張娘娘。極會此法。昨就差人去問着他家。送了一兩銀子去請他。說今日來。不知可到。等得我不耐煩也。〔小淨張巫上〕

〔風蟬兒〕女巫術能降神。走熟大家內闈。置符求媚轉人噴。一心待騙金銀人。

稱我雌光棍。〔相見介淨〕張娘娘。〔小淨〕池三爺。〔淨〕請到僻靜書房裏去。〔行介〕這裏

來。〔小淨〕有何見教。〔淨〕有一樁事。特地求你。〔小淨〕當得效力。〔淨〕我討了一個二娘。

想是緣法少些。自從進門。從不肯着身。走進房去。便拖刀弄劍。要死要活。不知什麼緣故。〔小淨〕或

是八字不對。或是做親日子不吉。或是進門方向不利。或是拜堂時被人做了壓倒。或是你初見時

當面觸了他。所以不得和合。待我略施法兒。便如膠似漆。百年偕老。只恐三爺不肯重謝。〔淨笑介〕

果然有此妙法。就是一百兩銀子也容易。今日先送十兩與你收了。應驗後再送九十兩。〔送銀小

淨收介淨〕這個法兒。可要用什麼。〔小淨〕我有羅平州傳來妙藥。南丹山出的相憐草。一着人

身。兩個生死不捨。〔淨〕還有麼。〔小淨〕要你兩人頭髮指甲。又要三爺着肉的褲子。紅荷包一

個。綠線兩條。〔淨〕這都易處。〔小淨〕要用三分瑩貝。〔淨〕這是什麼東西。〔小淨〕就是寶

貝之貝。那瑩貝服了。憑他貞烈女子。都要胡亂起來。還要如意珠一分。服了無欲不遂。〔淨〕是便

是那里有。〔小淨〕我有在末藥內了。只是無價之寶。用過要算銀子的。〔淨〕自然可有呪水。〔小

淨〕呪水極要緊的。

〔駐馬泣〕〔駐馬聽〕呪水通神。要你夫妻髮數根。還要丹山奇草。瑩貝明珠。着舊軍棍。〔淨〕今夜可成事麼。〔小淨〕今宵調合洞房春。鴛鴦被底雙眠穩。〔合〕〔泣顏回〕笑融融。美愛嬌歡。醉沈沈。滯雨尤雲。〔淨〕樂樂殺我也。快做起來。〔小淨作取出藥包介〕快偷他髮籠內的髮。并自己的髮。各要十根。三爺的襯褲一條。燒做灰取來。〔淨〕楊花何在。〔丑丫鬢上〕三爺有何分付。〔淨低語分付介丑虛下急上出荷包介〕褲灰頭髮都在裏面。〔淨〕不要嚷。〔小淨〕不要看。都閉了眼。〔做加藥入荷包介〕三爺如今帶了去。攆定二娘。縛在他身上。他便歡喜起來。進門時切不可笑。〔淨〕是了。〔進鬼門道介小淨〕楊花姐。楊花姐。〔丑應〕怎麼說。〔小淨附丑耳語介〕如此如此。這般這般。不要破我的法。不要違三爺的意。〔丑應下淨喊上〕不好了。不好了。一進門去。潑我滿面熱湯。就閉了門。你哄得我好。

〔前腔〕一見生嗔。弄劍拖刀難近身。〔小淨〕想是你笑了。〔淨〕笑是笑一笑的。〔小淨〕卻又來。是你不該失笑。破我法術。觸怒佳人。還有一節。你可曾點燈照去。〔淨〕點的。

〔小淨〕又來。婦人見了這藥。眼就昏了。如今還不會近身。先見了你。所以不驗。待我行月白法。你暗

中摸去。他還要自步出來接你。抱了就幹。不要蹉了。如今依我定成親。莫言呪水無憑。

准。〔淨〕妙妙妙。〔合前做暗中摸介丑摸上介淨〕暗廊下隱隱的。想是出來了。〔小淨〕我自己去。

也。〔私下淨〕

〔前腔〕月暗朱門。悄地行來粉澤聞。〔丑抱住淨低唱〕兩兩輕偎暖頰。款抱纖腰。

咬一個嘴。漫吐香唇。〔丑〕親肉。〔淨〕耳邊低喘叫親親。二娘。從前閒話休評論。

〔丑〕三爺可耍得好處。〔淨合前大笑介〕快活。快活。丫鬢每請張娘娘坐了喫夜飯。〔內應〕去

了。〔淨〕楊花點火來。〔丑喚〕你放了。我去點。〔淨〕啐。〔丑〕啐。〔淨〕啐。〔丑〕啐。〔下淨笑介〕

送突十兩銀子。

弄差一個丫頭。

知是失時落運。

何須設計施謀。

第二十八齣 泣試

〔淨號軍上〕一天星斗煥文章。諸士紛紛赴選場。從來將相本無種。自古男兒當自強。自家文場號

軍便是外面唱名已久。我每號房的相公。還不見來。只得在此伺候。〔生青員領持卷上〕

〔菊花新〕風霜連歲病休文。何意重爲上國賓。遙望棘闈門。又待把西樓尋問。

天字一號長官何在。〔淨〕在這里。爺是天字第一號。一定是頭名狀元。這裏是號房。請進號。〔生

坐介淨〕此時還早。爺可要把板兒鋪下睡一睡。〔生〕我心上有事。那里睡得着。不要罷。〔淨着

地坐介生〕

〔尾犯序〕軍士擁如雲。滿院朱衣。燈炬輝映。派卷分房。喊吶聲相聞。紛紛抵多

少郢曲自賞。抵多少齊竽濫混。還堪笑懨懨病鬼。重效美人顰。〔內喊〕各號軍領

題。〔淨應虛下急上送題紙生做不看介〕那題紙且放一邊。待我題詩壁上。少展悶懷。〔題介〕姻

緣既已斷。富貴安足論。縱遇月中仙。何如帳裏魂。

〔前腔〕何因復向利名奔。強赴選場。只爲親命。纔展霜毫。又思量招魂。還省。縱

教我鵬搏鳳舉。難消我鶯愁燕恨。怎得你同沾恩寵。做汧國李夫人。〔內喊〕各

號房散碗箸湯飯。〔淨做接上送生介〕爺怎麼不住啼哭。再不做文字。莫不身子有些不安麼。〔生〕

沒有病。〔淨〕既沒有病。怎的不做文字。〔生〕我不耐煩。〔淨〕這是爺前程出處。極大的大事。

怎說不耐煩。〔生〕咳。我有心事。你不曉得。〔淨〕那見到了科場內。還有別樣心事。倒要緊的。爺

倒也好笑。〔生〕你且坐下。不要聒絮。我不用湯飯。你收去喫了罷。〔淨收喫介生〕

〔前腔〕慵將筆硯親。只待凝眸。一見修文。棘院重重。料難來芳魂。何忍忍教我青雲上騁。忍教你黃泉下等。你卻做多情的鬼。我做了少情人。〔內吶喊介〕雲字

十一號。搜出懷挾劍字三號。拿了夾號。各號號軍。都要着意隄防。快催繳卷。〔淨同內總應〕嘎。〔向

生介〕爺可聽得分付。外邊這般嚴緊。如何不寫文字。只管啼哭。莫不是筆下做不出。等一位來抄

看麼。不要連累小的。〔生怒喝介〕哇。〔淨〕既然做得出。如何不做。只管哭。〔生〕我家裏死了

人。難道不要哭的。〔淨〕死了什麼人。莫不有礙考試的。〔生〕咳。是我的妻子死了。〔淨〕原來

如此。不要怪你。如今及早寫起。內邊着實催卷哩。〔內又掌號擊鼓介生〕

〔前腔〕風簷防範緊。鼓又屢催。燭又將燼。倦眼迷暎。夜深來偏昏。〔淨〕爺快繳卷。

〔生〕堪哂。那里是雕龍繡虎。卻都是愁香怨粉。勉強揮得一篇呀。還驚問。早被

誰行圈點。卻是我啼痕。〔丑〕巡場指揮雜捧酒殺上。

〔歸朝歡〕馮太史。馮太史。遣送酒殺。于叔夜。尋覓各號。南直于叔夜相公在那一號。

〔淨〕在這裏。〔丑〕下官巡場指揮。是馮太史差送酒殺的。〔生〕又辱年伯垂念。承垂念。承

垂念。使人怎消。〔丑〕還說快膽完正藁。〔生〕外邊還有許多人在號內。〔丑〕場中尙

存百餘號。告別了。〔生〕特蒙送酒多勞了。〔丑〕賚命而來敢憚勞。〔急下生〕長官

把酒殺收去喫了。〔淨〕這是翰林馮老爺送的好東西。爺一日不用湯飯。多少喫些麼。〔生〕你

收去喫便了。〔淨〕做收喫介。生急寫介。

〔鮑老催〕漫揮兔毫。明珠萬顆。錯亂搖。黃河瀉流三峽漂。龍虬走。刀劍鳴。烟雲繞。阮生據案成書藁。袁宏倚馬不立草。免曳白。貽人笑。〔淨〕爺完了。〔生〕完了。〔淨〕

一揮而就。洵是七步之才。爺納卷去。

〔尾聲〕君才調七步高。看取龍門遠跳。〔生〕爭換與我巫山夢一宵。

十年窗下無人問。

一舉成名天下知。

不遇洞房花燭夜。

誰思金榜掛名時。

第二十九齣 假諾

〔燕歸梁〕〔旦上〕痛哭風前淚眼枯。何日裏會冥途。奴家程素徽。被池同計賺。近聞

劉楚楚說于郎已死。奴家自縊而絕。又被丫鬢救醒。如今舉目無親。卻怎麼處。向之日夜尋死。不能一刀決絕者。尙圖與于郎萬一之遇。今西樓之約。已成畫餅。奴家何所掛戀。只是生不能同衾。死不能同穴。易簀之際。不得永訣。歸土之時。不能一拜。好教人痛殺也。〔哭介〕今池公子道于叔夜已

死。逼奴成親。咳。難道我便背了于郎。終身隨這樣人。〔拭淚介〕如今只哄池同說于郎既死。情願

相從。只是要服麻戴孝。設水陸道場。做九晝夜功德。超度他。心願一完。便諧秦晉。那時功德圓滿。隨卽自盡便了。正是逢人且說三分話。未可全拋一片心。〔淨上〕素徽何在。〔向旦介〕如今于郎

已死。有何推阻。〔旦〕只是一件。生離死別。情所不堪。于郎與奴。生死之約。今一旦杳隔。萬劫茫然。

蓋棺時不得一見。於心何忍。就是你死了。你家妻子難道漠不動念的。〔淨〕是。如今待要怎生。〔旦〕

要喚集僧道。設做九晝夜水陸道場。超度他早登仙界。功德一滿。便從尊命。〔淨笑滾叫樂介〕多

謝二娘。竟是這等罷。〔旦〕

〔雁過沙〕于郎是奴夫。只圖共歡娛。誰知害他直恁苦。又不得見你歸黃土。待看經禮懺相超度。遂奴心願。改嫁有奴。〔淨〕

〔前腔〕當初苦緣無。從今轉憐我。我直待伊心願足。度得叔夜歸天去。纔得與咱爲夫婦。你並無牽掛。並沒間阻。〔旦〕快請僧道設起水陸道場。〔淨〕謹當如命。〔誦〕

介〕喜氣匆匆不自持。〔旦〕姻緣到手肯嫌遲。〔淨〕黃河尙有澄清日。〔旦〕豈可人無得意時。〔下淨看旦下笑介〕于郎之死。天使其然也。虧我耐到今日。小廝每何在。〔衆上〕有何分付。

〔淨〕

〔小醉太平〕佳人我拒。今朝口許。〔衆〕許什麼。〔淨〕做親。〔衆〕什麼緣故。就肯起來。

〔淨〕當初一向念前夫。死卻了嫁吾。〔衆〕爺有這等樂事。該排筵設席。裝樂演戲。歡鬧

幾日便好。〔淨〕不要排筵設席。倒要修懺設醮。不用裝樂演戲。卻要呼僧喚道。〔衆笑誦介〕這

是什麼意思。〔淨〕不要說起。二娘要我把他前夫于叔夜。做九晝夜功德。追薦了。完了心願。方與

我成親。你每與二娘討了意旨。到混真禪寺去。喚集一百禪僧。一百道士。設建水陸道場。明日我同二娘來拜佛。須要整齊潔淨。〔衆〕曉得小的每就去。

〔前腔換頭〕二娘面許做夫婦。猶如久旱逢甘雨。喚些僧道薦亡夫。爺成了事呵。賽登科中舉。也虧爺好心性。得有今日。

看得熟鴨蛋。

伴得小娘眠。

瓜熟自落蒂。

水到自成川。

第三十齣 載月

〔破陣子〕〔小生同小旦雜隨上〕燕薊復來越水。蒼茫四海無家。〔小旦〕短棹輕

橈同載月。坐對琴書試茗芽。閒話古豪俠。〔小生〕〔舊詞賀聖朝〕白雪梨花紅粉桃。露

華高。〔小旦〕垂楊漫舞綠絲絛。草如袍。〔小生〕風過靜塘微浪起。似江皋。〔小旦〕千金莫惜

買香醪。且陶陶。〔小生〕自京師回來。又歷吳山越水。真所謂落魄之士也。〔小旦〕妾聞丈夫以

四海爲家。相公有之。〔小生〕我俠氣干雲。有張巡殺妾之義。你芳姿傾國。無西子覆吳之功。天生

兩人無尺寸之用。能不痛惜。急宜遊歷山川。品題花月。庶不坐困一室。來到越中。泊此錢塘。好一派夜色也。

〔錦纏道〕載輕娃。暫停舟。錢塘水涯。到處景隨佳。昔張志和云。願爲浮家泛宅。往來若雪間。羨高人願爲泛宅浮家。我待弄清狂。正平鼓搥。您休怨孤眠商婦琵琶。種了邵平瓜。效范蠡扁舟遠駕。三閩未許誇。悲放逐啼聾泣啞。直恁的困苦欠撐達。〔小旦〕看溶溶春水浸梨花。寂寂橫塘覆楊柳。好景致也。

〔普天樂〕暖溶溶明月夜。看山影輕如畫。清溪畔柳可藏鴉。曲橋外似雪梨。花荒村數家。〔內作犬吠介〕更哩哩犬鳴。一帶籬笆。〔小生〕如此良宵。能無暢飲。取酒過來。〔衆丫鬘執壺小旦送酒介〕

〔古輪臺〕醉流霞。淺斟低唱按紅牙。纖纖素指輕輕下。歌翻子夜。瑄弄昭華。一派餘音虛架。赤鳳堪乘。彩雲欲化。今宵清夢遶天涯。風情瀟灑。都付他流水浮花。美人綠鬢。英雄白髮。同歸狼籍。想起淚如麻。須酩酊。莫教月落漫嗟呀。〔停杯

聽介〕何處喧嚷得緊。鼓鏡震天。好古怪。小厮去岸上一問。〔雜向內問介〕大哥何處這般喧鬧。

〔內應〕是前面做水陸道場。化白蓮船的。〔雜復小生介小生〕水陸道場。想必盛在那裏。我又聞

在此。去觀看一番。有何不可。輕鴻可要去麼。〔小旦〕夜靜更深。又在客邊。妾是不去罷。〔小生〕既

如此也罷。若有好看去處。我差人來喚你也。〔小旦〕這卻有理。

〔餘文〕村落內集衆譁。俺直待要遊觀一下。〔衆〕一路好月。〔小生〕喜數里橫塘

月正佳。

忽聽荒村鬧炒。

可愛橫塘月好。

青龍白虎同行。

吉凶全然未保。

第三十一齣 捐姬

〔佛賺〕〔雜和尚上〕西方盡是慈悲佛。那管人間了宿緣。四大部州皆欲界。幾曾

搬得在西天。南無佛。南無慈悲觀世音菩薩。和尚要錢都念佛。麵筋豆腐口中

噉。誰知背地啖葷腥。後園煨狗松柴罍。味淡又將葱酒潑。張口橫吞風捲雪。原

來此物最興陽。好從牀上傳衣鉢。傳衣鉢。種善根。師父教他開便門。徒弟見說。心怖畏。便叫那救命靈山大世尊。師父說。今生苦趣須嘗過。免教重做婦人身。南無摩訶薩薩摩訶。〔衆僧〕師父起懺功德已完。疏頭是怎麼樣寫。〔師〕今日是信女穆素徽。追薦亡夫子鵠。〔衆〕幾時死的。〔師〕卒於八月二十五日。其餘照例寫便了。〔衆〕師父。後園甕內的狗肉。燒得稀爛在那裏。拈香的又在後堂。我們偷工夫去喫了。就來。〔師〕有理有理。正是寧可葷口念佛。不可素口罵人。〔下雜扮道士齊鼓樂行香上〕

〔呪〕肚中空虛。口內誣言。丁零當郎。哩噠囉噠。夜間習慣。屁眼向天。禳星告斗。請將關仙。謝了葷土。要銀一錢。領盃更飯。極少三分。鋪燈一地。油米滿前。出空罄子。齋供來填。葷腥謝將。只管流涎。因蟲來到。木魚打穿。科儀不熟。呪水無傳。祈晴禱雨。準要一年。沒人來請。廚竈少烟。法衣狗嚼。版巾油煎。毛竹笏板。蓮草雷圈。鼓鈸當盡。經懺不全。不如改業。性命常存。請神已畢。這些和尚都去喫狗肉了。我們也去喫些葷菜再來。〔衆〕疏頭可要收拾了。〔老道士〕放在那里。齋主來好看。道人又在此。

怕那個偷了去。〔衆〕這個道場大得緊。可喫得董麼。〔老道士〕不妨。慈悲勝念千聲佛。造惡徒燒萬炷香。〔下小生便服步上〕

〔香柳娘〕聽松風梵音。聽松風梵音。偶來蕭寺。〔做翻案看疏介〕看他疏寫千張

紙。齋主是什麼人。姓穆名麗華。姓穆名麗華。呀。原來就是穆素徽。他建道場爲甚。修懺

度陰司。爲于郎病怯死。呀。于叔夜死了。待我看幾時死的。〔做看疏念介〕八月二十五日捐

館。〔驚疑介〕又是我來。好一樁怪事。好一樁怪事。沈吟細思。教人髮指。〔思介〕我

在涿州飯店上遇于叔夜。其時是十月初旬。他又說素徽聞我死信。自縊而絕。不勝哀痛。會試都不

欲去了。我說素徽已死。悲之無益。我遇池同。斬之便了。咦。這里倒是穆素徽薦他。怎麼說。阿。是那

素徽原不會死。他原認殺劉楚楚之言。故此追薦。且住。我胥表與于郎。雖懷夙慕。未得深交。旅邸一

面。情投膠漆。見他聞訃哀慟。令我悽然。是個真正情種。罷。我就把移雲換月的手段。少試一試。使彼

得諧心願。有何不可。我恨不得卽斬池同。然不取素徽。斬之無益。咦。說便一句。千萬人中。怎生取得

素徽。有計在此。我有愛妾輕鴻。現在舟中。只得哄他隨喜。換了素妝。混入法堂。密令勇士數人。法堂

中胡亂殺起。打滅燈火。一人負輕鴻而走。聲言搶去素徽。月下看不分明。池同一定認着輕鴻是素徽。追趕將近。勇士棄之而逃。不知蹤跡。我一面乘其倉卒。取素徽從間而遁。亦鬼神所不測也。正是計就月中擒玉兔。謀成日裏捉金烏。〔下旦素服上〕

〔前腔〕問靈魂那在。問靈魂那在。〔做拜生魂座介〕望伊來至。望伊不見銷魂死。

于郎。于郎。我完了道場呵。不崇朝棄世。不崇朝棄世。汝欲會咱時。黃泉暫相俟。把堅貞自矢。把堅貞自矢。悠悠我思。中如錐刺。〔淨上〕素徽。你不要拜壞了。待我替你拜。

于郎。復願你早生仙界。莫到寒家。〔做拜介〕

〔前腔〕代殷勤薦度。代殷勤薦度。願你早歸法旨。蓮花生長無塵滓。〔旦哭介衆

僧道合〕離重重地獄。離重重地獄。今始斷相思。從教悟生死。〔旦〕聽法音梵

字。聽法音梵字。縱沈淪地司。生天從此。〔淨〕過哀了。且暫時歇息。〔同日下小旦素妝小

生同上〕

〔前腔〕到巍峨大寺。〔小旦〕這樣大寺。到巍峨大寺。〔小生〕法事可盛麼。〔小旦〕建

壇宏侈。〔小生〕換了素縞。正好混入法堂。特將縞素更紅紫。〔小旦〕混看他盛事。混

看他盛事。〔小生〕我暫往那里去。〔急下小旦〕噯喲。轉眼竟何之。將人哄來至。〔內嚶

介〕于叔夜在此。〔小旦驚介〕沸于郎在此。沸于郎在此。呀。法堂燈火都滅了。匆匆

自思。茫無依止。〔丑勇士上〕

〔水底魚兒〕打滅禪燈。惟聞喊殺聲。〔抱小旦介小旦〕這怎麼說。〔丑〕佳人搶去。有

誰來鬪爭。〔急下淨同僧道家人趕上〕

〔前腔〕膽顛心驚。追賊莫暫停。〔看內介〕那那那穿白的在前面了。趕上去。有人拿住。

送他新海青。〔下小生喊上〕于叔夜在此。〔末負旦上〕在那里。在那里。〔小生〕

〔前腔〕賺得芳卿。這里來。番從間道行。〔旦〕在那里。〔小生〕在這里。鬼蹤神跡。果

然手段精。〔下小旦急上〕

〔前腔〕月色偏明。長堤又不平。〔淨衆急追上〕向前撲住。渾如捉兔鷹。〔擒住小旦

介淨〕素徽。你到那裏去。〔衆〕不是他。〔淨驚看介〕噯喲。命也不要。纔追得着。又不是素徽。依

樣一個美婦人。好生古怪。〔衆譚介淨怒介〕一色打扮。一定是你來引去的。我也不難在你身上。還我素徽便了。不然把你來無所不至。〔衆〕你是什麼樣人。〔小旦〕

〔引軍旗〕念奴本是良家妾媵。〔淨〕你主人姓甚名誰。〔小旦〕失記主人名。〔淨衆〕

你叫什麼。〔小旦〕一時倉卒忘名姓。〔淨衆〕來此怎麼。〔小旦〕爲觀法事來禪徑。

〔淨衆〕是了是了。是于生叔夜同謀者。素徽是你來領。〔小旦〕吓。我曉得什麼素徽。

〔自語介〕咦。是胥長公把我來使計了。〔一面淨衆盤問小旦介一面小旦自唱介〕

〔前腔〕是丈夫賺把素妝來整。到此無蹤影。多應有計安排定。強徒把我相凌。迸。罷罷罷。他有匕首。在我佩上。待我引決赴水。奴家怎把他牽害。苦得了當一命。〔做自

刎赴水介淨衆驚介〕噯。噯。負他的不是叔夜。這婦人又非素徽。一時逼死。素徽反去遠了。不

如再去追尋素徽。失了一個佳人。得了一個佳人。得了一個佳人。失了一個佳人。〔衆下〕

第三十二齣 羣嘖

〔雜地方擁淨上〕好手中間逞好手。喫拳須記打拳時。池三爺有些走不得了。白白地逼死人命。走

在那里去。

〔趙皮鞋〕〔小淨上〕我是趙學生。包攬官司有大名。〔向淨揖介〕池老先生不妨事。這場人命十分輕。幸得有區區作見證。〔淨〕全仗全仗。〔丑縣丞上〕

〔前腔〕我是錢縣丞。領帶巡兵十數名。〔衆地方嚷介〕池公子逼殺人命。地方拏住。〔丑〕只管亂嚷。如何不具地方呈。嚷得我老爺沈醉醒。〔淨當面介〕丑要淨跪介淨不肯介

〔丑〕父母官怎麼不跪。況且是犯人了。這等放肆。哇。〔小淨〕便跪了。〔丑指淨介〕

〔博頭錢〕你好忒強橫。你好不思省。二四更斷送佳人命。何住所何姓名。〔衆〕

姓池名同住南利二都十一圖。有名使勢公子家貲百萬。〔丑〕不要嚷。左右先與我打他二十。未枷鎖先用刑。痛加鞭楚快招稱。〔小淨〕老父母。這個刑法。且求慢些。再口審他一審。〔淨〕

我挾了愛妾穆素徽。在寺中修懺。蜂擁不知姓名多人。各執挺刀。霹入法堂。打滅燈火。搶去素徽。連忙追趕。不知這個婦人。爲着什麼。自家情急。竟赴水而死。與我毫不相干。〔丑〕哇。還說沒相干。只你情急二字。顯見威逼。罪何所逃。〔小淨〕希垂聽。且容情。他乃尊就是已故池相公。〔淨〕

先君台鼎。身爲監生。有妾穆氏。被賊搶行。〔丑〕你自尋妾。怎地威逼無辜。尋妾之說是支吾的話。〔淨〕那知追得這嬌倩。他投水命捐傾。〔丑〕可知道。

〔前腔〕顯見真人命。休把舌頭硬。你喝令動手。何名姓。〔淨向小淨介〕還望你作證明。〔小淨〕老父母。這樁事情實輕。〔衆〕這個秀才。是買出來的呢。〔丑〕難道半天

突下這屍靈。〔小淨〕還求用情。〔丑低〕我三年官債。今番要清。〔小淨〕方纔口審的

幾句。是成不得的。〔丑〕審單略換。毫無罪名。〔淨〕小廝取些銀子過來。〔衆〕許多。〔淨〕

五百兩。〔丑〕少。〔小淨〕便是七百。〔淨〕那得許多。〔丑〕還少。〔小淨〕便足了數罷。〔淨〕

難道一千便罷。送送送。〔衆做送銀介丑笑介〕滿盤都是細絲錠。〔指淨介〕造化遇我。還

虧我做官清。分付差人。着該圖買棺盛這婦人。立刻擡去燒了。〔衆〕噯。〔丑〕嫩草怕霜霜怕

日。惡人自有惡人磨。〔下衆地方〕是了。官便買他寬放了。我每地方怎肯干休。倘若主來要屍靈。

將什麼還他。上司府縣那里去動個公呈去。〔小淨〕列位不要是這樣。池三爺極好的好人。〔衆〕

是好人逼殺了人。

〔包子令〕逼死佳人一條命。一條命。微官受賄漫容情。漫容情。地方不肯圖饒倖。上司府縣動公呈。把尸骸藏好待天明。〔淨對小淨介〕

〔前腔〕衆口一辭將我證。將我證。如何消受上司刑。上司刑。〔小淨〕除非使得錢財應。那時方免衆人爭。〔淨作恨介〕這場骯髒訴誰明。〔小淨〕認了悔氣罷。〔淨〕

列位不要沸嚷。我倒往那一位宅上坐定。差人去取銀子來。便與我燒他尸首。〔衆〕也罷。同去。〔小淨〕到在家下去。〔淨〕要尋穆素徽一個身子又絆定了。又受了許多氣。費了許多銀子。好懊惱。好懊惱。〔衆〕我每不管閒話。快走快走。

若伊逼殺千條命。

里甲人人是富翁。

屋漏更遭連夜雨。

船危又被打頭風。

第三十三齣 歸訊

〔醉翻袍〕〔醉扶歸〕〔生丑上〕路途萬里行來倦。餘息半縷病難延。笑我今生恁無緣。到底成虛願。〔丑〕〔皂羅袍〕芳魂何處。冷風宕烟。孤蹤何往。雲山浪天。

〔生〕生愁死恨都嘗遍。于鵲聞素徽訃音。一悼幾絕。無刻不淚。勉強入試。草率完事。今星夜馳歸。尋問素徽尸骸。拜哭一番。死葬其側。亦不負西樓生死之約。一路來烏啼花落。水綠山青。無非悲悼。卻怎麼處。

〔月落蠻江冷〕〔月兒高〕綠樹迎風軟。〔丑〕清波蘸霞淺。〔生〕這樣融和候。怎奈人不見。對景漫凝眸。錢塘望中遠。怕聽山凹處。杜宇聲聲怨。〔蠻江令〕〔丑〕疊疊飛花片。掃開又如翦。萋萋沿路草。踏殘旋復衍。〔生〕花似淚點。草似我愁牽。萬種傷心處。百計難消遣。〔涼草蟲〕細思還自憐。恁般遭偃蹇。不能遂死生願。誰承望長安錦繡旋。病情愁倦。影瘦形孤。應知不久歸泉。文豹。我恨不得一口氣走到錢塘。怎奈神疲力倦。〔丑〕且慢慢的前去。

一年始得一年春。

百歲曾無百歲人。

獨憐京國人南返。

不知何處弔湘君。

第三十四齣 衛行

〔北點絳脣〕〔小生上〕論兵法黃石深籌。誇劍術白猿高手。小可的施機設。恰便是談笑功收。謾道那掇月移宮。推雲出岫。自家在混真寺中。棄了輕鴻妾。賺得穆素徽。于叔夜在京。我如今護送他去。成就姻緣。但不知素徽果真心否。待我試他一試。要知心腹事。但聽口中言。素徽何在。〔旦上〕

〔南劍器令〕舊恨變新愁。吉與咎好難尋究。避雷霆。又遭霹靂。〔疑介〕向前且問根由。〔小生〕素徽。你道我特來取你則甚。〔旦〕奴家看你像個有心人。故遲片刻之死。正要問個明白。〔小生〕

〔北混江龍〕我愛你花嬌玉秀。兀的是髮拖雲。更和那眼凝秋。只指望洛神珮解。與那漢女環留。〔旦〕噯。噯。這是那里說起。〔小生〕我與你弄玉同登乘鳳臺。太真齊凭望仙樓。鎮日的呈妙舞。引清謳。擊方響。按箜篌。浮桂液。熬蘭油。餐白鵠。脯紅虬。真個是溶溶深院。四季混寒暄。更和這層層步障。旬日的無昏晝。早趁此鵲橋鸞馭。成就此燕侶和那鶯儔。〔旦哭介〕呀。君家差矣。自古忠臣不事二君。烈女不

更二夫。奴家生在烟花。志堅金石。

〔南桂枝香〕夫君曾有。〔小生〕姓甚名誰。〔旦〕姓于名鵬字叔夜。〔小生〕你既不他適。

怎生隨了池同。〔旦〕呀。這是仇讎厮守。他與鴛母計賺奴家。奴家生分不與他成親。恨不能

卽斷其頭。近聞于郎已死。自縊房中。又被丫鬢救轉。忽聞訃報傳來。不得親扶靈柩。〔小

生〕怎在寺中設建道場。〔旦〕是奴家與于郎不能盡夫婦之情。安排靈座。痛哭一番。燒些錠

楮。燒些錠楮。〔小生〕敢是完了心願。便就一心隨那池同到老。〔旦怒介〕咳。說那里話。功德一

完。卽便自盡了。道場完後。別無迤逗。不意又被你劫取。我只道押衙崑崙之輩。尙與你接談。

不意又遇池同。既可隨你。何不就隨了他。如再相逼。君家佩劍。妾當以領血濺之。〔小生〕若肯從

我。當以金屋貯卿。〔旦〕謾胡調。金屋非吾願。泉臺是所求。〔小生長嘆介〕呀。你果然有

這般貞烈。堪垂青史。可載彤編。也不枉叔夜一片精神。罷。吾與你說明了罷。

〔北油葫蘆〕則聽得往事從頭逐一剖。赤緊的把死生盟你便能自守。俺也不

是偷香竊玉也。待逞風流。則是俺移花換柳。與您諧婚媾。越把那輕鴻女一樣。

妝成就。那勇士便攬之在月下走。池同的把假貨去求。誰道是佳人反在咱每手。活錚錚個于郎您待見否。〔旦〕于郎既死。那里說起。〔小生〕幾會死來。〔旦喜介〕

說是八月二十五日死的。〔小生笑介〕我十月初旬。從燕京南返。到涿州地方宿店。遇着于郎。前

來會試。李貞侯亦在坐。貞侯誤傳劉楚楚之言。說你縊死房中。可是有的麼。〔旦〕是有的。〔小生〕

那時于郎聞之。痛悼幾絕。我每勸他赴選。不在話下。〔旦〕呀。有這等事。〔小生〕不意自京中回

來。偶同小妾輕鴻。遊至杭州。橫塘步月。與觀法事。見你薦亡文疏。立生一計取你。〔旦〕請問稠人

廣衆。如何搶得奴家。那池同又不來追趕。〔小生〕我只得哄妾輕鴻。與你一般妝束。差勇士打滅

禪燈。負輕鴻而走。那池同錯追輕鴻。聞鴻已赴水而死。池同被地方拘住。所以不來追趕。如今于郎

在京。我送你去便了。〔旦〕割愛施謀。竭忠盡力。此恩此德。何日忘之。恩人請上。奴家有一拜。〔拜

介小生答介〕何謝之有。〔旦〕

〔南八聲甘州〕經年困守。感君家俠氣。妙策神籌。輕捐姬妾。交誼古今希覯。奴家呵。似籠鷹再逐霄漢。舉轍鮒重從江海遊。含羞。這生全恩德難酬。大恩人高

姓大名。〔小生〕你道我是誰。我姓胥名表。號長公。

〔北天下樂〕俺本是擊筑吹簫江南任俠流。腰橫着吳也麼鉤。吳鉤射斗牛。驀忽地展半籌。便教那書生遂好逑。〔旦〕君家祇從旅店遇着于郎。還是舊交。〔小生〕俺

與于郎非舊遊。〔旦〕可認得池同那賊。〔小生〕前夜若見他。就要動手殺卻。又遲了搶你之

事。所以不會去看他。竟抱了你走。與池同也沒甚讎。只待與有心人一朝完配偶。快

些趨路。叫小廝。車馬何在。〔衆帶車馬上〕佳人金縷青絲髻。駿馬銀鞍碧玉蹄。〔旦做登車小生

乘馬行介旦〕

〔南解三醒〕羨你具古洪機殼。更有那許俊雄邁。似崑崙磨勒難追究。還送我到皇州。一朝遂同千里遊。片語平消萬種愁。爭馳驟。星犇電走。無暇回眸。〔小

生〕一路好風景也。

〔北那叱令〕曉風和。岸草柔。午雲深。嶺樹幽。喜聽啼鶯如喚友。遊蜂的似覓儔。

〔旦〕京師還有許多路。〔小生〕神京的在望處浮。使佳人屢送眸。俺便將離恨天

補的才完。相思地縮的不就。不由人的鞭策頻抽。看看起程。又早近京也。〔旦〕

〔南醉扶歸〕曉行暮止甘馳驟。穿山度嶺奈嬌柔。漫想當年話西樓。豈知今日多儂懣。恨不得立時相見訴離愁。怕見面都遺漏。前面是北京城了。〔小生〕到了。我

每進城去貢院前尋問去。

〔北金盞兒〕歷間關赤碌碌早已到皇州。鳳城中闐闐炊烟浮。小廝。你到掛號所

在。看簿上登記于相公寓在何處。卽到寓所去問。〔僮應介〕待小的去問來。〔下小生〕俺待把

于郎的行共止一一的忙尋究。〔旦〕莫不場事完了。又去迷戀青樓。〔小生〕休猜做南

宮的試畢。又早去迷翠館。醉青樓。〔家僮上〕聞說洛陽花似錦。偏我來時不遇春。〔小生〕

怎麼說。〔僮〕問到于相公寓所。主人說家裏死了妻子。日夜啼哭。一完場事。榜也不等。星夜回去

了。〔旦哭介小生〕這樣不湊巧。真是好事難成。〔旦〕

〔南安樂神犯〕姻緣已就。誰知來到。不獲綢繆。伯勞飛燕早分頭。浮萍浪梗難

相湊。〔小生〕他揭曉也不待了。〔旦〕黃榜無情待。白骨有心求。此段恩何厚。行和

止作麼籌。教人堪恨轉堪羞。彷徨處空淚流。一天歡慶反成愁。〔小生〕這個卻易不用愁煩。我有宅第一所。在東門梅花衢內。高樓大院。童婢如雲。我到京中。慣在裏面歇息。你可權暫逗留。我往下路去尋于郎還你便了。〔旦〕始終玉成。何施恩之無厭也。〔小生〕自古道爲人須爲徹。謀而不忠。非大丈夫也。〔行介〕

〔北寄生草〕俺有個私宅第可喜的是地最幽。恰稱的九華仙馭權迤逗。儘有驅奴使婢每環前後。且喜是重門朱戶無人叩。一任他門前蜂蝶遍尋求。只索護幽香莫被東風漏。迤邐行來。此間已是快開門。〔衆侍女上〕日間不作虧心事。半夜敲門不喫驚。〔見小生介〕呀。老爺回來了。〔小生引介旦進介小生〕衆奴婢。這在于相公的夫人。你每都來叩頭。他遇了難。我留他暫住在此。我自去尋于相公。你每小心伏侍。不可有慢。早晚把門閉了。是姓于的相公來問便開。小心在意。〔衆〕曉得。〔旦〕

〔南皂羅袍〕慚愧姻緣不轉。感君家藏貯翠館朱樓。入海撈針費尋求。守株待兔空僝僽。崎嶇古道。教伊浪遊。繁華別院。與奴遣愁。恩深義重難消受。〔小生〕

分宅破家。交誼之常。何足掛齒。你安居在此。我自去尋于叔夜。少不歷盡天涯。也索還你。不要愁煩。
〔袖出書介〕有書一封。待于郎來時與他開看。〔旦接書介小生〕丫鬢每伏侍進去了。〔旦〕不戀故鄉生好處。受恩深處便爲家。〔小生〕仰天長笑出門去。應知足底是天涯。〔別旦旦下小生〕
〔北煞尾〕甫能穀送將穆氏帝京遊。又尋叔夜江南走。可這千里馬兒不容氣。吼紫絲韁何嘗輕放手。忽刺刺一似順風舟。只成就這鳳鸞儔。有一頭早不見一頭。赤潑潑俠腸癢處難拴紐。思量起也着甚由。又不爲熱湯兒半口。又不爲切己的功名兒馳驟。爲他們害相思兩下裏擔憂。好似把紅綃妓與干牛。

第二十五齣 詰信

〔桃紅菊〕〔生上〕自神京歸來故園。往平康依稀舊年。尋思起素徽不見。尋思起素徽不見。望着了西樓淚漣。小生歸到故園。尋劉楚楚問穆素徽死信果真。就到錢塘。與池同廝鬧一場。收他骸骨安葬。呀。迤邐行來。已是西樓矣。風景依然。好傷感人也。〔老旦上〕爐茗窗間坐。輪蹄戶外喧。〔見生作驚介〕呀。原來是于相公。〔生〕爲何久不相見。一見便又驚疑。〔老

〔旦〕得見故人。還是驚喜。何疑之有。〔生〕別來又隔一年了。〔老旦〕

〔惜奴嬌〕一別經年。怎河陽花貌。減些嬌倩。〔生〕小生帶病隨任。車馬勞頓。官署中一

病而亡。三日後纔得重醒。〔老旦〕有這等事。蕭郎多病。應與舊玉情牽。〔生〕西樓之誓。

決不肯忘。〔老旦〕堪憐。死誓生盟終不變。〔生〕早不如不救醒也罷。〔老旦〕仗營陵

芳魂轉。呀。這等說起來。必濟之言。原是有。〔生〕他見小生氣絕。即便買舟而返。〔老旦合〕喜

命全。可笑風言浪語。信口訛傳。相公黃榜在邇。錦鑰將奪。如何倒返家園。〔生〕

〔前腔換頭〕雲天。無志飛鷺。奈嚴親相強。載筆遊燕。不意途中宿店上遇李貞侯。他

亦以我爲鬼。見時不勝錯愕。及問素徽。他說你到池家問訪。素徽聞我死信。即便縊死。貞侯途

遇。說伊妹子歸泉。那時不欲會試。被諸友慫恿不過。又逢一個胥長公。亦力勸我進闈。勉完場

事。不及待榜。即便歸來。先從楚楚問了的信。隨到錢塘收他骸骨。南旋待與屍骸重廝見。痛

分離幽明遠。〔老旦〕奴家目擊素妹之死。偶與貞侯言之。貞侯之言。皆奴言也。誰道素徽原救活

了。〔生笑介〕可喜可喜。有這等事。〔合前老旦〕

〔黑麻序〕造訪嬋媿。把傳聞誤述。他一命幾捐。被丫鬢救轉。那時奴已歸遠。〔生作悲介〕如今可得一見麼。〔老旦〕不要說起。還有奇事。〔生驚介〕怎麼呢。〔老旦〕他參禪。

因伊設醮筵。橫塘聚眾喧。〔合〕更遭冤。被那強徒劫去。所向茫然。〔生連連急問

介〕怎麼說。又被人劫去了。〔老旦〕他欲超度相公。設建水陸道場於橫塘混真禪寺。做九晝夜

功德。不意三更之後。竟有勇士數人。混入禪堂。打滅燈火。沸言于叔夜搶穆素徽。及至池公子追去。

又是一個勇士。馱一美婦人。追至舟次。勇士棄婦人而逃。那婦人不說來由。隨即自盡。〔生〕素徽

呢。〔老旦〕反被人從間劫去。不知何往了。〔生〕有這等事。

〔前腔換頭〕驚顛。可怪伊言。驟得人肺腑亂起刀箭。恁生離死別。多少更變。我

兩人呵。顛連。相如在那邊。文君在那邊。〔合前外末淨小淨報喜人混奔喊上〕報報報。

聞得于爺在歌院裏。在什麼西樓內去了。不免打進去。〔做打進喧嚷介老旦〕外邊亂嚷。打將進

來了。〔生〕難道又是趙伯將那廝麼。〔老旦笑介〕是報喜的。〔生〕這不是我家。不要打家伙。

〔衆擁住生介〕爺中了第一名。小的在京裏下處去報。說爺已出京了。到太老爺任所去報。爺又不

在如此到貴府。又封鎖在那里。今日纔尋得着。小的每千辛萬苦。快取六紅紵段來寫賞票。〔老旦
虛下取紅紵上生做寫介〕寫便寫去。只怕太老爺又寫在那裏。有兩倍打發。都到太老爺任所來
領罷。這里不是我家。打發你酒飯銀十兩去罷。〔丑發銀介衆〕如此謝爺。正是踏破鐵鞋無覓處。
得來全不費工夫。〔下老旦〕這是非常之喜。奴家辱顧。無以爲敬。先具杯酒。以敘闊懷。〔生〕又
生受你。〔雜排酒桌介老旦舉杯介〕

〔錦衣香〕榜上元。人中選。鳳羽驚。鰲頭變。佇看上苑晨遊。曲江春宴。宮花紅映
彩雲鮮。高車駟馬。晝錦榮旋。幸今宵降玉。泛流霞同醉燈前。身在閒庭院。遐荒
名徧。只宜快樂。何須憂怨。〔生〕咳。楚楚不得素徽。縱做南面王。也只是不快。〔老旦笑介生〕

〔漿水令〕悵孤鴻悲鳴遠天。歎雙鴛散失浪川。錦般毛羽向誰妍。不從願欲。做
甚高官。承相勸。越淚漣。惟恐素徽尋不見。明日裏。明日裏。急待整鞭。聽譙漏。聽
譙漏。怎禁熬煎。如今原到京中。差廣捕遍天下。追尋。少不得要見素徽。〔老旦〕這個卻好。〔生〕

只是盤費盡了。與楚楚暫移五十金。到京中便寄還也。〔老旦〕這個卻易。〔虛下復上〕銀在此。

〔送銀與生收介笑介〕不是我勢利。你中了便肯把銀子借與你。〔生〕休得取笑。文豹可曾天亮麼。〔丑〕還未。〔老旦〕爲何這般性急。〔生〕情之所至。奈不得了。〔老旦〕

〔嘉慶子〕你情真至此。真罕見。縱富貴功名未可牽。且把關山歷遍。人快幸反憂煎。人安樂反迤邐。〔生〕楚楚他見了捷錄。纔曉得不曾死。又中了第一名。定然歡喜。是捷報上。倒也傳個信了。

〔尾聲〕他聞捷報應歡忭。想着我還須悲怨。天那。我也不要功名。天若有好意。不如還我素微罷。怎教人兩地懸懸。〔丑〕天明了。〔生〕可就路罷。楚楚多擾了。就此別也。〔老旦〕多箇褻了。

正是路遙知馬力。
果然日久見人心。
但願應時還得見。
須知勝似岳陽金。

第二十六齣 喜雋

〔接雲鶴〕〔外上〕祥雲瑞靄滿庭闈。吾兒不見轉憂疑。自古道酒不醉人人自醉。色

不迷人人自迷。吾兒于鵬。往京會試。中了榜頭。倒不在京中。開得他日夜在寓中啼哭。倒往下路去。尋穆素微了。風塵遠道。甚是放他不下。老院子何在。〔末上〕喜聞公子功名遂。連挈家人增面皮。老爺有何話說。〔外〕如今是太老爺了。〔末〕是。〔外〕只是小老爺不在京中。未揭曉之先。又向下路去了。放他不下。卻怎麼處。〔末〕聞了捷音。一定也到京了。〔外〕吾家一門榮貴。一則以喜。小老爺飄泊在外。一則以憂。

〔催拍〕受君恩。身爲繡衣。羨吾兒復掄大魁。不覺春生滿室。只道明光策罷。衣錦榮歸。誰想孤蹤浪蕩天涯。尋思起一喜一悲。懸懸望杳難期。〔末〕小老爺一定在京了。不如修書一封。差人到京中寓所去。討個消息。

〔一撮棹〕休牽憶。傳聞恐不的。修尺素。差人往京國探真耗。須知好消息。〔外〕說得有理。待我即刻修書差人去。只怕歸去了。不及廷試。怎麼處。臨軒對。只怕趕不及。〔末〕知捷報。星飛電馳急。〔外〕還未審可得對形墀。

遊子杳難尋。

空聞捷報音。

雖無百丈線。

千里繫人心。

第二十七齣 巧逅

〔福馬郎〕〔小生上〕任俠橫行無忌憚。爲訪于叔夜將路趨。誰識俺費機關。覓去見嬋娟。延津劍慶重還。我胥表。爲了于叔夜穆素徽兩人。費盡心力。今素徽已貯之京中。叔夜無從尋覓。幸駕得駿馬。名曰驚帆。一日能行千里。不踰三日。已到常州府地方。且消停半晌。〔暫下生上〕

〔前腔〕爲覓佳人往又返。忘卻飢和飽朝共晚。千層水萬重山。一望淚潸潸。歎我生不幸事多艱。〔小生急上〕呀。前面好像于兄。〔生〕莫非胥長公麼。〔小生〕正是叔夜兄。爲何不在京師看榜。倒在下路上來。〔生〕一言難盡。

〔玉芙蓉〕自相逢旅店間。強試忙言返。〔小生〕歸來怎麼。〔生〕問佳人信息。〔小生〕前日貞侯所傳之信真否。〔生〕不要說起。又起波瀾。〔小生〕又怎麼了。〔生〕爲咱設醮連宵日。誰知盜賊劫換奸。〔小生〕也未必是盜賊。如今兄待怎麼。〔生〕還京去。把

檄文遍關。怕隨他紙鳶風斷杳難還。〔小生〕

〔前腔〕何須意慮煩。但把京華盼。只這一帶雲山呵。你夫人鸞馭。早在其間。〔生〕

驚問介。這怎麼說。老丈何從知之。莫不是戲謔小弟。〔小生〕咳。你只道秦庭信壁。憑誰

返。〔生喜介〕難道是重歸小弟。據老丈說。他已被人劫去了。〔小生〕誰知道章臺舊枝。咱

代攀。〔生〕有這等事。〔小生〕小弟載月錢塘。見賢嫂設壇薦度。小弟把愛妾輕鴻。與賢嫂一般

妝束。混觀法事。忽擁壯士打滅燈火。搶輕鴻而走。池同誤追輕鴻。輕鴻赴水而死。誰知賢嫂卻被小

弟負之從間而出矣。今送至京師。吾兄不在。〔生〕如今在京中那里。〔小生〕小弟有梅花衲衲

私宅一所。與賢嫂暫居。兄到一問便知也。〔生〕老丈下來何幹。〔小生拱手介〕特來尋兄。〔生〕

無甚深交。特發義舉。是古豪傑。是大恩人。此恩此德。沒世不忘。請上有一拜。〔作拜介〕小生答拜介。

這樣事。小弟常有。何足感激。只要你成姻眷。免鸞孤鳳單。廷試之期在即。怎麼趕得及。早

促伊治安新語觀天顏。〔生〕便是。小弟不得素徽。只管求死。就是會試。亦非本意。今得了素

徽。又待廷試了。早些做官。榮耀他卻好。只是日子促了。路途又遠。怎麼處。

〔前腔〕洛陽花正繁。偏我看花晚。〔小生〕不妨。我有駿馬。一日行千里。小弟自燕至吳。祇

行四日。贈兄乘之。抵京尙及廷試。〔生〕感德未酬。施恩無厭。何以克當。多謝了。〔小生〕有如

雲駿馬。號曰驚帆。〔生〕堪誇晏子將驂解。不愁敬仁行路難。〔小生〕小廝們帶我

千里馬來。于相公騎者。〔雜帶馬上〕香來知驟近。汗斂覺風吹。〔生〕雙瞳挾鏡。兩顴協月。果然

好馬。〔小生〕休羈絆。快拂衣跨鞍。到京時洞房金榜似邯鄲。快些乘馬。〔生作乘馬

介〕請了。路遙知馬力。〔小生〕義重識交情。〔生走馬急下小生看內介〕看他頭也不回。竟自

去了。我心上已安。且向宿店安息一番。有何不可。〔下淨上〕

〔薔薇花〕因選官喜得伯將共我遊。〔小淨上〕不因客邸動離愁。池老老。怎簇

眉頭。〔淨〕此事不是路上說的。且到肆中細談。〔小淨〕有理。就此店中安歇。店主那里。〔丑上〕

時招千里客。義取四方財。〔小淨〕看酒來。〔丑應下淨〕咳。伯將。自古道債各有主。冤各有頭。人

無遠慮。必有近憂。我與你自從橫塘那日分手。又是幾時了。今欲上京。選一恩官。央你代筆。誰想一

路來。沸傳那于鵠中了榜首。〔恨介〕不要說試官。天也是沒眼睛的。〔小淨〕便是。〔淨〕這是

我切齒之仇。〔小淨〕晚生好惡略同。〔淨〕若是他在當道。學生選官之事。不要提起。只怕你性命也不保。〔小淨〕便是有何妙策。〔淨〕我思想起來。不如捐些金銀寶貝。結一刺客。刺死了他。你我方得出頭。方得無恙。〔小淨〕好便好。那得這個人。〔淨〕我和你既稱刎頸之交。就替我搨一搨。有何不可。〔小淨〕池老先。若是一管筆。我便會搨。老子是個人。這個叫我卻難。不敢應承。〔淨〕這般說。此計不成了。〔小淨〕且住。一面喫酒再算計。〔小生上〕

〔新荷葉〕得見于郎底事實。且投店暫棲今晚。酒保有麼。〔丑上〕是那個。〔小生〕投宿的。〔丑〕上房請坐。〔小生〕裏面有客了。〔丑〕同檯喫酒。各自還錢。就在這長檯上坐何妨。〔二淨出席介小生〕酒保快拿酒來喫。〔丑應下淨語小淨介〕那個漢子。我覷他甚是古怪。〔小淨〕爲何。〔淨〕你看他身長八尺。鬚髯如戟。腰間佩劍。血氣猶腥。想是個俠客。〔小淨〕既如此。探他是何等人物。或能行刺。亦未可知。〔淨〕有理有理。〔小生作自飲介淨〕先生作揖了。〔小生〕呵呀。小生與二位曾未識面。一見遂生疑訝。卻爲何來。〔淨〕學生見足下雄姿偉貌。腰挂寶刀。必能爲刺客之事。〔小生〕行刺何足道哉。我少年無賴。白晝殺人。長而習武。單騎破賊。袖藏黃

石祕書。錦字展開天地小。腰挂白猿靈劍。龍光搖動斗牛寒。賺入宮府。自有鬼跡神蹤。暗渡關津。不比雞鳴狗盜。觸槐而死。罵岸賈之私人。倚柱就擒。笑燕丹之使客。熱腸有血。赤潑潑沒處可傾。冷面無情。鐵錚錚寧死不變。一言激怒。便思舞槩相加。片語投機。何惜斷頭以報。正是十年磨一劍。霜刃未曾試。今日把似君。誰有不平事。〔小淨〕妙妙。人有所願。天必從之。〔淨〕快看酒來。先奉敬一杯。
〔划歛令〕君家意氣冲牛斗。腰間寶劍走龍虬。要離飲飛流。何期邂逅。〔合〕欣然報讎。非因利誘。此德此恩。天高地厚。〔小生〕

〔前腔〕平生素有拏雲手。何難斬取越王頭。一言乍相投。隨抽匕首。〔淨小淨合〕

〔前〕請問足下高姓大名。〔小生〕姓胥名表。字昭令。人號我爲長公。〔淨〕久慕足下義膽包天。

雄謀蓋世。亦機緣使然。我有一夙恨未申。足下若能相許行刺。事成之後。黃金白璧。酬謝匪輕。〔小生〕這個我家自有。那個希罕。但不知二位上姓貴表。〔淨〕學生姓池名同。〔小生〕驚疑審視介

〔小淨〕學生趙祥。字伯將。〔小生〕二位不知要刺那一個。〔二淨〕新中的于鵠。〔小生〕莫非就叫于叔夜的麼。〔淨〕正是此人。〔小生怒介〕這裏不好講話。且到曠野去。原來是他。久聞其

名。只在飯店上一遇。聞你二人。讒間他父子。拆散他夫婦。我一向留心。那日醮壇上欲尋你一見。恐見了你。就忍不住動刀。所以只取素徽。不及殺你。你可曉得搶素徽者是我。汝逼死橫塘者。就是我輕鴻妾。今我已送素徽與叔夜成親。他不計較你罷了。反欲刺他。情理難容。快取頭顱下來便了。

〔淨小淨急走介小生拔劍攔住介〕

〔撲燈蛾〕政欲尋見你。今宵始相會。素徽送于郎。是我弄完佳配也。成人之美。棄妾輕鴻更何惜。那知伊機心頓起。早不如快將頸血濺吾衣。〔小淨〕

〔前腔〕未嘗識認伊。未嘗鬪伊氣。許把深讎報。誰想反成惡意也。〔跪拜介〕哀求下禮。廝趕着教人魂飛。一時差從今自悔。望君家饒咱狗命是功德。〔小生殺

二淨介〕擊物如鷹隼。潛身似鬼神。劍誅無義漢。金贈有恩人。〔虛下急上〕殺了池同趙祥。又來

幾多路了。我如今原到京中。私探于郎素徽可曾尋着成親否。萬有他變。始終成之。若既成親。不必往見矣。欲待修書一封。密地投入。報他昨晚之事。〔思介〕罷。恐有洩漏。連書也不修罷。我竟向別處去也。

〔北六么令〕我我爲人時須爲徹。斬草時定除根。非是咱每弄假成真。祇憐他才子佳人。斷雨殘雲。這衷腸恰勝似那孝子忠臣。咱遇池同便抱不平。輕操白刃。又不冀小惠私恩。只索把五湖烟水遨遊盡。那時節歌傾郢里。那時節嘯倒蘇門。

熱血滿腔今有屬。

雄心一片向誰酬。

眼底莫教嗟落魄。

猶存換酒鷓鴣裘。

第二十八齣 會玉

〔二疊引〕

〔生上〕

朱樓畫閣連雲構。綠覆重重楊柳。庭院恍天台。試把銅鑲輕

扣。我到京廷試。今訪梅花衙衙內素徽居所。迤邐行來。高樓大院。想必就是了。待我叩門則個。〔叩

門介內〕是誰。〔旦上看介〕

縱使侯門深似海。從今引得外人來。莫不是池同來尋我。呀。這生于

郎聲音。快開門。〔生相見介〕

〔顆顆珠〕一別已經秋。今朝相見。不禁淚交流。

〔生〕西樓有盟。曾結三生夙好。〔旦〕

舊玉無恙。終成百歲良緣。〔生〕死而復生。離而復好。亦一段奇話也。〔旦〕千愁萬恨。不能盡述。
試略道幾語。〔生〕

〔巫山十二峯〕〔三仙橋〕自那日西樓喜逅。〔旦〕楚江情病中奏。〔生〕伯將謗口。父親前事漏。〔旦〕那趙伯將帥領多人。逐奴遠方居住。〔白練序〕驅走不暫留。奈鴛母將浮江上舟。〔生〕那時你便怎麼。〔旦〕崑相候。奴家寄髮一股。修書一封。約你衝風冒雨。踰垣破壁而來。以決生死之盟。誰想只來舊玉。回書沒有。〔生〕〔醉太平〕適輾封函未剖。被親歸閃散。無暇緘愁。開書看時。只見香雲一幅素紙。並沒半字。拆開素紙。只疑啞謎。回頭牽憂。一定有誤了。那時你便怎麼。〔旦〕母親只促開船。奴家生分不肯。停舟一夜空廝守。〔生〕咳。誤了事也。此去竟向錢塘。〔旦〕母親只說寄居親族。鴛母誰知生機。那池同放下金鈎。誑投栖卻思締偶。〔生〕你可從順他。〔旦〕砥冰霜誓不與共衾裯。聞你又帶病往山東去了。〔生〕不要說起。〔犯胡兵〕迎醫往任添憔悴。冥途去久。那知三日還魂。恨醫傳訛。〔旦〕奴家誤聽劉楚楚之言。自縊而死。又被侍兒救醒。

驟聞伊死訃已拚一命丟。誰知被侍兒救。有今日合成就。你又那里得我死信。〔生〕
〔瑣牕寒〕赴春闈途遇貞侯。說芳魂一筆勾。那時我只待要死。不欲會試。那個俠客肯

長公適遇。安慰我一番。勸我進場。〔旦〕那胥長公。也就在那時會的。〔生〕勉含愁應舉。歸

問根由。出場便欲歸到錢塘。先就劉楚楚家問你消息。〔旦〕倘我果然死了。你卻怎麼。〔生〕惟

有痛哭而絕。葬卿之側耳。〔旦〕怎生曉得我不死。〔生〕〔劉潑帽〕向劉家楚楚從前叩。

知又飄流。說得人心儻懣。〔旦〕自那日誤聞訃報。建設水陸道場。拜你一拜。即欲自盡。誰想

翻成好事。〔香柳娘〕請僧人度伊。請僧人度伊。霎地擁戈矛。搶咱便疾走。我只

道誰。卻是郎君義友。他路見不平。弄出押衙妙籌。磨勒高手。〔賀新郎〕送奴家

在此權迤逗。去問你逐姻媾。〔生〕那胥長公是個大俠客。我正待到京哭顛九重。遍天下求

你。誰想在常州地方遇着他。他細陳顛末。說你下落。得以來此。〔節節高〕相逢笑語稠。指

皇州。方知有個藏春藪。〔旦〕怎生趕得及殿試。〔生〕也虧了胥長公。他計程不及廷試。他

贈我以千里馬。四日就到京與試。他道明光奏。途路悠。怕看花後。贈咱千里青驄驟。

〔東甌令〕飄然如挾楚雲遊。重得話西樓。〔旦〕我倒忘了。那胥長公還留書一封在此。說于郎來時開看。〔袖出書介生看介〕呀。他說如已得面晤。不再至矣。怎麼好。〔旦〕他竟不來了。有這等俠氣的人。我每還去尋他報德便好。〔生〕便是。但這個人是不求報的。〔旦〕在我每不能忽然。〔生〕同向空中拜他一拜。〔做同拜介〕

〔尾聲〕感胥公恩情厚。始終成我鳳鸞儔。遙望空中同頓首。〔生〕今夜親便成了。歸去拜見父親。須得李貞侯先去作伐。〔旦〕李貞侯可會中。〔生〕他也中了探花。〔旦〕正好作伐。〔生〕遊街過了。即便告假回去成親。

何處飛來錦繡叢。

新歡舊愛兩無窮。

今宵剩把銀缸照。

猶恐相逢是夢中。

第二十九齣 遊街

〔丑值宴官上〕人本無心求富貴。誰知富貴逼人來。自家值宴官便是。今日是新狀元遊街。飲瓊林宴。不免在此伺候。呀。遠遠的望見他每來也。〔生末冠帶乘馬雜執金瓜旗帳鼓樂行上〕

〔神仗兒〕五雲纏縵。共瞻天表。宮花烏帽。笑看綠袍製巧。正鶯啼紅樹。馬嘶芳草。扶擁去。氣偏豪。扶擁去。氣偏豪。〔生〕李年兄可曉得小弟又有一節極喜的事。〔末〕莫不是招贅。〔生〕咳。不是。是穆素徽原不曾死。與小弟做親。特晚年兄作伐。〔末喜介〕有這等事。自當與令尊年伯說知。成親便了。請問所以得合之故。〔生〕馬上一言難盡。俟細與兄言之。〔末〕這個可喜可賀。

〔前腔〕平康大道。平康大道。瞳瞳日耀。旌旗雲繞。兩行佳人語笑。笑狀元年少。潘郎容貌。穠麗處。樂陶陶。穠麗處。樂陶陶。〔並下〕

第四十齣 乘鸞

〔七娘兒〕〔外于魯上〕夜來不住燈花墜。卻原來吾兒錦歸。喜不能持。陶然如醉。恍然身在清都裏。吾兒榮歸在卽。聞得他已覓得素徽。託同榜李貞侯作伐。事到如今。只得從了他罷。叫院子。〔雜應介外〕小老爺同李爺來到。卽便通報。〔雜應生末上〕

〔前腔〕長安得意馬蹄疾。晝歸榮椿庭久違。〔末〕媿我同登。羨伊歸娶。月下人

好把紅絲繫。〔未見外介未〕小姪樞下驚駘。竟隨驥尾。實分家訓之餘。〔外〕吾兒轍中涸鮒。得占龍頭。皆因友資之益。〔生見外介〕爹爹在上。孩兒有一拜。子儀有曠。遠遊無方。不孝之罪。伏乞恕之。

〔山漁燈〕定省荒疏兒之罪。〔外〕前日報捷的說你不在京中。倒往下路去了。甚放不下。

〔末〕令郎呵。一赴春闈。旋到鄉里。〔外〕我又在任。歸去何幹。〔末〕老年伯在上。令郎向與

穆素徽訂盟。生死不忘。幸素徽砥志。死而復生。年兄誤聞死訃。歸尋消耗。尋消耗又對彤墀。

〔外〕怎趕着廷試。〔末〕有一個胥長公。贈以千里馬。且云素徽我已貯之京中矣。〔外〕怎麼素

徽也到京中去。〔生〕堪憐素徽。烟花砥志成婚配。被池公子賺了回歸。他也誤聞

孩兒死信。在橫塘薦度孩兒。誰想胥長公路抱不平。做下計策。棄輕鴻妾。換出素徽。送至京師。〔末〕

這也是一樁奇事。誰知機緣甚奇。明月橫塘逢義士。劫上鳳車還帝畿。〔外〕今素

徽何在。〔生〕已在河下。特請嚴命。敢遂夙盟。〔末〕小姪特來作伐。望即俞允。三生會。況作

伐有媒。〔生〕怕娶而不告。卻類鑽窺。〔外〕

〔朱奴兒〕是則是前緣定矣。怕人講良賤不敵。〔末〕老年伯在上。自古道芝草無根。醴

泉無源。芝草甘泉源本誰。婚姻事難論高低。〔外〕孩兒過來。有李年丈諄諄在此作伐。

你的心願難改。夙緣已成。今日乃婚姻大吉日。就與你成親罷。索從你室家永宜。〔向末介〕

謝年丈成人美。〔末〕小姪就此告別。〔外〕勞重了。〔末〕花迎喜氣皆知笑。鳥識歡心亦解

歌。〔別下生暗下外〕喚掌禮人來。〔雜應喚介小淨賓相上〕結親詩句有千般。喊得喉嚨鐵屑

乾。討盡花紅并賞賜。收些糖果共糕團。〔見外介〕太老爺有何分付。〔外〕今日我每大爺成親。

須要小心說幾句好話。〔小淨〕嘎。曉得有極切詩句在此。〔向內喝介〕久旱逢甘雨。他鄉遇故

知。洞房花燭夜。金榜挂名時。新貴人緩步請行。〔內作樂介旦冠服衆鼓樂花燈擁上〕

〔遶紅樓〕〔菊花新〕簫鼓頻催點鳳翹。輕舉步環珮飄蕭。〔生紅袍上〕〔齊天樂〕

才子佳人。可稱雙妙。〔合〕〔緜山月〕今夜喜相邀。〔小淨〕二位新人。請上花氈。齊眉

並立。先拜天地。後拜高堂。〔生旦拜介小淨贊禮〕

〔好事近〕寶鼎麝蘭燒。滿座篆烟迷了。香深深處。驚看翠圍珠繞。良時轉巧。畫

堂中綺宴安排早。孔雀屏組繡交蕤。鴛鴦帳曲瓊雙爪。

〔前腔換頭〕良宵。萬里素波搖。更一片紅雲繚繞。秦樓仙倩。翩翩待驂青鳥。新歡舊好向今宵。合盞杯傾倒。羨佳人寶髻珠瓊。喜才郎繡□□□。

〔千秋歲〕鬪妖嬈。皓月熒熒照。不禁地眉語目笑。追想當年。追想當年。誰料得這回于飛重效。乘鸞晚。登龍早。偷花拙。聯枝巧。漫道姻緣少。但玄霜有杵。應到藍橋。

〔前腔〕賦桃夭。調叶求凰操。慮只慮睡井相拋。〔生〕梁鮑應慚。梁鮑應慚。可羨你似他少君德耀。三生石。曾留笑。百年景。同諧老。魚水投歡好。〔旦〕媿牆花路草。附玉依喬。〔小淨〕請新貴人進到後堂新房裏去。坐牀撒帳。做花燭。飲合盞杯。太老爺請外堂少息。〔外〕正是歡娛嫌夜短。果然寂寞覺更長。〔下衆攜燈奏樂引生旦行介〕

〔越恁好〕翠紅庭院。翠紅庭院。鬧叢叢景趣饒。海棠花滿樹。從此夜放新葆。正歡娛笑高。正歡娛笑高。見墜沈沈粉牆西月掛樹梢。〔小淨指丫鬟送酒生旦介〕捧

霞觴命白。漫凝眸。早忘卻嚴漏麗譙。移燈火。向洞房。晚宴收拾早。見迴廊數轉。曲砌深奧。

〔前腔〕翠笙玉管。翠笙玉管。響鳴鳴。引調高。轉歌酣舞劇。樊素口小蠻腰。側楞
箏紫槽。側楞箏紫槽。見小鬟。每展紅牙低按漫敲。暖溶溶繡房。綺窗中喜燈花
雙綴絳桃。良緣輾。瑞應多。占盡風光好。看夫榮子貴。同拜封誥。

〔紅繡鞋〕佳人才子風騷。風騷。同娛月夜花朝。花朝。鶯燕侶。鳳鸞交。歡引袖。醉
揮毫。把相思一筆勾消。勾消。

〔前腔〕西樓舊玉根苗。根苗。風流節俠堪驕。堪驕。樂府載。史書標。言志淺。寄情
豪。縱周郎不費推敲。推敲。

〔意不盡〕就中癡事人難到。癡事還須癡想描。韶華易老。黃梁夢濁誰喚覺。

叔夜不常有。

穆姬世所無。

輕鴻眞俠女。

胥公是丈夫。

碩園改本還魂

目錄

第一齣 標目

第二齣 言懷

第三齣 閨塾

第四齣 訓女

第五齣 驚夢

第六齣 訣謁

第七齣 尋夢

第八齣 牝賊

第九齣 寫真

第十齣 詰病

第十一齣 謁遇

第十二齣 診崇

第十三齣 鬧殤

第十四齣 旅寄

第十五齣 冥判

第十六齣 拾畫

第十七齣 憶女

第十八齣 玩真

第十九齣 魂遊

第二十齣 幽媾

第二十一齣 旁疑

第二十二齣 懽撓

第二十三齣 冥誓

第二十四齣 祕議

第二十五齣 回生

第二十六齣 婚走

第二十七齣 駭變

第二十八齣 淮警

第二十九齣 如杭

第三十齣 僕偵

第三十一齣 耽試

第三十二齣 移鎮

第三十三齣 急難

第三十四齣 寇間

第三十五齣 折寇

第三十六齣 圍釋

第三十七齣 遇母

第三十八齣 淮泊

第三十九齣 鬧宴

第四十齣 榜下

第四十一齣 索元

第四十二齣 硬拷

第四十三齣 圓駕

還魂記

碩園刪定

第一齣 標目

〔漢宮春〕〔末上〕杜寶黃堂。生麗娘小姐。愛踏春陽。感夢書生折柳。竟爲情傷。寫眞留記。葬梅花道院淒涼。三年上。有夢梅柳子。於此赴高唐。果爾回生定配。赴臨安取試。寇起淮揚。正把杜公圍困。小姐驚惶。教柳郎行探。返遭疑激惱。平章風流況。施行正苦。報中狀元郎。

杜麗娘夢寫丹青記。

陳教授說下梨花鎗。

柳秀才偷載回生女。

杜平章刁打狀元郎。

第二齣 言懷

〔眞珠簾〕〔生上〕河東舊族。柳氏名門最。論星宿連張帶鬼。幾葉到寒儒。受雨打風吹。謾說書中能富貴。顏如玉和黃金那裏。貧薄把人灰。且養就這浩然之

氣〔鷓鴣天〕刮盡鯨鯢背。上霜寒。儒偏喜住炎方。憑依造化三分福。紹接詩書一脈香。能鑿壁。會懸梁。偷天妙手繡文章。必須砍得蟾宮桂。始信人間玉斧長。小生姓柳。名夢梅。表字春卿。原係唐朝柳州司馬柳宗元之後。留家嶺南。父親朝散之職。母親縣君之封。〔嘆介〕所恨俺自小孤單。生事微渺。志慧聰明。未遭時勢。賴有始祖柳州公帶下郭橐駝。遺下一個跣孫。相依過活。忽然半月之前。做下一夢。夢到一園梅花樹下。立着個美人。不長不短。如送如迎。說道柳生柳生。遇俺方有姻緣之分。發跡之期。因此改名夢梅。春卿爲字。正是夢短夢長俱是夢。年來年去是何年。

〔九迴腸〕〔解三醒〕雖則俺改名換字。俏魂兒未卜先知。定佳期盼煞蟾宮桂。等的俺梅子酸心柳皺眉。渾如醉。〔三學士〕無螢鑿遍了鄰家壁。甚東牆不許人窺。有一日春光暗度黃金柳。雪意冲開了白玉梅。〔急三鎗〕那時節走馬在章臺內。絲兒翠籠定個百花魁。

門前梅柳爛春暉。

夢見君王覺後疑。

心似百花開未得。

托身須上萬年枝。

第二齣 訓女

〔滿庭芳〕〔外杜太守上〕西蜀名儒。南安太守。幾番廊廟江湖。紫袍金帶。功業未全無。華髮不堪回首。意抽簪。萬里橋西。還只怕君恩未許。五馬欲踟蹰。一生名宦守南安。莫作尋常太守看。到來只飲官中水。歸去惟看屋外山。自家南安太守杜寶。表字子充。乃唐朝杜子美之後。流落巴蜀。年過五旬。夫人甄氏。小女麗娘。未議婚配。正是中郎學富單傳女。伯道官貧更少兒。道猶未了。夫人女兒早上。

〔遠地遊〕〔老旦上〕甄妃洛浦。嫡派來西蜀。封大郡南安杜母。

〔前腔〕〔貼持酒臺隨旦上〕嬌鸞欲語。眼見春如許。寸草心怎報得春光一一。〔見

介〕爹娘萬福。〔外〕孩兒後面捧着酒肴。是何主意。〔旦跪介〕今日春光明媚。女孩兒敢進三爵之觴。少效千春之祝。〔外笑介〕生受你。

〔玉山頌〕〔旦進酒介〕爹娘萬福。女孩兒無限歡娛。坐黃堂百歲春光。進美酒一家天祿。祝萱花椿樹。雖則是子生遲暮。守得見這蟠桃熟。〔合〕且提壺。花間竹

下長引着鳳凰雛。〔外〕春香酌小姐一杯。

〔前腔〕吾家杜甫爲漂零老愧妻孥。〔淚介〕夫人我比子美公公更可憐也。他還有念

老夫詩句男兒。俺則有學母氏畫眉嬌女。〔老旦〕相公休焦。倘若招得好女婿。與兒子一

般。〔外笑介〕可一般呢。〔老旦〕做門楣古語爲甚的這叨叨絮絮纔到的中年路。

〔合前外〕女孩兒刺繡餘閒。有架上圖書。可以寓目。他日到人家。知書知禮。父母光輝。

〔玉胞肚〕宦囊清苦。也不曾詩書誤儒。〔老旦〕嬌養他掌上明珠。出落的人中

美玉兒呵。從今後茶餘飯飽破工夫。玉鏡臺前插架書。〔老旦〕雖然如此。要個女先生

講解纔好。〔外〕請先生不難。則要好生管待。

〔尾聲〕說與你夫人愛女休禽犢。館明師茶飯須清楚。你看我治國齊家也則是數卷書。

往年何事乞西賓。

主領春風只在君。

伯道暮年無嗣子。

女中誰是衛夫人。

第四齣 閨塾

〔雙勸酒〕〔末老儒上〕燈窗苦吟。寒酸撒吞。科場苦禁。蹉跎直恁。可憐辜負看

書心。吼兒病年來迸侵。咳嗽病多疎酒盞。村童俸薄減廚烟。爭知天上無人住。弔下春愁鶴髮

仙。自家南安府儒學生員陳最良。祖父行醫。小子自幼習儒。進學補廩。不幸前任宗師考居劣等。兩年失館。衣食單薄。年已六旬。將就開個藥鋪。權且糊口。昨日本府杜太守有個小姐要請先生。學中把小子開送。發下請帖。只得在此祇候。〔外引門子皂隸上〕

〔浣沙溪〕山色好。訟庭稀。朝看飛鳥暮飛回。印牀花落簾垂地。杜母高風不可攀。

甘棠遊憩在南安。雖然爲政多陰德。尙少階前玉樹蘭。我爲小女尋個老儒教訓他。昨日府學開送一名陳最良。年可六旬。從來飽學。一來可以教授小女。二來可以陪伴老夫。今日放了衙參。分付安排禮酒。叫門子俟候。〔衆應介丑稟介〕陳齋長到門。〔外〕就請衙內相見。〔丑唱門介〕南安府學生

員進。〔末跪起揖又跪介〕生員陳最良稟拜。〔拜介〕廣學開書院。〔外〕崇儒引席珍。〔末〕獻酬樽俎列。〔外〕賓主位班陳。叫左右。陳齋長在此清敘。着門役散回家丁伺候。〔衆應下淨家童上外〕久聞

先生飽學。吾有小女。欲屈先生教訓。昨已相聞。今當就學。〔末〕當得。則怕做不得小姐之師。〔外〕院子。敲雲板。請小姐出來。

〔鎖南枝〕

〔旦引貼上〕

添眉翠。搖佩珠。繡屏中生成士女圖。蓮步鯉庭趨。儒門

舊家數。〔貼〕先生來了。怎好。〔旦〕少不得去丫頭。那賢達女。都是些古鏡模。你便略知

書。也做好奴僕。〔淨報介〕小姐到。〔見介外〕我兒過來。拜了先生。〔內鼓吹旦拜介〕學生自愧蒲

柳之姿。敢煩桃李之教。〔末〕愚老恭承捧珠之愛。謬叨琢玉之司。〔外〕春香丫頭。向陳師父叩頭。着

他伴讀。〔貼叩頭介末〕敢問小姐。所讀何書。〔外〕小女四書。他都成誦了。則詩經開首。便是后妃之

德。四個字兒順口。且是學生家傳。習詩經罷。

〔前腔〕我年將半。性喜書。牙籤插架三萬餘。〔嘆介〕我伯道恐無兒。中郎有誰

付。先生他要看的書。儘有。有不臻的所在。打了頭。〔貼〕哎喲。〔外〕冠兒下。他做個女祕書。小

梅香。要防護。〔末〕謹領。〔外〕春香好伴小姐。我自進去。〔下貼〕請先生上書。〔末〕上的是毛詩。〔念

書介〕

關關雎鳩。在河之洲。窈窕淑女。君子好逑。〔旦〕望師父把詩經大意。教演一番。〔貼暗下介〕

〔掉角兒〕〔末〕論六經詩經最葩。閨門內許多風雅。有指證姜嫄產哇。不嫉妬后妃賢達。更有那詠雞鳴。傷燕羽。泣江臯。思漢廣。洗淨鉛華。有風有化。宜室宜家。〔旦〕這經文借多。〔末〕詩三百。一言以蔽之。沒多些。只無邪兩字。付與兒家。〔旦〕爲何不
見春香來。〔末〕要喚他麼。〔末〕叫三度介貼上。害淋的。〔旦〕作惱介。劣丫頭。那裏來。〔貼笑介〕溺尿
去來。原來有座大花園。花明柳綠。好耍子哩。〔末〕哎也。不攻書。花園去。待俺取荆條來打你。〔旦〕怒
他初犯。〔貼〕再不敢了。〔末〕也罷。鬆這一遭兒起來。

〔尾聲〕女弟子則爭箇不求聞達。和男學生一般兒教法。你們工課完了方可回衙。
咱和公相陪話去。〔合〕怎辜負的這一弄明窗新絳紗。〔下貼作從背後指末罵介〕村
老牛。癡老狗。一些趣也不知。〔旦作扯介〕死了頭。一日爲師。終身爲父。他打不的你。我且問你。那花
園在那裏。〔貼作不說旦笑問介貼指介〕兀那不是。〔旦〕可有什麼景致。〔貼〕景致麼。有亭臺六七
座。鞦韆一兩架。遠的流觴曲水。面着太湖山石。名花異草。委實華麗。〔旦〕原來有這等一個所在。且
回衙去。

也曾飛絮謝家庭。

欲化西園蝶未成。

無限春愁莫相問。

綠陰終借暫時行。

第五齣 驚夢

〔普賢歌〕〔丑小花郎上〕一生花裏小隨衙。偷去街頭學賣花。令史們將我揸。祇

候們將我搭。狠燒刀險把我嫩盤腸生灌殺。自家杜府中小花郎是也。昨日春香姐說。小

姐要來花園遊玩。着我打掃花筵。只得祇候。〔貼上〕花面丫頭十三四。春來綽約省人事。終須等着

個助情花。處處相隨步步覷。小姐要往花園遊玩。已曾分付花郎。預先打掃。恰好花郎在此。〔喚介

丑〕春姐來了。〔譚介貼〕好打。私出衙前騙酒。這幾日菜也不送。〔丑〕有菜夫。〔貼〕水也不挑。〔丑〕

有水夫。〔貼〕花也不送。〔丑〕每早送花。夫人一分。小姐一分。〔貼〕還有一分哩。〔丑〕這該打。〔貼〕昨

日分付你打掃花筵。可曾打掃麼。〔丑〕打掃已畢。兀那不是小姐來也。〔貼〕我且迴避。〔丑下旦上〕

〔遠地遊〕夢回鶯囀。亂煞年光遍。人立小庭深院。〔貼〕注盡沈烟。拋殘繡線。恁

今春關情似去年。〔烏夜啼〕〔旦〕曉來望斷梅關。宿妝殘。〔貼〕你側着宜春髻子恰憑闌。〔旦〕翦

不斷。理還亂。悶無端。〔貼〕已分付催花鶯燕。借春看。〔旦〕春香。我與你後花園去來。〔貼〕小姐請行。
〔行介〕你看畫廊金粉半零星。池館蒼苔一片青。踏草怕泥新繡襪。惜花疼煞小金鈴。〔旦〕不到園林。怎知春色如許。

〔皂羅袍〕原來姹紫嫣紅開遍。似這般都付與斷井頽垣。良辰美景奈何天。賞心樂事誰家院。恁般景致。吾老爺和奶奶再不提起。〔合〕朝飛暮卷。雲霞翠軒。雨絲風片。烟波畫船。錦屏人忒看的這韶光賤。〔貼〕是花都放了。那牡丹還早。

〔好姐姐〕〔旦〕遍青山啼紅了杜鵑。荼蘼外烟絲醉軟。春香呵。牡丹雖好。他春歸怎占的先。〔貼〕成對兒鶯燕呵。〔合〕閒凝盼。生生燕語明如翦。嚶嚶鶯歌溜的圓。

〔旦〕去罷。〔貼〕這園子委是觀之不足也。〔旦〕提他怎的。〔行介〕

〔隔尾〕觀之不足絲他繾。便賞遍了十二亭臺是惘然。到不如興盡回家閒過遣。〔作到介貼〕開我西閣門。展我東閣牀。瓶插映山紫。鑪添沈水香。小姐。你歇息片時。俺瞧老夫人去也。〔下旦嘆介〕默地遊春轉。小試宜春面。春呵。得和你兩留連。春去如何遣。咳。恁般天氣。好困人也。

〔低首沈吟介〕天呵。奴年已二八。未逢折桂之夫。忽慕春情。怎得蟾宮之客。誠爲虛度青春。光陰如過隙耳。〔淚介〕可惜妾身顏色如花。豈料命如一葉乎。

〔山坡羊〕沒亂裏春情難遣。驀地裏懷人幽怨。則爲我生小婢娟。揀名門一例。一例裏神仙眷。甚良緣。把青春拋的遠。俺的睡情誰見。則索因循。腼腆。想幽夢誰邊。和春光暗流轉。遷延。這衷懷那處言。淹煎。潑殘生除問天。身子困乏了。且自

隱几而眠。〔睡介夢生介生持柳枝上〕鶯逢日暖歌聲滑。人遇風晴笑口開。一徑落花隨水入。今朝阮肇到天台。小生順路而來。跟着杜小姐回來。怎生不見。〔回看介〕呀。小姐。小姐。〔旦作驚起相見介生〕小生那一處不尋訪小姐來。卻在這裏。〔旦作斜視不語介生〕恰好花園內折取垂柳半枝。姐姐。你旣淹通書史。可作詩以賞此柳枝乎。〔旦作驚喜欲言又止介背云〕這生素味平生。何因到此。〔生笑介〕小姐。咱愛殺你哩。

〔山桃紅〕則爲你如花美眷。似水流年。是答兒閒尋遍。在幽閨自憐。小姐和你那答兒講話去。〔旦作含羞不行生作牽衣介旦低問介〕那邊去。〔生〕轉過這芍藥欄前。緊

靠着湖山石邊。〔旦低問〕秀才去怎的。〔生低答〕和你把領扣鬆。衣帶寬。袖梢兒搵着牙兒苦也。則待你忍耐温存一晌眠。〔旦作羞生前抱旦推介合〕是那處曾相見。相看儼然。早難道這好處相逢無一言。〔生強抱旦下〕末花神束髮冠紅衣插花上。〔催花御史惜花天。檢點春工又一年。離客傷心紅雨下。勾人懸夢縹雲邊。吾乃掌管南安府後花園花神是也。因杜知府小姐麗娘。與柳夢梅秀才後日有姻緣之分。杜小姐遊春感傷。致使柳秀才入夢。咱花神專掌惜玉憐香。竟來保護他。要他雲雨十分歡幸也。〕

〔鮑老催〕單則是混陽蒸變。看他似蟲兒般蠢動。把風情攔。一般兒嬌凝翠綻。魂兒顫。這是景上緣。想內成。因中見。呀。淫邪展污了花臺殿。咱待拈片落花兒驚醒他。〔向鬼門丟花介〕他夢酣春透了。怎留連。拈花閃碎的紅如片。秀才纔到得半夢兒。夢畢之時。好送杜小姐仍歸香閣。吾神去也。〔下〕

〔山桃紅〕〔生旦攜手上〕這一霎天留人便。草藉花眠。〔生〕小姐可好。〔旦低頭介生〕則把雲鬟點。紅鬆翠偏。小姐。休忘了呵。見了你緊相偎。慢廝連。恨不得肉兒般團

成片也。逗的個日下胭脂雨上鮮。〔旦〕你可去呵。〔合前生〕姐姐。你身子乏了。將息將息。

〔送旦依前作睡介輕拍旦介〕姐姐。俺去了。〔作回顧介〕姐姐。你好十分將息。我再來瞧你那。行來

春色三分雨。睡去巫山一片雲。〔下旦作驚醒低叫介〕秀才。秀才。你去了也。〔又作癡睡介老上〕夫

婿坐黃堂。嬌娃立繡窗。怪他裙袂上。花鳥繡雙雙。孩兒。孩兒。你爲甚磕睡在此。〔旦作醒叫秀才介〕

咳也。〔老〕孩兒。怎的來。〔旦作驚起介〕奶奶到此。〔老〕我兒。何不做些鍼指。或觀玩書史。舒展情懷。

因何晝寢于此。〔旦〕兒適花園中閒玩。忽值春暄惱人。故此回房。無可消遣。不覺困倦少息。有失迎

接。望母親恕兒之罪。〔老〕孩兒。這後花園中冷靜。少去閒行。〔旦〕領母親嚴命。〔老〕正是宛轉隨兒

女。辛勤做老娘。〔下旦長嘆看老下介〕哎也。天那。今日杜麗娘有些僥倖也。偶到後花園中。百花開

遍。觀景傷情。沒興而回。晝眠香閣。忽遇一生。年可弱冠。丰姿俊妍。於園中折得柳絲一枝。笑對奴家

說。姐姐旣淹通書史。何不將柳枝題賞一篇。那時待要應他一聲。心中自忖。素昧平生。不知名姓。何

得輕與交言。正如此想間。只見那生向前說了幾句傷心話兒。將奴攬抱去牡丹亭畔。芍藥欄邊。共

成雲雨之歡。兩情和合。真個是千般愛惜。萬種溫存。歡畢之時。又送我睡眠。幾聲將息。正待自送那

生出門。忽值母親來到。喚醒將來。我一身冷汗。乃是南柯一夢。欠身參禮母親。又被母親絮了許多閒話。奴家口雖無言答應。心內思想夢中之事。何曾放懷。好生愁悶人也。〔作掩淚介〕

〔綿搭絮〕雨香雲片。纔到夢兒邊。無奈高堂喚醒紗窗睡不便。潑新鮮。冷汗黏煎閃的俺心悠步。意軟鬟偏。不爭多費盡神情。坐起誰忺則待去眠。〔貼上〕

晚妝銷粉印。春潤費香篝。小姐熏了被窩。睡罷。

〔尾聲〕〔旦〕困春心遊賞倦。也不索香熏繡被眠。天呵。有心情那夢兒還去不遠。

春望逍遙出畫堂。

間梅遮柳不勝芳。

可知劉阮逢人處。

回首東風一斷腸。

第六齣 訣謁

〔杏花天〕〔生上〕雖然是飽學名儒。腹中饑崢嶸脹氣。蛟龍失水硯池枯。狡兔騰天筆勢孤。百事不成真畫虎。一枝難穩又驚烏。我柳夢梅藏身荒圃。寄口髻奴。思之思之。惶愧惶愧。想起

不如外縣傍州。尋覓活計。正是家徒四壁求楊意。樹少千頭愧木奴。老園公那裏。

〔字字雙〕〔淨郭跔上〕前山低坵後山堆。跔背牽弓射弩做人兒。把勢。一連十

個偌來回。漏地。有時跌做繡球兒。滾氣。自家種園的郭跔子是也。賣果子回來。看秀才去。

〔見介〕秀才讀書辛苦。〔生〕園公正待商量一事。我讀書過了廿歲。並無發跡之期。思想起來。前路多長。豈能鬱鬱居此。搬柴運水。多有勞累。園中果樹都判與伊。聽我道來。

〔桂花鎖南枝〕俺有身如寄。無人似你。俺喫盡了黃淡酸甜。費你老人家澆培接植。你道俺像甚的來。鎮日裏似醉漢扶頭。甚日的和老跔伸背。自株守教怨誰。讓荒園你存濟。

〔前腔〕〔淨〕俺橐駝風味。種園家世。〔揖介〕不能勾展脚伸腰。也和你鞠躬盡力。秀才那裏去。〔生〕坐食三餐。不如走空一棍。〔淨〕怎生叫做一棍。〔生〕混名打秋風呢。〔淨〕咳。你費工夫去撞府穿州。不如依本分登科及第。道你滕王閣風順隨。則怕魯顏碑響雷碎。〔生〕俺干謁之興甚濃。休的阻當。

此身飄泊苦西東。

笑指生涯樹樹紅。

欲盡出遊那可得。

秋風還不及春風。

第七齣 尋夢

〔月兒高〕〔旦上〕幾曲屏山展。殘眉黛深淺。爲甚衾兒裏不住的柔腸轉。這憔悴非關愛月眠遲倦。可爲惜花朝起庭院。忽忽花閒起夢情。女兒心性未分明。無眠一夜燈明滅。怪煞梅香喚不醒。昨日偶爾春遊。何人見夢。綢繆顧盼。如遇平生。獨坐思量。情殊悵悅。咱待乘此空閒。背卻春香。悄向花園尋看。正是夢無綵鳳雙飛翼。心有靈犀一點通。〔行介〕一逕行來。喜的園門洞開。守花的都不在。則這殘紅滿地呵。

〔懶畫眉〕最撩人春色是今年。少甚麼低就高來粉畫垣。原來春心無處不飛懸。〔絆介〕哎。睡荼蘼抓住裙衩線。恰便是花似人心好處牽。這一灣流水呵。

〔前腔〕爲甚呵玉真重遡武陵源。也則爲水點花飛在眼前。是天公不費買花錢。則咱人心上有題紅怨。咳。孤負了春三二月天。〔貼上〕喫飯去。不見了小姐。則得一

逕尋來呀。小姐。你在這裏。

〔不是路〕何意嬋娟。小立在垂垂花樹邊。纔朝饜箇人無伴。怎遊園。〔旦〕畫廊前。深深薰見。啣泥燕。隨步名園是偶然。〔貼〕老夫人尋小姐哩。道這花園塹。怕花妖木客尋常見。去小庭深院。〔旦〕知道了。你好生答應夫人去。俺隨後便來。〔貼〕閒花傍砌。如依

主。嬌鳥嫌籠會罵人。〔下旦〕丫頭去了。正好尋夢哩。

〔忒忒令〕那一答。可是湖山石邊。這一答。似牡丹亭畔。嵌雕闌。芍藥芽兒淺。一絲絲垂楊線。一丟丟榆莢錢。線兒春甚金錢弔轉。呀。昨日那書生將柳枝要我題詠。那些好不動人春意也。

〔品令〕他倚太湖石。立着咱玉嬋娟。待把俺玉山推倒。便日暖玉生烟。捱過雕闌。轉過鞦韆。揞着裙花展。敢席着地。怕天瞧見。好一會分明美滿幽香不可言。夢到正好時節。甚花片兒弔下來也。

〔荳葉黃〕他興心兒緊。嚙嚙鳴着咱香肩。俺可也慢拈拈。做意兒周旋。又等閒

間把一個照人兒昏善。那般形現那般軟綿。恁一片撒花心的紅葉兒。弔將來半天。敢是咱夢魂兒廝纏。咳。尋來尋去。都不見了牡丹亭芍藥欄。怎生這般淒涼冷落。杳無人跡。好不傷心也。〔淚介〕

〔玉交枝〕是這等荒涼地面。沒多半亭臺靠邊。好是咱瞇瞤色眼尋難見。

〔月上海棠〕那雨跡雲蹤纔一轉。敢依花傍柳還重現。昨日今朝。眼下心前。陽臺一座登時變。再消停一番。〔望介〕呀。無人之處。忽然大梅樹一株。梅子磊磊可愛。我杜麗娘若

死後。得葬于此幸矣。

〔江兒水〕偶然間心似繾。梅樹邊。這般花花草草由人戀。生生死死隨人願。便酸酸楚楚無人怨。待打并香魂一片。陰雨梅天守的個梅根相見。〔倦坐介貼上〕

佳人拾翠春亭遠。侍女添香午院清。咳。小姐走乏了。梅樹下盹。

〔川撥棹〕你遊花院。怎靠着梅樹偃。〔旦〕一時間望一時間望。眼連天。忽忽地傷心自憐。〔泣介合〕知怎生情悵然。知怎生淚暗懸。〔貼〕小姐甚意兒去罷。〔旦作行又〕

住介

〔意不盡〕軟哈哈剛扶到畫闌偏。報堂上夫人穩便。咱杜麗娘呵。少不得樓上花枝也則是照獨眠。

武陵何處訪仙郎。

只怪遊人思易忘。

從此時時春夢裏。

一生遺恨繫心腸。

第八齣 牝賊

〔北點紅脣〕〔淨李全引衆上〕世擾羶風。家傳雜種。刀兵動。這賊英雄。比不得穿

牆洞。野馬千蹄合一羣。眼看江海盡風塵。漢兒學得胡兒語。又替胡兒罵漢人。自家李全是也。本貫

楚州人氏。身有萬夫不當之勇。南朝不用。去而爲盜。以五百人出沒江湖之間。正無歸着。所幸大金

皇帝遙封我爲溜金王。央我騷擾淮揚。看機進取。奈我多勇少謀。所喜妻子楊氏娘娘。能使一條梨

花鎗。萬人無敵。夫妻上陣。大有威風。則是娘娘有些喫醋。但是擄的婦人。都要送他帳下。便是軍士

們都只畏懼他。正是山妻獨霸獅吞象。海賊封王蛇變龍。

〔番卜算〕〔丑楊婆持鎗上〕百戰惹雌雄。血映燕支重。〔舞介〕一枝鎗灑落花風。

點點梨花弄。〔見舉手介〕大王千歲。奴家甲冑在身。不拜了。〔淨〕娘娘。你可知大金皇帝封我做

溜金王。〔丑〕怎麼叫做溜金王。〔淨〕溜者順也。〔丑〕封你何事。〔淨〕央俺騷擾淮揚三年。待我兵糧

齊集。一舉渡江。滅了趙宋。那時還封我爲帝哩。〔丑〕有這等事。恭喜了。借此號令。買馬招軍。

〔六么令〕如雷喧闐。緊轅門畫鼓鼕鼕。哨尖兒飛過海雲東。〔合〕好男女坐當

中。淮揚草木都驚動。〔淨〕

〔前腔〕聚糧收衆。選高蹄戰馬青驄。閃盔纓斜簇玉釵紅。〔合前〕

羣雄競起向前朝。折戟沈戈鐵未銷。

平原好牧無人放。白草連天野火燒。

第九齣 寫真

〔破齊陣〕〔旦上〕徑曲夢迴人杳。閨深珮冷魂銷。似霧濛花。如雲漏月。一點幽

情動早。〔貼上〕怕待尋芳迷翠蝶。倦起臨妝聽伯勞。春歸紅袖招。〔醉桃源〕〔旦〕不

經人事意相關。牡丹亭夢殘。〔貼〕斷腸春色在眉彎。倩誰臨遠山。〔旦〕排恨疊。怯衣單。花枝紅淚彈。

〔合〕蜀妝晴雨畫來難。高唐雲影間。〔貼〕小姐。你自花園遊後。寢食悠悠。敢爲春傷。頓成消瘦。春香
愚不諫賢。那花園以後再不可行走了。〔旦〕你怎知就裏。這是春夢暗隨。三月景。曉寒瘦減一分花。

〔刷子序犯〕〔旦低〕春歸恁寒悄。都來幾日。意懶心喬。竟妝成熏香。獨坐無聊。
逍遙。怎剗盡助愁芳草。甚法兒點活心苗。真情強笑爲誰嬌。淚花兒打迸着夢

魂飄。

〔朱奴兒犯〕〔貼〕小姐。你熱性兒怎不冰着。冷淚兒幾曾乾燥。這兩度春遊忒
分曉。是禁不的燕抄鶯鬧。你自審約。敢夫人見焦。再愁煩十分容貌怕不上九
分瞧。〔旦作驚介〕咳。聽春香言語。俺麗娘瘦到九分九了。俺且鏡前一照。委是如何。〔照悲介〕哎也。

俺往日豔冶輕盈。奈何一瘦至此。若不趁此時。自行描畫。流在人間。一旦無常。誰知西蜀杜麗娘有
如此之美貌乎。春香。取素絹丹青。看我描畫。〔貼下取絹筆上〕三分春色描來易。一斷傷心畫出難。
絹幅丹青俱已齊備。〔旦泣介〕杜麗娘二八春容。怎生便是杜麗娘。自手生描也呵。

不在梅邊在柳邊。〔放筆嘆介〕春香悄悄喚那花郎分付他。這一幅行樂圖。向行家裱去。叫人家收拾好些。

〔尾聲〕儘香閨賞玩無人到。〔貼〕這形模則合挂巫山廟。〔合〕又怕爲雨爲雲飛去了。

眼前珠翠與心違。

卻向花前痛哭歸。

好寫妖嬈與教看。

令人評泊畫楊妃。

第十齣 詰病

〔三登樂〕〔老旦上〕今生怎生偏則是紅顏薄命。眼見的孤苦仵儂。老身年將半百。單生一女麗娘。因何一病。起倒半年。看他舉止容談。不似風寒暑溼。其中緣故。春香必知。則問他便了。春香賤才那裏。〔貼上〕有哩。我眼裏不逢乖小使。掌中擎着個病多嬌。春香叩頭。〔老〕小姐閒常好好的。纔着你賤才伏事他。不上半年。偏是病害。可惱可惱。且問近日茶飯多少。

〔駐馬聽〕〔貼〕他茶飯何曾。所事兒休提叫懶應。看他嬌啼隱忍。笑謔迷廝。睡

眼懵瞪。〔老〕 早早稟請太醫了。〔貼〕 則除是八法針針斷軟綿情。怕九還丹丹不的

腌臢證。〔老〕 是甚麼病。〔貼〕 春香不知。道他一枕秋清卻怎生。還害的是春前病。〔老〕

哭介。怎生了。都是小奴才逗他。〔貼〕 夫人容春香訴來。便是那一日遊花園回來。夫人撞到時節。

說個秀才手裏拈的柳枝兒。要小姐題詩。小姐說這秀才素昧平生。也不和他題了。〔老〕 不題罷了。

後來。〔貼〕 後來那那那秀才就一拍手。把小姐端端正正抱在牡丹亭上去了。〔老〕 去怎的。〔貼〕 春

香怎得知。小姐做夢哩。〔老驚介〕 是夢麼。〔貼〕 是夢。〔老〕 這等着鬼了。快請老爺商議。〔貼請介〕 老

爺有請。〔外上〕 肘後印嫌金帶重。掌中珠怕玉盤輕。夫人。女兒病體因何。〔老泣介〕 老爺聽講。

〔前腔〕說起心疼。這病知他是怎生。看他長眠短起。似笑如啼。有影無形。原來

女兒到後花園遊了。夢見一人。手執柳枝。閃了他去。〔作嘆介〕 怕腰身觸污了柳精靈。虛

囂側犯了花神聖。老爺呵。急與禳星。怕流星趕月相刑迸。〔外〕 卻還來。我請陳齋長教

書。要他拘束身心。你爲母親的。到縱他閒遊。〔笑介〕 則是些日灸風吹。傷寒流轉。便要禳解。不用師

巫。則叫紫陽宮石道婆誦些經典可矣。古語云。信巫不信醫。一不治也。我已請過陳齋長看他脈息

去了。〔老〕看甚脈息。若早有了人家。敢沒這病。〔丑院公上〕人來大庾嶺。船去鬱孤臺。稟老爺。有使客到。

〔尾聲〕〔外〕俺爲官公事有期程。夫人好看惜女兒身命。少不的人向秋風病骨輕。〔老弔場介〕無官一身輕。有子萬事足。我看老相公則爲往來使客。把女兒病都不瞧。好傷懷也。〔泣介〕想起來。一邊叫石道婆禳解。一邊教陳教授下藥。知他效驗如何。咳。正是世間只有娘憐女。天下能無卜與醫。〔下〕

第十一齣 謁遇

〔光光乍〕〔老僧上〕一領破袈裟。香山嶼裏巴。多生多寶多菩薩。多多照證光光乍。小僧廣州府香山嶼多寶寺一個住持。這寺原是番鬼們建造。以便迎接收寶官員。玆有欽差苗爺。任滿祭寶於多寶菩薩位前。不免迎接。

〔挂眞兒〕〔淨苗舜賓末通事外貼皂丑番鬼上〕半壁天南開海汊。向眞珠窟裏排衙。

〔僧接介合〕廣利神王。善財天女。聽梵放海潮音下。〔淨〕銅柱珠崖道路難。伏波橫海。

舊登壇。越人自貢珊瑚樹。漢使何勞獬豸冠。自家欽差識寶使。臣苗舜賓便是。三年任滿。例當祭賽。多寶菩薩。通事那裏。〔末見介丑見介〕伽喇喇。〔老僧見介淨〕叫通事。分付番回獻寶。〔末〕俱已陳設。〔淨起看寶介〕奇哉寶也。真乃磊落山川。精瑩日月。多寶寺不虛名矣。看香。〔內鳴鐘淨拜介〕

〔亭前柳〕三寶唱三多。七寶妙無過。莊嚴成世界。光彩遍娑婆。甚多功德無邊闊。〔合〕領拜南無。多得寶。寶多羅。多羅。

〔挂真兒〕〔生上〕望長安西日下。偏吾生海角天涯。愛寶的喇麻。抽珠的佛法。滑琉璃兩下難拿。自笑柳夢梅一貧無賴。棄家而遊。幸遇欽差寺中祭寶。託詞進見。倘言語中間。可以打動。得其賑援。亦未可知。〔見外介生〕煩大哥通報一聲。廣州府學生員柳夢梅來求看寶。〔報介淨〕朝廷禁物。那許人觀。既係斯文。權請相見。〔見介生〕南海開珠殿。〔淨〕西方掩玉門。〔生〕剖懷俟知己。〔淨〕照乘接賢人。敢問秀才。以何至此。〔生〕小生貧苦無聊。聞得老大人。在此賽寶。願求一觀。以開懷抱。〔淨笑介〕既逢南土之珍。何惜西崑之祕。請試一觀。〔淨引生看寶介生〕你看明珠美玉。鞅鞅珊瑚。燦爛盈眸。珍奇希世。小生不遊大方之門。何因覩此。

〔駐雲飛〕天地精華。偏出在番回到帝子家。稟問老大人。這寶來路多遠。〔淨〕有遠三萬里的。至少也有一萬多程。〔生〕這般遠。可是飛來走來。〔淨笑介〕那有飛走而至之理。只因朝廷重價購求。自來貢獻。〔生嘆介〕老大人。這寶物蠢爾無知。三萬里之外。尙然無足而至。生員柳夢梅。滿胸奇異。到長安三千里之近。倒無人購取。有脚不能飛。他重價高懸下。那市舶能奸詐。味浪把寶船樺。〔淨〕疑惑這寶物欠真麼。〔生〕老大人。便是真。飢不可食。寒不可衣。看他似虛舟飄瓦。〔淨〕依秀才說。何爲真寶。〔生〕不欺。小生到是箇真正獻世寶。我若載寶而朝。世上應無價。〔淨笑介〕則怕朝廷之上。這樣獻世寶也多着。〔生〕但獻寶龍宮笑殺他。便鬪寶臨潼也賽得他。〔淨〕這等。便好獻與聖天子了。〔生〕則三千里路資難處。〔淨〕一發不難。古人黃金贈壯士。我將衙門常例銀兩助君遠行。〔生〕果爾。小生無父母妻子之累。就此拜辭。〔淨〕左右。取書儀看酒。〔丑上〕廣南愛喫荔枝酒。直北偏飛榆筴錢。酒到書儀在此。〔淨〕路費先生收下。〔生〕謝了。〔淨送酒介〕

〔二學士〕你帶微醺走出這香山罅。向長安有路榮華。〔生〕無過獻寶當今駕。

撒去收來再似他。〔合〕驟金鞭及早把荷衣挂。望歸來錦上花。

〔前腔〕〔生〕則怕呵重瞳有眼蒼天瞎。似波斯賞鑒無差。〔淨〕由來寶色無真假。只在淘金的會揀沙。〔合前生〕告行了。

〔尾聲〕你贈壯士黃金氣色佳。〔淨〕一杯酒酸寒奮發。則願你呵。寶氣冲天海上槎。

烏紗巾上是青天。

俊骨英才氣儼然。

聞道金門開濟世。

臨行贈汝繞朝鞭。

第十一齣 診崇

〔二江風〕〔貼扶病旦上〕病迷廡爲甚輕憔悴。打不破愁魂謎。夢初回。燕尾翻風亂颯起。湘簾翠。〔旦〕春香。我自春遊一夢。臥病如今。不癢不疼。如癡如醉。知他怎生。〔貼〕小姐。夢

兒裏事。想他則甚。〔旦〕你教我怎生不想呵。

〔金落索〕貪他半餉癡。賺了多情泥。待不思量。怎不思量得。就裏暗消肌。怕人

知嗽腔腔嫩喘微。哎。我這慣淹煎的樣子誰憐惜。自縊窄的春心怎的支。心兒悔。悔當初一覺留春睡。又不是困人天氣。中酒心期。越越地常如醉。〔末上〕

日下曬書嫌鳥跡。月中搗藥要蟾酥。我陳最良承公相命。來診視小姐脈息。到此後堂。不免我自進去。〔見介〕小姐。〔旦作驚介〕誰。〔貼〕陳師父哩。〔旦起扶介旦〕師父。我學生患病久。失敬了。〔末〕學

生學生。古書有云。學精於勤。荒於嬉。你因感下這疾。荒廢書工。我爲師的在外寢食不安。幸喜老公相請來看病。也不料你清減至此。我且問你。病症因何。〔貼〕師父問甚麼。只因你講毛詩。這病便是君子好求上來的。〔末〕是那一位君子。〔貼〕做夢哩。〔末看脈介〕咳。小姐。脈息到這個分際了。

〔金索挂梧桐〕他人才忒整齊。脈息恁微細。小小香閨。爲甚傷憔悴。〔起介〕春香呵。似他這傷春怯夏肌。好扶持。病煩人容易傷秋意。小姐。我去咀藥來。〔旦嘆介〕師

父。少不得情栽了竅髓針難入。病躲在烟花你藥怎知。〔泣介〕承尊覲。何時何日來看這女顏回。〔合〕病中身怕的是驚疑。且將息休煩惱。〔旦〕師父。送不得你

了。可曾把俺八字推算麼。〔末〕算來要過中秋好。當生止有八個字。起死曾無二世醫。〔下貼〕一個

道姑走來了〔淨上〕不聞弄玉吹簫去。又見嫦娥竊藥來。自家紫陽宮石道姑便是。承杜老夫人呼喚。替小姐禳解。〔見貼介貼〕姑姑爲何而來。〔淨〕吾乃紫陽宮石道姑。承夫人命。替小姐禳解。〔淨見旦介〕小姐小姐。道姑稽首那。〔旦作驚介〕那裏道姑。〔淨〕紫陽宮石道姑。夫人有召。替小姐保禳。聞說小姐在後花園着魅。我不信。

〔前腔〕你星星的怎着迷。設設的渾如魅。〔旦作驚語介〕我的人那。〔淨貼背介〕你聽他唵唵呢呢。作的風風勢。是了。身邊帶有個小符來。〔取旦釵挂小符作呪介〕赫赫揚揚。日出東方。此符屏卻惡夢。辟除不祥。急急如律令勅。〔插釵介〕這釵頭小篆符。眠坐莫教離。把閒神野夢都迴避。〔旦醒介〕咳。這符敢不中。我那人呵。須不是依花附木。廉纖鬼。咱做的弄影團風。抹媚癡。〔淨〕再癡時。請個五雷打他。〔旦〕些兒意。正待攜雲握雨。你卻用掌心雷。〔合前扶旦下〕

綠慘雙蛾不自持。

道家妝束厭禳時。

如今不在花紅處。

爲報東風且莫吹。

第十二齣 鬧殤

〔鵲橋仙〕〔貼扶病旦上〕拜月堂空。行雲徑擁。骨冷怕成秋夢。世間何物似情濃。整一片斷魂心痛。〔旦〕春香。病境沈沈。不知今夕何夕。〔貼〕八月半了。〔旦〕哎也。是中秋佳節哩。

聽見陳師父替我推命。要過中秋。看看病勢轉沈。今宵欠好。你爲我開軒。一望月色如何。〔貼開窗

旦望介〕

〔集賢賓〕〔旦〕海天悠問冰蟾何處湧。玉杵秋空。憑誰竊藥把嫦娥奉。甚西風吹夢無蹤。人去難逢。須不是神挑鬼弄。在眉峯。心坎裏別是一般疼痛。〔閱介〕

〔前腔〕〔貼〕甚春歸無端廝和哄。霧和烟兩不玲瓏。算來人命關天重。會消詳直恁匆匆。爲着誰儂。俏樣子等閒拋送。待我說他。姐姐。月上了。月輪空。敢蘸破你一牀幽夢。〔旦望嘆介〕春香。我記起一事來。我那春容。題詩在上。外觀不雅。我死之後。盛着紫檀匣兒。

藏在太湖石底。〔貼〕姐姐寬心。你倘有不幸。孤墳獨影。肯將息起來。稟過老爺。但是姓梅姓柳秀才。招選一個。同生同死。可不美哉。〔旦〕怕等不得了。輪時盼節。想中秋。人到中秋不自由。奴命不中孤。

月照殘生今夜雨中休。〔作昏介貼驚介〕小姐冷厥了。老爺夫人有請。〔外老旦同上〕我的兒病體怎生了。〔貼〕老爺奶奶欠好欠好。〔外老〕可怎了。

〔前腔〕不隄防你後花園閒夢銃。不分明再不惺忪。睡臨侵打不起頭梢重。〔泣介〕恨不呵早早乘龍。夜夜孤鴻。活害殺俺翠娟雛鳳。一場空。是這答裏把娘兒命送。

〔轉林鶯〕〔旦醒介〕甚飛絲繾的陽神動。弄悠揚風馬丁冬。〔泣介〕娘。拜謝你了。〔拜跌介〕從小來覷的千金重。不孝女孝順無終。娘呵。此乃天之數也。當今生花開一紅。願來生把萱椿再奉。〔衆泣介合〕恨西風。一霎無端碎綠摧紅。〔旦〕娘。你女兒不幸。作何處置。〔老〕奔你回去也。兒。

〔玉鶯兒〕〔旦泣介〕旅懶夢魂中。盼家山。千萬重。是不是。聽女孩兒一言。這後花園中一株梅樹。兒心所愛。但葬我梅樹之下可矣。〔老〕這是怎的來。〔旦〕做不的病婢娟桂窟裏長生。則分的粉骷髏向梅花古洞。〔老泣介外〕看他強扶頭淚濛。冷淋心汗傾。〔老旦〕

不如我先他一命無常用。〔合〕恨蒼穹。妬花風雨。偏在月明中。〔旦〕哎，啣春香，扶我

中堂去罷。〔扶介〕

〔尾聲〕〔旦〕怕樹頭樹尾不到的五更風。俏遊魂何處覓多情種。爹，今夜是中秋。

〔外〕是中秋也。兒。〔旦歎介〕怎能勾月落重生燈再紅。〔並下貼哭上〕我的小姐。我的小姐。

天有不測之風雲。人有無常之禍福。我小姐死了。痛殺了我。〔老上哭倒介〕我的親兒。

〔紅衲襖〕每日遶娘身有百十遭。並不見你向人前輕一笑。他背熟的班姬四戒從頭學。不要得孟母三遷把氣淘。也愁他軟苗條忒恁嬌。誰料他病淹煎真不好。〔哭介〕從教我一寸柔腸千斷也。則怕他望帝魂歸不可招。〔老悶倒貼驚呼

介外〕我的兒。〔丑院公上〕人間舊恨驚鴉去。天上新恩喜鵲來。稟老爺。朝報高陞。〔外看報介〕吏

部一本奉聖旨。金寇南窺。南安知府杜寶。可陞安撫使。鎮守淮揚。卽日起程。不得違誤。欽此。〔嘆介〕

夫人朝旨催人北往。女喪不便西歸。院子請陳齋長講話。〔丑〕老相公有請。〔末上〕彭殤真一壑。弔

賀每同堂。〔見介外〕陳先生。小姐長謝你了。〔末哭介〕正是苦傷。小姐仙逝。陳最良四顧無門。所喜

老公相高遷。陳最良一發失所。〔衆哭介外〕陳先生有事商量。學生奉旨不得久停。因小女遺言。就葬後園梅樹之下。又恐不便後官居住。已分付割取後園。起座梅花菴觀。安置小女神位。就着這石道姑焚修看守。但往來看顧。還得一人。〔老〕就煩陳齋長爲便。〔末〕老夫人有命。情願効勞。〔老〕老爺。須置些祭田纔好。〔外〕有漏澤院二頃廬田。撥資香火。〔末〕這漏澤院田就漏在生員身上。

〔意不盡〕陳先生。咱女墳兒三尺暮雲高。老夫妻一言相靠。不敢望時時看守。則清明寒食一碗飯兒澆。

魂歸冥漠魄歸泉。

使汝悠悠十八年。

一叫一回腸一斷。

如今重說恨綿綿。

第十四齣 旅寄

〔搗練子〕〔生傘袂病容上〕人出路。鳥離巢。〔內風聲介〕攪天風雪夢牢騷。這幾

日精神寒凍倒。香山嶼裏打包來。三水船兒到岸開。要寄鄉心值寒歲。嶺南南上半枝梅。我柳夢

梅秋風拜別中郎。因循親友辭餞。離船過嶺。早是暮冬。不隄防嶺北風嚴。感了寒疾。又無掃興而回。

之理。一天風雪。望見南安。好苦也。

〔山坡羊〕樹槎牙。餓鳶驚叫。嶺迢遙。病魂孤弔。破頭巾。電打風篩。透衣單傘做。張兒哨。路斜抄。急沒個店兒梢。雪兒呵。偏則把白面書生奚落。怎生冰凌斷橋。步高低。蹬着好了。有一株柳。扶將過去。方便處。柳跔腰。〔扶柳過介〕虛囂。儘枯楊命一條。蹊蹺。滑喇沙跌一交。〔跌介〕

〔步步嬌〕〔末上〕俺是個臥雪先生。沒煩惱。背上驢兒笑。心知第五橋。那裏開年。有齋村學。〔生叫啜介末〕怎生來人。怨語聲高。〔看介〕呀。甚城南破瓦窰。閃下個精寒料。〔生〕救人。救人。〔末〕我陳最良。爲求館。衝寒到此。彩頭兒。恰遇着弔水之人。且由他去。〔生又叫介〕救人。〔末〕聽說救人。那裏不是積福處。俺試問他。〔問介〕你是何等之人。失脚在此。〔生〕俺是讀書之人。〔末〕委是讀書之人。待俺扶起你來。〔末扶生相跌。誦介末〕請問何方至此。

〔風入松〕〔生〕五羊城。一葉過南韶。柳夢梅來獻寶。〔末〕有何寶貨。〔生〕我孤身取試長安道。犯嚴寒。少衾單。病了。沒揣的。逗着斷橋溪道。險跌折柳郎腰。〔末〕你自

揣高中的。方可去受這等辛苦。〔生〕不瞞說。小生是個擎天柱。架海梁。〔末笑介〕卻怎生凍折了擎天柱。撲倒了架海梁。這也罷了。老夫頗諳醫理。邊近有梅花觀。權將息度歲而行。

〔前腔〕尾生般抱柱正題橋。做倒地文星佳兆。論草包似俺堪調藥。暫將息梅花觀好。〔生〕此去多遠。〔末指介〕看一樹雪垂垂如笑。牆直上繡旛飄。〔生〕這等望先生引進。

三十無家作路人。

與君相見卽相親。

華陽洞裏仙壇上。

似近東風別有因。

第十五齣 冥判

〔北點絳脣〕〔淨判官丑鬼持算簿上〕十地宣差。一天封拜。閻浮界。陽世栽埋。又把俺這裏門程邁。自家十地閻羅王殿下。一個胡判官是也。原有十位殿下。因陽世趙大郎家和金達子爭占江山。損折衆生。十停去了一停。因此玉皇上帝。照見人民稀少。欽奉裁減事例。九州九個殿下。單減了俺十殿下之位。印無歸着。玉帝可憐見下官正直聰明。着權管十地獄印信。今日走馬

到任。鬼卒夜了。兩傍刀劍。非同容易也。叫掌案的。這簿上開除。都也明白。還有幾宗人犯。應該發落了。〔貼吏上介〕人間勾令史。地下列功曹。稟爺。因缺了殿下。地獄空虛三年。則有枉死城中女囚一名杜麗娘。未經發落。〔丑帶旦上〕天台有路難逢俺。地獄無情欲恨誰。女鬼見。〔淨擡頭背介〕這女鬼到有幾分顏色。

〔天下樂〕猛見了蕩地驚天女俊才。哈也麼哈。來俺裏來。〔旦叫苦介淨〕血盆中叫苦觀自在。〔丑耳語介〕判爺權收做個後房夫人。〔淨〕哇。有天條。擅用囚婦者斬。則你那小鬼頭胡亂篩。掩判官頭何處買。〔旦叫叻介淨回身〕是不曾見他粉油頭忒弄色。叫那女鬼上來。

〔那吒令〕瞧了你潤風風粉腮。到花臺酒臺。溜些些短釵。過歌臺舞臺。笑微微美懷。住秦臺楚臺。因甚的病患來。是誰家嫡支派。這顏色不像似在泉臺。〔旦〕女囚不曾過人家。也不會飲酒。是這般顏色。則爲在南安府後花園梅樹之下。夢見一秀才。折柳一枝。要奴題詠。留連宛轉。甚是多情。夢醒來沈吟。題詩一首。他年若傍蟾宮客。不是梅邊是柳邊。爲此

感傷。壞了一命。〔淨〕謊也。豈有一夢而亡之理。

〔鶻踏枝〕一溜溜女嬰孩。夢兒裏能寧奈。誰曾挂圓夢招牌。誰和你拆字道白。哈也麼哈。那秀才何在。夢魂中曾見誰來。〔旦〕不曾見誰。則見朵花兒閃下來。好一驚。

〔淨〕喚取南安府後花園花神勘問。〔丑叫介〕末花神上。紅雨數番春落魄。山香一曲女消魂。老判大人請了。〔舉手介〕淨。花神。這女鬼說是後花園一夢。爲花飛驚閃而亡。可是。〔末〕是也。他與秀才夢的綿纏。偶爾落花驚醒。這女子慕色而亡。〔淨〕敢便是你花神假充秀才。誤人家女子。〔末〕你說俺着甚迷他來。〔淨〕你說俺陰司裏不知呵。

〔後庭花滾〕但尋常春自在。恁司花忒乖。眨眼兒偷元氣。豔樓臺。克性了費春工。淹酒債。恰好九分態。你要做十分顏色。數着你那胡弄的花色兒來。〔末〕便數來。碧

桃花。〔淨〕他惹天台。〔末〕紅梨花。〔淨〕扇妖怪。〔末〕金錢花。〔淨〕下的財。〔末〕繡球花。〔淨〕

結的綵。〔末〕芍藥花。〔淨〕心事諧。〔末〕木筆花。〔淨〕寫明白。〔末〕水菱花。〔淨〕宜鏡臺。〔末〕

玉簪花。〔淨〕堪插戴。〔末〕薔薇花。〔淨〕露渲腮。〔末〕臘梅花。〔淨〕春點額。〔末〕翦春花。〔淨〕

羅袂裁〔末〕水仙花〔淨〕把綾襪踹〔末〕燈籠花〔淨〕紅影飾〔淨〕醮醮花〔淨〕春醉態

〔末〕金盞花〔淨〕做合盃杯〔末〕錦帶花〔淨〕做裙褶帶〔末〕合懽花〔淨〕頭懶擡〔末〕

楊柳花〔淨〕腰恁擺〔末〕凌霄花〔淨〕陽壯的哈〔末〕辣椒花〔淨〕把陰熱窄〔末〕含笑

花〔淨〕情要來〔末〕紅葵花〔淨〕日得他愛〔末〕女蘿花〔淨〕纏的歪〔末〕紫薇花〔淨〕

癢的怪〔末〕宜男花〔淨〕人美懷〔末〕丁香花〔淨〕結半躑〔末〕荳蔻花〔淨〕含着胎〔末〕

奶子花〔淨〕摸着奶〔末〕梔子花〔淨〕知趣乖〔末〕奈子花〔淨〕恁情奈〔末〕枳殼花〔淨〕

好處措〔末〕海棠花〔淨〕春困怠〔末〕孩兒花〔淨〕呆笑孩〔末〕姊妹花〔淨〕偏妬色〔末〕

水紅花〔淨〕了不開〔末〕瑞香花〔淨〕誰要採〔末〕旱蓮花〔淨〕憐再來〔末〕石榴花〔淨〕

可留得在。幾莊兒你自猜。哎。把天公無計策。你道爲甚麼流動了女裙釵。剗地

裏牡丹亭。又把他杜鵑花魂魄灑〔末〕這花色花樣都是天公定下來的。小神不過遵奉欽

差。豈有故意勾人之理。且看多少女色。那有玩花而亡〔淨〕你說自來女色。沒有玩花而亡。數你

聽着。

〔寄生草〕花把青春賣。花生錦繡災。有一個夜舒蓮扯不住留仙帶。一個海棠絲剪不斷香囊怪。一個瑞香風趕不上非烟在。你道花容那個玩花亡。可不道你這花神罪業隨花敗。〔末〕花神知罪。〔淨〕這女囚暮色而亡。該貶在鶯燕隊裏去罷。〔末〕稟老判。此女犯乃夢中之罪。如曉風殘月。且他父親爲官清正。單生一女。可以耽饒。〔淨〕父親是何人。〔旦〕父親杜寶知府。今陞淮揚總制之職。〔淨〕千金小姐哩。也罷。杜老先生分上。當奏過天庭。再行議處。〔旦〕就煩恩官替女犯查查。怎生有此傷感之事。〔淨〕這事情註在斷腸簿上。〔旦〕勞再查查。犯的丈夫。還是姓柳姓梅。〔淨〕取婚姻簿查來。〔作背查介〕是有個柳夢梅。乃新科狀元也。妻杜麗娘。前係幽歡。後成明配。相會在紅梅觀中。不可泄漏。〔回介〕有此人。和你姻緣之分。我今放你出了枉死城。隨風遊戲。跟尋此人。〔淨〕分付功曹。給一紙遊魂路引去。花神休壞了他的肉身也。〔旦〕謝恩官。〔叩頭介淨〕

〔賺尾〕欲火近乾柴。且留的青山在。不可被雨打風吹日曬。則許你傍月依星。將天地拜。一任你魂魄來回。脫了獄省的勾牌。接着活兔的投胎。那花間四友。

你差排。叫鶯窺燕猜。倩蜂媒蝶採。敢守的那破棺星圓夢那人來。〔下末〕小姐回

後花園去來。

醉斜烏帽髮如絲。

盡日靈風不滿旗。

年年檢點人間事。

爲待蕭何作判司。

第十六齣 拾畫

〔生上〕脈脈梨花春院香。一年愁事費商量。不知柳思能多少。打迭腰肢鬪沈郎。小生臥病梅花觀中。喜得陳友知醫。調理痊可。則這幾日間春懷鬱悶。聞得老姑姑說。這觀後有花園一座。儘堪消遣。就此迤邐而去。〔行介〕憑闌仍是玉闌干。四面牆垣不忍看。想得當時好風月。萬條烟罩一時乾。

〔到介〕呀。偌大一個園子也。

〔好事近〕則見風月暗消磨。畫牆西正南側左。〔跌介〕蒼苔滑擦。倚逗着斷垣低堞。因何蝴蝶門兒落合。原來以前遊客頗盛。題名在竹林之上。客來過。年月偏多。刻畫盡琅玕千个。咳。早則是寒花遶砌。荒草成窠。

〔錦纏道〕門兒鎖。放着這武陵源一座。恁好處教頽墮。斷烟中見水閣摧殘。畫船拋躲。冷鞦韆尙挂下裙拖。又不是經曾兵火。似這般狼藉呵。敢斷腸人遠。傷心事多。待不關情麼。恰湖山石畔留着你打磨陀。好一座山子哩。〔窺介〕呀。就裏一個小匣兒。待把左側一峯靠着。看是何物。〔作石倒介〕呀。是箇檀匣兒。〔開匣看畫介〕呀。一幅觀世音喜相。善哉善哉。待小生捧到書館。頂禮供養。強如埋在此中。〔捧匣回介〕

〔千秋歲〕小嵯峨。壓的旃檀合。便做了好相觀音俏樓閣。片石峯前。那片石峯前。多則是飛來石三生因果。請將去鑪烟上過。頭納地添燈火。照的他慈悲我。俺這裏盡情供養。他於意云何。〔到介〕到了觀中。且安置開兒上。擇日展禮。

僻居雖愛近林泉。

早是傷春夢雨天。

何處邈將歸畫府。

三峯花半碧堂懸。

第十七齣 憶女

〔玩仙燈〕〔老旦貼上老旦〕地老天昏。沒處把老娘安頓。思量起舉目無親。割斷

的肝腸寸寸。春香自從小姐亡後。俺皮骨空存。肝腸痛盡。但見他讀殘書本。繡罷花枝。斷粉零香。

餘簪棄履。觸處無非淚眼。見之總是傷心。算來一去三年。又是生辰之日。心香奉佛。淚燭澆天。分付

安排。想已齊備。〔貼〕已完備了。夫人就此望空頂禮。〔老拜介〕〔集唐〕微香冉冉淚娟娟。酒滴香灰

似去年。四尺孤墳何處是。南方歸去再生天。杜安撫之妻甄氏。敬爲亡女生辰。頂禮佛爺。願得杜麗

娘飯依佛力。早早昇天。〔起介〕春香禱告了佛王。不免將此茶飯。澆奠小姐。

〔香羅帶〕名香叩玉眞。問天難問。夢中相見得眼兒昏。悅聽的切切的聲和韻

也。驚跳起。猛傷神。則見陰風幾陣殘燈暈。〔哭介〕俺的麗娘那人兒也。你可還

向這舊宅裏重生何處身。〔貼跪介〕稟老夫人。人到中年。不堪哀毀。小姐難以生易死。夫人無

以死傷生。且自調養尊年。與老相公同享富貴。

曾伴殘娥到女兒。

白楊今日幾人悲。

須知此恨消難得。

淚滴寒塘蕙草時。

第十八齣 玩眞

〔生上〕芭蕉葉上雨難留。芍藥梢頭風欲收。畫意無明偏着眼。春光有路暗擡頭。小生客中孤悶。閒遊後園。湖山之下。拾得一軸小畫。似是觀音大士。寶匣莊嚴。風雨淹旬。未能展視。且喜今日晴和。瞻禮一會。〔開匣展畫介〕

〔黃鶯兒〕秋影挂銀河。展天身。自在波。諸般好相能停妥。他真身在補陀。咱海南人遇他。〔想介〕甚威光不上蓮花座。再延俄。怎湘裙直下。一對小凌波。是觀音怎一對小脚兒。待俺端詳一會。

〔二郎神慢〕些兒個。畫圖中影兒則度着了。敢誰書館中弔下幅小嫦娥。畫的這傳停倭妥。是嫦娥。一發該頂戴了。問嫦娥折桂人有我。可是嫦娥。怎影兒外沒半架祥雲托。樹皴兒又不是桂叢花瑣。不是觀音。又不是嫦娥。人間那得有此。成驚愕。似曾相識向俺心頭摸。待我瞧。是畫工臨的。還是美人自手描的。且住。細觀他幀首之上。小字數行。〔看介〕呀。原來絕句一首。〔念介〕近觀分明似儼然。遠觀自在若飛仙。他年得傍蟾宮客。不在梅邊在柳邊。呀。此乃人間女子行樂圖也。何言不在梅邊在柳邊。奇哉怪事哩。

〔集賢賓〕望關山梅嶺天一抹。怎知俺柳夢梅過。得傍蟾宮知怎麼。待喜呵端詳停和。俺姓名兒直麼。費嫦娥定奪。打摩訶。敢則是夢魂中真個。好不回盼小生。

〔黃鶯兒〕空影落纖蛾。動春蕉散綺羅。春心只在眉間鎖。春山翠拖。春烟淡和。相看四目誰輕可。恁橫波。來迴顧影。不住的眼兒賤。卻怎半枝青梅在手。活似提掇小生一般。

〔鶯啼序〕他青梅在手詩細哦。逗春心一點蹉跎。小生待畫餅充飢。小姐似望梅止渴。小姐小姐。未曾開半點么荷。含笑處朱唇淡抹。暈情多。如愁欲語只少口氣兒呵。小娘子畫似崔徽。詩如蘇蕙。行書逼真魏夫人。小子雖則典雅。怎到得這小娘子。驀地相逢。不免步韻一首。〔題介〕丹靑妙處卻天然。不是天仙卽地仙。欲傍蟾宮人近遠。恰些春在柳梅邊。

〔簇御林〕他能綽鞦。會寫作。秀入江山人唱和。待小生狠狠叫他幾聲。美人美人。姐姐。姐姐。向真真啼血。你知麼。叫的你噴嚏似天花唾。動淩波。盈盈欲下。不見影兒那。咳。俺孤單在此。少不得將小娘子畫像。早晚玩之拜之。叫之贊之。

〔尾聲〕拾的個人兒先慶賀。敢柳和梅有些瓜葛。小姐小姐。則怕你有影無形看殺我。

不須一向恨丹青。

堪把長懸在戶庭。

惆悵題詩柳中隱。

添成春醉轉難醒。

第十九齣 魂遊

〔挂眞兒〕〔淨石道姑上〕臺殿重重春色上。碧雕闌映帶銀塘。撲地香騰。歸天磬響。細展度人經藏。俺老道姑看守杜小姐墳菴。三年之上。擇取吉日。替他開設道場。超生玉界。早已門外豎立招旛。看有何人來到。

〔太平令〕〔貼小道姑丑徒弟上〕嶺路江鄉。一片彩雲扶月上。羽衣青鳥閒來往。

〔丑〕天晚梅花觀歇了罷。南枝外有鵲爐香。〔貼〕小道姑乃韶陽郡碧雲菴主是也。遊方到此。見他莊嚴旛引。榜示道場。恰好登壇。共成好事。〔見介淨〕小姑姑從何而至。〔貼〕從韶陽郡來。暫此借宿。〔淨〕西頭房兒有個嶺南柳相公養病。則下廂房可矣。〔貼〕多謝了。敢問今夕道場。爲何而設。

〔淨嘆介〕則爲杜衙小姐去三年。待與招魂上九天。〔貼〕這等呵。清醮壇場今夜好。敢將香火助眞仙。〔淨〕這等卻好。〔內鳴鐘鼓介衆〕請老師兄拈香。〔淨〕南斗注生眞妃。東岳受生夫人殿下。〔拈

香拜介〕

〔孝南歌〕鑽新火。點妙香。虔誠爲因杜麗娘。〔衆拜〕香靄繡幡幢。細樂風微颺。

仙眞呵。威光無量。把一點香魂。早度人天上。怕未盡凡心。他再作人身想。做

兒郎。做女郎。願他永成雙。再休似少年亡。〔淨〕想起小姐生前愛花而亡。今日折得殘梅。

安在淨瓶供養。〔拜神主介〕

〔前腔〕瓶兒淨。春凍陽。殘梅半枝紅蠟裝。小姐呵。你香夢與誰行。情神忒孤往。

〔衆〕老師兄。你說淨瓶像什麼。殘梅像什麼。〔淨〕這瓶兒空。像世界包藏。身似殘梅樣。

有水無根。尙作餘香想。〔衆〕小姐。你受此供呵。教你肌骨涼。魂魄香。肯回陽。再住這

梅花帳。〔內風響介淨〕奇哉怪哉。冷窸窸一陣風打旋也。〔內鳴鐘介衆〕這晚齋時分。且喫了齋。收

拾道場。正是曉鏡拋殘無定色。晚鐘敲斷步虛聲。〔衆下魂旦作鬼聲掩袖上〕奴家杜麗娘女魂是

也。只爲癡情慕色。一病而亡。湊的十殿閻君。奉旨裁革。無人發遣。女監三年。喜遇老判。哀憐放假。趁此月明風細。隨喜一番。呀。這是書齋後園。怎做了梅花菴觀。好感傷人也。

〔小桃紅〕咱一似斷腸人和夢醉初醒。誰償咱殘生命也。雖則鬼叢中姊妹不
同行。窄地的把羅衣整。這影隨形。風沈露。雲暗斗。月勾星。都是我魂遊境也。到
的這花影初更。〔內作丁冬聲旦驚介〕一霎價心兒瘝。原來是弄風鈴臺殿冬丁。
好一陣香也。

〔下山虎〕我則見香烟隱隱。燈火熒熒。呀。鋪了些雲霞燈。不由人打個讓掙。是
那位神靈。原來是東岳夫人。南斗真妃。〔稽首介〕仙真仙真。杜麗娘鬼魂稽首。魑魍地投明證
明。好替俺朗朗的超生注生。再看這青詞上。原來就是石道姑在此住持。一壇齋意。度俺生天。
道姑道姑。我可也生受你呵。再瞧這淨瓶中。咳。便是俺那塚上殘梅哩。梅花呵。似俺杜麗娘半開而
謝。好傷情也。則爲這斷鼓零鐘。金字經。扣動俺黃梁境。俺向這地坼裏梅根迸
幾程。透出些兒影。〔泣介〕姑姑們這般志誠。若不留些蹤跡。怎顯的俺鑒知他。就將梅花散在經

臺之上。〔散花介〕抵甚麼一點香銷萬點情。想起爹娘何處。春香何處也。呀。那邊廂有沈吟叫喚之聲。聽再來。〔內叫介〕俺的姐姐呵。俺的美人呵。〔旦驚介〕誰叫誰也。再聽。〔內又叫介〕且嘆介〕

〔醉歸遲〕生和死。孤寒命。有情人叫不出。情人應。爲什麼不唱出你。可人名姓。似俺孤魂獨趁。待誰來叫喚俺一聲。不分明。無倒斷。再傳停。〔內又叫介〕咳。敢邊廂甚麼書生。睡夢裏語言胡啞。不由俺無情有情。湊着叫的人三聲兩聲。冷惺忪紅淚飄零。呀。怕不是夢人兒梅卿柳卿。俺記着這花亭水亭。趁的這風清月清。則這鬼宿前程。盼得上三星四星。呀。待卽行尋趁。奈斗轉參橫。不敢久停呵。

〔尾聲〕爲什麼閃搖搖春殿燈。〔內叫介〕殿上響動。〔丑虛上望介〕又作風起介〕一弄兒繡旛飄迴。則這幾點落花風。是俺杜麗娘身後影。〔作鬼聲下丑打照面驚叫介〕

師父們快來快來。〔淨貼驚上〕怎的大驚小怪。〔丑〕則這燈影熒煌。躲着瞧時。見一位女神仙。袖拂花旛。一閃而去。怕也怕也。〔淨〕咳。這便是杜小姐生時樣子。敢是他有靈活現。〔貼〕呀。你看經臺之

上。亂糝梅花。奇也異也。大家再祝識他一番。

〔憶多嬌〕〔衆〕風滅了香月倒廊。閃閃屍屍魂影兒涼。花落在春宵情易傷。願你早度天堂。早度天堂。免留滯他鄉故鄉。

心知不敢輒形相。

欲話因緣恐斷腸。

若使春風妬人意。

也應知有杜蘭香。

第二十齣 幽媾

〔生上〕一片紅雲下太清。如花巧笑玉傳停。憑誰畫出生香面。對俺偏含不語情。小生自遇春容。日夜想念。這更闌時節。破些工夫。吟其珠玉。玩其精神。倘然夢裏相親。也當春風一度。〔展畫玩介〕呀。你看美人呵。神含欲雨。眼注微波。真乃落霞與孤鶩齊飛。秋水共長天一色。

〔香遍滿〕晚風吹下。武陵溪邊一縷霞。出托個人兒風韻煞。淨無瑕。明牕新絳紗。丹青小畫。又把一幅肝腸挂。小姐小姐。則被你想殺俺也。

〔二犯梧桐樹〕他飛來似月華。俺拾的愁天大。常時夜夜對月而眠。這幾夜呵。幽佳。

嬋娟隱映的光輝殺。教俺迷留亂的心嘈雜。無夜無明快着他。若不爲擊奇怕。
浣的丹青亞。待抱着你影兒橫榻。想來小生定是有緣也。再將他詩句朗誦一番。〔念介〕

〔浣沙溪〕拈詩話對會家。柳和梅有分兒些。他春心迸出湖山罅。飛上烟綃萼。
綠華。則是禮拜他便了。〔拈香拜介〕 奚倖殺。對他臉暈眉痕心上掐。有情人不在天

涯。小生客居。怎能勾姐姐風月中片時相會也。

〔劉潑帽〕恨單條不惹的雙魂化。做個畫屏中倚玉蒹葭。小姐呵。你耳朵兒雲
鬢月侵芽。可知他一些些都聽的俺傷情話。

〔東甌令〕俺如念呪似說法。石也要點頭天雨花。怎虔誠不降的仙娥下。是不
肯輕行踏。〔內作風吹燈介〕好一陣冷風襲人也。險些兒誤丹青風影落燈花。罷了。則
索睡掩紗牕去夢他。〔生睡介魂旦上〕泉下長眠夢不成。一生餘得許多情。魂隨月下丹青引。

人在風前嘆息聲。妾身杜麗娘鬼魂是也。爲花園一夢。想念而終。當時自畫春容。埋於太湖石下。題
有他年得傍蟾宮客。不是梅邊是柳邊。誰想遊魂觀中。幾晚聽見東房之內。一個書生。高聲低叫俺

的姐姐。俺的美人。那聲音哀楚。動俺心魂。悄然驀入他房中。則見高挂起一軸小畫。細玩之。便是奴家遺下春容。後面和詩一首。觀其名字。則嶺南柳夢梅也。梅邊柳邊。豈非前定乎。因而告過了冥府判君。趁此良宵。完其前夢。想起來好苦也。

〔朝天懶〕怕的是粉冷香銷泣絳紗。又到的高唐館。玩月華。猛回頭羞颯髻兒鬢。自擎拿。呀。前面是他房頭了。怕桃源路徑行來詫。再得俄旋試認他。〔生睡中念詩

介〕他年若傍蟾宮客。不是梅邊是柳邊。我的姐姐呵。〔旦聽打悲介〕

〔前腔〕是他叫喚的傷情。咱淚雨麻。把我殘詩句。沒爭差。難道還未睡呵。〔瞧介生

又叫介旦〕他原來睡屏中。作念猛嗟呀。省諠譁。我待敲彈翠竹。聽櫺下。〔內作

驚醒叫姐姐介旦悲介〕待展香魂去近他。〔生〕呀。戶外敲竹之聲。是風是人。〔旦〕有人。

〔生〕這咱時節有人。敢是老姑姑送茶。免勞了。〔旦〕不是。〔生〕敢是遊方的小姑姑麼。〔旦〕不是。

〔生〕好怪好怪。又不是小姑姑。再有誰。待我啓門而看。〔開門看介〕

〔玩仙燈〕呀。何處一嬌娃。豔非常。使人驚詫。〔旦作笑閃入。生急掩門。旦斂衽。容見介〕

秀才萬福。〔生〕小娘子到來。敢問尊前何處。因何夤夜至此。〔旦〕秀才。你猜來。

〔紅衲襖〕〔生〕莫不是莽張騫。犯了你星漢槎。莫不是小梁清夜走天曹。罰。〔旦〕

這都是天上仙人。怎得到此。〔生〕是人家彩鳳暗隨鴉。〔旦搖頭介〕敢甚處裏綠楊

曾繫馬。〔旦〕不會一面。〔生〕若不是認陶潛。眼挫的花。敢則是走臨邛道數兒差。

〔旦〕非差。〔生〕想是求燈的。可是你夜行無燭也。因此上待要紅袖分燈。向碧紗。

〔前腔〕〔旦〕俺不爲度仙香空散花。也不爲讀書燈閒濡蠟。俺不似趙飛卿舊

有瑕。也不似卓文君新守寡。秀才呵。你也曾隨蝶夢迷花下。〔生想介〕是當初曾夢

來。〔旦〕俺因此上弄鶯黃。赴柳衙。若問俺妝臺何處也。不遠哩。剛則在宋玉東

鄰第幾家。〔生作想介〕是了。曾後花園轉西。夕陽時節。見小娘子走動哩。〔旦〕便是了。〔生背介〕奇

哉奇哉。人間有此豔色。夜半無故而遇明月之珠。怎生發付。

〔宜春令〕他驚人豔。絕世佳。閃一笑風流銀蠟。月明如乍。問今夕何年星漢槎。金釵客寒夜來家。玉天仙人間下榻。〔背介〕和他待消詳。翦燭臨風。西窗閒話。

〔旦〕奴家真個盼着你了。

〔耍鮑老〕幽谷寒涯。你爲俺催花連夜發。俺全然未嫁。你個中知察。拘惜的好人家。牡丹亭嬌恰恰。湖山畔羞答答。讀書窗浙喇喇。良夜省陪茶。清風明月知無價。〔旦〕妾有一言相懇。望郎恕責。〔生笑介〕賢卿有話。但說無妨。〔旦〕妾千金之軀。一旦付與郎矣。勿負奴心。平生之願足矣。〔生笑介〕小生豈敢有忘。〔旦〕還有一言。未至雞鳴。放奴回去。秀才休送。以避曉風。〔生〕這都領命。只問姐姐貴姓芳名。

〔意不盡〕〔旦嘆介〕少不得花有根。元玉有芽。待說時惹的風聲大。〔生〕以後准望賢卿逐夜而來。〔旦〕秀才。且和俺點勘春風這第一花。

浩態狂香昔未逢。

月斜樓上五更鐘。

朝雲夜入無雲處。

神女知來第幾峯。

第二十一齣 旁疑

〔淨扮老道姑上〕世事難拚一個信。人情常帶三分疑。杜老爺爲小姐。下這座梅花觀。着俺看守。

三年水清石見。無半點瑕疵。止因陳教授老狗。引下個嶺南柳秀才。東房養病。前幾日到後花園。來。悠悠漾漾的。着鬼着魅一般。俺已疑惑了。湊着個韶陽小道姑。年方念八。頗有風情。到此雲遊。幾日不去。夜來柳秀才房裏。唧唧噥噥。聽的似女兒聲息。敢是小道姑瞞着我去。瞧那秀才。秀才逆來順受了。俺且待他來。打覷他一番。〔貼扮小道姑上〕

〔步步嬌〕俺女冠兒俏的仙真樣。論舉止都停當。則一點情拋漾。步斗風前。吹笙月上。〔見介貼〕常無欲以觀其妙。〔淨〕常有欲以觀其竅。小姑姑。你昨夜遊方。遊到柳秀才房兒裏去。是竅是妙。〔貼〕老姑姑。這話怎的起。誰看見來。〔淨〕俺看見來。

〔剔銀燈〕你出家人芙蓉淡妝。翦一片湘雲鶴氅。玉冠兒斜插。笑生香。出落的十分情況。斟量。敢則向書生夜牕。迤逗的幽輝半牀。〔貼〕向那個書生。老姑姑。這話敢不中哩。

〔前腔〕俺雖然年清試妝。洗凡心冰壺月朗。你怎生剝落的人輕相。比你半老的佳人停當。〔淨〕倒找起俺來。〔貼〕你端詳。這女貞觀傍。可放着個書生那廂。

〔淨〕哎也。難道俺與書生有帳。則是往常秀才夜靜高眠。則你到觀中。那秀才夜半開門。唧唧嚶嚶的共誰說話。所以疑猜。〔貼〕既如此。和你再打聽。誰和秀才說話來。便見端的。

烟水何曾息世機。

高情雅淡世間稀。

隴山鸚鵡能言語。

亂向金籠說是非。

第二十二齣 懽境

〔搗練子〕〔生上〕聽漏下半更多。月影向中那。恁時節夜香燒罷麼。一點猩紅一點金。十個春纖十個針。只因世上美人面。改盡人間君子心。俺柳夢梅是個讀書君子。一味至誠。止因北上南安。湊着東鄰西子。嫣然一笑。遂成暮雨之來。未是五更。便逐曉風而去。今宵有約。未知遲早。正是金蓮若肯移三寸。銀燭先教刻五分。則一件。姐姐若到。要精神對付他。偷盹一會。有何不可。

〔睡介魂旦上〕

〔稱人心〕冥途掙挫。要死卻心兒無那。也則爲俺那人兒忒可。教他悶房頭守着閒燈火。〔入門介〕呀。他端然睡磕。恁春寒也不把繡衾來摸。多應他祇候着我。

待叫醒他。秀才秀才。〔生醒介〕姐姐。失敬也。〔起揖介〕姐姐。你來的脚蹤兒恁輕。是怎的。〔集唐〕

〔旦〕自然無跡又無塵。〔生〕白日尋思夜夢頻。〔旦〕行到窗前知未寢。〔生〕一心惟待月夫人。姐姐。

費你高情。則良夜無酒奈何。〔旦〕奴家攜酒一壺。花菓二色。在楯欄之上。取來消遣。〔旦出取酒果

花上生〕生受了。是甚菓。〔旦〕青梅數粒。〔生〕這花。〔旦〕美人蕉。〔生〕梅子酸似俺秀才。蕉花紅似

俺姐姐。串飲一杯。〔共杯飲介〕

〔白練序〕〔旦〕金荷斟香糯。〔生〕你醞釀春心玉液波。拚微醺。東風外翠香紅

醞。〔旦〕也摘不下奇花果。爲甚麼人到幽期話轉多。〔生〕好睡也。〔旦〕好月也。消停

坐。不妬色嫦娥。和俺人三個。

〔醉太平〕〔生〕無多。花影阿那。歡奴奴睡也。睡也。奴哥。春宵美滿。一煞暮鐘敲

破。嬌娥似前宵。雨雲羞怯顫聲訛。敢今夜翠顰輕可。睡則那。把膩乳微搓。酥胸

汗帖。細腰春鎖。〔淨貼悄上生旦笑介貼〕老姑姑。你聽秀才房裏有人。這不是俺小姑姑了。〔淨作

聽介〕是女人聲。快敲門去。〔敲門介生〕誰。〔淨〕老道姑送茶。〔生〕夜深了。〔淨〕相公房裏有客哩。

〔生〕沒有。〔淨〕女客哩。〔生旦慌介〕怎好。〔淨急敲門介〕相公快開門。地方巡警。免的揚聲哩。〔生慌介〕怎了怎了。〔旦笑介〕不妨。俺是鄰家女子。道姑不肯干休時。便與他一個勾引的罪名兒。〔生開門旦作躲生將身遮旦淨搶進笑介〕喜也。〔生〕什麼喜。〔淨前看生身攔介〕

〔滾遍〕〔貼淨〕這更天一點鐘。仙院重門闔。何處嬌娥。怕惹的乾柴火。〔生〕你便打臉。有甚着科。是牀兒裏窩。箱兒裏那。袖兒裏閣。〔淨貼向前生攔不住內作風起旦閃下介生〕昏了燈也。〔淨〕分明一個影兒。只這軸美女圖在此。古畫成精了。

〔前腔〕畫屏人踏歌。曾許你書生和。不是妖魔。甚影兒望風躲。相公。這是什麼畫。〔生〕妙娑婆。秀才家隨行的香火。俺寂靜裏祈求你莽吃喝。〔淨〕是了。不說不知。俺前晚聽見相公房內啾啾唧唧。疑惑這小姑姑。如今明白了。相公權留小姑姑伴話。〔生〕這個不消。

應陪秉燭夜深遊。

惱亂春風卒未休。

大姑山遠小姑出。

更憑飛夢到瀛洲。

第二十三齣 冥誓

〔月兒高〕〔魂旦上〕孤神害怯。佩環風定夜。〔驚介〕則道是人行影。原來是雲偷月。〔到介〕這是柳郎書舍了。呀。柳郎何處也。閃閃幽齋。弄影燈明滅。待說何曾說。如嚙不奈嚙。把持花下意。猶恐夢中身。奴家雖登鬼錄。未損人身。陽祿將回。陰數已盡。前日爲柳郎而死。今日爲柳郎而生。夫婦分緣。去來明白。今宵不說。只管人鬼混纏到甚時節。則怕說時。柳郎那一驚呵。也避不得了。正是夜傳人鬼三分話。早定夫妻百歲恩。

〔懶畫眉〕〔生上〕畫闌風擺竹橫斜。〔內作鳥聲驚介〕驚鴉閃落在殘紅樹。呀。門

兒開也。玉天仙光降了紫雲車。〔旦出迎介〕柳郎來也。〔生揖介〕姐姐來也。〔旦〕剔燈花

這嚙望郎爺。〔生〕直恁的志誠親姐姐。〔旦〕秀才。等你不來。俺集下了唐詩一首。〔生〕洗

耳。〔旦念介〕擬托良媒亦自傷。月寒山色兩蒼蒼。不知誰唱春歸曲。又向人間魅阮郎。〔生〕姐姐高

才。〔旦〕柳郎。這更深何處來也。〔生〕昨夜被姑姑敗興。俺乘你未來之時。去姑姑房頭看了動定。好

來迎接你。不想姐姐今夜來恁早哩。〔旦〕盼不到月兒上也。

〔太師引〕〔生〕歎書生何幸遇仙提揭。比人間更志誠親切。乍温存笑眼生花。正漸入歡腸啖蔗。前夜那姑姑呵。恨無端風雨把春抄截。姐姐呵。悞了你半宵周折。累了你好回驚怯。不嗔嫌一逕的把斷紅重接。姐姐費心。因何錯愛小生至此。〔旦〕愛的你一品人才。〔生〕姐姐敢定了人家。

〔前腔〕〔旦〕並不曾受人家紅定迴鸞帖。〔生〕喜箇甚樣人家。〔旦〕但得箇秀才郎情傾意愜。〔生〕小生到是個有情的。〔旦〕是看上你年少多情。迤逗俺睡魂難貼。〔生〕

姐姐嫁了小生罷。〔旦〕怕你嶺南歸客道途賒。是做小伏低難說。〔生〕小生未曾有妻。

〔旦笑介〕少甚麼舊家根葉。着俺異鄉花草填接。秀才既有此心。何不請媒相聘。也省得奴家爲你擔驚受怕。〔生〕明早敬造尊庭。拜見令尊令堂。方好問親於姐姐。〔旦〕到俺家來。只好見奴家。要見俺爹娘還早。〔生〕這般說。姐姐當真是那樣門庭。〔旦笑介〕生是怎生來。

〔紅衫兒〕看他温香豔玉神清絕。人間迥別。〔旦〕不是人間。難道天上。〔生〕怎獨自夜深行。邊廂少侍妾。且說個貴表尊名。〔旦歎介〕生背介。他把姓字香沈。敢怕似飛瓊漏。

洩。姐姐不肯泄洩姓名。定是天仙了。薄福書生。不敢再陪歡宴。儘仙姬留意書生。怕逃不過天曹罰折。

〔前腔〕〔旦〕道奴家天上神仙列。前生壽折。〔生〕不是天上。難道人間。〔旦〕便作是私奔。悄悄何妨說。〔生〕不是人間。則是花月之妖。〔旦〕正要你掘草尋根。怕不待勾辰就月。〔生〕是怎麼說。〔旦欲說又止介〕不明白辜負了幽期。話到尖頭又咽。〔相思令〕〔生〕姐姐。你千不說。萬不說。直恁的書生不酬決。更向誰邊說。〔旦〕待要說。如何說。秀才。俺則怕聘則爲妻。奔則妾。受了盟香說。〔生〕你要小生發願。定爲正妻。便與姐姐拈香去。

〔滴溜子〕〔生旦同拜〕神天的。神天的。盟香滿爇。柳夢梅。柳夢梅。南安郡舍。遇了這佳人提挈。作夫妻生同室。死同穴。口不心齊。壽隨香滅。〔旦泣介生〕怎生弔下淚來。〔旦〕感君情重。不覺淚垂。秀才。我問你。這春容得從何處。〔生〕太湖石縫裏。〔旦〕比奴家容貌爭多。〔生看驚介〕可怎生一箇粉撲兒。〔旦〕可知道奴家便是畫中人也。〔生合掌謝畫介〕小生燒的香到哩。姐姐。你好歹表白一些兒。

〔啄木犯〕〔旦〕柳衙內聽根節。杜南安原是俺親爹。〔生〕呀。前任杜老先生。陞任揚州。怎麼丟下小姐。〔旦〕你翦了燈。〔生翦燈介〕〔旦〕翦了燈餘話堪明滅。〔生〕且請問芳名。青春

多少。〔旦〕杜麗娘小字有庚帖。年華二八正是婚時節。〔生〕是麗娘小姐。俺的人那

〔旦〕衙內。奴家還未是人。〔生〕不是人是鬼。〔旦〕是鬼也。〔生驚介〕怕也怕也。〔旦〕靠邊些。教

伊休害怕。注生妃。及煞回生帖。俺雖則是小鬼頭人半截。〔生〕姐姐因何得回陽

世。面會小生。是俺妻室。俺也不害怕了。便待請起你來。敢問仙墳何處。〔旦〕記取太湖石梅樹一株。

〔二段子〕愛的是花園後截。夢孤清梅花影斜。花根木節。有一箇透人間路穴。

〔生〕怕小姐別有走跳處。〔旦歎介〕便到九泉無屈折。衙幽香一陣昏黃月。暢好是

一夜夫妻。有的是二生話說。〔生〕不煩姐姐再三。只俺獨力難成。〔旦〕可與姑姑計議而行。〔內

雞鳴介〕

〔鮑老催〕〔旦〕咳。長眠人一向眠長夜。則道雞鳴枕空設。今夜呵。夢回遠塞荒雞咽。

覺人間風味別。曉風明滅。子規聲容易吹殘月。〔內風起介〕則這一翦風動靈

衣去了也。〔旦急下生驚癡介〕奇哉奇哉。柳夢梅做了杜太守的女婿。敢是夢也。待俺來回想一番。他名字杜麗娘。年華二八。死葬後園梅樹之下。啐。分明是人道交感。有精有血。怎的杜小姐顛倒自己說是鬼。他既說的恁般分明。恁般淒切。是無是有。只得依言而行。和姑姑商量去。

夢來何處更爲雲。

惆悵金泥簇蝶裙。

欲訪孤墳誰引至。

有人傳示紫陽君。

第二十四齣 祕議

〔遠池遊〕〔淨上〕芙蓉冠帽。短髮難簪繫。一爐香鳴鐘叩齒。俺這梅花觀爲着杜小姐而建。當初杜老爺分付陳教授看管。二年之內。則是他收取祭租。並不常用行走。杜小姐神位前。是我日逐添香換水。何等莊嚴清淨。正是天下少信弔書子。世外有情持素人。

〔前腔〕〔生上〕幽期密意。不是人間世。待聲揚徘徊了半日。〔見介〕落花香覆紫金

堂。〔淨〕你年少看花敢自傷。〔生〕弄玉人來人換世。〔淨〕麻姑一去海生桑。〔生〕老姑姑。小生自到仙居。不曾瞻禮寶殿。今日願求一觀。〔淨〕是禮。相引前行。〔行到介淨〕高處玉天金闕。下面東嶽夫

人。南斗真妃。〔內鐘鳴生拜介〕中天積翠玉臺遙。上帝高居絳節朝。遂有馮夷來擊鼓。始知秦女善吹簫。好一座寶殿哩。怎生左邊這牌位上寫着杜小姐神王。是那位女王。〔淨〕是沒人提主哩。杜小姐。〔生〕杜小姐爲誰。

〔五更轉〕〔淨〕你說這紅梅院因何置。是杜參知前所爲。麗娘原是他香閨女。十八而亡。就此攢瘞。他爺呵。陞任急。失題主。空牌位。〔生〕誰祭掃他。〔淨〕好墓田。留下有碑記。偏他沒頭主兒。年年寒食。〔生哭介〕這等說起來。杜小姐是俺嬌妻呵。〔淨驚介〕秀才當真。〔生〕千真萬真。〔淨驚介〕秀才着鬼了。難道難道。〔生〕你不信時。顯個神通你看。取筆來。點的他主兒會動。〔淨〕有這等事。筆在此。〔生點介〕你瞧你瞧。〔淨驚介〕奇哉奇哉。主兒真個會動也。小姐呵。

〔前腔〕則道墓門梅。立着箇沒字碑。原來柳客神纏住香爐裏。既是秀才娘子。可會會他來麼。〔生〕楚陽臺就在梅花觀裏。〔淨〕是那一夜。〔生〕端的前宵你們不做美。我如今還要請他起來。〔淨〕直恁神通。敢闍羅便是你。〔生〕但少些人夫用。你也幫一鈿兒。

〔淨〕這個怎使得。大明律開棺見屍。不分首從皆斬哩。你宋書生是看不着皇明例。不比尋常穿籬挖壁。〔生〕這箇不妨。是小姐自家主見。〔淨〕既是小姐分付。待俺檢個日子。〔看介〕恰好明日乙酉。可以開墳。俺有箇姪兒。癩頭龜可用。〔生〕小姐倘然回生。要些定魂湯藥。〔淨〕陳教授開張藥舖。只說前日小姑姑黨了凶煞。求藥安魂。〔生〕煩你快去了。

溼雲如夢雨如塵。

初訪城西李少君。

行到窈娘身沒處。

手披荒草看孤墳。

第二十五齣 回生

〔丑〕疙童持鋤上。自家梅花觀主家。癩頭龜便是。觀主受了柳秀才之托。和杜小姐啓墳。好笑好笑。說杜小姐要和他這裏重做夫妻。管他人話鬼話。帶了些黃錢。掛在這太湖石上。點起香來。

〔出隊子〕〔淨攜酒同生上〕玉人何處。玉人何處。近墓西風老綠蕪。竹枝歌唱的女郎蘇。杜鵑聲啼過錦江無。一窖愁殘。三生夢餘。〔生〕老姑姑已到後園。只見半亭瓦

礫。滿地荆榛。繡帶重尋。裊裊藤花夜合。羅裙欲認。青青蔓草春長。則記的太湖石邊。是俺拾畫之處。

依希似夢。恍惚如亡。怎生是好。〔淨〕秀才不要忙。梅樹下堆兒是了。〔生〕小姐好傷感人也。〔哭介〕丑〕哭甚的。趁時節了。燒紙介生拜介〕巡山使者。當山土地。顯聖顯靈。今日開山。專爲請杜麗娘。不要你死的。要個活的好。破土哩。

〔啄木鷄〕〔丑淨鍬土介〕這三和土。一謎鈕。小姐呵。半尺孤墳。你在這的無。〔生〕你

們十分小心。〔看介〕到棺了。〔丑作驚丟鍬介〕到棺沒活的了。〔生搖手介〕禁聲。〔內旦作哎喲介

衆驚介〕活鬼做聲了。〔生〕休驚了小姐。〔衆蹲向鬼門開棺介淨〕原來釘頭鏽斷。子口登開。小姐

敢別處送雲雨去了。〔內哎喲介生見旦扶介生〕哎。小姐端然在此。異香襲人。幽姿如故。天也。你

看正面上那些兒塵漬。斜空處沒半米蚍蜉。則他煖幽香四片斑斕木。潤芳姿半榻黃泉路。養花身五色燕支土。〔扶旦軟躡介生〕俺爲你款款偎將睡臉扶。休損了口中珠。〔旦作開眼歎介淨〕小姐開眼哩。〔生〕天開眼了。

〔金蕉葉〕〔旦〕是真是虛。劣夢魂猛然驚遽。〔作掩眼介〕避三光業眼難舒。怕

一弄兒巧風吹去。〔生〕怕風怎好。〔淨扶旦介〕且在這牡丹亭內進還魂丹。〔生〕快熱酒來。

〔鶯啼序〕〔調酒灌介〕玉喉嚨半點靈酥。〔旦吐介生〕哎也。怎生呵落在胸脯。姐姐再進些。纔喫了二箇多半口還無。〔觀介〕好了。好了。喜春生顏面肌膚。〔旦觀介〕這些都是誰。敢是些無端道途。弄的俺不着墳墓。〔生〕便是柳夢梅。〔旦〕略朦覷。怕不是梅邊柳邊人數。〔生〕有這道姑爲證。〔淨〕小姐可認的貧道。〔旦看不語介〕

〔前腔〕〔淨〕你乍回頭記不起俺這姑姑。〔生〕可記的這後花園。〔旦不語介淨〕是了。你夢境模糊。〔旦〕只那箇是柳郎。〔生應旦作認介〕柳郎真信人也。虧殺你撥草尋蛇。虧殺你守株待兔。棺中寶玩收存。餘俱拋散池塘裏去。〔衆〕吓。〔丟去棺物介〕困懣騰迸出這泉臺。影投胎猶疑烟霧。〔衆〕虧小姐整整睡這三年。〔旦〕流年度。怕春色二分一分塵土。〔生〕小姐。此處風露。不可久停。且扶到觀中。好處將息去。〔下〕

天賜燕支一抹腮。

隨君此去出泉臺。

俺來穿穴非無意。

願結靈姻愧短才。

第二十六齣 婚走

〔不是路〕〔末上〕深院閒階。花影蕭蕭轉翠苔。〔扣門介〕人誰在。〔內云〕是誰。〔末〕是陳生探望柳君來。〔內應云〕來了。〔末〕忒奇哉。怎女兒聲息紗窗外。硬抵門兒應不開。〔又扣門介〕是誰。〔末〕陳最良。〔開門見介〕承車蓋。俺衣冠未整因遲待。〔末〕有些驚怪。〔生〕有何驚怪。

〔前腔〕〔末〕不是天台。怎風度嬌音隔院猜。〔淨〕原來陳齋長到來。〔生〕陳先生說裏面婦娘聲息。則是老姑姑。〔淨〕是了。長生會蓮花觀裏一個小姑來。〔末〕便是前日的小姑麼。〔淨〕另是一衆。〔末〕好哩。這梅花觀一發興哩。也是杜小姐冥福所致。因此徑來相約。明午整個小盒兒。同柳兄往墳上隨喜去。暫告辭了。無閒會。今朝有約明朝在。酒滴青娥墓上

回。〔生〕承拖帶。這姑姑點不出個茶兒待。卽來回拜。〔末〕慢來回拜。〔下生〕喜的陳先生去了。請小姐有話。〔扶旦上淨〕怎了怎了。陳先生明日要上小姐墳去。事露之時。一來小姐有妖冶之名。二來公相無閨闈之教。三來秀才坐迷惑之譏。四來老身招發掘之罪。如何是了。〔旦〕老姑姑。待怎生好。〔淨〕小姐。這柳秀才待往臨安取應。不如早成親事。叫童兒尋隻贛船。夤夜開去。

以滅其蹤。意下何如。〔旦〕這也罷了。〔淨〕有酒在此。你二人拜告天地。〔拜把酒介〕

〔榴花泣〕〔生〕二年一夢。人世兩和諧。承合盞。送金杯。比墓田春酒。這新醅。纔

醜轉^多入面桃腮。〔旦悲介〕傷春便埋。似中山醉夢。二年在。〔淨〕看伊行鸞鳳和鳴。

還休訝土木形骸。〔丑扮孩童上攏船介〕門外船便。相公簾下小姐班。〔淨辭介〕相公小姐。小心

去了。〔生〕小姐無人伏侍。煩老姑姑一行。得了官時相報。〔淨〕俺不會收拾。〔背介〕事發相連。走爲

上計。〔回介〕也罷。相公賞姪兒什麼。着他收拾俺房頭。俺伴小姐去來。〔丑〕使得。〔生〕便賞他這件

衣服。〔解衣介丑〕謝了。事發誰當。〔生〕則推不知便了。〔丑〕這等請了。禿廝兒權充道伴。女冠子真

當梅香。〔下衆上船介〕

〔急板令〕〔生〕別南安孤帆夜開。采芙蓉雙雙並載。〔旦悲介生〕因何弔下淚來。〔旦〕

歎三年此埋。想獨自誰挨。翠黯香囊。泥漬金釵。怕天上人間。心事難諧。〔合〕似

倩女還魂到來。神脈脈。意哈哈。〔淨〕夜深了。叫停船。你兩人睡罷。

〔尾聲〕〔生〕情根一點是無生債。〔旦〕嘆孤墳何處是俺望夫臺。柳郎俺和你死

裏淘生情似海。

偷去須從月下移。

好風偏似送佳期。

傍人不識扁舟意。

惟有新人子細知。

第二十七齣 駭變

〔末上〕〔集唐〕風吹不動頂垂絲。吟背春城出草遲。畢竟百年渾是夢。夜來風雨葬西施。俺陳最良只因感激杜太守。爲他看顧小姐墳塋。昨日約了柳秀才墳上望去。不免走一遭。〔行介〕巖扉不掩雲長在。院徑無媒草自生。待俺叫門。〔叫介〕呀。往常門兒重重掩上。今日都開在此。待俺參了聖。〔看菩薩介〕咳。冷清清沒香沒燈的呀。怎不見了杜小姐牌位。待俺問一聲老姑姑。〔叫三聲介〕誰家去了。待俺叫柳兄問他。〔叫介〕柳朋友。〔又叫介〕柳秀才。一發不應了。〔看介〕嗔。柳秀才去了。醫好了他。來不參。去不辭。沒行止。沒行止。待俺西房瞧瞧。哎。道姑也搬去了。磬兒鍋兒牀席一些都不見了。怪哉。〔想介〕是了。日前小道姑有話。日昨又聽的小道姑聲息。於中必有柳夢梅勾搭事情。一夜去了。沒行止。沒行止。繇他繇他。且後園看小姐墳去。〔行介〕

〔懶畫眉〕深徑側老蒼苔。那幾所月榭風亭久不開。當時曾此葬金釵。〔望介〕呀。舊墳高高兒的。如今平下來了。緣何不見墳兒在。敢是狐兔穿空倒塌來。這太湖石只左邊靠動了些。梅樹依然。〔驚介〕哎呀。小姐墳被劫了也。〔放聲哭介〕

〔朝天子〕小姐天呵。是甚發塚無情短倖材。他有多少金珠葬在打眼來。小姐。你若早有人家也搬回去了。則爲玉鏡臺無分照泉臺。好孤哉。怕蛇鑽骨。樹穿骸。不隄防這災。〔見介〕咳呀。這草窩裏不是硃漆板頭。這不是大鏽釘。開了去。天呵。小姐骨殖丟在那裏。

〔望介〕那池塘裏浮着一片棺材。是了。小姐尸骨拋在河裏去了。狠心賊也。先師云。虎兇出於柙。龜玉毀於櫝中。典守者不得辭其責。俺如今先稟了南安府緝拿。星夜往淮揚報知杜老先生去。

〔尾聲〕石虔婆他古弄裏金珠曾見來。柳夢梅他做得個破周書汲冢才。小姐呵。你道他爲什麼向金蓋銀牆做打家賊。

丘墳發掘當官路。

春草茫茫墓亦無。

致汝無辜繇俺罪。

狂眠恣飲是凶徒。

第二十八齣 淮警

〔霜天曉角〕〔淨引衆上〕英雄出衆。鼓譟紅旗動。三年繡甲錦蒙茸。彈劍把雕鞍斜鞚。賊子豪雄是李全。忠心赤膽向胡天。靴尖踢倒長天塹。卻笑江南土不堅。俺溜金王奉大金之命。騷擾江淮三年。打聽大金家兵糧湊集。將次南征。教俺淮揚開路。不免請出賤房計議。

〔前腔〕〔丑上〕帳蓮深擁。壓寨的陰謀重。〔見介〕大王興也。你夜來鏖戰好粗雄。

困的俺垓心沒縫。大王夫。俺睡倦了。請俺甚事商量。〔淨〕聞的金主南侵。教俺攻打淮揚。以便征進。思想揚州。有杜安撫守鎮。急切難攻。如何是好。〔丑〕依奴家所見。先圍了淮安。杜安撫定然赴救。俺分兵揚州。斷其聲援。於中取事。〔淨〕高高娘娘這計。李全要怕你了。〔丑〕你那一宗兒不怕了奴家。〔淨〕快起兵去攻打淮城。

〔錦上花〕撥轉磨旗峯。促緊先鋒。千兵擺列。萬馬奔冲。鼓通通。鼓通通。譟的那淮揚動。

〔前腔〕軍中母大蟲。綽有威風。連環陣勢。烟粉牢籠。哈哄哄。哈哄哄。哄的那淮

揚動。

日暮風沙古戰場。

軍營人學內家妝。

如今領帥紅旗下。

擘破雲鬟金鳳凰。

第二十九齣 如杭

〔唐多令〕〔生上〕海月未塵埋。〔旦上〕新妝倚鏡臺。〔生〕捲錢塘風色破書齋。

〔旦〕夫。昨夜天香雲外。吹桂子月中開。〔生〕夫妻客旅悶難開。〔旦〕待喚提壺酒一杯。

〔生〕江上怒潮千丈雪。〔旦〕好似禹門平地一聲雷。〔生〕俺和你夫妻相隨。到了臨安京都地面。賃

下這所空房。可以理會書史。爭奈試期尙遠。客思轉深。如何是好。〔旦〕早上分付姑姑。買酒一壺。少

解夫君之悶。尙未見回。〔生〕生受了娘子。當初只說你是西鄰女子。誰知感動幽冥。匆匆成其夫婦。

一路而來。到今不曾請教。小姐。可是見小生於道院西頭。因何詩句上不是梅邊是柳邊。就指定了

小生姓名。這靈通委是怎的。〔旦笑介〕柳郎。俺說見你於道院西頭是假。俺前生呵。

〔江兒水〕偶和你後花園曾夢來。擎一朵柳絲兒。要俺把詩篇賽。奴正題詠間。便

和你牡丹亭上去了。〔生笑介〕可好呢。〔旦笑介〕咳。正好中間。落花驚醒。此後神情不定。一病奄奄。這是聰明反被聰明帶。真誠不得真誠在。冤親做下這冤親債。一點色情難壞。再世爲人。又看見這帝城風采。〔淨提酒上〕路從丹鳳城邊過。酒向金魚館內沽。呀。相公小姐不知。俺在江頭沽酒。看見各路秀才。都赴選場去了。相公錯過天大好事。〔生旦作忙介〕相公。只索快行。〔淨〕這酒便是狀元紅了。〔旦把酒介〕

〔小措大〕喜的一宵恩愛。被功名二字驚開。好開懷這御酒三杯。放着四婢娟人月在。立朝馬五更門外。聽六街裏喧傳人氣槩。七步才。蹬上了寒宮八寶臺。沈醉了九重春色。便看花十里歸來。

〔前腔〕〔生〕十年窗下。遇梅花凍九纔開。夫貴妻榮八字安排。敢你七香車穩情載。六宮宣有你朝拜。五花誥封你非分外。論四德。似你那三從結願諧。二指大泥金報喜。打一輪皂蓋飛來。〔旦〕夫記的春容詩句。

〔尾聲〕盼今朝得傍你蟾宮客。你和俺倍精神金階對策。高中了。同去訪你丈人丈

母呵。則道俺從地窟裏登仙那大喝采。

良人的的有奇才。

恐失佳期後命摧。

紅粉樓中應計日。

遙聞笑語自天來。

第三十齣 僕值

〔淨郭駝挑擔上〕家人做事興。全靠主人命。主人不在家。園樹不開花。俺老駝一生依着柳相公。種果爲生。自柳相公去後。老駝無主。因此發個老狠。體探俺相公過嶺北來了。在梅花觀養病。直尋到此。不見俺相公。聽的邊廂人說道。婆爲事走了。有個姪兒癩頭龜。小西門住。找尋他去。兀的前面一個小廝來了。

〔金錢花〕〔丑疙童披衣笑上〕自小疙辣郎當。郎當官司拿俺爲姑娘。姑娘盡了法。腦皮撞。得了命。賣了房。充小廝。串街坊。〔淨向前叫揖介〕小官唱喏。〔丑作不回揖大笑唱

介〕俺小官子腰閃價。唱不的子喏。比你個陀子。唱喏則當伸子個腰。〔淨〕這賊種開口傷人。難道做小官的背偏不陀。〔丑〕刮這陀子嘴。偷了你什麼賊。〔淨認丑衣介〕別的罷了。則這件衣服。嶺

南柳相公的。怎在你身上。〔丑〕咳呀。難道俺做小官的。就沒件干潔衣服。便是嶺南柳家的。隔這般一道梅花嶺。誰見俺偷來。〔淨〕這衣帶上有字。你還不認。叫地方。〔扯丑作怕倒介〕罷了。衣服還你去囉。〔淨〕要哩。我正要問一個人。〔丑〕誰。〔淨〕柳秀才那裏去了。〔丑〕不知。〔淨三問丑三不知介〕

〔淨〕你不說。叫地方去。〔丑〕罷了。大路頭難好講話。演武廳去。〔行介淨〕好個僻靜所在。〔丑〕柳秀才到有一個。且問你是他何人。〔淨云〕他是我主人。〔丑〕元來是柳大官。且住。要他去。老兒你聽者。

〔尾犯序〕他到此病郎當。逢着杜太爺銜教小姐的陳秀才。勾引他養病菴堂。去後園

遊賞。〔淨〕後來。〔丑〕一遊遊到杜小姐墳兒上。拾的一軸春容。朝思暮想。做出事來。〔淨〕怎的來。

〔丑〕秀才家爲真當假。劫墳偷墳。〔淨驚介〕這卻怎了。〔丑〕你還不知。被那陳教授稟了

官。圍住觀門。拖番柳秀才和俺姑娘。行了杖棚。搵壓。不怕不招。點了供紙。解上江西提刑廉訪司。問那六案都孔目。這男女應得何罪。六案請了律令。稟復道。但偷墳見屍者。依律一秋。〔淨〕怎麼秋。〔丑作案淨頭介〕這等秋。〔淨驚哭介〕俺的柳秀才呵。老跔沒處投奔了。〔丑笑介〕休慌。後來遇

赦了。便是那杜小姐活轉來哩。〔淨〕有這等事。〔丑〕活鬼頭還做了秀才正房。俺那死姑娘到做了梅香伴當。〔淨〕何往。〔丑〕臨安去。送他上路。賞這領舊衣裳。〔淨〕嚇俺一跳。卻早喜也。

〔尾聲〕去臨安定是圖金榜。〔丑〕着了。〔淨〕俺勒掙着軀腰走帝鄉。〔丑〕老哥。你路上精細些。現如今一路裏畫影圖形捕兇黨。

尋得仙源訪隱淪。

郡城南下是通津。

衆中不敢分明說。

遙想風流第一人。

第三十一齣 耽試

〔鳳凰閣〕〔淨苗舜賓引衆上〕九邊烽火咤。秋水魚龍怎化。廣寒丹桂吐層花。誰向雲端折下。〔集唐〕鑄時天匠待英豪。引手何方一釣鰲。報答春光知有處。文章分得鳳凰毛。下官苗

舜賓便是。聖上因俺香山能辨番回寶色。欽取來京典試。因金兵搖動。臨軒策士。問和戰守三者孰便。各房俱已取中頭卷。聖旨着下官詳定。想起來看寶易。看文字難。如今卻也奉旨無奈。左右。開箱

取各房卷子上來。〔衆取卷上淨作看介〕這試卷好少也。且取天字號三卷。看是何如。第一卷。詔問和守戰三者孰便。臣謹對。臣聞國家之和賊。如里老之和事。呀。里老和事。和的罷。國家事和不來怎了。本房擬他狀元。好沒分曉。且看第二卷。這意思主守。〔看介〕臣聞天子之守國。如女子之守身也。比的小了。再看第三卷。到是主戰。〔看介〕臣聞南朝之戰北。如老陽之戰陰。此語忒奇。但是周易有陰陽交戰之說。以前主和。被秦太師誤了。今日權取主戰者第一。主守者第二。主和者第三。其餘諸卷。以次而定。

〔神仗兒〕〔生上〕風塵戰鬪。風塵戰鬪。奇才輻輳。〔丑〕秀才來的停當。試期過了。〔生〕

呀。試期過了。文字可進呈麼。〔丑〕不進呈。難道等你。道英雄入彀。恰鎖院進呈時候。〔生〕

怕沒有狀元在裏也哥。〔丑〕不多。有三個了。〔生〕萬馬爭先。偏驂騮落後。你快裏有個遺才

狀元求見。〔丑〕這是朝房裏面。府州縣道告遺才哩。〔生〕大哥。你真個不稟。〔哭介〕天呵。苗老先費

發俺來獻寶。止不住卞和羞。對重瞳雙淚流。〔淨聽介〕掌門的。這什麼所在。拿過來。〔丑

扯生進介生〕告遺才的。望老大人收考。〔淨〕哎也。聖旨臨軒。翰林院封進。誰敢再收。〔生哭介〕生

員從嶺南萬里。帶家口而來。無路可投。願觸金階而死。〔生起觸階丑止介淨背云〕這秀才像是柳

生。真乃南海遺珠也。〔回介〕秀才上來。可有卷子。〔生〕卷子備有。〔淨〕這等姑准收考。一視同仁。

〔生跪介〕千載奇遇。〔淨念題介〕聖旨問汝多士。近聞金兵犯境。惟有和戰守三策。其便何如。〔生

叩頭介〕領聖旨。〔起介丑〕東席舍去。〔生寫策介淨再將前卷細觀看介〕頭卷主戰。二卷主守。三

卷主和。主和的怕不中聖意。〔生交卷淨看介〕呀。風簷寸晷。立掃千言。可敬可敬。俺急忙難看。只說

和戰守三件。你主那一件兒。〔生〕生員也無偏主。天下大勢。能戰而後能守。能守而後能戰。可戰可

守而後能和。如醫用藥。戰爲表。守爲裏。和在表裏之間。〔淨〕高見高見。則當今事勢何如。

〔馬啼花〕〔生〕當今呵。寶駕遲留。則道西湖畫錦遊。爲三秋桂子。十里荷香。一

段邊愁。則願的吳山立馬那人休。俺燕雲唾手何時就。若止是和呵。小朝廷羞殺

江南。便戰守呵。請鑾輿略近神州。〔淨〕秀才言之有理。

〔前腔〕聖主垂旒。想泣玉遺珠一網收。對策者千餘人。那些不知時務。未曉天心。

怎做儒流。似你呵。三分話點破帝王憂。萬言策檢盡乾坤漏。〔生〕小生嶺海之士。〔淨

低介〕知道了。你釣竿兒拂綽了珊瑚。敢今番着了鰲頭。秀才。午門外候旨。〔生應出

背介〕這試官卻是苗大人。嫌疑之際。不敢相認。且當清鏡明開眼。惟願朱衣暗點頭。〔下淨〕試

卷俱已詳定。左右跟隨進呈去。〔行介〕絲綸閣下文章靜。鐘鼓樓中刻漏長。呀。那裏鼓響。〔內急播

鼓介丑〕是樞密府樓前邊報鼓。〔內馬嘶介淨〕邊報緊急。怎了怎了。〔外老樞密上〕花萼夾城通

御氣。芙蓉小苑入邊愁。〔見介淨〕老先生奏邊事而來。〔外〕便是。先生爲進卷而來。〔淨〕正是。〔外〕

今日之事。以緩急爲先後。僭了。〔外叩頭奏事介〕掌管天下兵馬知樞密院事臣謹奏俺主。〔內宣

介〕所奏何事。〔外〕

〔滴溜子〕金人的。金人的。風聞入寇。〔內〕誰是先鋒。〔外〕李全的。李全的。前來戰

鬪。〔內〕到什麼地方了。〔外〕報到了淮揚左右。〔內〕何人可以調度。〔外〕有杜寶現爲淮揚安

撫。怕邊關早晚休。要星忙廝救。〔淨叩頭奏事介〕臣看卷官苗舜賓謹奏俺主。

〔前腔〕臨軒的。臨軒的。文章看就。呈御覽。呈御覽。定其卷首。黃道日傳臚祇候。

衆多官在殿頭。把瓊林宴備久。〔內〕奏事官聽旨。朕惟治天下有緩有急。乃武乃文。今淮

揚危急。便着安撫杜寶。前去迎敵。不可有遲。其傳臚一事。待干戈寧集。偃武修文。可諭知多士。叩頭。
〔外淨叩頭呼萬歲起介〕

澤國江山入戰圖。

曳裾終日盛文儒。

多才自有雲霄望。

其奈邊防重武夫。

第二十二齣 移鎮

〔夜遊船〕〔外杜安撫引衆上〕西風揚子津頭樹。望長淮渺渺愁予。〔老旦〕枕障江

南。鈎連塞北。如此江山幾處。相公萬福。〔外〕夫人免禮。〔玉樓春〕〔老〕相公幾年別下南安路。

春去秋來朝復暮。〔外〕空懷錦水故鄉情。不見揚州行樂處。〔老〕你摩梭老劍評今古。那個英雄開

處住。〔淚介合〕忘憂恨自少宜男。淚灑嶺雲江外樹。〔老〕相公。俺提起亡女。你便無言。豈知俺心中

愁恨。一來爲苦傷女兒。二來爲全無子息。待趁在揚州。尋下一房。與相公傳後。尊意何如。〔外〕當今

王事匆匆。何心及此。〔老〕苦殺俺麗娘兒也。〔哭介淨報子上〕詔從日月威光遠。兵洗江淮殺氣高。

稟老爺。有朝報。〔外起看報介〕樞密院一本。爲金兵寇淮事。奉聖旨。便着淮揚安撫使杜寶。刻日渡

淮不許遲誤。欽此。呀。兵機緊急。聖旨森嚴。夫人。俺同你移鎮淮安。就此起程了。〔丑驛丞上〕羽檄從參贊。牙籤報驛程。稟老爺。船隻齊備。〔內鼓吹介上船介內稟合屬官吏候送外分付起去介外〕夫人。又是一江秋色也。

〔長拍〕天意秋初。天意秋初。金風微度。城闕外。畫橋烟樹。看初收潑火。嫩涼生。微雨沾裾。移畫舸。浸蓬壺。報潮生。風氣肅。浪花飛吐。點點白鷗飛近渡。風定也。落日搖帆。映綠蒲。白雲秋窄的。鳴簫鼓。何處菱歌。喚起江湖。呀。岸上跑馬的什麼人。

〔不是路〕〔丑報子上〕萬騎胡奴。他要塹斷長淮塞。五湖老爺快行。休遲誤。小的先去也。怕圍城緩急要降胡。〔下老旦哭介〕待何如。你星霜滿鬢當戎虜。似這等

烽火連天各路衢。〔外〕真愁促。怕揚州隔斷無歸路。再和你相逢何處。相逢何處。夫人。軍情緊急。就此告辭。前去揚州。定然有警。你和春香。迴舟徑走臨安。

〔短拍〕老影分飛。老影分飛。似參軍杜甫。把山妻泣向天隅。〔老哭介〕戈戟遍江湖。亂軍中別了夫主。〔合〕嘆殘生兩下支吾。況熒熒形孤影獨。生和死圖的個

夢和書。

隋堤風物已淒涼。

楚漢寧教作戰場。

閨閣不知戎馬事。

雙雙相趁下殘陽。

第二十二齣 急難

〔菊花新〕〔旦上〕曉妝臺圓夢鵲聲高。閒把金釵帶笑敲。博山秋影搖。盼泥金

俺明香暗焦。鬼魂求出世。貧落望登科。大榮妻貴顯。凝盼事如何。俺杜麗娘跟隨柳郎科試。偶逢

天子招賢。只這些時還遲喜報。正是長安咫尺如千里。夫婿迢遙第一人。

〔出隊子〕〔生上〕詞場湊巧。無奈兵戈起禍苗。盼泥金賺殺玉多嬌。他待地窟

裏隨人上九霄。一脈離魂。江雲暮潮。〔見介旦〕柳郎。你回來了。望你高車畫錦。爲何徒步而

回。〔生〕聽俺道來。

〔瓦盆兒〕去遲科試。收場鎖院散羣豪。〔旦〕咳。原來去遲了。〔生〕喜逢着。舊知交。

〔旦〕可曾補上。〔生〕虧他滿船明月又把去珠淘。〔旦喜介〕好了。放榜未。〔生〕恰正在

奏龍樓。開鳳榜。蹊蹊。〔旦〕怎生蹊蹊。〔生〕你不知大金家兵起。殺過淮揚來了。忙喇煞細柳營。權將杏苑拋。剛則遲誤了你夫人花誥。〔旦〕遲也不爭幾時。則問你淮揚地方。便是俺爹爹管轄之處了。〔生〕便是。〔旦哭介〕天也。俺的爹娘怎了。〔泣介生〕直恁的活擦擦。痛生。腸斷了。比如你在泉路裏可心焦。〔旦〕罷了。奴有一言。未敢啓齒。〔生〕但說不妨。〔旦〕柳郎。放榜之期尚遠。欲煩你淮揚打聽爹娘消耗。未番許否。〔生〕謹依尊命。奈放小姐不下。〔旦〕不妨。有姑姑爲伴。奴家自會支吾。〔生〕這等就此起程了。

〔榴花泣〕〔旦〕白雲親舍。俺孤影舊梅梢。道香魂恁寂寥。怎知魂向你柳枝銷。維揚千里長。是一靈飄。回生事少。可將我春容帶在身傍。怕爹娘呵。聽的俺活在人間。驚一跳。平白地鳳壻過門。好似半青天鵲影成橋。

〔漁家燈〕〔生〕俺滿意兒。乘駟馬題橋。和你離魂女。同歸氣高。誰承望探雙親。去傍干戈。怕寒儒欠整衣毛。〔旦〕女婿老成些不妨。則路途孤栖。使奴思念。〔生〕秋霄雲橫雁字斜。陽道向秦淮夜泊魂消。〔旦〕夫。你去時冷落些。回來報中狀元呵。〔生〕名標大

拜門喧笑。抵多少駙馬還朝。

〔尾聲〕〔拜別介旦〕秀才郎探的個門楣着。〔生〕報重生這歡聲不小。〔旦〕柳

郎那裏平安了便回。休只顧的月明橋上聽吹簫。

不爲經時謁丈人。囊無一物獻尊親。

馬蹄走入揚州路。兩地各傷無限神。

第二十四齣 寇間

〔普賢歌〕〔淨丑衆上〕莽乾坤生俺賊兒頑。誰道賊人膽裏單。南朝俺不蠻。北

朝俺不番。甚天公有處安排俺。娘娘俺和你圍了淮安許久。只是不下。要得個人去淮安打

話。恰好巡哨的拏得個漢子。番問他說是南安秀才陳最良。元在杜安撫衙內教書。知他有夫人甄

氏。使女春香。他是杜老兒親信之人。正好將計就計。娘娘有何妙策。〔丑〕大王。奴家有了一計。昨日

殺了幾個婦人。可於中取去首級兩顆。則說杜家老小。回至揚州。被俺手下殺了。獻首在此。故意蘇

放那腐儒。傳示杜老。杜老心寒。必無守城之意矣。〔淨〕高見高見。〔淨起低聲分付介〕叫中軍。〔生

〔上淨〕俺請那腐儒講話。中間你可將昨日殺的婦人首級二顆來獻。則說是杜安撫夫人甄氏和他使女春香。牢記着。〔生應下淨〕左右。拿那秀才來見。〔衆押末上介〕

〔粉蝶兒〕〔末〕沒路走羊腸。天天呵。撞入這屠門怎放。饒命大王。〔淨〕你是個細作。

不可輕饒。〔丑〕大王。他既是失路窮儒。勸大王鬆了他。〔淨〕也罷。依娘娘說。鬆了他。〔衆放末綁介

末叩頭介〕叩謝大王娘娘不殺之恩。〔內搥鼓生報子上〕報報報。揚州路上兵馬。殺了杜安撫家

小。竟來獻首級討賞。〔淨看介〕則怕是假的。〔衆〕千真萬真。夫人甄氏。這使女叫做春香。〔末做看

認驚哭介〕天呵。真個是老夫人和春香也。〔淨〕唬。腐儒啼哭什麼。還要打破淮城。殺杜老兒去。

〔末〕饒了罷。大王。〔淨〕要饒他。除非獻了這座淮安城罷。〔末〕這等容生員去傳示大王虎威。立取

回報。〔丑〕大王恕你一刀。腐儒快走。〔內搥鼓發喊開門介末作怕介〕

〔尾聲〕顯威風記的這溜金王。〔淨丑〕你去說與杜安撫呵。着什麼耀武揚威早納

降。俺實實的要占江山非是謊。〔淨丑下〕

海神東過惡風迴。

日暮沙場飛作灰。

今日山翁舊賓主。

與人頭上拂塵埃。

第三十五齣 折寇

〔破陣子〕

〔外戎裝佩劍引衆上〕

接濟風雲陣勢。侵尋歲月邊垂。

我杜寶自到淮揚。

卽遭兵亂。孤城一片。死守繇天。但李全賊兵數萬。破此何難。進退遲疑。其間有故。欲得一人前去探取動定。說他降順。苦無其便。好生悶人。正是誰能談笑解重圍。萬里胡天鳥不飛。今日海門南畔事。

滿頭霜雪爲兵機。〔內搗鼓報子上〕羽檄場中無雁到。鬼門關上有人來。好笑城圍的鐵桶似緊。有

個秀才來打秋風。則索報去。稟老爺。有個故人相訪。〔外〕敢是好細。〔淨〕說是江右南安府陳秀才。

〔外〕這迂儒怎生飛的進來。快請快請。〔末〕頭白乘驢懸布裳。〔外〕故人相見憶山陽。〔末〕橫塘一

別千餘里。〔外〕卻認并州作故鄉。〔末〕恭念公相。又苦傷老夫人回揚州。被賊兵所算了。〔外驚介〕

怎知道。〔末〕生員在賊營中眼同驗過。老夫人首級同春香都殺了。〔外哭介〕

〔玉桂枝〕相夫登第。表賢名甄氏吾妻。稱皇宣一品夫人。又待伴俺立雙忠烈。

女。嘆孤城此日。嘆孤城此日。危如卵纜。恁遭顛沛。〔作惱拭淚介〕呀。好沒來繇。夫人是

朝廷命婦。罵賊而死。理所當然。我怎爲他亂了方寸。灰了軍心。身爲將。怎顧的私。任恓惶。百無悔。陳先生。溜金王還有講麼。〔末〕不好說得。他還要殺老先生。〔外〕咳。他殺俺甚意兒。俺拚學睢陽死報國。〔末做扯外耳語介〕那溜金王要這座淮安城。〔外〕嚙聲。那賊營中是一個座位。是兩個座位。〔末〕他和妻子連席而坐。〔外笑介〕這等。吾解此圍必矣。先生竟爲何來。〔末〕老先生不問。幾乎忘了。爲小姐墳兒被盜。竟此相報。〔外驚介〕天呵。塚中枯骨。與賊何仇。都則爲那些寶玩害了也。賊是誰。〔末〕老公相去後。石道姑招了個嶺南遊棍柳夢梅爲伴。見物起心。一夜劫墳逃去。屍骨投之池水中。因此不遠千里而告。〔外嘆介〕女墳被發。夫人遭難。正是未歸三尺土。難保百年身。既歸三尺土。難保百年墳。也索罷了。則可惜先生一片好心。〔末〕生員拜別老公相後。一發貧薄了。〔外嘆介〕軍中倉卒。無以爲情。我把一大功勞。先生幹去。〔末〕願效勞。〔外〕我今寫下咫尺之書。要李全解散三軍之衆。餘無可使。煩公一行。左右。取過書儀來。倘說得李全降順。便可歸奏朝廷。自有個出身之處。〔生取書儀介〕儒生三寸舌。將軍一紙書。書儀在此。〔末〕途費謹領。送書一事。其實怕人。〔外〕不妨。

〔榴花泣〕兵如鐵桶。一使在其中。將折簡去和戎。陳先生。你志誠打的賊兒通。

雖然寇盜奸雄。他也相機而動。〔末〕恐遊說非書生之事。〔外〕看他開圍放你而來。其意可

知。你這書生正好做傳書用。〔末〕仗恩臺一字長城。借寒儒八面威風。〔內鼓

吹介〕

〔尾聲〕戍樓羌笛話匆匆。事成呵。你歸去朝廷沾寸寵。這紙書敢則是保障江淮第一封。

隔河征戰幾歸人。

五馬臨流待幕賓。

勞動先生遠相訪。

恩波自會惜枯鱗。

第二十六齣 圍釋

〔雙勸酒〕〔淨引衆上〕橫江虎牙。插天鷹架。擂鼓揚旗。衝車甲馬。把座錦城牆

圍的陣雲花。杜安撫你有翅難加。自家溜金玉。攻打淮城。日久未下。外勢雖然虎踞。中心未

免狐疑。一來怕南朝大兵兼程而進。二來怕北朝見責。委任無功。真個進退兩難。待娘娘到來計議。

〔丑上〕驅兵捉將蚩尤女。捏鬼妝神豹子妻。大王。你可聽見大金暗地差人去到南朝。未必其中有話。〔淨〕果有這事。還須別作道理。〔內搗鼓介貼報子上〕報報報。前日放去的老秀才。從淮城中單馬飛來。道有緊急。投見大王。〔丑〕恰好。着他進來。

〔縷縷金〕〔末上〕無之奈可如何。書生承將令。強嘍囉。〔內喊末驚跌介〕一聲金砲響。將人跌蹉。可憐可憐。密札札千戈。其間放着我。〔貼唱門介〕生員進。〔末見介〕萬死

一生。生員陳最良。百拜大王殿下。娘娘殿下。〔淨〕杜安撫獻了城池。〔末〕城池不爲希罕。敬來獻一座王位與大王。〔淨〕寡人久已爲王了。〔末〕正是官上加官。職上添職。杜安撫有書呈上。〔淨看書介〕通家生杜寶。頓首李王麾下。〔問末介〕秀才我與杜安撫有何通家。〔末〕漢朝有個李杜至交。唐朝也有個李杜契友。因此杜安撫斗膽稱個通家。〔淨〕這老兒好意思。書有何言。

〔一封書〕〔讀介〕聞君事外朝。虎狼心難定交。肯回心聖朝。保富貴全忠孝。平梁取采須收好。背暗投明帶早超。憑陸賈。說莊躑。顛望麾。慈卽鑒。昭。〔笑介〕這書勸我降宋。其實難從。外密啓一通。奉呈尊闈夫人。〔笑介〕杜安撫也畏敬娘娘哩。〔丑〕你念我聽。

〔淨看書介〕通家生杜寶頓首楊老娘娘帳前。咳也。杜安撫與娘娘又通家起來。〔末〕大王通得去。娘娘也通得去。〔丑〕說得好。細念我聽。〔淨念書介〕通家生杜寶頓首楊老娘娘帳前。遠聞金朝封貴夫爲溜金王。並無封號及於夫人。此何禮也。杜寶久已保奏大宋。勅封夫人爲討金娘娘之職。伏惟妝次鑒納不宜好也。到先替娘娘討了恩典哩。〔丑〕既然如此。便寫下降表。齎發秀才回奏南朝去。

〔尾聲〕〔淨〕咱比李山兒何足道。這楊令婆委實高。〔末〕帶了你這一紙降書。管取那趙官家歡笑倒。〔下〕

干戈未定各爲君。

龍鬪雌雄勢已分。

獨把一麾江海去。

莫將弓箭射官軍。

第三十七齣 遇母

〔月兒高〕〔老旦貼行路上〕江北生兵亂。江南走多半。不載香車。只一個春香伴。捱到臨安。趁黃昏生乞察的難投館。〔貼〕且喜到臨安了。〔老〕咳。萬死一逃生。得到臨安府。

俺姑娘無處投。長路多孤苦。〔貼〕前面像是個半開門兒。驀了進去。〔老進介〕呀。門房空靜。內可有人。〔旦〕誰。〔貼〕是個女人聲息。待打叫一聲開門。

〔不是路〕〔旦驚介〕斜倚雕闌。何處嬌音喚啓關。〔老〕行程晚。姑娘們借住霎兒間。〔見介旦〕呀。元來是一位姑娘。請裏坐。〔打照面介老作驚介背叫貼〕春香這像誰來。〔貼驚介〕不敢說。好像小姐。〔老〕敢是鬼也。〔貼下旦背〕這位姑娘好像我母親。那丫頭好像春香。〔作回問介〕敢問老夫人何方而來。〔老嘆介〕自淮安。我相公是淮揚安撫。遭兵難。我被擄逃生。到此間。〔旦背介〕是我母親了。我可認他。〔向前哭娘介老作避介〕敢是我女孩兒。怠慢了你。你活現了。春香。有隨身紙錢。快丟快丟。〔貼丟紙錢介旦〕兒不是鬼。娘。你女兒有話講。〔老〕則略靠遠。冷淋侵。一陣風兒旋。這般活現。〔旦〕那些活現。〔貼叩頭介〕小姐。休要撚了春香。〔旦哭介〕娘。你這等怕。女孩兒死不放娘去了。

〔前腔〕〔淨持燈上〕門戶牢拴。爲甚空堂人語諠。〔照地介〕這青苔院。怎生吹落紙黃錢。〔貼〕夫人。來的不是道姑。〔老〕可是。〔淨驚介〕呀。老夫人和春香那裏來。這般大驚小怪。看

他打盤旋。那夫人呵。怕漆燈無燄。將身遠。小姐恨不得幽室生輝。得近前。〔旦〕姑姑好來。奶奶害怕。〔貼〕這姑姑敢也是個鬼。〔淨扯老照旦介〕休疑憚。移燈就月端詳遍。可是當年人面。〔合〕是當年人面。〔老抱旦泣介〕兒呵。便是鬼娘也不捨的去了。

〔前腔〕腸斷三年。怎墜海明珠去復旋。〔旦〕爹娘面。陰司裏憐念把魂還。〔貼〕

小姐。你怎生出的墳來。〔旦〕好難言。〔老〕是怎生來。〔旦〕則感的是東岳大恩眷。托夢一個書生把墓踰穿。〔老〕書生何方人氏。〔旦〕是嶺南柳夢梅。〔貼〕怪哉。當真有個柳和梅。〔老〕

怎到得這來。〔旦〕他來赴選。〔老〕這等是個好秀才。快請相見。〔旦〕我央他看淮揚動定去把爹娘探。因此上獨眠深院。獨眠深院。〔老背與貼語介〕有這等事。〔貼〕便是。難道有這樣出跳的鬼。〔老回泣介〕我的兒呵。

〔番山虎〕則道你烈性上青天。端坐在西方九品蓮。不道三年鬼窟裏重相見。哭的我手麻腸寸斷。心枯淚點穿。〔旦〕你將骸拋淺土。教我骨冷難眠。看時兒立地。叫時娘各天。〔老旦〕怕你茶酒飯無澆奠。牛羊侵墓田。〔合〕今夕何年。今

夕何年。還怕這相逢夢邊。

〔尾聲〕〔老〕感的化生女顯活在燈前面。則你的親爹。他在賊子窩中沒信傳。

〔旦〕娘放心。有我那信行的人兒。他穴地通天打聽的遠。

想像精靈欲見難。碧桃何處便驂鸞。

莫道非人身不煖。菱花初曉鏡光寒。

第二十八齣 淮泊

〔三登樂〕〔生包袱雨傘上〕有路難投。禁得這亂離時候。走孤寒落葉知秋。爲嬌妻。思岳丈。探聽揚州。又誰料他困守淮揚。索奔前答救。〔集唐〕那能得計訪情親。濁

水污泥清路塵。自恨爲儒逢世難。卻憐無事是家貧。俺柳夢梅陽世寒儒。蒙杜小姐陰司熱寵。得爲夫婦。相隨赴科。且喜殿試攢過卷子。又被邊報耽誤榜期。因此小姐呵。聞說他尊翁淮揚兵急。叫俺沿路上體訪安危。親齋一幅春容。敬報再生之喜。雖則如此。一路上囊篋無多。逐日裏支入有盡。到的揚州地面。恰好岳丈大人移鎮淮城。賊兵阻路。不敢前進。且喜因循解散。不免迤逗數程。

〔錦纏道〕早則要醉揚州。尋杜牧夢三生花月樓。怎知他長淮去休。那裏有纏十萬順天風跨鶴閒遊。則索傍漁樵尋食宿。敗荷衰柳。添一抹五湖秋。那秋意兒有許多迤逗。咱功名事未酬。冷落我斷腸閨秀。堪回首。算江南江北有十分愁。一路行來。且喜到了淮城。此是漂母祠邊。天色已晚。不免權宿一宵。明早進見。

舊事無人可共論。

只應漂母識王孫。

轅門拜手儒衣弊。

莫使沾濡有淚痕。

第二十九齣 鬧宴

〔梁州令〕〔外引丑衆上〕長淮千騎雁行秋。浪捲雲浮。思鄉淚國倚層樓。〔合〕看機遣逢奏凱。且遲留。我杜寶身爲安撫。時直兵衝圍絕。救援貽書解散。李寇旣去。金兵不來。雖有存城之權。實切亡妻之痛。〔淚介〕我的夫人呵。昨已單本題請他的身後恩典。兼求賜假西歸。未知旨意何如。正是功名富貴草頭露。骨肉團圓錦上花。〔看文書介〕

〔金蕉葉〕〔生破衣巾攜春容上〕窮愁客愁。正搖落雁飛時候。〔整容介〕帽兒光整。

頓從頭。還則怕未分明的門楣認否。〔丑喝介〕甚麼人行走。〔生〕是你老爺女婿拜見。〔丑〕當真。〔生〕秀才無假。〔丑進稟介外問丑介〕那人材怎的。〔丑〕也不怎的。袖着一幅畫兒。〔外笑介〕是個畫師。則說老爺軍務不閒便了。〔丑見生介〕老爺軍務不閒。請自在。〔生〕老爺可拜客。〔丑〕今日文武官僚喫太平宴。牌簿都繳了。〔生〕大哥。怎麼叫做太平宴。〔丑〕這是各邊方年例。則今年退了賊筵宴盛些。席上有金花樹。金臺盤。長尺頭。大圓寶無數的。你是老爺女婿。背幾個去。〔生〕原來如此。則怕進見之時。考一首太平宴詩。或是軍中凱歌。或是淮清頌。急切怎好。且在這班房裏。蹬着打想一篇。正是有備無患。〔丑〕秀才還不走。文武官員來也。

〔梁州令〕〔末文官上〕長淮望斷。塞垣秋。喜兵甲潛收。賀昇平歌頌許吾流。〔淨武官上〕兼文武。陪將相。宴公侯。請了。〔末〕今日我文武官屬太平宴。水陸務須華盛。歌舞都要整齊。〔末淨見介〕聖天子萬靈擁輔。老君侯八面威風。寇兵銷咫尺之書。軍禮設太平之宴。謹已完備。伏乞俯容。〔外〕軍功雖卑末難當。年例有諸公怎廢。難言奏凱。聊用舒懷。〔內鼓吹介丑持酒上〕黃石兵書三寸舌。清河雪酒五加皮。酒到。

〔梁州序〕〔外澆酒介〕天開江左地冲淮右。氣色夜連刁斗。〔末淨進酒介〕長城

一線。何來得御君侯。喜平銷戰氣。不動征旗。一紙書回寇。那堪羌笛裏望神州。

這是萬里籌邊第一樓。〔合〕乘塞草。秋風候。太平筵上如淮酒。盡慷慨。爲君壽。

〔內搥鼓介老旦報子上〕金貂迸入三公府。錦帳誰當萬里城。報老爺。奏本已下。奉有聖旨。不准致

仕。欽取老爺回朝。同平章軍國大事。老夫人追贈一品貞烈夫人。〔末淨〕平章乃宰相之職。君侯出

將入相。官屬不勝欣仰。〔末淨送酒介〕

〔前腔〕攬貂蟬歲月淹留。慶龍虎風雲輻輳。君侯此一去呵。看洗兵河漢。接天高

手。偏好桂花時節。天香隨馬。簫鼓鳴清晝。到長安宮闕裏報高秋。可也河上砧

聲憶舊遊。〔合前生上〕腹稿已吟就。名單還未通。〔見丑介〕大哥替我再一稟。〔丑〕老爺正喫太平

宴。〔生〕我太平宴詩也想完一首了。太平宴還未完。〔丑〕誰叫你想來。〔生〕大哥俺是嫡親女婿。沒

奈何稟一稟。〔丑進稟介〕稟老爺。那個嫡親女婿。沒奈何稟見。〔外〕好打。〔丑走起惱推生出介生〕

老丈人高宴未終。咱半子禮當恭候。〔下旦貼女樂上〕壯士軍前半死生。美人帳下能歌舞。營妓們

叩頭。

〔節節高〕轅門簫鼓啾。陣雲收。君恩可借淮揚寇。貂插首。玉垂腰。金佩肘。馬敲金鐙也。秋風驟。展沙堤笑拂朝天袖。〔合〕但捲取江山獻君王。看玉京迎駕把笙歌奏。〔生上〕欲窮千里目。更上一層樓。想歌闌宴罷。小生饑困了。不免衝席而進。〔丑攔介〕饑鬼

不差。〔生惱介〕你是老爺跟馬賤人。敢辱我乘龍貴婿。打不的你。〔打丑介外問介〕軍門外誰敢喧

嚷。〔丑〕是早上嫡親女婿。叫做沒奈何的。破衣被帽。破褶袱。破雨傘。手裏拿一幅破畫兒。說他餓的荒了。要來衝席。但勸的都打。連打了九個半。則剩下小的這半個臉兒。〔外惱介〕可惡。本院自有禁

約。何處寒酸。敢來胡賴。〔末淨〕此生委係乘龍。屬官禮當攀鳳。〔外〕一發中他計了。叫中軍官暫時

拿下那光棍。逢州換驛。遞解到臨安監候。〔老旦中軍官應介出縛生介生〕冤哉。我的妻呵。因貪弄

玉爲秦贅。且帶儒冠學楚囚。〔下外〕諸公不知。老夫因國難分張。心如痛割。又放着這等一個無名

子來聒噪人。愈生傷感。〔末淨〕老夫人受有國恩。名標烈史。蘭玉自有不必慮懷。叫樂人進酒。

〔前腔〕〔末淨〕江南好宦遊。急難休。樽前且進平安酒。看福壽有。子女悠。夫人

又〔外〕竟醉矣。〔旦貼作扶介外淚介〕閃英雄淚情盈盈袖。傷心不爲悲秋瘦。〔合前〕諸公請了。老夫歸朝念切。即便起行。〔內鼓樂介〕

〔尾聲〕明日離亭一杯酒。〔末淨〕則無奈丹青聖主求。〔外笑介〕怕畫的上麒麟人白首。

萬里沙西寇已平。

東歸御命見雙旌。

塞鴻過盡殘陽裏。

淮水長憐似鏡清。

第四十齣 榜下

〔老旦丑將軍持瓜槌上〕鳳舞龍飛作帝京。巍峨宮殿羽林兵。天門欲放傳臚喜。江路新傳奏凱聲。請了。聖駕升殿。

〔北點絳脣〕〔外老樞密上〕整點朝綱。籌晨邊餉。山河壯。〔淨苗舜賓上〕翰苑文

章。顯豁的昇平象。請了。恭喜李全納款。皆老樞密調度之功也。〔外〕正此引奏。前日先生看定狀

元試卷。蒙聖旨武偃文修。今其時矣。〔淨〕正此題請呀。一個老秀才走將來。好怪好怪。〔末破衣巾

捧表上見外淨介。生員陳最良告揖。〔淨驚介〕又是遺才告考廳。〔末〕不敢。生員是這樞密老人門下引奏的。〔外〕則這生員是杜安撫叫他招安了李全。便中帶有降表。故此引見。〔內響鼓介〕奏事官上御道。〔外前跪引末後跪叩頭介外〕掌管天下兵馬知樞密院事臣謹奏。恭賀吾主聖德天威。淮寇來降。金兵不動。有淮揚安撫臣杜寶。敬遣南安府學生員陳最良奏事。帶有李全降表進呈。微臣不勝懼悚。〔內〕杜寶招安李全一事。就着生員陳最良詳奏。〔外〕萬歲。〔起介末〕帶表生員陳最良謹奏。

〔駐雲飛〕淮海維揚。萬里江山氣脈長。那安撫機謀壯。矯詔從寬蕩。李賊快迎降。他表文封上。金主聞知。不敢兵南向。他則好看花到洛陽。咱取次擒胡過汴梁。〔淨跪介〕前廷試看詳文字官臣苗舜賓謹奏。

〔前腔〕殿策賢良。榜下諸生候久長。亂定人懽暢。文運天開放。文字已看詳。臚傳須唱。莫遣夔龍。久滯風雲望。早是蟾宮桂有香。御酒封題菊半黃。〔內介〕

聖旨已到。跪聽宣讀。朕聞李全賊平。金兵迴避。甚喜甚喜。此乃杜寶大功也。杜寶已前有旨。欽取回

京。陳最良有奔走口舌之才。可充黃門奏事官。賜其冠帶。其殿試進士。於中柳夢梅可以狀元。金瓜
儀從。杏苑赴宴。謝恩。〔衆呼萬歲起介雜取冠帶上〕黃門舊是鴻門客。藍袍新作紫袍仙。〔末作換
衣冠服介〕二位老先生告揖。〔外淨賀介〕恭喜恭喜。明日便借重新黃門唱榜了。〔末〕適聞宣旨
狀元柳夢梅。何處人。〔淨〕嶺南人。那個柳夢梅。〔回介〕不瞞老先生。這柳夢梅也和晚生有舊。〔外
淨〕一發可喜了。

榜題金字射朝暉。

獨奏邊機出殿遲。

莫道官忙身老大。

曾經倬立在丹墀。

第四十一齣 索元

〔吳小四〕〔淨郭陀傘包上〕天九萬路三千。月餘程抵半年。破虱裝衣擔壓肩。壓
的頭臍匾又圓。花喇察龜兒爬上天。謝天。老陀到了臨安京城地面。好不繁華。則不知柳
秀才去向。俺且往天街上瞧去。呀。一夥臭軍踢禿禿走來。且自迴避。正是不因漁父引。怎得見波濤。

〔下老旦丑軍校旗牌上〕

〔香柳娘〕問新科狀元。問新科狀元。〔內〕何處人。〔衆〕廣南鄉貫。〔內〕是何名姓。〔衆〕

柳夢梅面白無巴繖。〔內〕誰尋他。〔衆〕是當今駕傳。是當今駕傳。要得柳如烟。裁

開杏花宴。〔內〕俺這一帶鋪子都沒有。則蘇木衙衙廣南會館問去。〔衆〕這等去去去。〔合〕柳夢

梅也天。柳夢梅也天。好幾個盤旋。影兒不見。〔下〕

〔前腔〕〔淨拐杖上〕到長安日邊。到長安日邊。果然風憲。九街三市排場遍。柳

相公呵。他形蹤杳然。他形蹤杳然。有了悄家緣。風聲落誰店。少不的大道上行走。

那柳夢梅也天。〔老旦丑上〕柳夢梅也天。好幾個盤旋。影兒不見。〔丑作撞跌淨淨

叫介〕跌死人。跌死人。〔丑作拿淨介〕俺們叫柳夢梅。你也叫柳夢梅。則拿你官裏去。〔淨叩頭介〕

是了。梅花觀的事發了。小的不知情。〔衆笑介〕定說你知情。是他什麼人。〔淨〕聽稟。老兒呵。

〔前腔〕替他家種園。替他家種園。遠來探看。〔衆作忙〕可尋着他哩。〔淨〕猛紅塵透

不出東君面。〔衆〕你定然知他去向。〔淨〕長官可憐。則聽見他到南安。其餘不知。〔衆〕好好笑笑。

他到這臨安應試。中了狀元了。〔淨驚喜介〕他中了狀元。他中了狀元。踏的菜園穿。攀

花上林苑。長官他中了狀元。怕沒處尋他。〔衆〕便是呢。〔合前〕也罷。饒你這老兒。協同尋他去。

一第繇來是出身。

五更風水失龍鱗。

紅塵望斷長安陌。

只在他鄉何處人。

第四十二齣 硬拷

〔唐多令〕〔外引衆上〕玉帶蟒袍紅。新參近九重。耿秋光長劍倚崆峒。歸到把

平章印總。渾不是黑頭公。〔集唐〕秋來力盡破重圍。入掌銀臺護紫薇。回頭卻嘆浮生事。長向

東風有是非。自家杜平章。因淮揚平寇。叨蒙聖恩。超遷相位。前日有個棍徒。假充門墻。已着遞解臨

安府監候。今日不免取來細審一番。〔淨丑押生上祇門官唱門介〕臨安府解犯人進。〔見介生〕岳

丈大人拜揖。〔外坐笑介生〕人將禮樂爲先。〔衆呼喝介生嘆介〕

〔新水令〕則這怯書生劍氣吐長虹。原來丞相府十分尊重。聲息兒忒洶湧。咱禮數缺通融。曲曲躬躬。他那裏半擡身全不動。〔外〕寒酸。你是那色人數。犯了法。在相

府階前不跪。〔生〕生員嶺南柳夢梅。乃老大人女婿。〔外〕呀。我女已亡故三年。不說到納采下茶。便

是指腹裁襟。一些沒有。何曾得有個女婿。可笑可恨。祇候們與我拿下。〔生〕誰敢拿。

〔步步嬌〕〔外〕我有女無郎。早把他青年送。剗口兒輕調鬪。便做是我遠房門婿呵。你嶺南吾蜀中。牛馬風遙。甚處裏絲蘿共。敢一棍兒走秋風。指說關親騙的軍民動。〔生〕我這樣女婿。眠書雪案。立榜雲霄。自家行止用不盡。要秋風老大人。〔外〕還強嘴。搜他裏袂裏。定有假雕書印。併賊拿賊。〔丑開袂介〕破布單一條。畫觀音一副。〔外看畫驚介〕呀。見賊了。這是我女孩兒春容。你可到南安認的石道姑麼。〔生〕認的。〔外〕認的個陳教授麼。〔生〕認的。〔外〕天眼恢恢。原來劫墳賊便是你。左右採下打。〔生〕誰敢打。〔外〕這賊快招來。〔生〕誰是賊。老大人拿賊見賊。不曾捉姦見牀。

〔折桂令〕你道證明師一軸春容。〔外〕春容分明是殉葬的。〔生〕可知道。是蒼苔石縫。迸坼了雲蹤。〔外〕快招來。〔生〕我一謎的承供。供的是開棺見喜。攬煞逢凶。〔外〕壩中還有玉魚金碗。〔生〕有金碗呵。兩口兒同匙受用。玉魚呵。和我九泉下比目和同。〔外〕還有哩。〔生〕玉碾的玲瓏。金鎖的玎玲。〔外〕都是那道姑。〔生〕則那石姑姑識

趣拿奸縱。卻不似你杜爺爺逞拿賊威風。〔外〕呀。他明明招了。叫令史取過一張紙。寫下親供。犯人一名柳夢梅。開棺劫財者斬。寫完發與那死囚。於斬字下押個花字。會成一宗文卷。放在那裏。〔貼吏取供紙上〕稟爺。定個斬字。〔外寫介貼叫生押花字生不伏介外〕你看這喫敲才。

〔江兒水〕眼腦兒天生賊心機使的凶。還不畫紙。〔生〕誰慣來。〔外〕你紙筆硯墨則好招詳用。〔生〕生員又不犯奸盜。〔外〕你姦盜詐偽機謀中。〔生〕因令愛之故。〔外〕你精奇古怪虛頭弄。〔生〕令愛現在。〔外〕現在麼。把他玉骨拋殘心痛。〔生〕拋在那裏。〔外〕後苑池中。月冷斷魂波動。〔生〕誰見來。〔外〕陳教授來報知。〔生〕生員爲小姐費心。除了天知地知。陳最良那得知。

〔雁兒落〕我爲他禮春容叫的凶。我爲他展幽期耽怕恐。我爲他點神香開墓封。我爲他唾靈丹活心孔。我爲他偎熨的體酥融。我爲他洗發的神清瑩。我爲他度情腸款款通。我爲他啟玉肱輕輕送。我爲他軟溫香把陽氣攻。我爲他搶性命把陰程迸神通。醫的他女孩兒能活動。通也麼通。到如今風月兩無功。

〔外〕這賊都說的是甚麼話。着鬼了。左右。取桃條打他。長流水噴他。〔丑取桃條上〕要的門無鬼。先教園有桃。桃條在此。〔外〕高弔起打。〔衆弔起生作打介生叫痛轉動衆譁打鬼介噴水介淨郭跔拐杖同老旦貼軍校持金瓜上〕天上人間忙不忙。開科失卻狀元郎。一向找尋柳夢梅。今日再尋不見打老跔。〔淨〕難道要老跔賠。買酒你喫。去叫是。〔叫介〕狀元柳夢梅那裏。〔外聽介衆叫下外問丑丑〕不見了新科狀元。聖旨着俺沿街尋叫。〔生〕大哥開榜哩。狀元誰。〔外惱介〕這賊閒管。掌嘴掌嘴。〔丑掌生嘴介生叫冤屈介老旦貼淨依前上〕但聞丞相府。不見狀元郎。喫。平章府打諠鬧哩。〔聽介淨〕裏面聲息。像有俺家相公哩。〔衆進介淨向前哭介〕弔起的不是相公也。〔生〕列位救俺。〔淨〕誰打相公來。〔生〕是這平章。〔淨將拐杖打外介〕拚老命打這平章。〔外惱介〕誰敢無禮。〔老貼〕駕上的來尋狀元柳夢梅。〔生〕大哥。柳夢梅便是小生。〔淨向前解生外扯淨跌介生〕你是老跔。因何至此。〔淨〕俺一逕來尋相公。喜的中了狀元。〔生〕真個的。快向錢塘門外報杜小姐喜。〔老旦貼〕找着了。狀元。連俺們也報知黃門官奏去。未去朝天子。先來激相公。〔下外〕一路的光棍去了。正好拷問這廝。左右。再與俺弔將起來。〔生〕待俺分訴些。難道狀元是假的。〔外〕凡爲狀元者。

登科記爲証。你有何據。則是弔了打便了。〔生叫苦介〕淨苗舜賓引老旦貼堂候官捧冠袍帶上。踏破草鞋無覓處。得來全不費工夫。老相公住手。有登科記在此。

〔僥僥犯〕則他是御筆親標第一紅。柳夢梅爲梁棟。〔外〕敢不是他。〔淨〕是晚生本房取中的。〔生〕是苗老師哩。救門生一救。〔淨笑介〕你高弔起文章鉅公。打桃枝受用。告過老相公。軍校快請狀元下弔。〔貼放生叫痛煞介淨〕可憐可憐。是斯文倒喫盡斯文痛。無情棒打多情種。〔生〕他是俺丈人。〔淨〕原來是倚太山壓卵欺鸞鳳。〔老旦〕狀元懸梁刺股。〔淨〕罷了。一領宮袍遮蓋去。〔外〕什麼宮袍。扯了他。

〔收江南〕〔外扯住冠服介生〕呀。你敢抗皇宣罵勅封。早裂綻我御袍紅。似人家女婿呵拜門也似乘龍。偏我帽光光走空。你桃夭天煞風。〔老替生冠服插花介生〕老平章。好看我插宮花帽壓君恩重。〔外〕柳夢梅怕不是他。果是他。怎生殿試了不候榜開。淮揚胡撞。〔生〕老平章是不知。爲因李全兵亂。放榜稽遲。令愛開的老平章有兵寇之事。着我一來上門。二來報他再生之喜。三來扶助你爲官。好意成惡意。今日可是你女婿了。〔外〕誰認你女婿。

〔園林好〕〔淨衆〕嗔怪你會平章的老相公。不刮目破窰中呂蒙。忒做作前輩們性重。〔笑介〕敢折倒你丈人峯。〔外〕悔不將劫墳賊監候奏請爲是。

〔沽美酒〕〔生笑介〕你這孔夫子把公冶長陷縲縲中。我柳盜跖打地洞向鴛鴦塚。有日呵。把雙理陰陽問相公。要無語對春風。則待列笙歌畫堂中。搶絲鞭御街攔縱。把窮柳毅賠笑在龍宮。你老夫差失敬了韓重。我呵。人雄氣雄。老平章深躬淺躬。請狀元升東轉東。呀。那時節纔提破了牡丹亭杜鵑殘夢。老平章請了。

你女婿赴宴去也。〔外弔場〕異哉異哉。還是賊。還是鬼。此乃妖孽之事。爲大臣的必須奏聞滅除。爲是。不免與新黃門計議。奏上取旨。

夜渡滄州怪亦聽。

可關妖氣暗文星。

誰人斷得人間事。

神鏡高懸照百靈。

第四十三齣 圓駕

〔淨丑扮將軍持金瓜上〕日月光天德。山河壯帝居。萬歲爺升朝。在此直殿。〔末上〕

〔北點絳脣〕寶殿雲開。御爐烟靄。乾坤泰。〔回身拜介〕日影金階早。唱道黃門

拜。〔集唐〕鸞鳳旌旗拂曉陳。傳聞闕下降絲綸。興王會淨妖氛氣。不問蒼生問鬼神。自家陳最良是也。

原是南安府飽學秀才。因柳夢梅發了杜平章小姐之墓。徑往揚州報知。平章念舊。着俺說平李寇。告捷効勞。聖恩欽賜黃門奏事之職。不想平章回朝。恰遇柳生投見。當時拿下。遞解臨安府監候。卻說柳生先曾攬過卷子。中了狀元。找尋之間。恰好狀元弔在杜府拷問。當被駕前官校人等冲破府門。搶了狀元。上馬而去。又聽的俺那女學生杜小姐也還魂在京。平章聽說。一發惱激。央俺題奏一本。爲誅除妖賊事。中間劾奏柳夢梅係劫墳之賊。其妖魂托名亡女。不可不誅。杜老先此奏卻是名正言順。隨後柳生也奏一本。爲辨明心迹事。都奉有聖旨。朕覽所奏。幽隱奇特。必須返魂之女。面覲敷陳。取旨定奪。老夫又恐怕真是杜小姐返魂。私着官校傳旨與他。五更朝見。正是三生石上看來去。萬歲臺前辨假真。道猶未了。平章狀元早到。〔外生幞頭袍笏同上介〕

〔前腔〕〔外〕有恨妝排。無明耽帶。真奇怪。〔生〕啞謎難猜。今上親裁劃。岳丈大人

拜揖。〔外〕誰是你岳丈。〔生〕平章老先生拜揖。〔外〕誰和你平章。〔生笑介〕古詩梅雪爭春未肯降。

騷人閣筆費平章。今日夢梅爭辨之時。少不的要老平章閣筆。〔外〕你罪人咬文哩。〔生〕小生何罪。老平章是罪人。〔外〕俺有平李全大功。當得何罪。〔生〕你說無罪。便是處分令愛一事。也有三大罪。〔外〕那三罪。〔生〕太守縱女遊春。一罪。〔外〕是了。〔生〕女死不奔喪。私建菴觀。二罪。〔外〕罷了。〔生〕嫌貧逐婿。刁打欽賜狀元。可不三大罪。〔末笑介〕狀元以前也罪過些。看下官面分。和了罷。〔生〕黃門大人與學生有何面分。〔末笑介〕狀元不知。尊夫人請俺上學來。〔生〕敢是鬼請先生。〔末〕狀元忘舊了。〔生認介〕老黃門可是南安陳齋長。〔末〕惶恐惶恐。〔生〕呀。先生。俺於你分上不薄。如何妄報俺爲賊。做門館報事不真。則怕做了黃門。也奏事不以實。〔末笑介〕今日奏事實了。遠望尊夫人將到。二公先行叩頭禮。〔內唱禮介〕奏事官齊班。〔外生同進叩頭介外〕臣杜寶見。〔生〕臣柳夢梅見。〔末〕平身。〔外生立左右介旦上〕麗娘本是泉下女。重瞻天日向丹墀。

〔黃鐘北醉花陰〕平鋪着金殿琉璃翠鴛瓦。響鳴稍半天兒刮刺。〔淨丑喝介〕甚的婦人衝上御道。拿了。〔旦驚介〕似這般猙獰漢叫喳喳。在閻浮殿見了些青面獠牙。也不似今番怕。〔末〕前面來的是女學生杜小姐麼。〔旦〕來的黃門官像陳教授。叫他一聲。陳

師父陳師父〔末應介〕是也。〔旦〕陳師父喜哩。〔末〕學生你做鬼怕不驚駕。〔旦〕噤聲再休提

探花鬼喬作衙。則說狀元妻來面駕。〔淨丑下內〕奏事人揚塵舞蹈。〔旦作舞蹈呼萬歲萬

歲介內〕平身。〔旦起內〕聽旨。杜麗娘是真是假。就着伊父杜寶。狀元柳夢梅。出班識認。〔生覷旦

作悲介〕俺的麗娘妻也。〔外覷旦作惱介〕鬼乜些。真個一模二樣。大膽大膽。〔作回身跪奏介〕臣

杜寶謹奏。臣女亡已三年。此女酷似。此必花妖狐媚。假托而成。俺王聽啓。

〔南畫眉序〕臣女沒年多。道理陰陽豈重活。願俺王向金階一打。立見妖魔。

〔生作泣〕好狠心的父親。〔跪奏介〕他做五雷般嚴父的規模。則待要一下裏把聲

名煞抹。〔起介合〕便闍羅包老難彈破。除取旨前來撒和。〔內〕聽旨。睽聞人行有影。鬼

形怕鏡。定時臺上有秦朝照膽鏡。黃門官可同杜麗娘照鏡。看花陰之下。有無蹤影。回奏。〔末應同

旦對鏡介〕

〔北喜遷鶯〕〔旦〕人和鬼教怎生酬答。形和影現托着面菱花。〔末〕鏡無改面。委

係人身。再向花街取影而奏。〔行看影介旦〕波查。花陰這答。一般兒蓮步迴鸞印淺沙。

〔末奏介〕杜麗娘有蹤有影的係人身。〔內〕聽旨。麗娘既係人身。可將前亡後化事情奏上。〔旦〕萬歲。臣妾二八年華。自畫春容一幅。曾於柳外梅邊夢見這生。妾因感病而亡。葬於後園梅樹之下。後來果有這生。姓名柳夢梅。拾取春容。朝夕挂念。臣妾因此出現成親。〔悲介〕哎喲。悽惶熬。這底是前亡後化。抵多少陰錯陽差。臣妾現有母親甄氏同居作證。〔內云〕既道夫人甄氏尚在。可就宣至殿前。一同識認。〔老旦上進見跪伏介〕萬歲爺。杜平章妻一品夫人甄氏見駕。〔外末驚介〕那裏來的。真是俺夫人哩。〔外跪介〕臣杜寶啓奏。臣妻已死揚州亂賊之手。臣已奏請恩旨。褒封。此必妖鬼捏作母子。一路白日欺天。〔起介生〕這個婆婆。是不曾認的他。〔內〕聽旨。甄氏既死於賊手。何得臨安母子同居。〔老旦〕萬歲。〔起介〕

〔南滴溜子〕〔老旦〕揚州路。揚州路。遭兵劫奪。只得向。只得向。長安住托。不想到錢塘夜過。嘿撞着麗娘兒。魂似脫。少不的子母肝腸。死同生活。〔內〕聽旨。甄氏所奏。其女重生無疑。就着黃門官押送午門外。父子夫妻相認。歸第成親。〔衆呼萬歲行介老旦〕恭喜相公高轉了。〔外〕怎想夫人無恙。〔旦哭介〕我的爹呵。〔外不理介〕青天白日。小鬼頭遠些遠些。

陳先生如今連柳夢梅俺也疑將起來。則怕也是個鬼。〔末笑介〕是踢斗鬼。〔老旦喜介〕今日見了狀元女婿。女兒再生。千十分喜也。狀元先認了你丈母罷。〔生揖介〕丈母光臨。做女婿的有失迎待。罪之重也。〔末〕狀元認了丈人翁罷。〔生〕則認的十地閻君爲岳丈。〔末〕朝門之下。人欽鬼伏之所。誰敢不從。少不得小姐勸狀元認了平章。成其大事。〔旦作笑勸生介〕柳郎拜了丈人罷。〔生不伏介〕

〔北水仙子〕〔旦〕呀呀呀。你好差。〔扯生手按生肩介〕好好好。點着你玉帶腰身。把玉手叉。〔生〕幾百個桃條。〔旦〕拜拜拜。拜荆條曾下馬。〔外扯介旦〕扯扯扯。做太山倒了架。〔指生介〕他他他。點黃錢聘了咱。俺俺俺。逗寒食喫了他茶。〔指末介〕你你你。待求官報信。則把口皮渣。〔指生介〕是是是。是他開棺見榔湔除罷。〔指外

介〕爹爹爹爹。你可也罵勾了咱這鬼也邪。〔丑扮冠帶捧詔上〕聖旨已到。跪聽宣讀。據奏

奇異。勅賜團圓。平章杜寶。進階一品。妻甄氏。封淮陰郡夫人。狀元柳夢梅。除授翰林院學士。妻杜麗娘。封陽和縣君。就着鴻臚官送歸宅院。叩頭謝恩。

〔南雙聲子〕〔衆〕姻緣詫。姻緣詫。陰人夢黃泉下。福分大。福分大。周堂內是這朝門下。齊見駕。齊見駕。眞喜洽。眞喜洽。領陽間誥勅。去陰司銷假。

〔北尾〕〔生〕從今後把牡丹亭夢影雙描畫。〔旦〕虧殺你南枝挨煖俺北枝花。則普天下做鬼的有情誰似咱。

杜陵寒食草青青。

羯鼓聲高衆樂停。

更恨香魂不相遇。

春腸遙斷牡丹亭。

還魂記終

繡

襦

目錄

第一齣 傳奇綱領

第二齣 正學求君

第三齣 僞儒樂聘

第四齣 厭習風塵

第五齣 載裝遣試

第六齣 結伴毘陵

第七齣 長安稅寓

第八齣 遺策相挑

第九齣 迷叶良儔

第十齣 鳴珂嘲宴

第十一齣 面諷背逋

第十二齣

乳壻傳凶

第十三齣

姨搗誇機

第十四齣

試馬調琴

第十五齣

套促纏頭

第十六齣

鬻賣來興

第十七齣

謀脫金蟬

第十八齣

竹林祈嗣

第十九齣

詭伐僦居

第二十齣

生折鴛鴦

第二十一齣

墮計消魂

第二十二齣

歌郎競技

第二十三齣

得覓知音

第二十四齣

逼娃逢迎

第二十五齣

責善則離

第二十六齣

卑田救養

第二十七齣

孤鸞罷舞

第二十八齣

教唱蓮花

第二十九齣

聞信增悲

第三十齣

慈母感念

第三十一齣

襦護郎寒

第三十二齣

追奠亡辰

第三十三齣

別目勸學

第三十四齣

策射頭名

第三十五齣

卻婚受僕

第三十六齣

借發劍門

第三十七齣

馳驛認丞

第三十八齣

共宿郵亭

第三十九齣

父子萍逢

第四十齣

幫宦重媒

第四十一齣

汧國流馨

繡襦記

明徐霖著

第一齣 傳奇綱領

〔末上〕鄭子元和。滎陽人氏。雋朗超羣。應長安鄉試。李娃眷戀。追歡買笑。暮雨朝雲。忽爾囊空。李娘計遣。路賺東西。怨莫伸。遭磨折殘生。幾喪進退無門。貧寒徹骨傷神。嘆飢吻號猿衣結鶉。幸逢娃痛惜。繡襦護體。乳酥滋胃。復振精神。別目勸學。登科參軍之任。父子萍逢。訴此因。行婚禮。重諧伉儷。天寵沐殊恩。〔間

答照常〕

鄭元和長安鄉試。

賈二媽竹林設計。

樂道德郵亭執伐。

李亞仙劍門匹配。

第二齣 正學求君

〔滿庭芳〕〔外上〕學冠天人。望隆山斗。蟬聯簪組傳芳。官居刺史。風化重綱常。

所喜民安物阜聽絃歌盈耳洋洋。據忠盡免慚尸素。竭悃報君王。專城千里保無危。撫字黔黎得所宜。訟簡化行無箇事。自公退食儘委蛇。下官姓鄭名詹。乃桓公之後裔。家世甚振於滎陽。時望頗崇於朝野。官居刺史。任蒞常州。夫人虞氏。相夫有雉鳩之風。孩兒元和。肖父無豚犬之謂。今年正當大比。欲著孩兒去應試。未知夫人意下何如。言之未盡。夫人已來。

〔菊花新〕〔貼〕牙籤萬軸繞芸窗。教子須知有義方。丹桂孕天香。早趁涼颿飄蕩。〔相見介外〕夫人孩兒年已長成。學問充足。今當大比。欲著他去科舉。你意下何如。〔貼〕相公自古

道幼而學。壯而行。孩兒學既優長。正該着他去。倘得一官半職。也顯平昔訓子之功。〔外〕夫人言之有理。且喚來興出來。試問孩兒立志何如。來興那裏。〔丑〕洗硯魚吞墨。烹茶鶴避煙。〔外〕我且問你。大相公一向在學中。勤惰何如。〔丑〕大相公一向奮志雲程。鶚薦埋頭雪案。螢窗手不釋卷。口不絕吟。筆落驚風雨。詩成泣鬼神。文章光焰。度量汪洋。〔外〕我要着他去科舉。可去得麼。〔丑〕大相公要去科舉。必定是禹門三汲浪。平地一聲雷。〔外〕去請他出來。

〔前腔〕〔生〕儒家樹德有餘香。一脈書香後胤昌。庭訓敢遺忘。學禮學詩爲上。

〔外〕孩兒讀書利益。本欲開心。不可凌忽長者。不務實學。惟事虛文。不宜徒恃能文。忽欺傲慢。而淪於不肖焉耳。不可如此。〔生〕請問爹爹。今之爲學者。何爲不肖。

〔榴花泣〕〔外〕論古之學者所學甚精詳。知本末重綱常。彬彬文質好行藏。看先行孝弟。餘力學文章。〔生〕晨昏激昂。務乾乾惕勵心收放。效先儒入室升堂。淑諸人鑿壁懸梁。〔貼〕嘗聞得從來白屋出朝郎。榮親顯祖名揚。汝當勵志繼書香。早把皇猷黼黻。步武位巖廊。〔生〕嘉言敢忘。喜青雲有路終須上。鳳皇雛準擬朝陽。烏鵲情恐難終養。〔末〕自家喚名宗祿。乃鄭相公乳母之婿。有事走報。不免徑入。

〔外〕呀。宗祿。你在家管事。來此怎麼。〔末〕今朝廷開科取士。本府把大相公名字。申報京兆尹去了。今來催促起程。特來報知。〔外〕夫人。可喜可喜。我正要着他去科舉。本府已將孩兒名字申報去了。

〔貼〕孩兒學問雖曰有成。只是途路風霜不慣。得一人相陪他去纔好。〔外〕夫人。這個容易。此間學中有科舉的秀才。待我請一位與孩兒同去。〔貼〕恐此間秀才。與滎陽氣習不同。不相契合。〔丑〕稟老爹。滎陽三家村有個儒士。姓樂。名道德。屢利科舉。可請此人陪去。到好。〔外〕這三家村是個小去。

處。怎麼有好人。不可去請他。〔丑〕老爹。十室之邑。必有忠信之人。三家之村。豈無文德之士焉。〔貼〕
宗祿。你既認得他。可差來與去請。觀他抱負如何。果有學行。就央他同孩兒去罷。〔外〕說得是。來與
你去請樂秀才。到毘陵驛前登舟。宗祿。你可去收拾行李盤纏。就來起程。〔末〕不知收拾何物。

〔漁家傲〕〔外〕恁收拾琴劍書箱。把囊金滿載行裝。願只願車馬無勞。壯行色
滿懷春盎。〔生〕故鄉領命還前往。怎敢憚黃塵白浪。看槐黃舉子正忙。管此去
功名唾掌。〔貼〕我孩兒學已成章。不家食觀國之光。慮只慮孱弱身軀。怎跋涉
水遠山長。且斟量結伴資諸講。那樂秀才抱經綸儉讓溫良。他慣觀場屋知趨向。
料得意同登龍虎榜。

〔尾聲〕膺鄉薦赴選場。倘得名標金榜。閱閱門楣倍有光。

速整行裝赴帝畿。

成名管取駕高車。

分明有箇朝天路。

何事男兒不讀書。

第二齣 偽儒樂聘

〔秋夜月〕〔淨上〕假喫虧見利渾忘義者也之乎全不濟。飢來一字不堪煮。讀甚麼史書。講甚麼史書。自家滎陽三家村中一箇儒士樂道德是也。功名蹭蹬。豪傑之志已灰。家業凋零。浩然之氣已餒。和光棍惟以利欲是圖。今年正當大比。這些後生小子。要來求我講貫。且騙幾文錢鈔。只是這膏粱子弟。都被我哄盡。鬼也不信。不免別作區處。且到街上撞一撞。撞得箇富主兒。就是主顧了。

〔前腔〕〔丑〕愛整齊衣飾真標致。出入府門多伶俐。人稱大叔真豪氣。長多少面皮。壯多少面皮。呀。原來就是樂相公。〔淨〕來與老弟。你何往。〔丑〕特來望相公。正要到宅。〔淨〕多承老翁下顧。〔丑〕有一件事作成你。故此來尋。〔淨〕感承你好意。甚麼好事。〔丑〕我家大相公要去科舉。老爹要尋個朋友相陪。我在老爹面前。極力稱贊。故來相請。〔淨〕好說好說。跟別人去幫閒。有大富貴。兄弟。我若幫閒會榮貴。做得人家。我幾時發跡了。不去。〔丑〕你不去也罷。只是辜負我作薦你的意思。〔淨〕我這們一箇人。要你這小廝作薦。惶恐。〔丑〕我作薦你不去便罷。果不出吾老爹所料。〔淨〕你老爹怎麼料我。〔丑〕說你是犂牛之子。怎麼與我千里駒同行。〔淨〕啐啐。死羊不會見。

活羊見萬千。我看你在眼裏。〔丑〕來。那裏去。〔淨〕放手。不要纏我生意。〔丑〕我相公此去。金銀車載斗量。好少東西。你沒福消受。我告回。〔淨〕你且來。我問你。〔丑〕放手。莫誤我生意。〔淨〕老弟不要拿班。我纔說的。都是大帽子補門面說話。望你作成。〔丑〕我大相公此去。金銀是多的。我作成你去。儘意哄他嫖賭。將來我與你八刀。〔淨〕這箇定然。〔丑〕就請同行。〔淨〕你先行。待我收拾鋪蓋就來。〔丑〕又來清水下白米。你有甚麼好鋪蓋在家裏。〔淨〕老弟沒奈何。有便作成在下。你把相公的鋪蓋到下處。只說是我的。壯觀一壯觀。這箇能事在此。〔丑〕你且說怎麼樣能事。

〔大趺鼓〕〔淨〕我相隨赴帝畿。共登山玩水。弔古留題。與他馬上扶沈醉。替他石上和新詩。〔丑〕若如此。忒知趣了。〔淨〕知趣着人舍我更誰。〔丑〕此一去。我相公呵。金銀儘有餘。你哄他尋花問柳。博弈脚盃。〔淨〕若如此壞了我的心術了。〔丑〕你且利其所有資其勢。人生快活是便宜。〔淨〕只怕誤了他的前程。〔丑〕錯了前程還有後期。

〔淨〕老兄若教我做文章呵。實不會。若教我哄人爛熟。我聲音通九夷。喜高談闊論。唾落珠璣。中原雅韻何消記。南蠻鳩舌且休題。總是儀秦仗我說詞。〔丑〕你且學而

時習之。莫矜誇。唇舌言慎。樞機若使妄爲些子事。空勞讀數行書。蹈規循矩。沒是非。〔淨〕承教承教。就此同行。〔丑〕相公少待。我去毘陵驛前登舟。放了行李。再與你去。〔淨〕旣如此。專待同行。凡事全仗老弟擡舉。〔丑〕你這樣人。到要小廝門擡舉。〔淨〕你又要拿班。閒話休得說也。

陪侍長安赴選。
發軔先到毗陵。
雖是千里之馬。
非人不能自行。

第四齣 厭習風塵

〔一翦梅〕〔貼上〕年少煙花作女娘。羅綺飄香。粉黛生香。於今兩鬢點秋霜。色裏紅妝。鏡裏清光。門戶雖慚卑陋。聲名早播京華。久棄琴棋書畫。渾忘雪月風花。老身李大媽是也。本係劍南人氏。不幸夫主早亡。失身塵塗。流寓長安。有箇親生女兒。年方二八。小字亞仙。生得如花似玉。詩詞書畫。吹彈歌舞。針指女工。無所不通。所交接者。皆貴戚豪族。愚夫俗子。不敢往來。今早崔尙書要同曾學士老爹來我家裏賞海棠。分付銀箏整治筵席。以待他家。〔旦小旦同上〕

〔前腔〕〔旦〕裙襯弓鞋入繡房。蘭茝生香。環珮鏗鏘。〔小旦〕朝雲暮雨爲誰忙。

心戀襄王夢遠高唐。〔旦〕紅錦曉拂菱花鏡。淡掃春山眉瘦損。〔小旦〕起來無力凭闌杆。睡熟

海棠花未醒。〔旦〕自慚陋質。而獲寵名公。身雖墮於風塵。而心每懸於霄漢。未知何日得遂從良之

願。〔小旦〕姐姐只說從良。從良有甚麼好處。〔旦〕從了良。了我一生之事。怎麼不好。〔小旦〕姐姐有

子弟娶到家去。大老婆喫醋撻酸。你要高高不得。要低低不得。那時節要出來就難了。〔旦〕嫁到人

家去。大小自有名分。我盡做小的道理。就是了當。〔小旦〕了當。了當。我幾曾見唱的老婆嫁人。有箇

了當。〔旦〕不要胡說。取針線箱來。待我繡個羅襦來穿。〔小旦〕我們這樣人家。不畊而食。不蠶而衣。

你有如此香肌。怕沒有人做錦繡衣服與你穿。自去繡羅襦。〔旦〕銀箏。你曉得甚麼。古之王后。尚且

親織玄紘。我是煙花。豈可不事女工。〔小旦〕待我去取針線箱在此了。〔旦〕且放下。

〔香羅帶〕徐開針線箱。凝神繡牀。羅襦綴花。還自想牡丹魏紫配姚黃也。鸞和

鳳並翱翔。雲霞燦燦奪目光。匏齒生香也。細嚼殘紅吐碧窗。

〔前腔〕〔小旦〕姐姐身居錦繡鄉。衣裳滿箱。綺羅不須勤紡繡。女工針指免思量

也。〔旦〕不要管我。把這繡襦呵。加五彩煥文章。〔小旦〕姐姐。待你做完了。我把薰籠再薰蘭

麝香勸取娘行也。剪短郎當舞袖長。〔貼〕天仙執手整香羅。入午光涵雪一窩。翰苑文章歸錦繡。卻來月窟伴姮娥。呀。我兒在此做些甚麼奇物。〔旦〕繡羅襦。〔貼〕我兒。你且收拾起。方纔崔尙書着人來說。少間同會學士來我家看海棠。先送三兩銀子在此整酒。你快去梳妝洗面也。〔旦〕好箇幫襯知趣的子弟。我去接他。〔貼〕你看這丫頭。只要幫襯的子弟。竟不顧娘要錢使。那知趣的不過是打卯的。我只要覓幾文錢養家。管甚麼幫襯不幫襯。你與他過一世不成。〔旦〕你進去。我曉得了。只管歪嘶纏。〔貼〕你看這丫頭。又惱我了。〔淨〕邀會學士到亞仙家看海棠。消遣情懷則箇。

〔船入荷花洞〕如玉嬌娃懸遐想。解人意心中歡暢。〔小生〕車過平康。馬嘶柳巷。一派笙管嘹唳。〔旦〕呀。二位大人萬福。〔淨〕亞仙。聞得你家海棠盛開。特來賞翫。〔旦〕酒殺已

治。專待品題。〔小生〕老先生。請品題一品題花如何。〔淨〕還是先生。〔小生〕學生僂了。你看盛若霞藏日。鮮僂血染紅。西施初宴罷。沈醉倚東風。〔淨〕好好。品題花不如學士。品題人不如亞仙。〔旦〕奴家豈敢論人之短長。〔淨〕你卻閱人多矣。所以人之長短。你多曉得。〔旦〕長短多在老爺口裏。〔小

生〕亞仙不要謙遜。評品我二人一評品。〔旦〕若論調羹鼎鼐。變理陰陽。則學士不如宰相。論嘲風

弄月。惜玉憐香。則宰相不如學士。〔淨〕好好。品題得是。品題得是。看起來亞仙極會品的了。品得我快活。品得我快活。學士品花。亞仙品人。我如今把花與人同品如何。〔小生〕這個使得。〔淨〕有有兩樣海棠在此。〔旦〕果是兩樣。〔淨〕這樣叫甚麼。〔旦〕是垂絲。〔淨〕是垂絲。就比老夫。〔旦〕你要學這樣標致。再不能勾了。〔淨〕我不像他標致。像垂絲一般軟了。〔旦〕你腰間須軟。背上還硬。〔淨〕這樣叫甚麼。〔旦〕是鐵梗。〔淨〕就比學士。我便比垂絲。學士比鐵梗。亞仙你卻比那一樣。〔旦〕我愛的是鐵梗。〔淨〕這丫頭只喜歡硬的。〔旦〕罰你輕言。〔淨〕怎麼打我。〔旦〕打者是愛。〔淨〕打是愛。出於何典。〔旦〕出於嫖經上。〔淨〕嫖經到不曾讀。不曉得好快活。〔旦〕好不著人。怎麼打我這一下。〔淨〕禮無不答。你愛我。我也愛你一愛。〔旦〕曾老爺在此好沒趣。〔小生〕老先生請賞花。

〔惜奴嬌〕〔淨〕品壓羣芳。喜名傳西蜀。色侵羅幌。微風蕩。斜倚玉欄杆上相像。沈醉西施。濃抹胭脂。晚妝停當。〔合〕非獎。總斗大牡丹花。怎比婀娜佳況。

〔前腔〕〔小生〕端詳。豔質無雙。看妖妍着雨。滿枝開放。肌膚絳。翠袖捲紗明朝相彷彿。被酒華清。出浴溫泉。太真模樣。〔合前〕

〔黑麻序〕〔旦〕堪傷。有色無香。倘梅花相對。兩情悽慘。嘆失身華屋。錦繡無障。
惆悵。托根桃李場。牽情蜂蝶忙。〔合〕謾敷揚。當筵一曲清歌。何必少陵詩獎。二
位大人在上。奴家看此花呵。

〔前腔〕搖颺。別樣風光。愛垂絲妖軟。舞腰宮樣。好輕輕擎起。翠盤仙掌。堪傷。清
溪照豔妝。紅錦襯紫堂。〔合前〕

〔錦衣香〕畫檻傍。瑤階下。花萼芳。精神爽。臉映丹霞。暈酣仙釀。東風裊裊泛崇
光。青皇作主。莫遣飄揚。怕無情風雨褪紅妝。低垂粉頸。傾國傾城貌。一朝摧喪。
廊空響屨。馬嵬途葬。〔旦〕二位老爺既賞花。夜將闌了。還是在此安置。還是回去。〔衆〕還是奉

質罷。

〔漿水令〕夜深沈漏聲響。想花神春夢悠揚。高燒銀燭照紅妝。空濛香霧。月轉
迴廊。紅英燦。爭趨向。半開時節宜忻賞。行樂地。行樂地。易生草莽。休辜負。休辜
負。好時光。

〔尾聲〕哄春麗色情歡暢。水次不堪凝望。一樹梨花也自芳。

酒散花前興已孤。

瑤臺月色侵冰壺。

老夫今夜還先醉。

欲倩佳人錦袖扶。

第五齣 載裝遣試

〔碧玉令〕〔外上〕春雷已動蛟龍起。杏花天正當鄉試。〔貼〕文運天開。金榜願

名魁。〔末〕忙催促上長安。整齊行李。〔外〕宗祿。行李完備麼。〔末〕完備了。〔貼〕多帶些盤纏。

〔末〕計其京師薪水之費。將有二載之用。〔丑〕途路千餘里。來回數日間。〔外〕呀。來興。你回來了。樂

秀才可來麼。〔丑〕樂秀才在毘陵驛前登舟。等候大相公。〔貼〕相公。我夜夢見一神。贈我孩兒詩一

首。不知何意。〔外〕夫人。那詩可記得麼。〔貼〕那詩道。萬丈龍門只一跳。月中丹桂連根拗。去時荷葉

小如錢。歸來必定蓮花落。不知主何凶吉。〔外〕好夢。皆應孩兒。來興請相公來。〔丑〕大相公有請。

〔生上〕

〔少年遊〕地底轟雷。看潛龍奮鱗甲高飛。呼吸滄溟。化爲霖雨。〔貼〕潤枯苗管

取勃然興起。〔合〕慶豐登民無饑餒。少小須勤學。文章可立身。滿朝朱紫貴。盡是讀書人。聞得父母喚我。只得出去。〔見介〕爺娘拜揖。〔外〕孩兒。吾觀汝之才。當一戰而成。爾宜自勉。〔生〕孩兒。此去如指掌。爹爹不必掛心。〔外〕孩兒。你母親夜來夢見神人。贈你一首詩。敢是吉兆。〔貼〕孩兒。你佩服在心。但願龍門一跳。月桂高扳。此去必奪錦標。〔生〕孩兒今日謹謹佩服在心。

〔催拍〕辭膝下含情痛悲。我出門何勝慘悽。嘆咫尺天涯。嘆咫尺天涯。定省晨昏。從此睽違。月冷空庭。夢斷愁幃。〔合〕願此去高折桂枝。登月窟上雲梯。〔外〕

孩兒你此去。不願你別的。

〔前腔〕丈夫學飛黃遠馳。肯待兔終朝守株。不見男子生時。不見男子生時。弧矢懸門。四遠揚輝。莫效兒曹。戀別牽衣。〔合前〕

〔前腔〕〔貼〕朝出去望兒早歸。暮不歸教娘倚闥。何忍遠赴京師。何忍遠赴京師。兩字功名。一旦分離。暫脫斑斕。衣錦榮歸。〔合前〕

〔一撮棹〕〔外〕雲霄路千里奮龍駒。〔貼〕風雷迅春江起蛟螭。〔生〕承嚴訓。當

佩服謹依遵。〔合〕施經濟。豪氣吐虹霓。黃榜標名字。錦衣歸故里。雙親喜。端的是男兒。

雲程快着祖生鞭。

月桂高扳看錦旋。

素志爲官須作相。

高才及第必爭先。

第六齣 結伴毘陵

〔光光乍〕〔淨上〕赴京都已發軔。親友皆無贐。行李蕭然全沒興。買杯淡酒消渴吻。小子樂道德是也。造化坐在家中。銀子自來尋我。前日鄭太守家來興。請我到此毘陵驛中。等公子同行。如何不見來。且叫驛子哄他。〔末〕相公是何處。〔淨〕狗骨頭。你不認得。我是四海馳名的滎川樂相公。是你老爺至親鄉里。他辦下金銀表禮。來請我到此。這廝大模大樣。公然慢我。叫小廝拿拜帖。送他到府裏去。打他四十。〔末〕相公。小人有罪。因爲公子起程。在此打點人夫。不曾接得。望乞恕饒。〔淨〕打點多少人夫。〔末〕一百名。〔淨〕多少願一名。〔末〕五分一名。〔淨〕我照顧你一百名。我只要五十名。〔末〕多謝相公。〔淨〕不要謝。只要照顧就是。〔末〕一兩銀子。送與相公。〔淨〕不好

計較得少些。〔末〕小人曉得再添五錢。〔淨〕免見賜罷。只要記得明白。〔末〕少間公子來點教我怎麼說。〔淨〕只說樂相公點齊了。〔生上〕

〔探春令〕賓王觀國氣英英。暫拋離鄉井。〔丑〕謾登程。日遠長安近。〔合〕觀山水忘勞頓。〔生〕樂兄。多勞久待。〔淨〕學生也不會得閒。把人夫都點齊。候先生起程。〔生〕多勞足下。

〔淨〕當得者。〔末〕驛子送。〔淨〕這驛子因賢橋梓分上。把學生何等欽敬。〔生〕來與把人夫再點一點。〔淨〕不消點。學生俱已點過了。〔生〕不好勞先生來與點一點來回我。〔丑〕相公。止得五十名。

〔淨〕我數的怎麼少。待我再去數。〔生〕不當勞先生。〔淨〕真個只得五十名。望相公饒了他罷。〔生〕這個怎麼饒他。來與替我鎖到府裏去發落。〔淨〕且住。不要忙。人夫都在袖中藏。〔丑〕就在那裏叫他來。〔淨〕這個不是。〔生〕爲何是一包銀子。〔淨〕實不瞞公子說。學生被盛价催促忙了。盤纏不會帶得一些。因此賣幾名人夫做盤纏。不是學生欺心。望乞饒了這驛子。〔生〕既然樂相公認。且放了。樂兄。盤纏學生儘有。何勞先生用心。〔淨〕怕你沒有。我要與老兄省些。〔生〕多承雅愛。

〔甘州歌〕隔林相應。聽嚶嚶黃鳥。尙爾呼朋。同袍志合。又何必骨肉相親。雖然

四海皆兄弟。未必知心能幾人。〔合〕芝蘭契金石盟。客牕樽酒共論文。東風軟綺陌春。馬蹄踏碎落花塵。

〔前腔〕〔淨〕香車逐後塵。羞我談彌六合。心醉六經。蠅隨驥尾。今日裏願隨鞭。凳只圖草茅時得雨。不道山花冷笑人。〔合〕風光好。柳色新。短亭過了。又長亭。沽美酒。望遠行。牧童遙指杏花村。

〔尾聲〕過前村。長安近。龍盤虎踞帝王城。十里樓臺繞慶雲。

西崦遙看日已曛。

暮雲低處路將昏。

隔江人散魚鰕市。

空谷傳聲鳥鵲村。

第七齣 長安稅寓

〔未上〕自家姓熊名仁。祖居長安城中布政里。開個小店。欲覓刀圭之利。難逃壘斷之名。正是清晨早把店門開。煑酒烹茶待客來。不將苦辛藝。難近世間財。〔生引衆上〕

〔霜天引〕長安國土。縹緲紅雲護。〔淨丑〕繡幕紅顏少婦。錦城沸耳笙歌。綠柳垂

絲拂建章。〔淨〕銀冰千片落金塘。〔生〕此間已是長安了。可尋個店屋兒安下。〔淨〕公子。此間是布政里。有個舊主人。又老實。房子乾淨。〔生〕這個使得。叫一聲店主人。在家麼。〔末〕呀。原來是樂相公。〔淨〕此位是鄭相公。〔末〕二位相公請裏面坐。〔生〕店主上姓。〔末〕小子姓熊。敢問相公貴處。〔生〕你聽我道來。

〔羅帳裏坐〕我是滎陽仕族。〔末〕到此貴幹。〔生〕棘圍赴試。欲求一室。以安資貨。〔末〕房子有。你二位各把行李收拾。〔生〕同袍行李。何分你我。〔末〕相公。試期尚遠。在此耍一耍。〔合〕得高歌處且高歌。風月處莫教虛度。〔末〕樂相公。三年不見。只覺老成了。

〔前腔〕〔淨〕少年英銳。何當折磨。風霜京邸。輕車熟路。皂靴底爛。頭巾角破。〔合〕前生。熊主人。試期尚早。此地勝景頗多。不知何地可以適興。〔末〕你看文風開市路。化日麗皇都。勾欄內品竹彈絲。虞美人俏臉兒吹彈得破。酒館中傳杯弄盞。風流子飲到月兒高。沈醉扶歸。任君駐車馬。到處可盤桓。相公。你要適興所在。此間勾欄裏到好耍子。〔淨〕使得。就到勾欄裏。尋個表子耍一耍。〔生〕學生自幼不離書館。玩逸之清少見。不曾到此。望乞一指引。

輕裘肥馬逞風流。

重到長安續勝遊。

綠鬢主人新白髮。

紅顏歌妓舊青樓。

第八齣 遺策相挑

〔清江引〕〔旦上〕釵橫茉莉香飄麝。轉雕欄閒戲耍。滿院海棠花。一旦都吹謝。

燕兒胡語把東風罵。鴛鴦繡枕芙蓉褥。紅日三竿睡方足。〔小旦〕惆悵無語立東風。笑看紫燕

將花蹴。〔旦〕銀箏睡起無聊。我與你到門首閒步一回。〔小旦〕姐姐請先行。〔旦〕正是蝶飛金羽翅。

鴛鴦整玉毛衣。

〔駐雲飛〕環珮鏗鏘。倦舉金蓮曲檻傍。花影搖屏障。柳色侵羅幌。紫。暖日散晴光。遊絲輕颺。牽引殘英。眷戀多情況。相逐東風上下狂。相逐東風上下狂。〔生

上〕真個好景致。好景致。

〔前腔〕緩鞚絲韁。爲惜殘紅滿地香。〔旦〕銀箏你看俊俏郎君。〔生〕忽見天仙降。頓

使神魂蕩。紫。轉盼思悠揚。秋波明朗。看他體態幽閒。妝束皆宮樣。墜鞭墜鞭。來與

拾了。挽手起來。懶策金鞭入教坊。〔丑〕請接絲鞭入洞房。〔小旦〕姐姐。你看那郎君故意墜鞭。偷睛斜視。深有顧盼之意。〔旦〕不要胡說。且退去。〔小旦〕門前行樂客。故意墜絲鞭。〔生〕好個標致姐姐。你看繡領單衫杏子紗。眉舒柳葉鬢堆鴉。分明西子扶殘醉。〔淨〕鄭兄。你想殺如何近得他。〔生〕樂兄。你何故來遲。〔淨〕鄭兄。你在此自言自語。說些甚麼。〔生〕樂兄。你不知。我適纔見一婦人。世間無此奇絕之色。甚妙。

〔駐馬聽〕適見嬌娘。並立朱門笑語香。〔淨〕人物如何。〔生〕貌果沈魚落鴈。閉月羞花。淡抹濃妝。此間是何處。有這等美色之女。〔淨〕這是翔鸞舞鳳碧梧坊。馳車驟馬鳴珂巷。你卻爲何來此。〔生〕馬騁康莊。一鞭緩足。信着霜蹄前往。〔淨〕天遣裴航。得遇雲英窈窕娘。鄭兄。今日未登天府。且上藍橋。醉飲瓊漿。繁絃翠館錦雲鄉。溫香軟玉流蘇帳。倒橐傾囊。春宵一刻。肯惜黃金千兩。〔生〕樂兄。千兩黃金。何足計較。但不知此何宅也。〔淨〕鄭兄。此是狎邪女李氏家也。〔丑〕狎邪狎邪。我相公見了。魂都沒了。敢是引邪。甚麼狎邪。〔淨〕是娼家名號。〔丑〕原來是烏龜的表德。〔生〕娼家怎麼有如此之女。〔淨〕他本是天

上仙姝。暫謫人間庭院。〔生〕叫做甚麼名字。〔淨〕叫號亞仙。〔生〕果名稱其實。〔淨〕鄭兄。他肌體豐豔。小可的不與他往來。所喜者都是富家官宦。若要動他半點芳心。須是不惜黃金百兩。〔生〕如此之言。信不可求。但患其不可。黃金百兩何足惜。〔淨〕既如此忻慕。明朝潔服盛從而往。去見其母。托詞稅院攻書。求見其女。方成其事。〔生〕承教。樂兄。去到那里。只患難就。我一見這冤家呵。

難拴猿馬意。

欲締鳳鸞交。

不因漁父引。

怎得見波濤。

第九齣 迷叶良儔

〔小旦上〕玉人梳洗故遲遲。斜倚妝臺有所思。紅日三竿鳥聲亂。剛剛淡掃遠山眉。俺姐姐昨日在門前站立。偶見一箇郎君。十分俊美。他見俺姐姐故意墜鞭。顧盼多時而去。俺姐姐甚想他。恐他又來。着我伺候。

〔鎖南枝〕〔生〕鶯花市。燕子樓。天生到此百不憂。何處繫驂駒。章臺有楊柳。〔小

旦〕那來的到像這郎君。〔生〕見侍姬舉止羞。倚朱門若相候。〔小旦〕果是那人了。

〔生〕敢問小娘子。此是何宅。〔小旦〕此是李氏宅也。待我去請姐姐出來。姐姐。昨日墜鞭郎君來了。〔旦〕在那里。〔小旦〕在門首。〔旦〕請進來。叫媽媽陪坐。待我更換衣服。出來相見。〔小旦〕相公請裏面坐。姐姐換了衣服就來。媽媽。有客在此。〔貼〕來了。來了。

〔前腔〕年將邁。鬢已秋。下階出迎禮不周。呀。相公請了。里巷隘梁翰。丰神耀瓊玖。相公請裏面來。〔生〕媽媽指引。〔貼〕銀筭。你先引路。〔小旦〕媽媽這裏坐。〔貼〕延賓館暫款留。〔小旦〕待奴家看酒來。〔貼〕先看茶後沽酒。〔小旦〕領着媽媽言語。這官人來了。着坐下。叫我先看茶後看酒。〔貼〕須索就去。不可遲止。〔生〕不消酒罷。〔貼〕銀筭。請姐姐出來。〔小旦〕姐姐有請。〔旦〕奴家來也。

〔孝順歌〕〔旦〕掀羅幕蕩玉鈎。弓鞋裙襯雙鳳頭。〔小旦〕姐姐快出來罷。〔旦〕我欲見又含羞。進前還退後。〔小旦〕昨日見了他。恨不得喫了他下去。今日又做這般張志。〔旦〕昨來邂逅。柳下停驂。暗通情竇。〔貼〕我兒過來。見了相公。〔旦〕斂衽再拜深深。恕妾失迎候。〔生〕不敢。〔旦〕重凝睇定兩眸。認仙郎是墜鞭否。〔生〕小生就是昨日遺鞭者。〔貼〕

相公貴處。〔生〕滎陽郡是故丘。〔貼〕上姓。〔生〕鄭元和忝爲儒者流。〔貼〕令尊在麼。

〔生〕老父治常州。〔貼〕原來是公子。令堂在麼。〔生〕高堂有慈母。〔貼〕父母既在。不該遠遊。

〔生〕非干遠遊。〔貼〕既非遠遊。到此貴幹。〔生〕應舉求名。試期未偶。〔貼〕多蒙下顧。有何

見諭。〔生〕欲賃別院攻書。未審相容否。〔貼〕房屋儘有。只管來住。〔生〕銀百兩請暫

收。若成名再加厚。〔貼〕但小房陋狹。不足以容公子所處。安敢受惠。〔生〕媽媽還有粗幣四端。奉

充贄敬之禮。〔貼〕這一發不當了。〔生〕輕瀆媽媽。且收了。〔貼〕如此多謝相公。銀箠沽酒來。與相公

接風。〔生〕小生聊奉白金十兩。望備一宵之飲。〔貼〕今日之饌。日常備辦。留此以待他日。〔生〕多謝

厚意。〔小旦〕媽媽酒完了。請相公西堂坐。〔貼〕相公請了。〔生〕小生領命先行。

〔錦堂月〕金鼎香浮。瓊卮酒豔。西堂且開情厚。花底相逢。姻緣幸然輻輳。聽鶯

簫夜月秦樓。會神女朝雲楚岫。〔合〕風流藪。趁此年少良辰。傍花隨柳。〔旦〕我看

此郎君。容貌不凡。

〔前腔〕聽剖。拙婦如鳩。高巢仰鵲。懸思牖戶綢繆。反笑鴻儒。俯尋葦門圭竇。傍

紗牕聽講詩書。掃塵榻躬操箕箒。〔合前〕

〔醉翁子〕〔貼〕知否。譙樓上初傳玉漏。你行館何方。歸寓休後。〔生〕小生弊寓在延平城門外。離此有數里之程。俛首若路遠無親。總畫棟雲連何處投。〔貼〕相公行館既遠。就此舍下草榻如何。〔生〕多謝。〔合〕重進酒。飲到月轉花梢。盡醉方休。

〔前腔〕〔旦〕他來由。欲求締鸞交鳳友。托蹴屋而居。冀望一宵相留。〔貼〕你二人呵。情投。我只索相從。任從追隨秉燭遊。〔合前生〕小生自見小姐之後。心常在念。雖寢食未嘗敢忘。〔旦〕賤妾之心亦如之。〔生〕小生在此。非但求屋而已。欲酬仰慕之私。〔旦〕男女之際。

大欲存焉。情苟相得。雖父母之命。不能止也。賤妾固陋。若不棄嫌。須薦君子之枕席。〔生〕只愁小生沒福。〔貼〕汝二人真所謂郎才女貌。有何不可。

〔僥僥令〕〔生〕階前頻頓首。〔貼〕不要拜。〔生〕賓館謝相留。〔貼〕既做我家女婿。當以郎君目之。〔生〕願作廝養家。僮從呼喚。攜枕抱衾裯。敢自由。

〔前腔〕〔貼〕乘龍權配偶。騎鶴上揚州。管取日日笑時花。近眼舞罷錦纏頭。興

未休。

〔尾聲〕玉人鬢暈金釵溜。整頓纖纖呈素手。沈醉東風汗漫遊。

錦衾珊枕享奢華。

繾綣多情解語花。

不戀故鄉生處好。

受恩深處便爲家。

第十齣 鳴珂嘲宴

〔出隊子〕〔淨上〕浮生如寄。浮生如寄。四海爲家有故知。花朝月夕醉金卮。不

費錢財只動嘴。想冷熱醃酸年來自知。想費用盤桓心中自知。〔作笑介〕自家樂

道德是也。向者鄭太守請我相陪其子來此赴試。爲因試期尙遠。偶爾閒行入平康巷。遇着一妓。叫

名李亞仙。被他纏住。日夜在他家追歡買笑。把我撇在店中。甚是寂寥。今日且到李家去。只說與他

扶頭。哄他酒喫。樂他娘一樂。有何不可。此去一則看元和兄。二則消遣情懷。來到此間便是了。有人

在麼。〔貼扮李大媽上〕是誰叫來了。〔淨〕是樂相公。

〔玩仙燈〕〔貼〕戶外有人聲。想是佳賓來至。卻原來是一位相公。請問相公何處。〔淨〕我

是鄭相公的好朋友。〔貼〕莫非是樂相公。〔淨〕然也。〔貼〕失敬了。鄭相公有客來相訪。〔生〕大姐。聞得媽媽說。有甚麼相公來此相訪。看是何人。

〔鳳凰閣〕〔生旦〕偎紅倚翠。任意棲遲。行樂地。〔生〕樂兄。連日失陪。多罪多罪。〔淨〕好

說。足見拋撇。〔生〕小弟這兩日因大姐相留。實是拋撇。得罪了。〔淨〕公子文章魁首。亞仙士女班頭。

〔生〕偶爾姻緣輻輳。〔旦〕山雞羞配鸞儔。〔淨〕好大姐。出口成章。鄭兄。學生備得些須白金。煩媽媽與我整治箇小東道。與老兄扶頭。〔生〕不勞。〔淨〕不多。一兩銀子在此。〔生〕媽媽。我這裏自整。還了

樂相公。〔貼〕樂相公乃鄭相公好朋友。何勞二位舉意。老身自當備辦。樂相公。見成水酒。不成意思。休怪。〔淨〕人心若好。喫水也甜。〔貼〕銀箏看酒來。〔小旦〕白玉杯中浮綠蟻。水晶壺裏噴清香。酒在

此。〔生〕大姐唱一曲。奉樂相公一杯。〔淨〕不要起動大姐。鄭兄請行一令。〔生〕這箇使得。樂兄請一杯。做令官。〔淨〕方纔銀箏說道水晶壺裏噴清香。就要一句詩。內有水晶二字。有的免飲。如無罰一大杯。鄭兄先行起。〔生〕還是樂兄請。〔淨〕鄭兄請。〔生〕學生占了。水晶簾動微風起。〔淨〕被你搶了我的。如今該媽媽說了。〔貼〕盤中惟有水晶果。〔淨〕又被你說了我的。如今該大姐說。〔旦〕一盆花

浸水晶球。〔淨〕我是沒了令。〔生〕既沒了。請罰酒。〔淨〕有有一箇撐入水晶宮。〔生〕樂兄令只是詩聯。況又粗糙。該喫一大杯。〔淨〕取笑取笑。鄭兄。我夜來在燈下。謔得一箇歌兒。贊美公子與大姐。只是不成腔調。唱不出。〔生〕不敢不敢。請教一二。

〔畫眉序〕〔淨〕修眉遠山碧。脂粉翻嫌澆顏色。看嫣然一笑。果然傾國。秋波瑩眼角留情。金蓮小香塵無跡。〔合〕綺羅叢裏春雲煖。塵思坐來消釋。〔旦〕承過譽了。〔淨〕借酒來奉媽媽一杯。〔生〕他是主人。怎麼勸他。〔貼〕這叫做癡客勸主人。惠而不費。〔淨〕我就對了這一句。〔生〕怎麼對。〔淨〕街街哭孤老。哀而不傷。〔生〕休得取笑。〔淨〕借酒來奉鄭兄。〔生〕足見盛情。這箇到也不消了。

〔前腔〕〔淨〕衣冠好妝飾。談吐珠璣瀉文墨。喜風流醞籍。有誰能匹。謾追隨鳳枕恩情。且莫問鵬程消息。〔合前〕

〔鮑老催〕〔旦〕酒傾玉液。勸君飲盡無涓滴。當筵豪放無憂戚。聽鳳笛吹鼉鼓。敲鸞笙吸。揮金買笑何足惜。良辰美景豈易逢。賞心樂事難兼得。〔淨〕姐姐媽媽。

此景果不易逢也。可羨可羨。

〔滴滴金〕〔生〕流光瞬息駒過隙。莫把青春枉拋擲。癡心日夜看財虜。目生眵。頭早白。金堆玉積。若教花柳皆疎放。縱活到百年有何所益。〔淨〕鄭兄請酒。〔生〕樂兄。小生連日得罪。該敬老兄一杯何如。〔淨〕小子微意。特敬兄耳。休嫌。

〔滴溜子〕〔旦〕歌節奏。歌節奏。五音六律。聲宛轉。聲宛轉。停腔待拍。白雪陽春無敵。行雲響遏。采麗詞入格。夏玉鏗金。情融意適。〔淨〕自然氣象不同。酒美而殺更佳。

花嬌而香更馥。可愛。〔旦〕多承過獎。

〔雙聲子〕〔淨〕龍涎炙。龍涎炙。黃金鼎。香堪挹。麟舖擘。麟舖擘。青玉案。盤何密。謾歌舞。謾歌舞。排場寂。排場寂。看鈿蟬。金鴈。錦茵狼籍。〔貼〕大姐還多勸樂相公幾杯。〔淨〕小子酒也勾了。不消了。

〔尾聲〕笙簧沸耳花間集。畫閣不堪蓮漏滴。夜晏又開筵席。我不喫了。〔貼〕樂相公收鍾。〔淨〕收鍾入袖來。

金縷高歌舞柘枝。

銀箏斜倚玉山頽。

酒不醉人人自醉。

色不迷人自迷。

第十一齣 面諷背誦

〔末上〕買笑揮金樂少年。王孫失卻麗春園。幾番欲諫難開口。恐把忠言當惡言。自家熊店主是也。榮陽鄭公子來此赴試。今日在妓女亞仙家。把車馬行李搬去。止留下鋪蓋箱籠在房內。着樂秀才一人看守。可惜一箇聰明俊秀公子。被烟花迷惑在彼。呀。樂相公來了。〔淨〕我來了。我來了。

〔卜算子〕翠館爲貪杯。受了鴛兒氣。無端醉後惹閒非。恨小非君子。好惱好惱。自

招煩惱。煩惱延纏。皆因自討。店主人你不要問。我說來好惱。〔末〕樂相公。今日爲何這等煩惱。〔淨〕

不好告訴。我去亞仙家。與鄭相公扶頭行令。中間那鴛兒罵我是光棍。我這們一箇人。可是光棍。你

道我氣也不氣。〔末〕相公且休惱。等鄭相公回來。把他家行逕。細說與他知道。省他不去嫖。就絕了

他的衣食。有甚難處。〔淨〕有理有理。他今日要來下處。看我等他來時。你一句。我一句。使他知醒

纔是好。〔末〕正是如此。呀。道猶未了。鄭相公早已來也。

〔前腔〕〔生〕忘卻賦歸歟。祇爲逢仙子。綺羅筵上醉金卮。不語真君子。〔淨〕鄭兄。你道酒中不語真君子。是我席上多言了。〔生〕樂兄善戲謔。何必計較。〔淨〕取笑取笑。學生決不記懷。小弟有片言相稟。萬勿見罪。〔生〕有何見諭。卽當領命。何罪之有。〔淨〕鄭兄。你令尊着學生相陪到此。指望你穩步蟾宮。高扳仙桂。今執事迷戀烟花。略不以功名爲念。恐辜負了令尊之望。〔生〕學生爲試期尙遠。因客邸淒涼。暫時消遣。豈敢迷戀。〔末〕鄭相公。你既不迷戀。何不在草舍觀書。到搬在娼家居住。〔生〕店主人。樂相公在此。我論月一般還錢。不少了你房金。便是。休管休管。〔末〕相公差矣。我豈爲房錢而言。只是這娼妓人家。一動一靜。都是哄人的機關。你怎肯信。〔生〕店主人。他真心與我好。那李亞仙也不是哄人的。〔末〕相公怎見他真心。〔生〕他與我設誓。手上燒香疤。成一箇大瘡。〔淨〕鄭兄。你初出來嫖。不曉得。那叫苦肉計。〔生〕何謂苦肉計。〔淨〕你聽我道。

〔北寄生草〕他把那香燒臂。精巴巴火燎皮。心胸虎口陰臍處。渾身何止二三十。許多豈爲君留意。他要生心起發。一主大錢兒。方使這設盟苦肉燒香計。這爲苦肉計了。〔生〕那老鴇兒把他拘束得緊。他要跟我逃走。這也是哄我。〔末〕這一發是假意。相公

豈可聽信。

〔前腔〕〔淨〕這是錦套頭虛語。其中有密機。私奔暗約長吁氣。牽情不用繩拘繫。虔婆假意潛防衛。終朝鈔擁太行平。有一日無錢便道沙堤墮。〔生〕何謂終朝

鈔擁太行平。〔淨〕比似你今日有錢。他要一。你奉二。撒漫使錢。他便哄你逃走。你說前面山高難行。他道山縱高。有人行的平路。這是終朝鈔擁太行平。〔生〕何謂一日無錢沙堤墮。〔淨〕倘或你日後沒了錢。那老鴇子唆他在你跟前。急急聒聒要錢。你無錢與他。那時你與他說走了罷。他見你沒了錢。他就改口道。脚小鞋弓。前面山路崎嶇。我行走不慣。這便叫一日無錢沙堤墮。〔生〕他幾番爲我與鴇子賭氣。就要尋死。

〔前腔〕〔末〕他背後多嫌鄙。面前假作悲。道赤繩雙足無緣繫。紅綃三尺尋懸縊。算來只要圖財利。俺耳聞眼見萬千人。那曾見一人情重真心死。〔淨〕這店主

人好言語。好言語。難得難得。〔生〕他一日不見我去他家。就哭得不耐煩。那眼淚可是假得的。〔淨〕鄭兄好不明白。你一日不去。少了他一日錢鈔。他見你這般富貴。不哭你哭誰。〔末〕鄭相公。那樂相

公說得有理。說得有理。

〔前腔〕〔淨〕他欲覓金銀使。還思玉筋垂。眉峯鎖黛將張郎帶。連珠砲打拋紅淚。愁容八陣圖排起。分明活脫楚虞姬。假饒是重生項羽也。心腸碎。〔生〕淚出痛腸。如何假得。〔淨〕他不哭你。哭你那些。〔生〕他如今要嫁我了。〔淨〕說死尤可。若說嫁來。小則傾家破產。大則喪命亡身。〔生〕那有此事。我見好些唱的。都從了良哩。〔淨〕那從良的。非出於自然。出於無奈。或因錢債追迫。或因官府牽連。或被媽兒打罵。受氣不過。所以纔起嫁人之心。他一時之興。那有真心實意嫁人。〔生〕他昨日又說嫁我。〔淨〕你聽我道來。

〔前腔〕他許嫁牽情思。貪財欲倡隨。從良忍不得鴛兒氣。縱然乘興而來矣。終須興敗還鄉去。你看幾人到底守深閨。不信呵。請君只看那傍州例。〔生〕樂兄。詩云。窈窕淑女。君子好逑。〔淨〕你豈不聞乎。妓者不說嫁。子弟無牽掛。正此謂也。

〔解三醒〕〔生〕論文王好逑淑女。〔淨〕文王的是淑女。這是唱的老婆。〔生〕好色人之所欲也。好色心人孰無之。青樓美人真可意。妖妍貌世應稀。〔淨〕試期尚遠。我且與你

回去再來。還未爲遲也。〔生〕不思故鄉歸去矣。林外空勞叫子規。〔末〕公子。樂相公是好言勸你。〔生〕承嘉諭。只是我愚而不悟。望恕昏迷。〔下淨〕鄭元和撇我在此。公然去了。可是箇人麼。〔末〕正是。樂相公。你好言語。他公然不聽也。樂相公。

〔前腔〕你藥石言逆人之耳。苦口勸不理些兒。只聽枕邊如蜜語。卻不道運心機。黃金只恐容易費。流落天涯何日歸。吾差矣。與他們非親非故。干惹嫌疑。樂相公。各人自掃門前雪。不管他家瓦上霜。〔下淨〕見物不取。失之千里。鄭元和不聽我忠言相勸。忙忙而去。不免收拾他鋪蓋。都使上我的圖書。只說是我的。還有幾隻箱在此。揜開來盜取些東西。呀。且喜且喜。還有三四百兩銀子在內。正是欲求生富貴。須下死工夫。叫店主出來。作別而去。店主人有請。〔末〕忽聞呼喚。隨即趨承。〔淨〕鄭元和不聽我勸諫。撇我在此。寂寞煎熬。試期又遠。我且到一箇所在。望一箇朋友。又來未遲。卽日就去。店主人。你與我拜上他。〔末〕相公。你終不別他就去。

〔前腔〕〔淨〕收拾起半肩行李。〔末〕這鋪蓋之類。是鄭相公的。〔淨〕箱籠是他的。原封不動。在那一邊。〔末〕這鋪陳是你的。收拾了。〔淨〕你看麼。四邊有暗記圖書。圖書若打在中

天柱這房兒是咱的。我如今再把欺心使。〔末〕還有甚麼欺心的。〔淨〕我把令正娘子臉
上打一箇圖書。印了圖書是我妻。〔末〕相公也不是這樣欺心的。〔淨〕我姑饒恕。快打
發啜程飯米。即便回歸。〔末〕啜程之類。當得奉承。鄭相公也該別一別去。〔淨〕這樣人別他
怎麼。

料他終作異鄉塵。

莫怪朋友兩處分。

湖海茫茫雲外迹。

乾坤落落夢中身。

〔淨弔場〕我今若回去。他父親必然着人究追下落。我左右是無家之人。回去怎麼。不免寫起招子。
只說常州鄭刺史之子。因赴科舉。行至中途。遇盜所殺。車馬金銀。劫去無迹。有能捕獲者。逕到常州
取賞。就把來興出名。只說他恐家主見責。逃往他方度命。各處將招子貼遍。等人傳至常州。有何不
可。

只憑半張紙。

惹起一家愁。

第十二齣 乳壻傳凶

〔賀聖朝〕〔外上〕兩岐麥秀桑田。萬民示辱蒲鞭。循良有傳效前賢。管取好名

傳。〔衆作卓隸參見科外〕窮廬安赤子。明整布陽春。刺史官銜舊。文風禮樂新。下官常州刺史鄭儋是

也。到任以來。且喜判重如山。民安如堵。但不知民間疾苦。怨慕何如。且喚耆老社長。詢問一番。那卓

隸喚耆老社長進來。〔淨丑〕雨後有人耕綠野。月明無犬吠荒村。老爺磕頭。〔外〕那兩人叫甚名字。

〔淨〕小人姓黃名裳。〔丑〕小人姓黃名裏。〔外〕你二人都好箇名。且問你今年徭役。撥得如何。〔淨〕

今年徭役極公論。忒均平。〔外〕我比先任老爺手裏如何。〔淨〕老爺先官手裏貓狗也不得空閒。

〔外〕怎麼貓狗也不得空閒。〔丑〕老爺有詩爲證。任是深山更深處。也應無計避征徭。〔外〕你只說

先任比我如何。〔丑〕老爺在上。容小的稟來。那先任老爺在此呵。

〔月上海棠〕徭役難。鄉民貧乏皆逃竄。看苔封泥鎖。蓬華門關。自老爺下車以來。

感黃堂德政寵施。喜合浦明珠重返。〔合〕加餐飯。爭歌五袴。無復饑寒。

〔前腔〕〔外〕我在此呵守一官。民之父母行方便。要舉直措枉。勸善懲頑。萬井中

不斷炊烟。四境內相聞雞犬。〔合〕歡聲滿。含哺鼓腹。無復愁煩。老人出去。〔淨丑〕

徭役事均平。鄉村民快樂。〔末〕不好了。〔外〕宗祿慌慌張張。爲着甚事。

〔好姐姐〕〔末〕小人偶出府前。聞說道相公遭難。〔外〕我兒爲何遭難。〔末〕爲金多

被盜。一身喪九泉。〔外〕此是傳聞來的。那有此話。〔末〕端可驗。這招子是實都貼遍。

〔外〕是何人貼的。〔末〕是來興貼的。〔外〕他怎麼不回來。〔末〕他落天涯未得還。〔外〕如此

果是害了我那孩兒。宗祿。雖如此說。把此情慎勿就言。我夫人呵。若知道肝腸哭斷。我

將疑將信。心中殊不安。宗祿此事不可就言。須訪探。舉頭見日長安遠。怎得人

從日下還。〔外〕宗祿密訪此事。且謾說與夫人知道。〔末〕知道了。

公子直如弦。

傳聞死道邊。

前程暗如漆。

今日信斯言。

第十三齣 姨鴛誇機

〔杏花天〕〔淨上〕桑榆暮景身無倚。紅顏謝鬢已如絲。風情已逐年華去。猶存

下剩粉殘脂。自小聲名屬教坊。而今弄得鬢如霜。蜂蜜舌頭砂糖口。心腸似鐵性如鋼。小妾姓賈。

排行第二人都叫我做賈二媽。不幸夫主早亡。單身在教坊司居住。本司李大媽是我的妹妹。他家女兒亞仙。是教坊中出色的粉頭。一向不曾相見。今日去看他。一看來到此是李大媽家門首。〔貼李大媽上〕

〔前腔〕東風料峭門深閉。看落紅滿地胭脂。子規夜半猶啼啞。不信道喚春不
回。二媽甚風吹得你來。〔淨〕久不相見。特來探望。〔貼〕二媽請坐。多承下顧。〔淨〕大姐怎麼不見。〔貼〕他陪鄭相公在房內。待我叫他出來。

〔桃李爭放〕〔旦〕小閣陶情。楸枰弈戲。忽聽娘行喚取。〔淨〕大姐聞得你接着一箇好姐夫。且喜且喜。〔旦〕他是箇讀書的老實人。〔淨〕你要那虛花頭的怎麼。有造化。方接着老實孤老。趁他愛你時。起發他些東西。自古道癡心老婆負心漢。不要挫過了。日後情疎。你又要就難了。〔旦〕他是箇志誠君子。與別人不同。怎麼開口起發他的。也要顧些仁義相處。〔淨〕我門戶中。不過千謀萬計。只是哄他。顧不得甚麼仁義。〔旦〕好說。這事不是我行的。眼前出於無奈。要顧終身事業。怎做得那冷熱人。使人抱怨。〔淨〕大姐你聽道來。

〔憶多嬌〕他初到時。我把甜話兒。嬌聲豔語承奉之。席上人前偷眼覷。他若在我家歇時。我與他錦帳深閨。我與他錦帳深閨。睡到日上二竿纔起。若在我家住久了呵。我就假意兒。長嘆吁。喬妝哭嫁并走死。剪髮燒香設盟誓。若要起發他東西呵。還有箇法兒。還有箇法兒。頓放搖樁做鬼。〔旦〕怎麼叫做頓放搖樁做鬼。〔淨〕大姐。孤老與你好了。假如媽媽要錢。你又不明白與他說。只故意在他被中枕上。哭哭啼啼。說我家媽媽見這裏沒生意。要到別處轉動轉動。我又爲你在此。怎麼放得下。他見你這般愛他。必然加厚與你些錢鈔。這便是搖樁做鬼。〔旦〕鄭相公是箇讀書君子。不是那虛花子弟。〔貼〕我兒正是如此。

〔鬪黑麻〕那幫襯知音。虛花子弟。打卯燒香。來或暫時。這等人呵。吾門戶不許窺。且喜這鄭相公。他是公子王孫。萬金有餘。〔旦〕娘。雖說他是有錢的。性兒也是難拿的。〔貼〕從他性兒。如狼似虎。擺入我門來。擺入我門來。綿羊軟的。〔旦〕總萬計千謀。無非爲利。論色不迷人。人而自迷。雖一夜做夫妻。亦是前緣。少他債兒。〔貼〕你不信娘的說話。只怕色衰愛弛。韶華能幾。秋月春花。朝雲暮雨。〔淨〕大姐。你娘說的都是

好言語。〔貼〕我兒，你不好說，只叫銀箏倒鬼罷。

覓利機關巧。

青樓太不仁。

要知山下路。

須問過來人。

第十四齣

試馬調琴

〔逍遙樂〕〔生上〕鼎沸笙歌擾，火煖椒蘭煙霧裊。淹留樂地恣逍遙。〔旦〕黛眉粉面翠館青樓，綠水紅橋。〔生〕黃金何足惜，淑女真難得。〔旦〕行樂度春秋，浮生水上漚。〔生〕

大姐，你這兩日身子不快好些麼。〔旦〕正不好，勉強梳洗在此。〔生〕你想甚麼喫，我着人去買來。

〔旦〕我要馬板腸煮湯喫，只怕沒處買。〔生〕這箇何難，來與那裏。〔丑〕如今不叫來與。〔生〕叫甚麼。

〔丑〕去了來字，改做請字，叫做請與罷。〔生〕休胡說，你會殺馬麼。〔丑〕我被老歪貨哄了你的銀錢

該多少，恨不得把他一刀兩段，方稱我心。忒會。〔生〕殺甚麼。〔丑〕你叫我殺李大媽。〔生〕不是，殺我

騎的五花馬。〔丑〕我只道叫我殺李大媽，喜得不奈煩。相公這一匹好馬，爲何要殺他。〔生〕大姐思

量馬板腸煮湯喫，故此要殺他。〔丑〕這五花馬，日日與相公騎，大姐夜夜與相公騎，你騎了他一夜。

大塊銀子與他。五花馬終日騎他。何曾有半箇錢與他。那騙錢的到不殺他。反殺省錢的。相公好癡。
〔生〕休討打。〔丑〕相公休惱。小人就去殺馬了。〔生〕亞仙。几上有琴。你可試操一曲。〔旦〕恐污耳。
〔生〕自古道不焚香不彈。待我燒些香來。

〔二郎神〕〔旦〕爐燠裊。啟南軒把絲桐緩操。彈一曲彩鳳求凰聲合調。聽嚙嚙不似離鸞別鶴無聊。〔生〕如此妙音。愧我不是知音者。〔旦〕差矣。我喜遇知音情更好。

〔生〕再彈一曲猗蘭如何。〔旦〕使得。君蘭也。妾草也。今日呵。嘆猗蘭不嫌伴草。〔合〕兩情高。願鼓瑟宮商。相應和調。

〔集賢賓〕〔生〕清商宛轉音律悄。聽巫山夜雨蕭蕭。暗約高唐魂夢杳。想夜奔文君窈窕。相如智巧。把綠綺輕挑低調。〔合〕心太擾。總不入歌樓歡笑。

〔貓兒墜〕〔旦〕願爲侍妾。箕箒日猶操。玉樹蒹葭雖有誚。兔絲免得附蓬蒿。〔合〕偕老。願恩意地久天長。海闊山高。

〔前腔〕〔生〕同心比翼。擬結鳳凰儔。梧竹棲遲不暫拋。丹山有日共歸巢。〔合〕

偕老期誓海盟山。如同地厚天高。〔丑〕五花馬的板腸湯在此。〔生〕亞仙馬板腸湯有了。〔旦〕
呀。可惜可惜。

〔尾聲〕〔旦〕這五花馬身價高。〔生〕湯煮板腸卿所好。〔旦〕拿去罷。又厭腥羶不
喫了。〔丑〕好作賤。可惜殺箇五花馬來。動也不動。〔小旦〕特將心腹事。報與二人知。姐姐。你日日彈
琴。只怕明日不能勾了。〔旦〕爲何說此話。〔小旦〕媽媽說在此沒有生意。要轉動轉動。臨清魏官人
着人來請見。拿二百兩銀子在此接你。媽媽打點要去。〔旦〕等他去自去。我不去。〔小旦〕姐姐說得
好自在話兒。端端爲你來接。由你不去。〔生〕如此怎麼好。〔小旦〕自古道。小娘愛俏。媽媽愛鈔。你比
魏官人加倍些。管你去不成。〔生〕有愧有愧。我就送四百兩來。〔小旦〕銀子幾時送來。我好去回那
人。〔生〕有在此。還少些。待處足了。就送來。

風情月思小桃園。

歌舞排場樂少年。

昨夜宿醒猶未醒。

今朝畫閣又排筵。

第十五齣

套促纏頭

〔貼上〕不織不耕爲活計。擢風擢月作生涯。我一家止靠亞仙一箇賺錢。如今被鄭相公妨占。不得活動。昨日着銀箠去說。止得他二百多兩銀子。他罄囊與我。道無有一些了。不免喚女兒出來。打發他去罷。亞仙那裏。〔旦〕媽媽來了。何事分付。〔旦上貼分付旦介〕

〔遠地遊〕〔旦〕忽聞母命。玉趾離閨闈。上堂去穿花徑。〔貼〕我兒。昨日着銀箠去問鄭相公借銀子。只送得二百兩。不勾我使用。與他再借些。〔旦〕他說連包與你。再沒有了。〔貼〕他既沒了錢。打發他去罷。〔旦〕娘。君子愛財。取之有道。財誰不愛。也要顧些仁義。鄭相公在我家。也使盡好些錢了。何忍就趕他出去。〔貼〕不要管我。包你不傷犯了他罷了。快請他出來。〔旦〕相公有請。

〔前腔〕〔生〕葵花燦錦。隔院聞人請。多應是有人勸飲。〔貼〕鄭相公。你久處我家。多有簡慢。你是我嫡親女婿。料不見罪了。〔生〕小生久叨館閣。思報無地。何出此言。〔貼〕老身一向失問。令尊令堂高壽。〔生〕學生父母。俱有七十餘歲了。〔貼〕既有許多高壽。不宜久處在外。〔生〕學生非不知之。爲功名出於無奈。

〔黃鶯兒〕〔貼〕你定省在晨昏。卻睽違秋復春。爲人子者心何忍。你戀着青樓。

麗人忘卻白髮老親。孝爲百行之本。萬善之源。你怎麼戀乎此。但知務末渾忘本。〔合〕少年人戒之在色。〔生〕好胡說。〔貼〕不胡說。是孔子語諄諄。〔生〕媽媽。小生久處在宅。並不聞此言。今日何故苦苦相勸。〔貼〕你久戀我家。囊橐傾盡。後倘有失所。豈不歸罪於我。故此好言相勸。〔生〕好薄情。〔貼〕非是薄情。我與你彼此有益。

〔前腔〕〔生〕你看他詞色太驕人。使區區疑慮生。〔貼〕相公不須疑慮。早早去罷。〔生〕我豈不欲回去。奈功名未遂無歸興。〔貼〕你也把父母想一想。〔生〕欲望太行白雲。難捨巫山彩雲。恩情兩地縈方寸。〔合前〕薄情人貪財愛鈔。故爾語諄諄。

〔簇御林〕〔旦〕情含笑。眉展顰。恐仙郎感慨興。相公何必愁悶。丈夫四海家無定。休得要懷故土思鄉井。〔生〕我幾時要回去。何曾想家。是你那母親趕我。〔合〕他是老年人。言顛語倒。不可認爲真。鄭相公豈不聞聖人云。喜怒不形。物我無間。今日雖是媽媽不是。看我的薄情。只是如故。不要記憶罷。〔貼〕你還有十兩銀子與我。再住幾日也不妨。

〔前腔〕〔旦〕言雖慰。氣未伸。念關山役夢魂。囊琴羞把朱絃整。怕聲聲彈出思

歸引〔合前〕

金盡牀頭惹厭憎。

風波萍迹任浮沈。

人情若比初相識。

到底終無怨恨心。

第十六齣 鬻賣來興

〔末上〕自家熊店主是也。鄭公子來此科舉。迷戀娼家。金銀嫖盡。今被老媽要錢。無從措置。央我把那來興賣與崔尙書家。文契俱寫完了。不免催他去交還他去。〔生〕今日到熊主人。將來興去賣。

〔金蕉葉〕有緣有緣。遇佳人情濃眷戀。燕蹴飛花落舞筵。嘆囊空興味蕭然。

〔相見介生〕熊店主。相煩你的事可成麼。〔末〕文書并銀子十兩在此。來興一去。銀子就與相公。

〔生〕來興那裏。〔丑〕只爲思鄉切。家山入夢頻。寧爲故鄉鬼。莫作異鄉人。大相公叫來興怎麼。〔生〕

我久居於此。盤纏已盡。此間店主人說崔尙書家待人甚好。我將你賣與他爲義男。你可隨着店主

人去。〔丑〕呀。大相公。你把來興賣了。可憐小人隨侍到長安。不辭勞碌。兼受老爹奶奶撫育之恩。承

相公同手足之看。此欲圖報。素志未酬。今便一旦拋離。於心何忍。相公。你若速歸鄉井。小人願賣身

以作盤纏。你若仍戀烟花。決不敢奉命。言訴及此。痛淚難禁。〔生〕來興。我也捨你不得。到此出於無奈了。

〔小桃紅〕我只爲黃金散盡。翠館難淹。鬻汝休含怨。從容向前。〔丑〕小人怎敢怨相公。只是割捨不得。〔生〕來興。我畢竟是箇寒儒。你隨我無榮顯。那崔尙書府中。甚是勢頭。適彼竊威權。將托身。食人食事。必從驅遣。你到他家務要學好。免受鞭笞。省我掛牽。

〔丑〕相公。你把我這身賣了銀子。又不可浪費了。把做盤纏回去罷。〔生〕故園羞回轉。生死聽天。羊觸籬籬。進退兩難。

〔下山虎〕〔丑〕小人呵。遠隨科試。來到長安。望你登高選。我也喜歡。誰知道眷戀紅妝。取次輜裝罄然。〔生〕來興。我如今悔矣。〔丑〕相公。店主人再三勸你。卻把忠言當惡言。不聽人之勸。賣我微軀。值幾錢。小人受老爹奶奶的厚德。今生不得報了。可憐可憐。欲見爹媽面。除是夢返故園。望斷孤雲淚兩懸。

〔蠻牌令〕〔末〕來興去罷。此間離相府路迂遠。辭舊主莫留連。〔丑〕店主人。你且從容片

時。我今日別了相公呵。關山無日轉。音信倩誰傳。相公。你若不早早回去。只管迷戀在此。倘爹知道難容見面。只苦殺老母愁煩。想晨昏望兒眼穿。相公。你如今趁有這幾兩銀子。在身邊。須當早早回去罷了。你莫困窮途。速整歸鞭。〔末〕來與去罷。

〔尾聲〕〔丑〕臨行再拜肝腸斷。相公。未曾報謝得老爹奶奶。望乞代言千萬。死當結草啣環。

拜別恩東欲斷腸。

何年再得倚高堂。

休戀故鄉春色好。

受恩深處卽家鄉。

第十七齣 謀脫金蟬

〔園林好〕〔貼上〕三竿日紗牕影紅。有人在鴛鴦被中。睡熟醪醑香夢。不知道已晨鐘。午飯後近昏鐘。我已着人請買二媽。怎麼還不見來。

〔前腔〕〔淨〕團花扇低遮醜容。一路上無人簇擁。空有香風飄動。只落得引遊蜂。飛攘攘惹狂蜂。呀。李大媽。喚妾身有何事幹。〔貼〕二媽。榮陽鄭相公。他久戀我家。妨占亞仙。不

肯接人。又不好撚他出去。特請你來商議。求一妙策。〔淨〕我聞得鄭公子甚有金銀。爲何要撚他出去。〔貼〕他在此金銀已盡了。

〔江兒水〕買笑經年久。行囊近日空。〔淨〕既沒了錢。叫你的大姐把意思遠些兒。〔貼〕奈癡兒迷戀多承奉。〔淨〕怕與他好了。要桃之天天。〔貼〕想夜奔追隨心萌動。〔淨〕既如此。

你把臉兒放下來纔是。〔貼〕我嫌疑他也知惶恐。〔淨〕如此要留他。要打發他。〔貼〕我進

退無謀操縱。請問娘行。何策把冤家斷送。〔淨〕你要打發他去。有何難。他是貴公子。比常

人不同。怎麼好撚他出去。須用金蟬脫殼之計纔好。〔貼〕甚麼金蟬脫殼之計。〔淨〕我與你先尋下

一所房子。你着令愛同鄭元和到竹林寺求男。就着他央我爲媒。講話之間。急差人來報說你偶得

暴疾。我先着令愛回來看你。你就悄悄地搬開。後使鄭生回來。我亦搬去。教他兩處無尋。這便是金蟬

脫殼之計。〔貼〕只恐哄他不信。

〔前腔〕〔淨〕只說求男女。燒香古廟中。令他訪妾閒談詠。你托疾差人將言哄。女兒前遣馳飛鞚。潛地行蹤移動。教他兩處無尋。做了一場春夢。〔貼〕此計甚妙。

多謝見教。〔淨〕休謝休謝。我去了。金風未動蟬先覺。暗送無常死不知。〔貼〕事不宜遲。且叫女兒鄭相公出來。安他去。

〔五供養〕〔旦〕琴調瑟弄。母命傳呼。速應相從。〔生〕囊空情減殺。禮貌欠從容。登堂腴腆。只恐簧言譏諷。〔合〕花紅無百日。開落任東風。質問因由。吾當遵奉。

〔貼〕鄭姐夫女兒你過來。〔生〕媽媽有何見諭。〔貼〕鄭姐夫。你與我女兒相知歲久。沒有孕嗣。此間竹林院神道甚靈。你可備些牲禮。與我女兒同去祈求。倘得一男半女。則我女兒終身有望。日後你便爲官。也棄撇不下。〔生〕小生囊篋已盡。何幸眷育海涵。反作百年姻眷。捫懷知感。刻骨難忘。〔貼〕

鄭姐夫何出此言。你與我女兒兩箇呵。

〔前腔〕恩深情重。設誓求男。全始全終。待你祈禱回來。就央賈二媽爲媒。與你結姻。那時節屏開金孔雀。褥隱繡芙蓉。姻緣重結。一對和鳴鸞鳳。〔合〕門闌多喜氣。女婿近乘龍。白璧藍田。想伊曾種。〔生〕多謝媽媽厚意。〔旦〕我兒明日同姐夫祈禱回來。就請

賈二媽來。〔旦〕請他來何幹。〔貼〕曰古道匪媒弗克。我央他與你爲媒。〔生〕正是伐樹須用斧。〔貼〕

引線必須針。〔生〕明日去竹林院燒香。香紙不會備。且叫保兒來問他。〔丑〕相公有何分付。〔生〕我明日要到竹林院燒香。祈求男女。我不知要辦甚麼東西去。

〔玉交枝〕〔丑〕神仙齋供。間腥葷菜盛潔豐。要三牲酒醴親賚捧。爇寶鼎沈木香濃。高燒銀燭影搖紅。〔生〕這些東西明日買罷。〔丑〕明日遲了。須是今朝置買來朝用。〔合〕這神靈有感必通。願早叶熊羆吉夢。〔貼〕保兒說的是。還是今日買罷。就依他今日買完備了更好。

〔前腔〕〔生〕我無錢使用。典春衣殊覺赧容。保兒你與我拿這件衣服去賣了。買些香紙牲醴來用。就煩伊置買多勞動。〔丑〕相公衣者身之章。不可賣了。〔生〕我的衣服。一年一換。穿過就不用了。〔丑〕這等看起來。那來興也是相公穿過的。〔生〕怎麼來興也是我穿過的。〔丑〕不然如何將他賣了不用。〔生〕休胡說。我志豪邁莫笑身窮。鬼神禱告竹林中。夫妻同返桃源洞。〔合〕許配偶忻然相應。〔丑〕要娶大姐。必須得好些禮。〔生〕論聘儀容當補送。

〔尾聲〕娶而不告心惶悚。只索行權曲從。〔丑〕相公。你娶了我大姐呵。不似如今這等拘束。任你睡到日高花影重。

喜筵重啟結夫妻。

禱告歸來莫待遲。

借問竹林何處是。

赤欄橋過碧江湄。

第十八齣 竹林祈嗣

〔步虛傳〕〔貼上〕竹林仙院禮三清。歌舞樓臺棄錦箏。日暮焚香繞壇上。步虛猶作按歌聲。〔衆道姑相見介貼〕小道原是教坊司一箇名妓。姓曹。排行居長。人都稱爲曹大姐。

因被媽兒愛了沒疼熱的錢鈔。不管好歹。因此忿氣出家。道號淨真。我如今識破悲歡離合之情。特修養丹爐。消磨火性。尋幾箇霞烟外逍遙善信。存一人至誠心散漫捱光。甚時得到蓬萊。今日四月望日。且喚道姑出來燒些香。〔丑〕掃地青牛臥。栽松白鶴栖。要知仙女麗。原是教坊妻。院主稽首。

〔貼〕道姑。今日四月十五日。乃天生聖母娘娘誕辰。恐有求嗣的。到此燒香點燭。至道臺上禮拜。

〔浪淘沙〕〔貼〕瑞草滿瑤階。白鶴飛來。香焚柏子碧雲開。一卷黃庭消白晝。萬

慮塵埋。衆道姑們伺候着那燒香的施主們來。〔衆〕知道。

〔前腔〕〔生旦〕琳館白雲隈。竹裏門開。飛臺畫棟絕塵埃。玉罄一聲雲外鳴。彷彿

佛蓬萊。〔貼〕大姐久不到竹林院燒香了。此位相公上姓。〔旦〕是滎陽鄭相公。〔貼〕到此貴幹。〔旦〕

奴家目下與他成婚。特來求嗣。〔貼〕如此請上香。〔丑〕方纔來到就上香。待我送下香錢纔是禮。

〔生〕有。自當奉謝。〔貼〕相公請上香。初拜。二人同拜。

〔亭前柳〕〔生〕夫婦願和諧。鸞鷺早投胎。易生還易長。無難亦無災。〔合〕大開

方便門兒待。六道輪迴。生化果奇哉。〔旦〕神靈願我夫主鄭元和呵。

〔前腔〕他應試顯奇才。步武上金階。碧桃和露種。紅杏倚雲栽。〔合〕大開法濟

門兒待。六道輪迴。生化果奇哉。

〔前腔〕〔貼〕絳燭吐蓮臺。寶篆結雲霾。求兒應副望。孔釋送將來。〔合〕大開廣

照門兒待。六道輪迴。生化果奇哉。〔生〕香錢祝錢。莫嫌輕鮮。〔丑〕相公。你這每一箇標致人。

不扯手。不像箇嫖客。〔生〕實是輕意。日後容補。〔丑〕相公。如今世界。千萬箇容當再謝。不如一箇伏

乞笑留見添些如何。〔貼〕不要計較罷了。

不孝有三無後續。

禱告靈神定獲福。

今日無官一身閒。

他年有子萬事足。

第十九齣 詭代僦居

〔福清歌〕〔淨上〕老年來因無嬌媚。不放鬆腳兒還細。把持門戶勝男兒。只多了丫髻。接舊人尙有丰致。前日李大媽與我稅一所房子。在此暫住。掇賺那鄭元和。受人之托。必當終人之事。少待他來。自有道理。〔元和與李亞仙同見賈二媽〕

〔唐多令〕〔生〕素手相攜。祛炎扇可揮。不禁汗透碧紗衣。引入槐陰深處。步步行來遠。遙遙路更長。一灣流水綠。滿地落花香。〔旦〕可會到了他家麼。〔生〕此間已是賈二媽門首。〔淨〕鄭相公。貴脚踹賤地。有何見諭。〔生〕二媽。小生此來。非爲別事。〔淨〕端的爲何事來此。實與老身說知。〔生〕二媽聽道。

〔桂枝香〕將欲婚諧伉儷。〔淨〕原來要娶大姐。且喜且喜。幾時成就。〔生〕卽日筵開羅綺。

想藍田白玉曾埋。雙足赤繩曾繫。〔淨〕你二人到此貴幹。〔生〕浣娘行作伐。浣娘行作伐。〔淨〕只怕沒有福做這箇媒人。〔生〕望母推拒。自當酬禮。〔合〕喜孜孜。欲結同心帶。須啣合盃杯。〔淨〕這等說呵。顯得李大媽識人了。將亞仙與你做夫妻。不枉了一對兒。後日一定有好處。

〔前腔〕你是青年才子。大姐是紅顏淑女。有緣千里相逢。此日正宜匹配。吾當贊襄。吾當贊襄。玉成其事。成人之美。〔合前〕既是這般說呵。老身不得不依命。作成老身也。趁一件襖子穿。〔生〕自然重謝重謝。

〔不是路〕〔丑〕我汗馬奔馳。滿目炎天路欲迷。他新遷寓。尙書府過戟門西。此間已是賈二媽門首。且帶住馬。逕入報知呀。大姐不好了。〔生旦〕卻是怎的。爲何的。言辭急遽無頭緒。〔丑〕只爲娘行一病危。〔生〕大媽有甚麼病來。〔丑〕媽媽忽得暴疾。如今將垂死已。〔旦〕呀。怎麼好。他衣衾棺槨何曾備。〔淨〕若如此呵。早爲之計。早爲之計。〔生〕待我回

去。請箇醫人看治。

〔前腔〕〔淨〕他病篤求醫。恐船到江心補漏遲。〔生〕二媽說那裏話。寧可啣藥而死。我

與你同回去。還將藥石少扶持。〔淨〕只有一匹馬。你二人怎麼同回。〔生〕二媽有馬。再借

一匹。〔淨〕吾家裏常時有馬。今無矣。〔生〕如此怎麼。〔淨〕把馬先送大姐去。然後來接姐

夫就是。〔生〕言之有理。大姐。你且先行我慢些。〔旦〕你權於此。我到家即遣雕鞍

至。〔生〕萬勿遲滯。萬勿遲滯。大姐。正在恩愛之間。又起這等風波。教我如之奈何。我適纔所言

在此專望來接。〔旦〕我決不遲滯。〔生〕你乘不慣。須要仔細。

〔掉角兒〕〔淨〕嘆浮生沒根沒蒂。病衰年難醫難治。〔生〕我來時媽媽好好的。爲何就

有病起來。事有可疑。〔淨〕相公。天也有不測風雲。人豈無不虞災異。姥將亡無人

管。最孤恓。吾須備齋祭之儀。〔生〕天將暮矣。爲何馬猶不至。〔淨〕真箇馬還不見來。

〔生〕心急如火。待我走去罷。〔淨〕這許多路。怎麼走得。〔生〕我心焦如火。怎辭勞瘁。〔淨〕再

待一待。〔生〕天已晚了。待不得。只得走罷。一心忙似箭。兩脚走如飛。〔淨〕看他信以爲實。竟走回去

了。

〔前腔〕他那識咱虛情假意。忙收拾遷居行李。黃金殿深鎖鴛鴦。白玉樓空餘燕子。楚陽臺雲雨散。夢魂迷。巫山女何處尋之。真誠君子。豈知奸宄。走頭無路。中吾深計。自古道。烟花之門。那有真意。只索離了他。走回去便了。你好苦好苦。

〔尾聲〕金蟬脫殼潛移徙。蕉鹿夢使他無據。鄭郎。那裏是長久夫妻。鄭元和去了。想李大媽已離原宅。妾身也離此處。教他兩處踏空。

窮途無奔又無投。

南去北來休便休。

今夜彩雲何處散。

夢隨明月下青樓。

第二十齣 生拆鴛鴦

〔金錢花〕〔貼上〕行行離卻花街。花街輕輕蹴起纖埃。纖埃垂楊江上立蒼苔。

日晡矣。尙不來。日晡矣。尙不來。老身要脫賺鄭元和。哄我女兒同到竹林院求男女。就着他

去央賈二媽爲媒。我已着人去報。忽得暴疾。哄我女兒先回來。移家到安邑門去住。脫離了那窮酸

秀才。行李已搬下船。只等我女兒。如何不見來也。〔做急走介。旦乘馬上介〕

〔前腔〕〔旦丑〕忽聞母病堪哀。堪哀。一鞭馳驟前來。前來。呀娘。你緣何獨自立蒼苔。使我心驚戰。意疑猜。使我心驚戰。意疑猜。〔貼〕遠遠望見。卻是我女孩兒來了。不免站在江邊。等着他來上船。免得鄭生又來尋覓。〔旦〕娘。說你偶得暴疾。孩兒不勝驚駭。駝馬而來。你今爲何獨立在江邊。〔貼〕我好好的。那有甚麼病。只因鄭元和久住我家妨占。不能脫他。我與賈二媽定下金蟬脫殼之計。我與你如今搬到安邑東門去居住。別尋生意。他那裏來尋我。〔旦〕倘尋不見。他一定去尋賈二媽了。〔貼〕賺了鄭元和出門。賈二媽也搬開了。叫他那裏去尋。〔旦〕好苦。娘。你下得這般狠毒。〔貼〕不消說閒話。快些上船來。你哭他怎的。〔旦〕娘。雖則我門戶人家。也要顧些仁義。惜些廉恥。何故這等狠毒。天不容地不載呵。

〔山歌〕〔淨〕我做船家愛清奇。滿船常掛月明歸。今日裝了大姐在艙裏坐。好像范蠡載西施。快下船來。

〔前腔〕〔貼〕驀地搬場去不來。脫殼金蟬忒使乖。東奔西投無尋覓。賺了箇抱負。經綸好秀才。

〔紅衲襖〕〔旦〕他本是抱負經綸一箇好秀才。〔貼〕我這樣人家只愛錢。管甚麼好秀

才歹秀才。若有錢。便是叫化子也接。他若無錢。縱是貴公子也是閒的。〔旦〕娘。他偶然墮風塵

卻遭着你毒陷害。〔貼〕他自家沒了錢。怎說我陷害也。〔旦〕娘。是你親口許我嫁他。〔貼〕這是他

有錢時的說話。〔旦〕我那鄭公子呵。辜負了生前結下了同心帶。空落得夢中飲合

盃。今日弄得他兩處無尋覓。忍教他哭窮途消壯懷。多管是減容光誰餉保。一似

芙蓉生在秋江上也。不向東風怨未開。〔貼〕事已至此。你哭他也是枉然。休要哭。

〔山歌〕〔淨〕不向東風怨未開。相思鬱結滿愁懷。不是郎君尋人勞健步。只爲

胸中七步才。〔貼〕莫說七步。就是八步才也難了。

〔紅衲襖〕假饒有七步才學問該。怎識破八陣圖形勢排。我未見好德人如好

色。他自取失身家還失財。舊時的鳴珂巷空走來。新時的宜陽院徒自踰。端的

是踏破鐵鞋無覓處也。十謁朱門九不開。

〔山歌〕〔淨〕九不開九不開。妝臺明鏡漫塵埃。姐姐打扮好似良家女。寬綽綽

衣衫別樣裁。

〔紅衲襖〕〔旦〕寬綽綽把衣衫別樣裁。高聳聳雲髻特地改。風月門牢砌了迷魂寨。粉骷髏照出了孽鏡臺。收錦茵楊柳腰舞不來。斂歌喉桃花扇從今賣。始信道明年此地知誰在也。塵世難逢笑口開。〔貼〕笑口開。笑口開。鄭子於今思不諧。莫怨他。

〔山歌〕〔淨〕塵世難逢笑口開。人生離合命安排。恩情有日重相會。枉使機關名行乖。

〔紅衲襖〕〔小旦〕不是設機關名行乖。賺得他走路岐涕泪灑。似娘行不肯招乘龍客。吹簫人嬾再登引鳳臺。長相思愁悶懷。短相思眉鎖黛。姐姐。你的悶懷呵。眞箇是花影重重疊疊瑤階也。幾度呼童掃不開。〔淨〕船已到安邑東門了。請大姐媽

媽上岸。

怪底東風惡。

摧殘並蒂花。

白雲他自散。 明月落誰家。

第二十一齣 墮計消魂

〔六么令〕〔生上〕顛危老死在他人尙要扶持。況吾爲壻感恩私。心急急。敢遲遲。不辭辛苦忙歸去。不辭辛苦忙歸去。適纔賈二媽處。說將馬來接我。久不見至。只得步

回。呀。爲何李大媽把門封鎖了。好怪麼。不免問鄰舍家。便知分曉。老哥借問。此間李家。爲何把門封鎖在此。〔內應〕搬去了。〔生〕他搬在那裏。這房子是誰鎖的。〔內應〕不知他搬在那裏。這房子是曾學士着人封鎖的。〔生〕李家搬去。不知分曉。只得還轉賈二媽家。去問他個下落。〔忙走介〕

〔前腔〕朱門深閉。不知他何方儼居。回頭悵望彩雲飛。天已暮。日沈西。奈林深路黑難行矣。奈林深路黑難行矣。此去賈二媽家。還有五六里之程。天色已晚。途路又生。去

不到了。不免借這酒館。歇宿一宵。明日早行。店家何在。〔淨〕高懸一燈火。應接四方人。官人何來。

〔生〕我借你館中一宿。明日早行。行路辛苦。有酒看一壺來。〔淨〕請坐。酒在此。〔生〕酒保。我明日五更就去。把門不要鎖了。〔淨〕房錢酒錢都沒有。去了那裏來尋你。〔生背介〕正是盤纏一文也沒有。

在身邊。怎麼好罷罷。我把這件衣服抵在此。明日就來取。〔淨〕也罷。典衣沽酒飲。開楊任君眼。〔下〕
〔生〕亞仙。亞仙。不知你今晚在何處。這酒怎麼喫得下。睡又睡不着。好悶人呵。

〔普天樂〕想玉人飄泊歸何處。沒有半句叮嚀語。約先行吾當隨至。誰知半路拋離。嘆烏鵲無栖止。卻教我踏枝不着空歸去。燈半滅。他也羞照愁眉。漏已斷。我猶垂兩淚。好懊恨也。亞仙。亞仙。我早知如此。步步追隨。呀。天明了。酒保。我去也。〔淨〕不要偷了我的酒壺去。〔生〕酒壺在桌上。自家仔細。

〔憶鶯兒〕聽雞亂啼。鴉亂飛。野寺晨鐘渡水遲。月小山高星漸稀。穿東過西。魂消思迷。此間是賈二媽門首。呀。他爲何也把門兒閉。〔合〕好蹺蹊。美庭院。翻做武

陵溪。正門雖則封鎖。那角門半開。待我悄悄進去。呀。爲何一人也無。中門又開在此。上有告示。不許閒人逕入。天已大明。不免叩門。賈二媽。賈二媽。呀。爲何沒一人應。不免進去叫一聲。誰在裏面。〔末〕候門深似海。不許外人敲。甚麼人在此喧嚷。〔生〕是學生。〔末〕是個秀才。到此有何事幹。〔生〕特來

尋鶯兒。賈二媽。〔末〕這是崔尙書老爺的百花園。又不是教坊司麗春院。尋甚麼賈二媽。〔生〕昨日

小生於此聚會。今日何故匿之。〔末〕你無故而來。言無由緒。爲何到說我匿他。好無禮。打這廝。〔打介生〕救人。救人。〔丑〕原來是我大相公。〔生〕是我。來與救我一救。〔丑〕是我舊恩主。放手。〔末〕既是你舊主人。莫怪了。〔下丑〕相公。你爲何到此。〔生〕來與一言難盡。我被李大媽教我與他女兒到竹林院求嗣。就着我去央賈二媽爲媒。忽報大媽暴疾。喚了女兒先回。驀地搬開。不知去向。〔丑〕你怎麼不跟了他。〔生〕只因無馬。亞仙先回。我後至。就不見了。〔丑〕既不見李大媽。就該去尋賈二媽。〔生〕賈二媽昨日在此。今日正來尋他。也不知那裏去了。〔丑〕相公。你前日不聽店主之言。果中烟花之計。你今日呵。

〔前腔〕無所倚。何所歸。計中烟花追悔遲。身世伶仃怯路歧。鴛鴦伴離。〔生〕我如今那裏去問信好。〔丑〕鱗鴻信稀。你今要尋他呵。好似捕風捉月無憑據。〔合前丑〕相公。老爹奶奶在家懸望。不如趁早回去罷。

〔鬪黑麻〕〔生〕我欲賦歸歟。行囊罄澀。欲在此依栖。又無舊識。無伎倆。養身策。

〔丑〕在此等科舉。倘然得中。十分之美。〔生〕我今學業已廢。休擬登科。觀光上國。〔合〕相

逢可惜。風波遭陷溺。進退無門。進退無門。仰天嘆息。

〔前腔〕〔丑〕相公。你帶月行來。滿身露溼。我這件衣服呵。是白苧新裁。未沾汗液。相公。你平日滿身羅綺。你如今穿這破損衣服。怎麼見人。我小人這件衣服雖粗。情願奉恩主少遮飾。〔生〕來興。多謝你。〔丑〕相公不要謝我。還有一貫青蚨。你略支旦夕。〔合前內云〕來興。老爹叫。〔丑〕老爹叫小人。只得去了。相公。老爹奶奶望你。可早早回去。免在此玷辱家風。〔下生〕如今往那裏去好。

〔玉胞肚〕只得望門投止。好羞慚。籬條戚施。想桃源路隔天台。使劉郎腸斷遐思。一朝無奈。妬花風雨便相催。兩地分開連理枝。信地行來。此間已是布政裏舊店主家。不免叫一聲。有人在麼。〔末〕是何人呀。原來是

〔前腔〕相公來至。爲何足趨。起吾心有疑。〔生〕店主人不好了。果被烟花掇賺。兩處無尋。

〔末〕你被他哄了麼。今日始信吾言。〔生〕我如今還到那裏尋他好。〔末〕相公。這樣人家。萍蹤浪跡。你那裏去尋他。便駕高車駟馬難追。〔生〕若如此進退無門。不如死休。〔末〕相公。死有

輕於鴻毛。重如丘山。你功名未遂。況說雙親老矣。勸君休要喪溝渠。權在寒家住幾時。相公敢是未喫早膳。〔生〕昨日到今。水米不曾打牙哩。〔末〕受餓了。媽媽。鄭相公在此。快看早飯來。

〔淨持飯上〕

〔川撥棹〕一碗飯長腰米。十八樣小菜兒。〔末〕媽媽。怎麼有十八樣小菜。〔淨〕兩賣韭菜。

二韭一十八。呀。原來是鄭相公。怎的不比往日風流了。請早飯。〔生〕我喫不下。〔末〕你肚中飢餓。請

喫一口。〔生〕我肚中雖餓。奈氣恨填胸。要喫喫不下。〔末〕相公。你且努力加餐。你且努力

加餐。祿享千鍾自有時。〔生〕謝施恩救我饑。謝施恩救我饑。〔淨〕鄭相公。聞得你與

那大姐成婚了。

〔前腔〕〔生〕婚姻事休提起。他哄求子潛脫離。〔淨〕親也不會成。就去求子。可惜你是

個秀才。豈不曾讀大學之書。豈不曾讀大學之書。未有學養子而後嫁者也。

〔末〕莫胡言笑大儒。莫胡言笑大儒。

〔尾聲〕〔生〕撐腸拄腹難消氣。一病多應是死。〔末〕相公。可自保護萬金之軀。

感君厚德暫容身。

一飯重怡氣莫伸。

惟有感恩并積恨。

千年萬載不成塵。

第二十二齣 歌郎競技

〔外上〕人爭名利幾時休。昨日紅顏今白頭。自家京兆府一個老人。蒙本府差管此間凶肆。近日聞得東西二肆相爭。主顧必來告訴於我。且待審個是非則個。

〔清江引〕〔丑上〕孜孜爲利清早起。又有不成人的先入市。主顧搶我的夜飯沒米煮。教我家老婆呷西風。過日子。自家東肆長是也。專靠做歌郎送殯爲活計。我的主顧都被西肆長奪去。今日待他來打他一頓。再作道理。

〔前腔〕〔淨上〕錢財入手非容易。一個錢當兩個使。人皆買酒吞。我獨喫冷水。要爭口氣養妻兒。做財主。〔丑〕財主。你爲何搶我主顧。〔淨〕你爲何奪我買賣。〔丑〕你搶我的。到說我奪你的。〔打介淨〕打得好。打得好。〔外〕業旣在凶肆。何必肆其凶。你兩人爲甚麼廝打。〔丑〕聽小人告訴。我兩人都靠送殯爲活。他把我主顧都搶了。〔淨〕他把我買賣都奪了。〔外〕你們是我

差管。當以理說。〔丑〕若是以理說。他凶器不如我的鮮明。〔淨〕他歌聲不如我的悽愴。〔外〕一個誇凶器鮮明。一個誇歌聲悽愴。你二人都有一樣不齊。〔丑〕老官人。歌郎雖不及他的。

〔四邊靜〕我那喪車器用皆完固。幡幢間功布。存沒兩輝光。佳城送安厝。那西肆長。〔合〕搶人主顧。絕人道路。仔細算將來。如殺我父母。〔淨〕我凶器雖不及他。

〔前腔〕歌聲悽愴稱獨步。蒿里與薤露。號泣於旻天。遑遑子求父。〔合前外〕自古喪禮之說。與其易也寧戚。臨喪以哀爲本。你二人都率領歌郎。到天門街上賭歌。歌得人悽愴的主顧都是他的。再不許搶奪。〔淨〕老官人。我二人不要光賭。各以二萬錢爲據。歌得勝的。錢也是他的。主顧也是他的。永不許奪。我和你去。〔丑〕老官人。喪車我與他賭。歌郎我不與他賭。〔外〕你聽我道。休教樂道輻車。

優劣公論在人。

背地不須講議。

第二十三齣 得覓知音

〔生上〕病體堪憐在異鄉。歸心今日憶滎陽。黃金散盡無相識。安得良醫說藥方。小生被烟花計賺。

無處投奔。多蒙店主收養在家。忽得一疾。十分沈重。死在旦夕。我想起來。無數金銀。一旦廢盡。今日便死。自作自受。固不足惜。只是我爹娘年紀老矣。止生我一身。日夜望我中舉榮歸。誰知死在他鄉。呵。身子越覺沈重。不免少睡片時。

〔字字雙〕〔淨〕柴如甘草米如珠。凶歲收留敗子病將危。疫癘呼湯呷水喫他虧。悔氣推他出去喪溝渠。了事。老身熊店主之妻是也。我家老兒沒分曉。這般年歲。收留鄭元和在家。不幸又染起疫癘。三日不食。倘或差失。如何是好。如今老兒不在家。只說扶他去討藥。推在凶肆之中。斷送這根苗。多少是好。呀。鄭相公。你今日病體如何。〔生〕不好了。媽媽。還有三隻箱。一床鋪蓋。我若死後。可買棺木盛了。寄頓寺中。倘我爹娘差人尋我之時。千萬寄回安厝。我在幽冥。感激不淺。〔淨〕相公。我扶你到醫人家去。取討些藥救你如何。〔生〕多謝媽媽。只怕走不動。〔淨〕待我扶着你去。

〔步步嬌〕〔生〕我氣息淹淹難調理。應做他鄉鬼。媽媽。我走不動了。〔淨〕勉強再走幾步。〔生〕伶仃步怎移。〔淨〕既走不動呵。且傍牆陰。暫眠凶肆。〔生〕媽媽。既是凶肆之中。怎

麼教我睡在此〔淨〕且在此睡待我去請個醫人來看你罷〔生〕你去請良醫卽便來扶歸去〔淨〕我去就來〔下〕

〔玉山頹〕〔生〕孤身狼狽病膏肓死期必矣。三釜養勿及爹娘。九泉恨兩目難閉。關山萬里誰爲我招魂剪紙。不見良醫至。姥應歸。教我滿面啼痕臥落暉。

〔丑上〕賭歌欲求勝。潛地覓知音。自家東肆長是也。目下要與西肆長賭歌。哀挽稍劣。如今腰帶二萬錢。到街上尋一個聲音溜亮的。僱他歌一歌則個。

〔步步嬌〕欲覓知音人何處。緩步尋凶肆。〔生〕媽媽救我一救。〔丑〕忽見牆陰一病兒。聽他悽愴呻吟。覷他形容如鬼。〔生〕救人。〔丑〕這般一個病人。爲何倒在此。待喘息定移時。對我說詳細。

〔玉山頹〕〔生〕沈痾將死。被主人妻棄我路岐。望君家援救殘生。活窮鱗望施升水。〔丑〕你姓甚名誰。〔生〕元和鄭氏。〔丑〕我曉得你。你是讀書人。必諳喪禮。〔生〕喪家禮是吾餘事。〔丑〕你做嫖客。必會歌唱。聲音如何。〔生〕聲音甚是溜亮。〔丑〕若如此。隨我回家去。唱

蒿里。薤露兼歌何易晞。〔生〕敢問長者何處高姓。〔丑〕我就是東肆長。近日要與西肆長賭歌薤露。你今隨我回去。教熟歌詞。倘得取勝。自當重謝。

薤上堪憐露易乾。

歌來聞者便心酸。

少個悽愴須教熟。

百客人前出衆難。

第二十四齣 逼娃逢迎

〔出隊子〕〔貼上〕香消蘭麝。香消蘭麝。絲索流塵暗錦箏。階前草色入簾青。聽別院笙歌聲沸鼎。偏有吾家無人及門。老身李大媽是也。當初掇賺鄭元和。指望我女兒

另尋孤老覓錢。誰想他只思着那酸子。終日掩鏡悲啼。再不肯接人。且喚他出來。打上一頓。要他接客。多少是好。亞仙那裏。

〔霜天曉角〕〔旦上〕飄蓬斷梗。蹤跡應無定。雙鯉江頭絕信。孤鸞鏡裏傷情。〔見

介貼〕賤人。我家不耕不織。止靠你覓錢養家。你今故意面垢頭蓬。終日悲啼。如何是了。〔旦〕奴家與鄭生誓同生死。一旦被你掇賺。不知存亡。使我憂心悄悄。待死而已。何假倚門獻笑。誘人財物。

〔貼〕賤人。你看別人家鬧熱烘烘。惟有我家呵。

〔泣顏回〕車馬寂無聲。嘆雀羅可布衡門。不見俗語云。良田萬頃。不如日進分文。思之可嘖。那酸子有甚好處。你鎮朝昏掩淚也。慵臨鏡。賤人。你青春能幾何哉。你看這般嘴臉呵。比昨時越減精神。

〔前腔〕〔旦〕堅貞。立志脫風塵。〔貼〕落在風塵中了。守甚麼堅貞。〔旦〕誰道章臺楊柳。翻成嶰谷松筠。愁眉鎖黛。遠山畫筆無憑。愛黃花滿庭。傲霜枝禁得那西風緊。久忘情秋月春花。早灰心暮雨朝雲。〔貼打介〕

〔撲燈蛾〕賤人不思忖。賤人不思忖。良家且淫奔。你既落烟花寨。休思百世流芳也。那書生薄倖。又不曾花燭結婚姻。卻爲何恁般執性。打教伊務必棄舊去迎新。

〔前腔〕〔旦〕青樓懶再登。青樓懶再登。空閨守貞靜。鎮把重門掩。自許塵心洗淨也。〔貼〕賤人。不要說趁錢。標致孤老接着一個。也強如孤眠獨宿。〔旦〕任芙蓉帳冷。不慕玉

堂金谷靄春温。去舊染修身謹行。喜瑩然白壁何愧玷青蠅。

〔尾聲〕〔貼〕賤人堅執不從順。對我公然強硬。賤人好好聽我說。重整新妝去倚門。我這烟花中守不得貞。撇不得清。

菱花獨對試新妝。

消瘦容顏祇爲郎。

閉門不管窗前月。

一任梅花自主張。

第二十五齣 責善則離

〔末上〕自家宗祿是也。俺老爺在此述職。纔方跟隨訪友到此。忽見天門街上東西凶肆。賭唱歌詞。那善唱的歌郎。聲音舉止。儼然似我家大相公模樣。不免將此情報與老爺知道。呀。老爺來了。

〔新水令〕〔外上〕杏園東去曲江西。約同僚一船回去。嘆故人青眼稀。覓舊題蒼苔翳。鳳闕崔嵬。仰瞻在白雲深處。宗祿行李可曾收拾完麼。〔末〕俱完了。小人有一言告稟。〔外〕有甚麼說話。

〔步步嬌〕只見天門街上人如蟻。不免偷忙覷。都是東西凶肆。在那裏賭歌。小人呵。見

歌郎貌甚奇。那歌郎與我大相公行藏聲響渾然無異。〔外〕既有此事。爲何不問一聲。〔末〕我也欲問因依。又恐他不是。

〔折桂令〕〔外〕宗祿。那歌郎雖是清奇。豈是吾家千里之駒。此話休題。此話休題。我兒金多被盜。久喪溝渠。他身不到帝闕金闈。名已登鬼籙陰司。〔末〕老爺。天下沒有這般相像的。定是他。〔外〕也不可就信真了。你與我訪問個端的。免得我生疑。那年少伊誰。與我兒一樣丰姿。〔末〕老爺且在此坐。那歌郎都到酒樓上買酒喫去了。少不得在此經過。待他來時。小人留他來見老爺。〔淨扯生上生〕你扯我怎麼。

〔園林好〕〔淨〕白馬篇唱得不低。二萬錢使我頓輸。〔生〕官府差人作證。贏你的。又不是奪你的。〔淨〕可怪你是來歷不明之子。結扭去告官司。結扭去告官司。〔打生介生〕地方救人。〔末〕不要嚷。放手。〔淨〕他奪了我的二萬錢去。〔末〕他叫甚麼名字。〔淨〕他叫做

鄭元和。〔末〕你還不知道他是常州府太爺的公子。父親朝覲在此。你這光棍。到要詐他的錢。拿去見老爺。〔淨〕大叔。小人不知。望饒放了罷。〔下末〕大相公。老爺在此。〔生〕大哥不要認差了。我不是

甚麼大相公〔末〕小人是宗祿。怎麼不認得〔生〕我也不認得甚麼宗祿。且放手。〔末〕我決不放手。
老爺大相公在此。

〔雁兒落〕〔外〕呀。我聞說你爲金多死盜賊。誰想你流落在卑污地。做歌郎歌
薤露詞。做歌郎歌薤露詞。那裏是念之乎者也兒。宗祿取馬槌來。着實與我打。〔生〕爹
爹。饒了孩兒性命罷。〔外〕你這不肖子。那許多輜裝。都那裏去了。

〔江兒水〕〔生〕被盜劫輜裝去。〔外〕那樂秀才在那裏。〔生〕爲財疎朋友離。〔外〕來興
在何處。〔生〕來興也逃走了。孤身淪沒在泥途裏。更遭疾病多狼狽。〔外〕你一向在那
裏。〔生〕幸逢肆長加恩惠。館穀虧他周濟。〔外〕他旣館穀你。爲何又做歌郎。〔生〕爲感
恩私。權做歌郎報取。

〔得勝令〕〔外〕呀。我指望你步青雲登高第。卻緣何裏烏巾投凶肆。廣寒宮懶
出手扳仙桂。天門街強出頭歌蒿里。不肖子。您也曾讀詩書。怎不知廉恥。積德
門閭。到養這等習下流不肖子。宗祿與我着實打。〔生〕爹爹。不是孩兒要做這樣勾當。〔外〕

不是你做。卻是誰做。

〔玉交枝〕〔生〕因遭顛沛。故從權徑竄奔馳。不踰閒大德兒無愧。〔外〕做這樣勾

當。還教是無愧。氣死我也。〔生〕孩兒也是出於無奈。執卑聊表微軀。〔外〕還要強辯。宗祿與我

打死罷。〔生〕爹爹。虎狼尙然不食兒。可憐骨肉當饒恕。望爹爹深垂憫慈。論至

親莫如父子。〔外〕不肖子。你志行如此。污辱吾門。有何面目復相見也。宗祿與我一下打死。免得

玷沒我家風。〔生〕爹爹。容孩兒回去見母親一面。情願就死。

〔沽美酒〕〔外〕你要到高堂慰別離。休指望帶伊回。宗祿。你與我剝了他衣服打。牛

馬襟裾卻去除。教他精皮膚受鞭笞。打麼。〔末〕老爺。勾了。請息怒。〔外自打介〕打教他

血流漂杵。我教這不肖子。〔末〕呀。大相公死了。〔外〕三魂喪。纔中吾意。七魄散。就棄溝

渠。不肖子。你歌薤露送人之死。你今死誰歌蒿里。你今死吾心方喜。〔末〕大相公已

死了。〔外〕死了。纔出俺心頭惡氣。宗祿。把尸首與我拋出去。〔末〕老爺可憐。念父子之情。買

一棺木盛殮回去。〔外〕這樣不肖子。留他尸首怎麼。與我撇在荒郊野外去。〔下末〕可憐。可憐。〔背

生介

〔尾聲〕〔末〕千金軀棄荒蕪地。這搭地到好。不免放在此。剛放下。你看蠅蚋紛紛來至。老爹。你一時之怒。打死了他。你若見這樣呵。隨你鐵打心腸也痛悲。

屍棄荒郊外。

孤魂甚日歸。

何人陳薄奠。

誰與飯來追。

第二十六齣 卑田救養

〔丑上〕年少郎君罹禍亡。死於非命實堪傷。自家東肆長是也。前日與西肆長賭歌。得蒙鄭元和歌勝。贏了二萬錢。奪回主顧。不想他父親知道。把他打死。棄屍野外。他一命由我而亡。於心何忍。我今去尋着他屍首。權把蘆蓆包裹。再買口棺木殮殮。聞得丟在郊外。不免去尋看。呀。果投在此。蠅蚋紛紛食肉。可憐可憐。

〔洞仙歌〕郎君一命危。是咱負累伊。把葦蓆來包裹。少間盛殮之。再拜淚雙垂。英魂隨我歸。免做荒郊鬼。且依放此處。去買棺木來盛殮。〔下淨上〕

〔前腔〕朝聞歌楚詞。日暮身亡矣。呀。蘆蓆包裹。是個死人。怎麼在裏頭掙動。待我打開來看。呀。原來是鄭元和。聞他被父親打死了。怎麼又活將轉來。試摸胸次溫和。沈沈脈息微。待我叫他一聲。鄭元和。〔生〕嚶。啣救人。〔淨〕好了。活轉來了。我悄悄地自馱回。還將藥石醫。留他在卑田院裏呵。不怕無生理。

低聲喚醒元和。

馱回院裏調和。

聞說救人一命。

勝造七級浮屠。

第二十七齣 孤鸞罷舞

〔月兒高〕〔旦上〕深秋時候。簾幙西風透。延佇東籬畔。人比黃花瘦。拋閃多才。要見不能勾。便做話別臨歧。尙兀自牽衣執手。何況驀地教他無奔投。野草閒花滿地愁。郎如柳絮被風顛。飄泊堪憐。妾心如藕斷絲牽。折斷猶連。江上魚沈雙鯉。鏡中影弔孤鸞。別時容易見時難。悶倚闌干。奴家被娘做成圈套。掇賺鄭郎。不知他流落何處。我想他故鄉羞轉。盤纏又無。多應悶死了。縱然不死。知他如今在那裏。

〔前腔〕窮途奔走。纍纍喪家狗。怎得還鄉里。何日功名就。願他早到鶴班。又恐撇下鴛鴦偶。天那。我有萬千心事。怎能勾見他。除是夢裏來相會。重把衷腸分割。默默相思淚暗流。羅帕薰香病裏頭。夜已深了。不免睡罷。睡便去睡。孤枕憂思。怎生挨得到曉呵。

鄭郎和你幾時得見呵。〔哭介〕

帳冷芙蓉夢不成。

知心人遠轉傷情。

枕邊淚似階前雨。

隔了窗兒滴到明。

第二十八齣 教唱蓮花

〔水底魚兒〕〔丑上〕跛足難行。經年不出門。卑田甲長所任信非輕。自家卑田院甲長是也。收養跛聾殘疾。鰥寡孤獨之人。在此着他各處叫化養活。我哥哥沒分曉。日來收個病漢。叫做鄭元和。兩腿潰爛。穢不堪聞。今雖將養得好。那人擔輕負重不得。養他何用。不免叫哥哥出來。打發他去呀。哥哥已來了。

〔前腔〕〔淨上〕薄藝隨身。弄蛇弄獼猴。終日酩酊濁酒滿瓢吞。兄弟你叫我則甚。

〔丑〕哥哥你馱那鄭元和回來調養。如今病已好了。他到喫自在飯。我每辛辛苦苦叫化來養他。如今叫他出來。也要去叫化。若不肯去。趕他直走。〔淨〕我當初也是這個主意。故此收留來家。待我叫他出來。鄭元和。

〔似娘兒〕〔生上〕死裏復逃生。卑田院聊寄殘形。深秋無奈兼貧病。衣衫襤褸。語言無味。面目堪憎。二位甲長。不知呼喚小生有何見諭。〔丑〕鄭元和。好自在性兒。我弟兄辛辛苦苦。日夜叫化。你到喫見成的。〔生〕小生坐食。也自覺惶恐。

〔羅帳裏坐〕〔淨丑〕你並無一長可取。又無門路可投。自古道寧分數斗。莫增一口。你今休怪。當場出醜。勸伊莫待雨淋頭。早趁晴乾急走。

〔前腔〕〔生〕念我一身狼狽。況無親識見憐。望君收錄。感恩非淺。〔丑〕這個休說。難道只管養你。〔生〕我願爲乞丐。〔丑〕你怎麼幹得這樣的卑賤事。〔生〕到此地位。也說不得。

了。怎辭卑賤。〔淨〕只怕你害羞。不肯叫老爹奶奶。誰肯與你東西。〔生〕我把蓮花落唱出。叫求錢。望老爹奶奶方便。〔丑〕你口聲不像叫街的。待我二人教你。〔教謹介〕

願唱蓮花落。

沿街做乞兒。

情知不是伴。

事急且相隨。

第二十九齣 聞信增悲

〔剔銀燈〕〔貼上〕家冷落教人可怪。女孩兒愁眉攢黛。閉門不肯迎冠蓋。終日裏無聊無賴。賤才爲冤家掛懷。全不與娘的掙財。安邑東門做住居。門前冷落車馬稀。

〔小旦〕瑤琴塵暗鐘聲遠。輸與銀箏動富兒。〔貼〕老身自移居在此。爭奈我女兒終日想着鄭元和。誓不接客。如何是好。方纔崔尙書與曾學士。要來我家賞桂花。就央他勸我女兒。仍前接客。多少是好。銀箏看茶酒伺候。

〔菊花新〕〔淨上〕歌臺舞榭日徘徊。一曲清歌酒一杯。〔小生〕乘暇且追陪。百歲幾逢佳會。〔小旦〕銀箏磕頭。〔淨小生〕免禮起來。〔貼〕二位老爺拜揖。〔淨〕一向聞得你女兒爲了舊日的好孤老。不接客。我們在此。難道他也不出來。〔貼〕怎麼敢。亞仙。崔老爺在此。快出來。〔旦〕身子不快。不來。〔淨〕哄他只說鄭相公有人稍信在此。〔小旦〕姐姐。鄭相公有信來也。

〔海棠春〕〔旦上〕離恨好難排。勉強迎冠蓋。〔見介淨〕亞仙請我一請。報你一個喜信。

〔旦〕甚麼喜信。〔淨〕當初鄭元和與你好。當不得這好孤老三字。如今實受孤老了。〔旦〕怎麼實受孤老。〔淨〕你是個聰明人。猜一猜。〔旦〕要奴家猜麼。

〔漁家傲犯〕莫不是驥尾蠅隨歸去來。〔淨〕那裏有使人帶他回去。〔旦〕莫不是又追歡上花柳街。〔淨〕嫖本也沒了。還上甚麼花柳街。〔旦〕莫不是成了功名誇拾芥。〔淨〕書

本也丟了。誇甚麼功名拾芥。〔旦〕莫不是在窮途做乞丐。〔淨〕這個到猜的七八。〔旦〕這

言怎生使我猜。如今他在那裏。〔淨〕朝東暮西。那有蹤跡。〔旦〕若尋得他見呵。我欲贈雙頭

金鳳釵。〔淨〕乞丐要釵也沒用。人見了反做賊拿。〔旦〕好苦。只落得界破殘妝淚滿腮。〔淨〕

亞仙明說與你知道罷。鄭子一寒如此哉。語言頹瘦骨骸。風雪有情歸瓦罐。雨雲

無夢到陽臺。〔旦〕他如今果然做甚麼勾當。〔淨〕歌殘世上蓮花落。忘卻天邊桂子香。試看身衣

鶉百結。盡是風流換得來。

〔梧桐樹〕〔旦〕天那。只道你逢舊識。只道你歸鄉國。只道你攻書。只道你陳廷

策。今日忽聞忽聞這惡消息。一似五綵文鷓斂羽栖荆棘。使我兩淚交頤掩面空悲泣。罷罷。青樓顰笑從此都收拾。

〔東甌令〕〔淨〕他流污下你休怨憶。你落在風塵中了。空自貞堅人不識。〔淨小生〕世間那有這等癡心的人。眼前夫在妻淫奔。情竇尙窺覓。難道你磨而不磷。涅而不淄。潔白似崑壁。

〔尾聲〕〔旦〕玉郎飄梗無蹤跡。空想丰神何處覓。從此帳冷芙蓉秋月白。〔淨〕癡妮子。想那叫化頭怎麼。不如陪我們賞桂花散悶卻不好。〔旦〕妾聞此消息。方寸亂矣。有何心緒賞桂花。〔淨〕如此真個不見人了。〔旦〕抱怨歸空閣。無心賞桂花。〔下淨〕這賤人好無禮。公然去了。叫小廝薙了他的鬚毛。〔小生〕老先生。娼妓守志。古今難得。我和你成人之美。纔是。怎麼到壞他節行。着銀箏唱曲奉酒。有何不可。〔淨〕有理有理。銀箏你遞酒。不要學那歪貨。〔淨摟小旦介小旦〕我與老爺到有一半好。〔淨〕怎麼一半好。〔小旦〕你歡喜我。我不喜歡你。卻不是一半好。〔淨〕原來也是不歡喜我的。〔小旦〕取笑取笑。請看花。〔奉酒介〕

〔山花子〕〔淨〕廣寒仙桂香無賽。姮娥親手栽培。被區區和月掇來。人間傳得根芽。〔合〕看繁英金粟亂開。美人玉纖輕折采。一枝斜壓白玉釵。香浸金杯。歡飲開懷。

〔前腔〕〔小旦〕枝柯碧翠多瀟灑。清高不染塵埃。散天香薰透骨骸。龍涎奚足稱哉。〔合前小旦〕二位老爺。月上了。請玩月。〔奉酒介〕

〔紅繡鞋〕一輪月滿瑤臺。瑤臺涼颿輕捲陰霾。陰霾如寶鑑把塵揩。〔合〕輝玉臂。耀金釵。移桂影。轉瑤階。

〔前腔〕〔衆〕羽裳一曲新裁。新裁宮商高下和諧。和諧珠錯落顯奇才。〔合前〕〔尾聲〕南飛孤鷓無依賴。觸景教人感慨。怎能勾千里人從月下來。

萬里山河秋寂寂。

千門市井月漫漫。

此生此夜不長好。

明月明年何處看。

第二十齣 慈母感念

〔憶秦娥〕〔貼上〕梧桐雨。瀟瀟窗外添愁思。添愁思。兒夫入覲。何時來至。與郎

計水程。九月定到家。芙蓉黃菊蕊。爛熳齊放花。奴家鄭太守之妻是也。相公上京入覲。臨行之時。再四叮嚀。到京訪問孩兒消息。一去許久。不見回來。如之奈何。好似和針吞卻線。刺人腸肚繫人心。好苦也。〔外上〕別了夫人。上京朝覲。探問孩兒消息。誰知此子不成才。被我打死。夫人問我。怎麼回他。

〔前腔〕孩兒不肖遭時否。一時打死成拋棄。〔末〕成拋棄。夫人知道。定教心碎。

〔外〕人似天邊雁。離京已到家。〔貼〕相公回來了。途路風霜不易。〔外〕夫人。辛苦休題。〔貼〕相公。你訪問孩兒消息如何。〔外〕夫人。元和不死。〔貼〕既不死。且喜且喜。孩兒如今在何處。〔外〕不要說起。那不肖子。他將金銀費盡。卻在天門街上做歌郎。我見了他。不勝一時之怒。被我一頓打死了。〔貼〕打死了。〔外〕實是打死了。〔貼哭倒介〕

〔啄木兒〕聽說罷。心痛悲。我那兒。駭得我魄散魂飛。一似癡。我那兒。怎能勾扇枕溫衾。空想你戀別牽衣。相公。我三年乳哺多勞瘁。你一朝何忍輕拋棄。父子五倫之大。你今一旦打死呵。使父子絕倫。恐非人所爲。

〔三段子〕〔外〕晚年養渠。紹箕裘深慚有兒。令他赴舉。望成名光耀里閭。他自甘流落卑污地。將咱玷辱難饒恕。死有餘辜何足追悔。

〔啄木兒〕〔貼〕看你形容悴血氣微。短髮蕭蕭境落暉。嘆老景誰奉肥甘。葬佳城誰舉靈輻。書香一脈何人繼。孤魂休望春秋祭。你我年已七十。並無子息。可不苦殺我窮人無所歸。

〔三段子〕〔外〕反而自思。夫人着他赴舉。指望榮顯。誰知流落。做這樣勾當。辱門牆不如沒兒。百年做鬼。且休題不耕而餒。與其不肖把家私廢。何妨一日鞭箠斃。〔貼〕也不思日後有誰收拾你的屍骸。〔外〕豈有玉函無人來掩瘞。

〔尾聲〕〔貼〕你看寒沙夕照荒邨裏。舉日不堪愁思。我兒你怎如蹄犢跳驤也得隨母歸。〔貼〕相公。你當初無子。千方百計求男禱女。五旬來止得一子。非爲容易。你今因小過就將他

打死。使鄭門之嗣斬絕。你我年皆七十。舉目看誰。終身之事。如何是了。〔外〕夫人。這個何愁。吾家族屬蟬聯。待我擇一個昭穆承繼便了。你哭也何益於事。〔貼〕昭穆之人。終非骨肉。自古道虎狼不食

兒。你把自家骨肉傷殘。兀的不痛殺人也。〔外〕人已死了。哭便怎麼。我妾媵無數。或者天可憐見。還生一個好兒。也未可知。

莫惜青年喪異鄉。

免教玷辱我門牆。

從今不敢高聲哭。

只恐猿聞也斷腸。

第三十一齣 襦護郎寒

〔二江風〕〔旦上〕雪兒飄。四野彤雲罩。萬徑人蹤杳。想多才流落何方。天那。應做窮途李。恩情一旦拋。恩情一旦拋。鱗鴻萬里遙。細思量似把心腸絞。倦倚繡牀。愁不寐。緩垂綠帶髻鬟低。玉郎一去無消息。一日相思十二時。自從鄭郎被賺。不知下落。奴家日夜縈心。前日崔尙書說他在外求乞。銀箏不知此言果否。〔小旦〕姐姐。崔老爺見你想他。故意哄你。姐姐如何就認真。〔旦〕銀箏。今日大雪。求乞的甚多。倘有叫街的門首過。叫個進來。我問他一聲。或得鄭郎消息。未可知也。〔小旦〕姐姐。你聽鼓板咚咚。又是一起叫化的來了。〔旦〕取針線箱來。我做些針指。待他門首過。叫個來我問他。〔生同淨丑衆乞丐上〕

〔沽美酒〕〔生〕鵝毛雪滿空飛。破草薦蓋着羊皮。殘羹剩飯口中喫。李亞仙你怎知。破帽子在頭上塔。破布衫露出肩甲。腰間繫一條爛絲麻。脚下穿一雙歪烏辣。上長街又丟抹。咱便是鄭元和。家業使盡待如何。勸郎君休似我。〔衆合〕小乞兒捧定一個瓢。自不會有頓飽。肚皮中捱飢餓。頭頂上瑞雪飄。最苦冷難熬。正遇着嚴冬。嚴冬天道凜凜的似水澆。凍得咱來曲折了腰。呀。有那個官人每穿破了的綿襖。戴破了的舊帽。殘羹剩飯捨些與小乞兒嚼。因此打上一回哩哩蓮花哩哩蓮花落也。

一年纔過。不覺又是一年春。哩哩蓮花。哩哩蓮花落也。小乞兒也曾到東嶽西廟裏賽靈神。哈哈蓮花落也。小乞兒搖槌象板不離身。哩哩蓮花。哩哩蓮花落也。只聽鑼兒錫錫錫。鼓兒咚咚咚。板兒喳喳喳。笛兒支支支。夥里夥里夥里夥里夥里夥。小乞兒便也曾鬧過了正陽門。哈哈蓮花落也。只見那柳陰之下。香車寶馬。高挑着鬧竿兒。挨挨拶拶哭哭啼啼都是女妖嬈。哩哩蓮花。哩哩蓮花落也。又見那財主每荒

郊野外擺着杯盤。列着紙錢。都去上新墳。哈哈蓮花落也。

〔醉太平〕〔生〕卑田院的下司劉九兒宗枝。鄭元和當日拜爲師。傳與俺蓮花落的稿兒。抱柱杖走盡了烟花市。揮筆寫就了龍蛇字。把搖槌唱一個鷓鴣詞。這的不是貧雖貧的浪子。

一年春盡不覺又是一年夏。哩哩蓮花。哩哩蓮花落也。只見那財主每。涼亭水閣。散髮披襟。手執紈扇。冰盤沈李。賞浮瓜。哈哈蓮花落也。又只見一隻小舟兒。輕搖謾棹。短纜孤篷。提着鮮草。穿着魚鰓。手執蓮臺賞荷花。哩哩蓮花。哩哩蓮花落也。驚起那水面上鴛鴦兒。一雙雙。一對對。忒楞楞騰。忒楞楞騰。飛過了浪淘沙。哈哈蓮花落也。鏤金的破瓢。碾玉妝成金繫腰。這話教人笑。我在鶯花市上打圍高。叫化些馬打郎羊背皮通行鈔。叫化些赤金白銀珍珠瑪瑙。叫化些雙鳳斜飛白玉搔。叫化些八寶妝成鑲嵌繚。叫化一個十七十八女妖嬈。在懷兒中摟着。因此打上一回哩哩蓮花哩哩蓮花落也。

一年夏盡不覺。又是一年秋。哩哩蓮花。哩哩蓮花落也。只見那財主每。插着黃花簪。着紅葉飲金甌。哈哈蓮花落也。可憐那小乞兒。寂寂寞寞。寂寞夜間愁。哩哩蓮花。哩哩蓮花落也。又見那北來的孤鴈兒。咿咿啞啞過南樓。哈哈蓮花落也。叫着那個官人們娘子們。有甚麼喫不盡的饅頭皮兒。包子嘴兒。麻餅屑兒。餛子股兒。共饅饅。哩哩蓮花。哩哩蓮花落也。捨些與小乞兒也。強似南寺燒香。北寺看經。請着和尚。喚着尼姑。併併澎澎。叮叮咚咚。打着鏡鉢。持齋把素念彌陀。哈哈蓮花落也。

〔醉太平〕〔生〕遠前街後街。高大院深宅。那一個慈悲好善女裙釵。與乞兒一頓飽齋。與乞兒換一牀鋪蓋。與乞兒繡一副合歡帶。與乞兒攜手上陽臺。這的不是救貧的奶奶。

一年秋盡不覺。又是一年冬。哩哩蓮花。哩哩蓮花落也。只見揉綿下絮舞長空。哈哈蓮花落也。可憐見小乞兒。曲曲深深把身躬。哩哩蓮花。哩哩蓮花落也。只見頭頂上淅淅索索。起了幾陣臘梅風。哈哈蓮花落也。只見那財主每。紅爐煖閣。羊羔美酒擁。

嬌娥哩哩蓮花。哩哩蓮花落也。我想有時節。絨毛毯兒。高麗蓆兒。紅綾被兒。那些鋪蓋睡了好快活。哈哈蓮花落也。

〔醉太平〕〔生〕貧窮的志高。村殺我俏難學。教乞兒苦熬。戴一頂半新不舊烏紗帽。穿一領半長不短黃麻罩。繫一條半連不斷舊絲絛。這的不是風流每的下梢。〔淨〕如今各人分路去。鄭元和。你今日往安邑東門去。〔衆下生〕老爹奶奶好冷。〔旦〕銀筆。你

聽外面叫街的聲音。好似鄭郎的。〔小旦〕待我看來。叫街的轉來。〔生〕奶奶。求討些。〔小旦〕看你不

像叫化的。〔生〕娘行每娘行每聽告。叫化的也有些低高。遠在山林近市朝。有錢時也曾象板鸞。笙間着鳳簫。俺也曾月夜花朝。鳳友鸞交。結駝帽兒帶着。白玉鉤兒束着。琥珀珠兒垂着。紵絲襖兒穿着。斜皮靴兒登着。襪子也是絨毛。五花馬兒騎着。獬狃狗兒隨着。來興童兒跟着。身邊帶着寶鈔。撞着一個妖嬈。他把咱來相招。引入了窩巢。日日花朝。夜夜元宵。樂樂滔滔。快活逍遙。〔小旦〕既是這般受用。怎麼出來叫化。〔生〕今日裏身子嫖得窮了。結駝帽兒壞了。白玉鉤兒

斷了。琥珀珠兒撒了。紵絲襖兒當了。斜皮靴兒綻了。絨毛襪子破了。五花馬兒殺了。獬狃狗兒死了。來興童兒賣了。單單剩得個軀勞。身邊沒了寶鈔。老鴛兒將我絮絮叨叨。把我趕出門來。受了多少苦惱。李亞仙不知那裏去了。鄭元和不得已了。因此打上一回哩哩。蓮花哩哩。蓮花落也。〔小旦〕你敢是滎陽鄭公子麼。

〔生〕我就是鄭元和。〔小旦〕呀姐姐。鄭姐夫在此。〔旦〕在那裏。〔小旦〕這不是他。〔生〕奶奶。求討些。〔旦〕這就是他。天那。

〔香柳娘〕〔旦〕看他似饑鳶叫號。看他似饑鳶叫號。恁般苦惱。〔生〕皇天好冷。求討些。〔旦〕我聞言不覺心驚跳。你不認得我了。我是李亞仙。〔生〕原來是大姐。〔旦〕你怎麼這般模樣了。看肌肉盡消。看肌肉盡消。〔生〕皇天好冷。病骨冷難熬。遮身無破襖。

〔旦〕解繡襦裏包。解繡襦裏包。且扶入西廂煖閣。免教凍倒。〔生〕我這般模樣。大姐。我不進去。〔旦〕令你一朝及此。妾之罪也。快進去不妨。〔生〕只怕累你受氣。〔旦〕今日弄得你這般模樣。我就死也無怨恨。請進去。〔小旦〕姐姐。待我去看些火來。〔貼上〕甚麼人喧嚷。

〔前腔〕聽西廂煖閣。聽西廂煖閣。爲何鬧炒。〔小旦〕媽媽。鄭姐夫在此。〔貼〕這冤家

誰引他來到。〔生〕媽媽可憐。〔貼〕你看他枯瘠疥癩。殆非人狀。快推出市曹。快推出市曹。

遍體臭羶燥。蓬頭一餓孛。這般模樣呵。想死期將到。想死期將到。若有人知。官司

怎了。快趕那叫化頭出去。〔旦〕娘聽兒告稟。他乃是宦家子也。昔日驅高車。持金裝。至孩兒家。不逾

年而蕩盡。你與賈二媽互設詭計。捨而逐之。殆非人行。令其失志。不得齒於人倫。父子之道。天性也。

使其情絕。殺而棄之。又困躓若此。天下之人。盡知爲孩兒所害也。況此子親戚滿朝。一旦當權者熟

察其本末。禍將及矣。況欺天負人。鬼神不佑。待自貽其殃耳。請細思之。〔貼〕你待要怎麼。〔旦〕孩兒

今年已二十歲矣。計其資。不啻值千金。今娘年六十有餘。願計二十年衣食之用。以贖身。當與此子

別居。所居非遙。晨昏得以溫清。兒願足矣。〔小旦〕媽媽。姐姐不接客。立志堅貞。你雖不容他。他也不

肯干休。況那鄭姐夫呵。

〔前腔〕他是儒林中俊髦。他是儒林中俊髦。他父親呵。官居當道。倘一朝事露。娘圈套。這罪名怎逃。這罪名怎逃。尋出禍根苗。撰錢樹皆倒。願救他潦倒。願救他

潦倒從姐所言。不須推調。〔貼〕決不容他。〔旦〕娘若不從。孩兒投金於水。尋個自盡。看你靠誰。

〔貼〕咳。看這丫頭行徑呵。

〔前腔〕想立志已牢。想立志已牢。只得憑伊計較。依便依了你。把黃金囊橐須傾倒。丫頭。你好癡心。覷他人形貌。覷他人形貌。似蛇虺不成蛟。龍門怎高跳。賤人。你只圖旌表。你只圖旌表。要做夫人。位高五花官誥。你既如此。離北隅四五家。有一隙院。可稅而居。〔旦〕謹依尊命。

貧寒冷徹骨。

保養願施恩。

受盡苦中苦。

方爲人上人。

第三十二齣 追奠亡辰

〔霜天曉角〕〔貼上〕亡兒生忌。娘反持觴祭。不見膝前嬉戲。空遺五采斑衣。有

子喪他邦。教娘倍感傷。故衣尙懸架。感痛何時忘。孩兒元和。身喪他邦。今日是他忌辰。昨已分付乳母。備辦紙帛牲醴祭奠。乳娘何在。〔丑上〕奶奶。祭禮已完備了。〔貼哭介〕我兒當初只望你早拔仙

桂穩步青雲。饗你五鼎之儀。顯我三遷之教。今日呵。

〔錦堂月〕到教我無穴埋尸。何時瞑目。我那兒。誰人掩覆纍裡。我猶望生還。晨昏鎖倚門閭。不念我鬢着秋霜。反爲你魂消夜雨。〔合〕愁提起。看取舊日衣裳。是娘親製。

〔前腔〕〔丑〕塵兒。筆網珠絲。書從蠹走。牙籤帙亂離披。牆倚韓檠。忍教腸斷。慙。你本是上國名儒。今做了窮途餓鬼。〔合前〕

〔醉翁子〕〔外〕悄地聽老母哀哀哭子。恨昔日無思。教我不勝追悔。〔貼〕你將他打死。今日思量他怎麼。〔外〕聽取。當不得庭前。反哺慈烏。月夜啼。〔合〕身後事。倩誰葬佳城。縛引靈輜。

〔前腔〕〔貼〕過隙論光陰。人生能幾。你七表龍鍾。枯楊枉自生稊。〔外〕堪悲。嘆月冷沙寒。老蚌何由重孕珠。〔合前〕

〔僥僥令〕〔貼〕招魂空翦紙。觸物動遐思。忍看寄壘人家。雙紫燕。母子自喃喃。

引數飛。

〔前腔〕百年無後嗣。千里喪神駒。不及蹇步駑駘。渾無恙也。得驟雲衢。上帝畿。

〔尾聲〕〔外〕噬臍莫及。徒追悔。可惜我嗚呼老矣。簪笏何人傳繼述。〔小生上〕紫

詔傳天語。黃堂報喜音。驛丞見。〔外〕驛丞何幹。〔小生〕浙江一個舍人。賚通報在此。老爺高陞了成

都府尹。兼劍南採訪使。〔外〕取上來。看吏部一本。爲缺官事。劍南缺採訪使。推得常州府刺史鄭儋。

政事優爲。才能勝任。堪陞成都府府尹。兼劍南採訪使。奉聖旨。是我知道了。驛丞去罷。〔小生下貼〕

相公。你年老無子。枉自碌碌。不如乞休。回家自在何如。

禮云七十可休官。

又荷君恩陞劍南。

白髮烏紗心尙赤。

安民報國亦何慚。

第二十三齣 剔目勸學

〔金瓏聰〕〔旦上〕賣釵收古典。勸郎希聖希賢。窮理義。坐青氈。倒囊收回萬卷書。明

窗淨几。惜居諸。寒灰餘燼。借吹噓。三寸舌。爲安國劍。五言詩。作上天梯。願郎他日錦衣歸。奴家自與

鄭郎沐浴更衣。稅一書院另居。且喜數月之間。肌膚稍腴。卒歲平愈如初。奴家勸他斥去百慮。以志於學。俾夜作晝。今已三載。業雖大就。再令精熟。以俟百戰。多少是好。說猶未了。鄭郎已到。

〔前腔〕〔生上〕命途遭偃蹇。鴻鵠暫困林間。毛羽長看孤鶩。〔旦〕官人。妾聞天之將

降大任於是人也。必先勞其筋骨。餓其體膚。你貧賤患難。皆已歷過。何不奮志於學。以俟百戰。〔生〕卑人聲振京闈。名聞天下。海內文籍。莫不該覽。亦可以試書。已讀盡。無可庸功。〔旦〕官人。自古書囊無底。那有讀得盡的。

〔沈醉東風〕你且對青燈開着簡編。須勵志莫辭勞倦。坐待日。竟忘眠。坐待日。竟忘眠。乾乾黽勉。如與那聖賢對面。〔合〕鳶飛戾天。魚躍在淵。察乎天地。道理只在眼前。

〔前腔〕看詩書不覺淚漣。〔旦〕爲何哭起來。〔生〕這手澤非爹批點。〔旦〕若如此不怨父母。方是個好人。〔生〕想熊膽。苦參丸。想熊膽。苦參丸。娘親曾勉。今日呵。虧殺你再二相勸。〔合前生〕大姐。夜深了。去睡了罷。〔旦〕官人。豈不聞古之人。懸梁刺股。以志於學。你今懶惰。

焉能有成。你且讀書。我做些針指。

〔江兒水〕刺繡拈針線。工夫自勉旃。謾配勻五綵文章炫。似補袞高才將雲霞
翦。皇猷黼黻絲綸展。若論裙釵下賤。十指無能。羞逞芙蓉嬌面。〔生〕大姐。你聽夜
深了。

〔前腔〕玉漏催銀箭。金猊冷篆烟。〔旦〕你書到不讀。敢是要睡。〔生〕奈睡魔障眼精神
倦。你聽紅樓猶把笙歌按。倒金尊秉燭通宵宴。〔旦〕你還想紅樓翠館怎麼。〔生〕淹倦
情懷撩亂。聽聲徹檀槽。想是曲罷酒闌人散。

〔玉交枝〕〔旦〕你文章不看。口支離一剗亂言。讀書有三到。〔生〕那三到。〔旦〕心到眼
到。口到你書到不讀。爲何頻顧殘妝面。不思繼美承前。〔生〕見你秋波玉溜使我
憐。一雙俊俏含情眼。〔旦〕你不用心玩索聖賢。卻爲妾又垂青盼。〔生〕我的娘。誰
教你生得這般樣好。

〔前腔〕〔旦〕且把書來收捲。罷罷爲妾一身。損君百行。何以生爲。我拚一命先歸九泉。

〔生〕大姐何出此言。〔旦〕你喜我這一雙眼麼。〔生〕端的一雙俏眼。〔旦〕我把鸞釵剔損丹鳳眼。羞見不肖迤邐。〔生〕呀不好了。涓涓血流如湧泉。潛潛卻把衣沾染。今始信望眼果穿。卻教人感傷腸斷。呀。大姐甦醒。

〔玉胞肚〕〔旦〕我在冥途回轉。尙兀自心頭火燃。你還只想鳳友鸞交。焉得造鷺序鸕班。我好癡。這般不習上的。管他則甚。我向空門落髮。伊家休得再胡纏。紙帳梅花獨自眠。〔旦〕罷罷。我不免自去落髮爲尼。你若有志讀書。做個好人。尙有相見之日。若只如此。我永不見你了。〔生〕罷罷。他婦人家尙然如此立志。我何苦執迷如此。大姐。你不須煩惱。小生開得上國開科。如今就此拜別。若得官回來見你。若不得官。決不見你之面。〔旦〕如此卻好。我有白金十兩。贈君爲盤費。〔生〕多謝。

〔川撥棹〕明日別朝金殿。把胸中經濟展。〔旦〕論所學達者爲先。論所學達者爲先。早成名吾心始安。〔生〕不成名誓不還。

〔尾聲〕〔旦〕孤幃再把重門掩。不堪離恨寄冰絃。斷雨殘雲思黯黯。

才郎快着祖生鞭。

騰踏飛黃路佔先。

從此閨人常側耳。

泥金帖子好音傳。

第二十四齣 策射頭名

〔點絳脣〕〔小生上〕金馬神仙。玉堂貴顯。膺天眷。勅賜傳宣。鵠立文華殿。聖主臨

軒日。英才殿試時。下官翰林曾聯璧。欽命爲考試官。今日正當策試。試士每早到。

〔前腔〕〔生〕簾捲蝦鬚。扇分雉羽。參鸞馭。虎殿龍墀。口吐虹霓氣。〔小生〕試士不

得近前。就此跪聽試策。〔生〕誠惶誠恐。稽首頓首。萬歲萬歲萬萬歲。〔小生〕皇帝制曰。朕獲承天序。

欽若明訓。嚴恭寅畏。十有六載。而大化未流。大朴未復。五刑未措。五教未敷。是用申詔羣公卿士。詳

延謹議。爾諸士子。大發所蘊。宜悉以對。成著於篇。無隱所識。朕將親覽。〔生〕臣鄭元和謹對。

〔耍孩兒〕綱維統御爲天子。綱維統御爲天子。無怠無荒四海歸。色荒內作今
亡矣。鼎新革故思安國。鼎新革故思安國。舍己從人納諫辭。言路平如砥。將來

可諫。既往難追。

〔二煞〕返翠華離蜀地。黑霧消紅日麗。舊邦其命維新矣。禍消胡虜妖環日。禍消胡虜妖環日。運轉唐堯虞舜時。濟濟來多士。任賢勿貳。去惡無疑。

〔三煞〕馬嵬坡踐貴妃。雨淋鈴歌楚詞。歸來忍見奔雲騎。風枝露葉如新採。風枝露葉如新採。萬里紅塵進荔枝。此貢當深去。不虐無告。須惜民脂。

〔四煞〕奉祖宗孝可思。接臣下恭可思。孝思不敢違先世。恭思不敢忽臣下。恭思不敢忽臣下。視遠唯明不蔽私。聽德唯聰惠。此言呵出于太甲。言豈無稽。〔小

生〕三叩頭平身。試士退班午門外。待下官轉達天聽。暫辭金陛去。拱候玉音來。〔下〕

〔滴溜子〕〔生〕玉階下。玉階下。浩氣吐虹。金闕上。金闕上。輕雲舞鳳。御爐天香浮動。直言對聖君。願期得中。天地無私。文章有用。〔小生同昭容內臣捧冠笏上〕

〔雙聲子〕〔衆〕午門外。午門外。旗常列。晴霞擁。河堤上。河堤上。金鼓振。春雷動。桃浪湧。魚化龍。魚化龍。喜天開。文運道展。儒宗。聖旨已到。跪聽宣讀。皇帝詔曰。秀士鄭

元和應對詳明。直言有據。極諫無隱。宜居第一。特賜袍笏各一。除授成都參軍。即日赴宴瓊林。教坊

司鼓樂頭踏畢日。即便走馬赴任。毋得稽遲。謝恩。〔生〕萬歲萬歲萬萬歲。

〔尾聲〕〔衆〕綠袍乍著君恩重。黃榜初開御墨濃。男兒到此是英雄。

龍樓鳳閣五雲迷。

對策丹墀日未西。

一色杏花紅十里。

狀元歸去馬如飛。

第二十五齣 卻婚受僕

〔燕歸巢〕〔淨上〕枕流漱石樂閒居。無夢到彤闈。玉堂學士女將笄。今擇壻。我

爲媒。老夫崔尙書是也。滎陽鄭元和。向年被娼家逐出。沿街乞丐。今中了狀元。曾學士有一女。欲招

他爲壻。特央我作伐。我想他與李亞仙如膠似漆。諒不再娶。受人之托。只得與他一說。此間是他寓

所。崔興送帖子進去。說崔老爺相訪。〔末〕狀元新得第。冠蓋遠來迎。〔丑〕崔老爺相訪。〔末〕稟老爺。

有崔老爺相訪。

〔玩仙燈〕〔生〕佳客登門。倒屣出迎。忻幸。〔見科〕學生一介寒儒。謬叨首選。私淑教益。感

謝不勝。〔淨〕狀元學問該博。自擅天下之美名。老夫衰朽樗材。敢當教益之虛譽。〔生〕未遑造拜。何

當先施。〔淨〕老夫有一事相告。未知允否。〔生〕老先生有何事見諭。學生拱聽。〔淨〕曾學士先生有一令愛。欲招足下爲婿。特俛老夫作伐。萬勿推辭。〔生〕學生與李亞仙有婚姻之約。老先生所知者。況盟言在耳。豈可相背。〔淨〕狀元。你如今呵。

〔梁州序〕名魁金榜。身登廊廟。怎戀閒花野草。章臺楊柳。爭如玉洞仙桃。那曾學士呵。他愛你偷香韓壽。傅粉潘安。畫眉張京兆。紅絲牽繡幙。雀屏高。猶勝龍頭奪錦標。〔合〕那小姐呵。似玉肌如花貌。青春一八年猶少。休固執。莫推調。〔生〕學生流落之時呵。

〔前腔〕我殘生幾喪。得蒙李亞仙把我微軀重造。不厭瘡痍枯槁。酥滋腸胃。勃然兩起枯苗。勸讀因他剔目。勉我懸頭。刺股勤昏曉。扶持登甲第。入皇朝。豈肯做薄倖區區兒女曹。〔淨〕如花似玉的小姐。不要錯過了。〔合前〕狀元。我還有句不知進退言語對

你說。

〔前腔〕論先奸律有明條。況不可娶而不告。這婚姻匪媾。把良緣辭了。偏愛熟

油苦菜。飲慣茅柴。濁酒經多少。不知如蜜味有香醪。難道是不飲從他酒價高。

〔合前〕

〔前腔〕〔生〕惡姻緣。絃續鸞膠。好恩義。理宜旌表。願明王寵錫。五花官誥。目下

請我父母到來。試看萱花椿樹。喬木絲蘿。雨露同榮耀。木桃投我也報瓊瑤。〔淨〕

親事定要成。〔生〕謾道銀河鵲駕橋。〔合前丑〕狀元老爺。

〔節節高〕才高壓俊髦。好英豪。氣凌太華詞源倒。龍門峭。萬丈高。只一跳。月中

丹桂連根拗。〔生〕這乃是我母親夢中詩句。你那知道。〔丑〕小的還記得有二句。〔生〕那二

句如何道。〔丑〕去時荷葉小如錢。歸來必定蓮花落。

〔前腔〕〔生〕我聞言心旆搖。這根苗。你緣何卻好都知道。〔丑〕老爺小的就是來興。

〔生〕來興。你爲何在此。〔丑〕聽哀告。乞恕饒。休煩惱。老爺你忘記了。當初鬻我來投靠。

如今願得同歸棹。〔合前淨〕狀元。這小廝原來是尊使。〔生〕原是學生家童。〔淨〕我把這小廝送

還狀元如何。〔生〕如此。多謝老先生。〔淨〕崔興。你跟鄭老爺回去。狀元。人便還了。這親事成了如何。

〔生〕別事聽從。這親事決不敢奉老先生之命。

玉堂無福做東牀。

苦李還尋大道傍。

不是一番寒徹骨。

爭得梅花撲鼻香。

第二十六齣 偕發劍門

〔一剪梅〕〔旦上〕一自仙郎赴選場。朝暮思量。寢食難忘。羅幃鴛被懶薰香。月冷西廂。花老東牆。自從鄭郎赴選。不知中否何如。縈心掛肚。忽染小疾。又無人看我。好悶人也。

〔二犯傍妝臺〕抱病掩妝奩。粉容消瘦。愁黛鎖眉尖。郎別去。芳容減。不見返。悶懷添。只恐朱衣頭不點。又怕魚龍甲未全。藁砧何在。山上有山。歸期破鏡看新蟾。

〔不是路〕〔生〕騶從駢闐。塞巷攔街衆擁觀。〔衆皂喝科生〕左右迴避。〔旦〕心驚戰。

緣何鼓吹鬧鬧喧。〔生〕到妝前。〔旦〕官人回來了。且喜且喜。今得見錦衣旋。〔生〕不負卿卿苦勉旃。蒙相勸。果然得中青錢選。〔旦〕使我不勝忻忭。不勝忻忭。官人。

自你赴選之後呵。

〔降黃龍〕我旦夕憂煩。〔生〕憂甚麼。〔旦〕怕你偃蹇功名不成空返。今日呵。喜登甲

第。不枉奴剔目痛言相勸。峨然頭角崢嶸。始遂心頭之願。官人。還有一樁要緊事。自

古道。不孝有三。無後爲大。宜當早結婚姻。以奉蒸嘗。無自黜也。你如今結媛鼎族。早成姻
眷。

〔前腔〕〔生〕休言別締良緣。我前日求乞街坊。自分死於溝壑。多賴卿卿救吾殘喘。再

生恩義。願酬以霞帔鳳冠榮顯。如今與你同船省親回去。早把同心帶結。〔旦〕官

人差矣。書中有女顏如玉。你今名魁金榜。怕無貴戚相扳。戀我風塵下賤。〔生〕前日曾學士央崔尙

書與我作伐。以女妻我。那玉堂人曾家招贅。卑人若負心呵。怎肯再二辭免。今下官蒙

聖恩除授成都參軍。即日走馬上任。你可收拾行李。一同起程。

〔黃龍袞〕〔旦〕君今往劍南。君今往劍南。賤妾難留戀。從此分離。再不須相見。

〔生〕大姐爲何出此言。〔旦〕當初是我累君。故爾剔目激勸。今已復君本軀。妾亦不相負也。願以殘

年歸養老母。君當自愛。妾從此去矣。君今貴顯。料無所願。今永別。怕牽腸收泪眼。〔生哭科〕你若棄我而去。鄭元和要這性命何用。卽當刎死大姐之前。

〔前腔〕〔生〕微軀賴汝完。微軀賴汝完。恩若天高遠。生死相同。榮辱無殊間。向時剔目。賴卿激勉。請收拾鍼線箱并書劍。〔旦〕相公如此恩情難捨。必不得已。我與母親送你涉江。至於劍門。當令我回。〔生背介〕也罷。待他送到劍門。再作區處。大姐請媽媽一同送我到劍門。我自差人送你回來。〔旦〕既然如此。幾時起程。〔生〕限期甚促。明日就要行了。

明日下午三巴。

何時再返家。

劍門千里遠。

先過長風沙。

第三十七齣 馳驛認丞

〔賞宮花〕〔淨上〕風霜飽諳。千辛博一官。郵亭忙碌碌。宦途間。山寺日高僧未起。算來名利不如閒。自家樂道德是也。向來因陪鄭元和赴京科舉。盜得他三四百兩銀子。授例上納承差。除授成都驛驛丞。昨日報說有採訪使來。不免去迎接。〔下〕

〔出隊子〕〔外〕旌旄前導。旌旄前導。擎捧綸音赴劍南。毘陵赤子苦扳轅。手握甘霖施海甸。採訪民情。風化所關。下官常州刺史鄭儋。蒙聖恩陞任成都府府尹。兼劍南採訪使。與夫人一路行來。劍南將近。宗祿分付後面人夫攢行。〔末應介〕

〔憶多嬌〕〔外〕落照邊。古木間。倦鳥知還斂羽翰。白髮烏紗未得閒。七十爲官。七十爲官。暮景桑榆汗顏。〔淨〕成都驛驛丞接老爺。〔外〕天色晚了。就在成都驛裏歇罷。〔淨〕遞脚色手本科外。取上來。是滎陽樂道德。是我鄉里了。起來作揖。〔淨〕不敢。〔外〕我是常州鄭刺史。〔淨〕原來是鄭老爺。向年有孤所托。萬罪萬罪。〔外〕既往不究。不須介意。這裏到成都府。有多少路。〔淨〕已將近了。

成都已將近。

今夜宿郵亭。

明朝還早發。

王事最關情。

第二十八齣 共宿郵亭

〔出隊子〕〔生上〕高崖斷磧。高崖斷磧。凍合彤雲萬木僵。饑鴉亂噪雪飛揚。驛

路迢迢多野況。勁節凌霜。梅花自香。下官鄭元和。蒙聖恩除授成都參軍。亞仙母子約定送
到劍門就回。亞仙亞仙。我若無你。還要這參軍做甚麼。且到劍門。再作區處。左右。分付後面人夫。上。

〔憶多嬌〕〔旦貼〕過一山。又一山。山遠天高烟水寒。兩岸樓臺楓葉丹。回首鄉
關。回首鄉關。望斷孤雲惘然。〔淨〕成都驛驛丞接老爺。〔生〕天色晚了。就在驛中安歇罷。〔淨〕
驛中已有劍南採訪使老爺在此了。〔生〕既是親臨上司。我須參見。〔淨〕天色晚了。老爺明日見罷。
〔生〕說得是。明早相見。驛丞且迴避。〔旦〕相公。我已送至此。可打發我回去罷。〔生〕且待我見過了
上司。再作計較。

落日山邊奏暮笳。

郵亭駐節暫爲家。

信是人間行不盡。

天涯更復有天涯。

第三十九齣 父子萍逢

〔西地錦〕〔外上〕攬轡澄清清天下。星軺玉節交加。〔貼〕官居採訪關風化。越教

我咨嗟〔外〕叫驛丞打點人夫起程。〔淨〕稟老爺人夫齊備了。還有屬官候見。

〔前腔〕〔生〕欲向郵亭投刺。下僚當盡其卑。旌旄擁道誇綺麗。經過草木生輝。

驛丞遞帖子進去。〔淨〕成都參軍稟見。〔外〕取帖子上來。成都參軍鄭元和。呀夫人。好古怪。那參軍

與我孩兒同名同姓。也叫做鄭元和。夫人。你且退後。待我着他進來相見。〔生〕成都府參軍參見老

大人。〔外〕起來作揖。參軍且把履歷出身。試說與我知道。〔生〕老大人聽稟。

〔刮鼓令〕愚生自幼時。習遺經守學規。領父命長安科試。〔外〕中第幾名。〔生〕幸

登庸占榜魁。〔外〕失敬了。原來是新狀元。府上擬定是宦家。〔生〕閱閱舊門楣。〔外〕令尊也居

宦麼。〔生〕家父呵。見任常州刺史。鄭儋名姓四方知。〔外〕令堂在麼。姓甚麼。〔生〕念老

母虞氏相庭幃。

〔入賺〕〔外〕聽訴因依。原來是我孩兒。〔生〕原來是我爹爹。〔外〕果是吾家千里駒。孩兒。

我與你父子如初。你母親亦在此。夫人快來。〔貼〕忙移步。茫茫愁思障烟迷。〔外〕孩兒爲官

在此。〔貼哭科〕我親兒。在遐陬骨肉重相會。〔外〕夫人。且止悲傷試問伊。我兒前日

呵。吾捶死。焉能一旦身榮貴。你備陳原委。備陳原委。〔生〕爹爹母親聽稟。

〔前腔〕向在京師。流落窮途。一命危。逢乞丐。復醒微息。救回歸。偶啼饑。雪中得遇鳴珂妓。爲我遮寒脫繡襦。〔外〕夫人虧了此女。〔生〕多恩惠。勉旃別日攻書史。遂登科第。遂登科第。

〔掉角兒〕受官銜參軍重委。赴成都劍門過此。幸椿萱萍水相逢。訴衷曲頓生歡喜。李亞仙堅求退。兒強之。送到此欲諧婚配。〔貼合〕施恩仗義。當思報取。若不是他每激勵。怎能得今日榮貴。

〔前腔〕〔外〕論山雞離披毛羽。配文鴛固難爲對。深池藕拔起污泥。出牆花喜成連理。恁何忍據分手。撇路歧。還相會有緣千里。〔合前外〕孩兒鄉里樂道德也在此。做驛丞。〔生〕那驛丞孩兒也道有些面善。〔外〕就着樂驛丞爲媒。遣禮定下。卽在劍門築一館。留他母子暫住。我與你同到成都。赴任之後。整備六禮。迎他到府。成親便了。

〔尾聲〕遣良媒行聘禮。劍南築室且留伊。待赴任成都接彩輿。

宦海萍蓬訴曲衷。

春生樂意喜匆匆。

今宵賸把銀缸照。

猶恐相逢是夢中。

第四十齣 幫宦重媒

〔霜天曉角〕〔貼上〕魂消驛路。何日還鄉故。〔旦〕昨夜銀燈結蕊。今朝喜鵲喧

呼。〔貼〕孩兒。聞得鄭老爺差人築一別館。留我母子在此。其意不知爲何。〔旦〕母親事雖如此。我與你

只願回去。

〔水底魚〕〔淨〕娶婦如何。匪媒不得它。其則不遠。執柯以伐柯。自家樂道德是也。

鄭採訪着我與李大媽說親。此間是他行館。不免徑入則個。〔貼〕樂相公久別。爲何到此。〔淨〕薄宦在此。〔貼〕原來出仕了。相公下顧。有何見諭。〔淨〕媽媽。前日令婿呵。

〔一封書〕在驛亭下偶過。遇爹娘感慨多。〔貼旦〕他父母爲何到此。〔淨〕他父親見任此

間採訪使。衷曲訴始初。〔旦〕他父母曉得。敢是怪我了。〔淨〕他感卿卿深愛護。爲此特使

我來。行聘求婚爲內助。〔旦〕他要娶那箇爲妻。〔淨〕要娶你爲妻事舅姑。〔貼〕在那裏

成親〔淨〕赴成都往任所。牛女雙星夜渡河。

〔前腔〕〔旦〕蒙擡舉賤奴。笑妝奩衣飾無。〔淨〕已具有鳳冠霞帔在此。請收下了禮目。〔旦〕

何當如此鄭重。納聘禮儘多。喜牆花今結果。追想前情深有負。〔淨〕他如今都不計

較了。〔貼〕荒穢包容大丈夫。〔合前淨〕我如今就去回覆鄭老爺父子。擇日來迎取令愛彩輿。

〔貼〕多勞相公終始作成。

二姓姻緣成始終。

琴調瑟弄兩和同。

有緣千里能相會。

無緣對面不相逢。

第四十一齣 汧國流馨

〔菊花新〕〔外上〕宦途骨肉喜相逢。花燭筵開喜氣濃。〔貼〕魚水願和同。早叶

熊羆吉夢。〔外〕就請樂驛丞作賓相贊禮。〔淨請科〕今宵夫婦喜團圓。千里相逢豈偶然。舊女婿爲

新女婿。惡姻緣做好姻緣。

〔遶地遊〕〔生〕試看宮袍出洞天。香風動鼎噴龍涎。〔淨請科〕重整新妝下彩樓。舅姑

初見假嬌羞。試看鳳冠霞帔。旣稱好。絕勝舞罷錦纏頭。〔旦〕髻聳明珠冠纈垂羞面。〔小旦〕簇擁似神仙。〔淨〕二位舊人請。〔小旦〕二位新人。〔淨〕新親舊朋友。二位新人請上花氈。齊眉並立。伏以二姓交懽。一生諧老。新老爺榮扳仙桂。再休要問柳尋花。新夫人夢醒高唐。再莫去撩雲撥雨。珊瑚枕上。雖然一對新人。紅錦被中。各出兩般舊物。請老爺夫人同拜高堂。〔生旦拜科〕

〔三學士〕〔外〕海上鰲頭誇獨占。金屋已貯嬋娟。桂開月殿曾高折。柳躡章臺懶再扳。〔合〕花燭洞房開綺宴。三星燦。二姓歡。

〔前腔〕〔生〕深鎖陽臺天黯黯。襄王夢斷巫山。翻雲覆雨雖分散。換羽移商反合歡。〔合前〕

〔前腔〕〔旦〕之子于歸。諧繾綣。山雞幸配文鴛。願操箕箒從君子。羞抱琵琶過別船。〔合前〕

〔前腔〕〔衆〕千里相逢償夙願。天然骨肉團圓。從教白日籠鸚鵡。莫把春心托杜鵑。〔合前〕

〔唐多令〕〔小生〕丹詔下堯天。褒封到劍南。聖旨已到。跪聽宣讀。奉天承運皇帝勅曰。有惡必懲。不以貴而少道。有善必勸。不以賤而或遺。此國家之常典。天下之公論也。茲者致仕尙書崔完奏稱。成都參軍鄭元和妻李氏。本係鳴珂妓女。乃能剔目毀容。勸夫勉學。卒底於成。雖古先烈女不能踰也。茲用封爲汧國夫人。嗚呼。亂臣間見於世族。辱婦每出於名門。爾李氏狎邪而白堅貞之志。波靡而勵中立之行。是則尤人所難者也。豈非秉彜之美。有不問耶。參軍鄭元和任爾成都。知所勉矣。膺茲寵命。孰曰濫哉。謝恩。〔外貼生日〕萬歲萬歲萬萬歲。〔外〕天使大人拜揖。〔小生〕恭喜賀喜。喜老大人。

〔大環着〕〔衆〕捧龍章寶篆。捧龍章寶篆。望闕朝天。報答洪恩。撫綏荒甸。天下文明運轉。海不揚波。爭羨掃胡塵。干戈收斂。周南化風行草偃。麒麟現。出醴泉。看玉氣祥雲。遠籠金殿。

〔前腔〕〔衆〕喜書生弱冠。喜書生弱冠。赴試長安。車馬金裝。盛其服玩。紫府佳娃罕見。遽爾墜鞭屬意。買笑揮金。暮樂朝歡。早不覺囊空長嘆。娃留意。阿母嫌。

看撚出機關。悄然拋閃。

〔餘文〕唱蓮花六出天。襦護郎寒。剔目勸。汧國夫人元有傳。

匹配本自然。

人情信有緣。

烟花盟締好。

最喜兩團圓。

繡襦記終

青

衫

目錄

第一齣 家門始末

第二齣 元白揣摩

第三齣 裴興私歎

第四齣 蠻素餞別

第五齣 元白上路

第六齣 元白對策

第七齣 郊遊訪興

第八齣 蠻素聞捷

第九齣 河朔兵亂

第十齣 夢得刺江

第十一齣 承瓘授閫

第十二齣 河朔交兵

第十三齣 贖衫避兵

第十四齣 抗疏忤旨

第十五齣 興遇蠻素

第十六齣 訪興不遇

第十七齣 茶客訪興

第十八齣 樂天赴任

第十九齣 裴興還衫

第二十齣 遣迎蠻素

第二十一齣 蠻素邀興

第二十二齣 茶客娶興

第二十三齣 蠻素至江

第二十四齣 娶興人至

第二十五齣 樂天賞花

第二十六齣 劉白謁元

第二十七齣 興拒茶客

第二十八齣 坐溼青衫

第二十九齣 裴興歸衙

第三十齣 樂天蒙召

青衫記 目錄

四一開明書店

青衫記

明顧大典箸

第一齣 家門始末

〔看花回〕〔末上〕屈指勞生百歲期。榮瘁相隨。名牽利縉逡巡過。奈兩輪玉走金飛。紅顏成皓首。極品何爲。塵事常多雅會稀。忍不開眉。畫堂歌管深深處。難忘酒盞花枝。醉鄉風景好。攜手同歸。

〔謝池春〕白氏樂天。初與微之交好。學揣摩時時傾倒。春雷蟄起。上林鶯曉。應制科同登廊廟。得意郊遊。邂逅裴娘年少。典青衫恨相逢欠早。誰知交頸化作分飛鳥。直待潯陽江上。聽琵琶方成諧老。

金石交夢得微之。

鶯花侶小蠻樊素。

白樂天詞賦無雙。

裴興奴琵琶獨步。

第二齣 元白揣摩

〔高陽臺〕〔生上〕吞吐虹霓。氤氳豹霧。文場旗鼓森列。東壁圖書。東山琴酒雲月。含章未展經綸手。志空懷伊呂功烈。且從容芸牕麗澤。待時而發。〔鷓鴣天〕當年安石著英聲。近代長庚嗣美名。前輩風流誰可擬。依稀指點屬狂生。營竹帛。冀丹青。烏兔催人夢暗驚。自信儒冠不相誤。毛錐豈肯負生平。自家姓白。名居易。字樂天。本貫下邳人也。早年失怙。常懷風木之悲。壯歲鼓盆。久虛琴瑟之樂。止有侍兒小蠻樊素。可侍琴書。竊比謝氏。明月白雲。每隨杖屨。我交厚。只有劉君夢得。元子微之。劉已早入仕途。元亦同叨桂籍。他才高倚馬。志許攀龍。結髮成膠漆之堅。同心締金蘭之契。晤無虛日。談卽連牀。昨日許我早過齋中。共勤揣摩之業。以爲進取之資。爲何此時還不見來。白壁那裏。〔末上〕書當快意讀易盡。客有可人期不來。相公有何分付。〔生〕你看元相公到來。卽便通報。〔末〕曉得。

〔生查子〕〔小生上〕草屈子雲玄。談卷君卿舌。坐嘯樹勳猷。方顯人中傑。自家元稹是也。因與白樂天相期。今日特來赴講。可通報。〔末報介生迎見介生〕微之請坐。微之豈不聞君子藏器待時。以文會友。小弟嘗閉戶累月。揣摩當代之事。造成策目七十五門。今日特請微之過來。撮

其要旨。講論一番。庶麗澤不虛。藏修有待。不知尊意如何。〔小生〕如此甚好。願聞願聞。

〔高陽臺〕〔生〕藩鎮縱橫。朝綱解紐。正澄清攬轡時節。建立何先。賢豪須有施設。顛越道傍。築室猶未決。笑蘇張漫勞饒舌。倘遭逢。弛張戰守。早權優劣。

〔前腔〕〔小生〕明哲謀斷兼資。昔推房杜。而今付之空說。國是盈庭。雌黃未有分別。迂闊依違。廟堂無石畫。歎君門萬里懸絕。運嘉謀。只愁阻隔。未能直達。〔生〕一向言路不開了。

〔前腔〕差迭言路當開。直臣應獎。須知帝裾難絕。自林甫奸邪。把忠賢視同吳越。悲咽九齡已老。韓休死。仗馬鳴。杜鵑啼血。到如今。滿朝鉗口。百僚結舌。〔小

生〕如今內無直臣。外無戢將。

〔前腔〕員缺推轂宜精。建牙當選。豈容債帥星列。二卵棄干城。把膺揚付之彈鋏。崩塌汾陽薨逝。西平殞。有誰人奉公竭節。到如今。虎臣矯矯。化爲蛇蝎。

〔尾聲〕揣摩世故。須英傑。整頓乾坤。莫浪說。正好切磋。休玩愒。〔生〕微之。聞得外

面應試的。也有起身去了。我們且待春明。打點上京取應便了。〔小生〕小弟就此告辭。

男兒事業在三餘。

學就須乘駟馬車。

正是與君一夕話。

果然勝讀十年書。

第三齣 裴興私歎

〔霜天曉角〕〔旦上〕重門靜悄。簾外東風曉。暮雨朝雲怎了。迎新送舊徒勞。〔浣

溪沙〕翡翠屏開繡幄紅。起來無力曉妝慵。錦幃鴛被宿香濃。微雨小庭春寂寂。燕飛鶯語隔簾櫳。

杏花凝恨倚東風。奴家裴興奴是也。生長教坊。粗通文史。雖是烟花門戶。甘心冷淡生涯。自幼曾拜

曹善才爲師。學得幾曲琵琶。無奈叫官身的再無虛日。媽媽又時常嗔怒。這幾日好悶人也。

〔錦纏道〕悶無聊。嘆煙花塵緣未消。粉悴與脂憔。甚時得成就。鳳友鸞交。終日擺迷魂陣。用被窩中寶刀。只落得按紅牙撥損檀槽。減卻楚宮腰。羞殺人當筵獻笑。箕箒幾時操也。免得蘭生當道。打疊起目挑與心招。〔丑上〕隔牆須有耳。牕外

豈無人與奴。你在此自言自語。說些什麼。〔旦〕沒有說什麼來。〔丑〕還教不會說。我都聽見了。你曲

子也不學一學琵琶也不去彈一彈。到只想着從良。你不要觸犯老娘的性子。

〔普天樂〕我性兒焦心兒躁。怪得我家生俏。家生俏忒恁妝喬。把歌和舞鎮日輕拋。教咱怨着。竟不顧我淒涼門戶。髮蕭騷。〔旦〕我娘。你只愛錢財。竟不顧我終身之事。

〔前腔〕恨娘行惟耽鈔。下金鈎把兒郎釣。笑癡兒慾火延燒。好一似精衛填橋。我心中想着。怎教人做得花月之妖。〔丑〕我兒。你今日也要從良。明日也要從良。只道從

良有甚好處。你嫁了一個人。未曾入門。大老婆就扯起架子來。除下你的鬚髻。勒你跪便跪。拜便拜。又不容老公和你睡。衾寒枕冷。多少淒涼。及至老公千求萬求。求得容你同他一宿。大老婆又忍酸喫醋。聒噪不休。未到天明。就要起身。日裏還要受他幾場嘔氣。要穿沒得穿。要喫沒得喫。要來不得來。要去不得去。要高高不得。要低低不得。才懊悔不聽做娘的說話。卻便難了。你如今快快梳妝接客。若再如此。我一頓皮鞭打得你希爛。定不饒的。

〔古輪臺〕〔旦〕不相饒。遊蜂浪蝶簇花梢。生來嬾去追歡笑。蛙鳴蟬噪。魂繞神勞。怎禁得煙花圈套。便玉軟香溫。珠圍翠繞。算來總是可憐宵。那些個郎才女

貌落便宜獨自煎熬。怕蛾眉翠掃。蟬鬢雲凋。佳人年少。歲月鏡中消。巴不到一鞍一馬。遂心苗。

〔尾聲〕市門空倚終難料。墮落風塵淚暗拋。歎于歸無日羞詠桃夭。

柔枝嫩蕊實堪誇。

不逐東風度歲華。

落花有意隨流水。

流水無情戀落花。

第四齣 蠻素餞別

〔二翦梅〕〔貼上〕簾幙重重映曉霞。砌滿飛花。淚灑飛花。〔小旦〕歌慵舞懶鬢

雲斜。人去天涯。思繞天涯。〔菩薩蠻〕〔貼〕羅幃繡戶悲愁寂。柳絲裊娜春無力。門外草淒淒。送

君聞馬嘶。〔小旦〕釵頭金翡翠。玉臉雙垂淚。花落子規啼。綠牕殘夢迷。〔貼〕奴家喚名樊素。〔小旦〕

奴家喚名小蠻。〔貼〕我兩人出自教坊。頗閑歌舞。向曾在女伴中結爲姊妹。今又蒙白相公娶爲侍

姬。咳。妹子。我自慚媿陋。雖無閉月之容。〔小旦〕姐姐。並事衾裯。幸托小星之列。今早聞得相公赴京

應舉。我和你備一盃別酒餞行。不免請相公出來。

〔菊花新〕〔生上〕翩翩挾策赴京華。賦就凌雲氣可誇。結束遠辭家。有人在綠

牕低亞。你兩個請我出來。有何話說。〔二旦〕今日聞得相公赴京應舉。奴家兩人特備一盃別酒。與

相公餞行則個。〔生〕生受你。〔貼〕玲瓏取酒過來。〔小丑上〕一杯別酒。三唱陽關。二位娘子。酒在此。

〔貼小旦遞酒介〕

〔黃鶯兒〕和淚瀉流霞。唱陽關別路賒。眉兒淡了憑誰畫。離心似麻。枕痕轉加。眼前一刻千金價。願君家。春風得意。看遍上林花。

〔前腔〕〔生〕門外促驕驕。趁東風踏落花。柳絲無奈春愁掛。歸當及瓜。休教憶咱。盼征途日近長安下。莫咨嗟。你深閨結伴。相對綠牕紗。

〔簇御林〕〔貼小旦〕關河遠。煙樹賒。玉容消。鏡裏花。怕遊絲到處相牽罥。把巫山夢逐行雲化。萬山遮。匆匆分袂。腸斷已無些。

〔前腔〕〔生〕津亭柳。故苑花。霎時間。天一涯。爲功名兩字添縈掛。管教駟馬高車駕。漫堪誇。他時書錦。同汎使星槎。

〔尾聲〕情難盡人轉遐。無奈臨歧淚灑。〔貼小旦〕相公。你早把泥金報喜誇。〔生〕我的行李俱收拾停當了麼。〔貼小旦〕俱交付與白璧了。〔生〕我常常穿的青衫。可在裏頭。〔貼小旦〕也在裏頭了。〔生〕既如此。天色將晚。我喚了白璧。竟自出門去了。你兩個自進去罷。〔貼小旦〕相公。途路間關。請自保重。

陌上春風悵別離。

洛陽花事正芳菲。

明朝匹馬東風裏。

正是深閨腸斷時。

第五齣 元白上路

〔園林好〕〔生小生末同上〕請了。怯長途征塵染衣。惜韶春飛花滿裾。遙望見紅樓十里。何處是帝王居。何處是帝王居。

〔江兒水〕春色皇州麗。春風客路迷。萋萋芳草渾無際。聲聲杜宇催春去。〔生〕綠牕無奈春情繫。〔背介〕猶記得閨人私語。〔合〕野店青帘縹緲。共春雲搖曳。〔清江引〕且喜皇都將到矣。日暮雲陰翳。沾酒杏花村。共醉新豐市。今宵幸得

論文侶。

黯黯離情惜解攜。

蕭蕭行李赴京闈。

春風客路頻回首。

野店寒燈共掩扉。

第六齣 元白對策

〔淨丑扮二將軍上〕閭闔初開瑞靄中。丹霞曉日上蒼龍。鳴鞭驚徹廊千步。佩玉聲趨戟五重。自家是殿前金瓜武士。聖上升殿。不免在此侍衛。〔末扮黃門上〕

〔北點絳脣〕鳳闕雲深。螭頭欲散朝霞影。環珮趨蹌。聽樂奏鳴稍靜。花裏宮鶯曉未啼。千牛仗下報班齊。銀袍五百趨龍尾。天子臨軒賜御題。自家黃門官是也。今日聖上臨軒策試諸士。不免在此侍班。道猶未了。諸士早到。〔生小生各持試卷上〕

〔前腔〕瑞靄浮煙。見初陳鹵簿丹墀靜。聖上臨軒。待奏對抒忠愫。〔生〕北望天門拜冕旒。〔小生〕文光遙映五雲浮。〔生〕董生獨對天人策。〔小生〕應慰明王出席求。〔生〕吾輩且喜成名。今日廷試。要各陳所見。以備采納。呀。你看聖駕升殿了。〔末〕廷試諸生。不得近前。就此俯伏。

〔生小生跪介末〕皇帝策問。朕聞之傳曰。先王耀德不觀兵。又曰誰能去兵。然則君天下者廢而不用。且涉觀兵之非。資以定功。又辜耀德之美。今河朔兵亂。有言撫安者。有言速討者。其說何居。爾多士詳著于篇。朕將親覽焉。

〔駐馬聽〕如綽如綸。天語傳宣。謹聽聞。今兵興河朔。欲息風塵。須賴臣鄰。先王耀德是何因。于今用武何爲本。顧問諄諄。嘉謀勝算。各宜無隱。

〔駐雲飛〕〔生〕臣對臣聞。敢布芻蕘效。愀忱。三鎮相援引。逆節終難隱。跋扈轉紛紛。皇威當震。講武修文。二者皆明訓。推轂還須任虎臣。

〔前腔〕〔小生〕臣對臣聞。敢竭愚忠答聖恩。河朔方專閫。犯闕軍威損。嗟。國勢此攸存。豈容勿問。速整王師。早把妖氛淨。直搗幽并接陣雲。〔末〕諸士且在午門外

伺候。待下官上殿。將廷試卷傳達。就有玉音傳降。行看姓字驚天下。謾把文章奏日邊。〔下介生〕微之。小弟待奏公車。喜遂成龍之願。名登傑榜。濫叨附驥之榮。何幸何幸。〔小生〕樂天。你終軍年少。賈傅才高。共推臚唱宜先。已卜鰲頭獨占。休得過謙。〔生〕綸音將下。我與你在此拱聽便了。〔末捧榜

文二日宮人捧冠帶上

〔滴溜子〕日華動。日華動。玉闕臚傳。宮袍爛。宮袍爛。綠羅新翦。彷彿雲梯月殿。春光醉九重。蓬瀛妙選。手捧綸音。丹陛傳宣。〔未〕皇帝有旨。白居易元稹俱賜進士及第。餘皆賜進士出身。白居易授諫院左拾遺兼中書舍人。元稹授祕書省祕書郎。袍笏冠帶。就此佩服。鴻臚寺具鼓樂。就撤御前鹵簿。道送歸第。謝恩。〔生小生〕萬歲萬歲萬萬歲。〔未〕諸進士退班。芳名通籍。詞賦重凌雲。〔同二宮人下生小生出朝介衆從人上〕

〔前腔〕這綸綽。這綸綽。頌來自天。這袍笏。這袍笏。恩榮非淺。頃刻雲蒸霞變。神魚欲化龍。朱衣頭點。絕勝登瀛。簇擁似僊。〔衆〕儀仗已備。請爺上馬。〔生小生〕請了。

〔山花子〕玉驄蹀躞。天衢穩。煖融融。花柳爭新。看奎躔光搖紫宸。獻甘泉奏捷。雄文。遇明時。仰荷湛恩。聲名一日天下聞。紛紛時彥屬後塵。願展丹葵不負臣鄰。〔並下〕

第七齣 郊遊訪興

〔菊花新〕〔外劉禹錫末攜酒餽隨上〕六街歌舞馬頭塵。最喜連鞦是故人。郊外好

尋春。載酒且期歡飲。玄都觀裏桃千樹。盡是劉郎去後栽。種桃道士歸何處。前度劉郎今又來。自

家劉禹錫便是。前日朝門上放榜。喜得故人白樂天元微之俱已及第。如今遊街將畢。分付院子備

些酒肴。與他到東郊游樂。一展契闊之情。一伸慶賀之意。卻不是好。叫院子快備酒肴。打點隨我郊

外賞春。〔末〕理會得。〔外〕看元白二位老爺到來。便邀他下馬。〔生〕小生騎馬引從人上。

〔香遍滿〕彤墀拜舞蹈。香塵看遍街頭萬戶春。紛紛俱是冶遊人。轉覺皇都氣

象新。〔末〕劉老爺在此奉候。請二位老爺下馬。〔相見介外〕恭承高第。殊慰下情。聊具酒餽。屈至東

郊游賞。萬勿見拒。〔生〕既蒙雅意。敢不追隨。就此前去。

〔宜春令〕花光豔。草色新。且停驂向仙源問津。平橋曲徑。杜陵韋曲相將近。鞦

韉外燕蹴紅英。粉牆邊鶯遷綠蔭。〔合〕喜如今滿前春色。四郊無警。

〔前腔〕〔小生〕尋芳侶。拾翠頻。愛香堤平鋪繡茵。帝城相映。龍樓咫尺天顏近。

觀村莊四野齊民。數田疇幾家同井。〔合前〕

〔前腔〕〔外〕催黃鳥轉綠蘋。出郊圻暫離紫宸。攜壺挈伴。絲鞭齊拂垂楊影。向金闈侍從經旬。解羅襪暫息勞頓。〔合前生〕請問二兄。既要飲酒。須尋個人家。纔覺方便。

〔小生〕正是。〔外〕此間有個妓者。喚名裴興奴。不惟絕色。況且琵琶是營妓中第一手。小弟奉陪。同到他家去如何。〔生小生〕如此甚好。請就同行。〔生〕散步到江皋。〔小生〕指點青樓小。〔外〕爲覓如花貌。〔合〕滿徑花枝繞。〔末〕此間正是裴興娘家了。〔外〕可敲門。〔末敲介丑上〕柳暗聞啼鴉。花深共掩門。是誰。〔開門介〕呀。原來是列位老爺。列位老爺請坐。待我喚女兒出來。興奴。有客在此。快來。〔旦上〕來了。

〔玩仙燈〕脂粉慵調。幽恨縈懷抱。聽花外黃鸝聲巧。母親。那個在此。〔丑〕我兒過來見了三位老爺。〔相見介旦〕呀。劉老爺。爲何一向不見下顧。〔外〕連日有事。不會來看你。〔旦背云〕此二位決非凡品。我爲何不會識面。〔外〕興奴這般識人。可要對你說。那一位是做連昌宮詞的元微之。這一位是做長恨歌的白樂天。〔旦〕久慕久慕。娘。你進去另煮好茶來喫。今日的客不比尋常。〔丑背白〕曉得了。看來也不像使錢的。想我女兒有些眼裏火了。〔下生〕方纔走得有些熱。待我脫

了這青衫。然後喫酒。〔脫衣翻酒介衆〕阿呀。一時間酒都潑了。〔外〕怎麼了。快去買來。〔末〕不曾帶得銀子在此。〔旦〕不消。奴家自差人取來。叫使兒。〔小丑上旦〕你可把我的釵兒去。多典些酒來。〔生〕豈有此理。方纔是我脫青衫翻了酒。如今就把我的青衫去典酒便了。〔小丑〕曉得了。正是神仙留玉珮。卿相解金貂。〔下外〕興奴。既然待酒。先把琵琶試彈一曲何如。〔旦〕使得。取琵琶過來。〔彈介生小生外〕果然彈得好。都是曹善才的指法。〔旦〕呈醜了。

〔惜奴嬌〕坐有英髦。且輕攏漫撚。試展鮫綃。綢繆意怕被斷絃相惱。鸞膠好續紅絲。〔生〕聽聲聲寫出柔腸幽抱。冰刀。何須截曹剛兩手與紅蓮纔好。

〔鬪寶蟾〕多嬌。聲徹雲霄。似臨邛新寡才情風調。念相如爲客。自有情難表。〔小生外〕傾倒。佳人年正少。才子興方豪。料今宵。必須把三生舊約。付之一笑。

〔小丑上〕人從楊柳橋邊過。酒向杏花村裏沽。酒在此了。〔生〕不有青衫。安得綠酒。快取過來。〔飲

介〕

〔錦衣香〕香有醪。金尊倒。美有餚。珍饈造。坐有妖嬈。輕顰淺笑。何妨日日典青

袍〔生〕柔情眷眷。眞樂陶陶。〔旦〕願相期諸老。訂幽盟兩情相保。同把蒼蒼禱。一心兩照。不知身在瓊臺瑤島。

〔漿水令〕聽春聲鶯嬌燕小。覽春色繁李穠桃。生平樂事是今朝。〔生〕顧盼之間目眩魂搖。依稀似妖神廟。尤雲帶雨知多少。〔小生外〕天將暮。天將暮。遊情未了。相留戀。相留戀。月兒高。

〔尾聲〕且通宵任雞聲報。一醉須將萬事拋。怕今夜風情瘦沈腰。〔旦扯生介〕我醉了。要你住在此陪我。〔外〕與奴平日做模樣。今日爲何這等開懷。樂天可住在此。我們乘月而回。明日卻備馬來接你。〔生〕我也醉了。去不得了。休罪休罪。

生前結得好姻緣。

此日相逢豈偶然。

莫道春歸落燕後。

果然思發在花前。

〔生旦弔場〕

〔十二紅〕〔生〕窈窕窈窕傾城貌。〔旦〕談笑談笑氣雄豪。〔合〕暮雨朝雲總在

今宵不枉人年少。〔旦〕我愛你風情月調。〔生〕我愛你歌唇舞腰。〔旦〕一個在鳳池
鰲禁。〔生〕一個在花邊柳梢。〔合〕幸然天假良緣到。〔同下〕

第八齣 蠻素聞捷

〔破陣子〕〔貼上〕脈脈兩眉愁淺。菱花暗損嬋娟。〔小旦〕消息不知郎近遠。目
斷關山隴樹煙。〔合〕相將淚暗彈。〔清平樂〕〔貼〕愁腸欲斷。正是青春半。連理分枝鸞失伴。
又是一場離散。〔小旦〕捲簾無語低眉。思隨芳草萋萋。憑仗東風吹夢。與郎終日東西。〔貼〕妹子。自
從相公別後。不覺月餘。不知他途中安否何如。又不知功名遂否何如。教我日夜放心不下。呀。你看
春色將闌。香閨寂寞。好傷感人也。〔小旦〕姐姐正是。

〔六犯清音〕畫眉人去。蘭閨深掩。羞見差池雙燕。紅愁綠慘。芳菲似妬韶年。人
遠天涯近。春歸在客先。容光換。別恨添。綺窗啼鳥怯春眠。〔小旦〕怎能穀覓裳
舞罷郎當袖。〔貼〕怎能穀子夜歌殘玳瑁筵。〔合〕懶梳雲髻。懶貼翠鈿。玉容憔悴
梨花面。相公相公。我兩人在此。想你在京呵。多應是喜鶯遷。杏園馳驟。羅綺簇神仙。

〔丑報信人上〕報報報。十年牕下無人問。一舉成名天下知。有人麼。〔貼〕玲瓏。你看外邊什麼人叫門。〔小丑上〕待我去看來。〔開門介丑入介〕我是報喜的。白相公與元相公對策。一齊中榜。留在京師拜官。小人特來報喜。〔貼小旦〕謝天地。謝天地。既如此。玲瓏。你分付外邊留他酒飯。與他賞錢。〔丑〕小人還要往元相公家去。再來領賞。正是一心忙似箭。兩腳走如飛。〔下小丑〕賀喜賀喜。如今是二位夫人了。〔貼小旦〕

〔琥珀貓兒墜〕泥金報捷。喜事果從天。想賦奏明光。動聖顏。曲江走馬。裊絲鞭。〔合〕留連。莫非爲皇都上苑。別有嬋娟。

〔前腔〕風塵羈旅。何處寄青氈。怕擲果佳人愛少年。紅樓多在五雲邊。〔合前〕寂寞空閨人怨嗟。雲箋報喜自天涯。

春風得意馬蹄疾。一日看遍長安花。

第九齣 河朔兵亂

〔番卜算〕〔淨朱克融衆卒隨上〕千里翦提封。萬騎如雲擁。還期定霸逞英雄。看

掌握山河重。膂力過人膽氣雄。貔貅百萬肅軍容。還將三鎮幽燕地。乘勝都歸掌握中。自家平盧

節度使朱克融是也。只因唐家天子聽信僉壬。荒于音樂。不理朝政。囚殺鎮臣。俺與成德節度使王

庭湊擁據一方。稱兵謀叛。不免整頓軍伍。直抵長安。擄掠金銀。以充糧餉。卻不是好將士們何在。

〔衆應介淨〕將士們。可速擺列隊伍。殺至長安城外。搜擄一番。不得違吾號令。〔衆應介淨〕就此起

兵前去。

〔紅繡鞋〕談兵虎帳英雄。英雄。胸藏韜略精通。精通。軍聲振似雷轟。原日淡陣

雲橫。飛羽箭。控雕弓。

〔前腔〕〔衆〕旌旗蔽日翻紅。翻紅。長驅直捲飛蓬。飛蓬。離幽鎮。到京墉。人似虎。

馬如龍。同劫掠。逞威風。

三軍殺氣橫。

一戰取幽并。

瀚海雲迎陣。

燕山月照營。

第十齣 夢得刺江

〔神仗兒〕〔外引從上〕一麾出守。一麾出守。車馳馬驟。感君恩高厚。玉節朱旛
先後。持虎竹。下江州。持虎竹。下江州。擁旌去京國。褰帷辭未央。束髮從王役。剖竹向名邦。不
學胡威絹。寧掛裴潛牀。所冀方留犢。行當息飲羊。下官劉禹錫是也。以殿中侍御。出爲江州刺史。乍
離省闈。能無戀闕之心。遠別朋儕。未免停雲之想。今日起程。昨樂天微之相約。到十里長亭餞別。此
間已是。左右的。元白二老爺到來。卽通報。〔介〕

〔前腔〕〔生小生引從上〕故人出守。故人出守。津亭折柳。把離筵相候。況是芝蘭
同臭。暫話別。且淹留。暫話別。且淹留。〔相見介生小生〕二弟聞得老丈榮行。特來奉餞。〔外〕
王程期迫。卽便趨行。不敢勞了。〔生小生〕聊奉一杯。少叙別思。看酒過來。〔卒〕酒在此。〔遞酒介生
小生〕

〔白練序〕同袍友。喜千騎東方居上頭。傾別酒。不忍聽驪駒曲奏。江州五馬遊。
漸蛟浦雲深雁影秋。愁分手。是湓江客棹。庾樓文酒。

〔前腔〕〔外〕凝眸隴水頭。長江自流。乘輅去。似王尊叱馭難留。含愁淚強收。何

日向南皮續舊遊。空攜手。歎長安宮闕。故人杯酒。酒已多了。撤過了罷。〔生小生〕還再請一杯。〔外〕天色已晚。不勞了。就此拜別。〔拜介〕

長亭杯酒送行軒。

千里雲山望眼穿。

東去伯勞西去燕。

斷腸回首各風煙。

第十一齣 承瓘授閫

〔畫堂春〕〔丑扮內臣從隨上〕歲蕤重疊瑣深宮。掃除近侍飛龍。秉權何日逞雄風。闔外師中。花明淑景靜年芳。閭闔春雲接苑牆。龍武新軍深駐輦。芙蓉別殿漫焚香。自家乃是興慶宮中一個內臣。吐突承瓘是也。近侍天顏。時承寵賚。日來河朔兵變。勢逼長安。將帥乏人。不堪專閫。主上欲拜中官一人。爲制將都統。統領神策諸軍。進兵招討。我想這一差何等威權。何等榮耀。算來該是我的。聞得旨意。將下。不免在此伺候。正是眼望旌捷旗。耳聽好消息。〔衆報〕聖旨下。〔旦扮內官捧勅同卒上〕將軍專閫制。中使擁兵權。聖旨已到。跪聽宣讀。皇帝勅曰。朕惟河朔兵亂。將帥乏人。今特命中官吐突承瓘。統領神策諸軍。速討幽并三鎮。奏凱之日。論功行賞。欽哉。故勅。謝恩。〔丑〕

萬歲。〔介相見介〕天使請坐。〔旦〕軍情緊急，不坐了。正是將軍不下馬，各自奔前程。〔下丑〕一朝權在手，便把令來行。大小三軍聽吾號令。〔衆〕噯。〔丑〕須要排列刀鎗，整齊隊伍，退要鳴金，進要擊鼓。指右則右，指左則左。違我令者，割了耳朵。〔衆〕割耳朵是不怕的，還是割去了那個東西纔好。〔丑〕哇，就此起兵前去。

〔豹子令〕疊鼓鳴笳，山岳動，山岳動。長鎗大劍倚崆峒，倚崆峒。百萬雄兵前後擁，直教殺氣暗盧龍。〔合〕佇看奏凱建膚功。

〔前腔〕〔衆〕三略六韜須講誦，須講誦。星流電轉振威風，振威風。麾下人人皆膽勇，摧強破敵逞英雄。〔合前〕

將軍闔外握兵符。

一戰還將社稷扶。

計就月中擒玉兔。

謀成日裏捉金烏。

第十二齣 河朔交兵

〔水底魚〕〔淨引衆上〕兵馬蕭蕭，弓刀各在腰。三河健卒，一箭射雙鷗。

〔前腔〕〔丑引衆上〕金鐙齊敲。旗懸太白高。揚威耀武。轉戰敢辭勞。〔相遇介丑

衆〕公公不要怕他。放些陽氣出來。〔丑〕朱克融。朝廷有甚虧負你。敢來謀叛。〔淨〕吐突承瓘。你是閹宦。也來領兵廝殺。放馬過來。〔接戰介丑敗介淨〕就此乘勝。直殺上去。擄掠一番。

〔四邊靜〕蛇蟠虎翼兵威整。直入長安境。金鼓振軍中。諸鎮還兼并。〔合〕長驅取勝。三軍聽令。地覆與天翻。聞風皆響應。

〔前腔〕〔衆〕橫行鐵騎如風競。萬疊連營陣。叱咤雪霜飛。號令雷霆迸。〔合前〕爲問提兵節鎮。何如直搗中原。

不能留芳百世。

亦當遺臭萬年。

第十三齣 贖衫避兵

〔七娘子〕〔旦上〕春歸底是懨懨害。填不了煙花業債。好夢驚回。離情無奈。還將可意人兒待。何處堪惆悵。情深未得親。祇將心上事。憐取意中人。奴家裴興奴是也。前日同白

相公與元劉二相公出郊遊賞。正是暮春天氣。如今紅英落盡。綠樹成陰。又是清和時候了。我想那

白相公。丰標俊雅。才調風流。乃是當今才子。況且花間識面。絃上傳情。雖然一夜恩情。曾結百年盟誓。教我好生掛心。他曾解下青衫。以沽綠蟻。不免替他贖取。等待重來。使異日青衫無恙。白首同歸。一段姻緣。或者在此。也未可知。不免喚使兒去贖便了。使兒那裏。〔小丑上〕辛苦易成霜鬢。奔馳常在花街。與娘有何分付。〔旦〕使兒。前日白相公在此賞春。是你將他的青衫換酒。我有一錠銀子。你與我去贖了來。我自賞你。〔小丑〕與娘。我曉得你的意思了。贖取那白相公青衫。莫非要作綠衣黃裳。〔旦〕休得多說。快去。〔小丑下〕

〔醉扶歸〕〔旦〕花前邂逅春風面。典衣沽酒如泉。這青衫不比鸚鵡。寒淋漓猶帶香痕滿。咳。白相公。白相公。你懸金衣紫。是何人。須記紅樓翠袖情。非淺。使兒怎麼還不見來。我在此等一等。

〔不是路〕〔小丑〕禍事天來。報與娘行仔細猜。〔旦〕青衫在那里。〔小丑〕青衫在。到杏花村裏贖將回。〔遞衣介〕既贖了青衫。爲何這等慌張。〔小丑〕與娘。我去贖了青衫。回來呵。到前街。見紛紛逃避多魑魍。說是河朔兵侵起禍階。〔丑上〕真堪怪。堂前爲甚

頻嗟慨。我女兒何在。我女兒何在。呀。與奴。你與使兒在此慌慌張張。卻是爲何。〔旦〕母親還不知道。河朔兵亂。侵逼長安。城外人民。盡皆逃避。我和你如何是好。〔丑〕既如此。疾忙收拾。逃奔他方。再作區處。與奴。你手中什麼東西。〔旦〕是白相公的青衫。向因典來沽酒。奴家替他贖回在此。

〔丑〕咳。自家的衣服也顧不得。管什麼白相公的青衫。快走快走。到前面去打包裹罷。

〔皂角兒〕陰慘慘毒霧昏霾。路迢迢干戈盈塞。忙奔走滿目塵埃。恨漂流一家摧敗。玉消容眉鎖黛。悶如山。愁似海。無計安排。〔內作喊介〕軍聲一派。轟填若雷。怎能勾狼煙靜掃。苦盡甘來。女兒快走快走。

〔前腔〕〔旦〕瘦怯怯寸步難捱。恨悠悠孤身無奈。盼鄉關極目雲埋。這羈愁怎生擔戴。歎窮途多窒礙。死和生。成和敗。難閃難猜。煙花生計。顛連可哀。告蒼天莫教輕拆。子母分開。〔丑〕我兒。我們趕到前路。投個人家暫避。等干戈寧靜。回去便了。

何處避征塵。

恓惶母子身。

寧爲太平犬。

莫作亂離人。

第十四齣 抗疏忤旨

〔末扮黃門上〕花鬘班虬駕早朝。玉欄金闕壓雲濤。羣仙遙望蓬萊拜。五色霏烟遠赭袍。自家黃門官是也。今日官裏升殿。恐有奏事官到來。不免在此伺候。

〔正宮粉蝶兒〕〔生朝服上〕漏下鐘鳴。闔闔祥烟掩映。見千官端笏趨庭。向丹

闕抒忠耿。一封奏九重天聽。下官官拜拾遺。職當諫諍。眼見朝廷多故。豈容緘默不言。昨曾草

就短章。不免冒達天聽。此間已是午門外了。就此俯伏。〔末〕來者何官。〔生〕左拾遺兼中書舍人臣白居易。奏聞陛下。

〔耍孩兒〕幽州敢逆朝廷命。〔重〕四面攻圍功未成。弓高旣陷糧途梗。深州窘卒誰安定。〔重〕下博饑民勢若傾。賊勢猖狂甚。早宜區處拯濟生靈。

〔四煞〕論人心係勸懲。論國法貴賞罰明。貔貅用命由軍令。無功受賞人誰聽。〔重〕敗衄無誅衆不平。豈合遷延甚。早宜策勵宣播皇靈。

〔三煞〕牛元翼方戰爭。李光顏將勁兵。須令合勢從東進。向弓高轉戰開糧道。

〔重〕取路還從下博行。彼此遙相應。重圍可解。救取深邢。

〔二煞〕念裴度是老成。將太原有招討名。全軍四面俱壓境。乘虛取便須觀釁。

〔重〕同力夾攻亂可平。計就除梟獍。受降納款。變故當生。

〔一煞〕簡練疎兵不精。供給繁斂率興。度支交闕奸謀逞。中官豈可操兵柄。

〔重〕諸道監軍皆請停。方可齊軍令。穰苴斬賈。往事分明。〔內〕聖旨道來。白居易

所言兵事。既已迂闊。及論監軍當罷。似爲諸將游說。本當重究。姑降江州司馬。謝恩。〔生〕萬歲。〔介

出朝與末見介〕黃門大人。下官不知時諱。觸犯天顏。仰荷聖恩。恭承薄譴。已出萬幸。況劉夢得前

日陞守江州。如今到彼與他一處。也不岑寂了。〔末〕拾遺大人。請自寬心。〔生〕就此告別了。

感時抗節達重華。

左轉江州去路賒。

聖主恩深漢文帝。

憐君不遣到長沙。

第十五齣 興遇蠻素

〔駐馬聽〕〔丑旦同上〕心急行遲。野曠原空何所之。只見蒼茫烟樹。慘淡風塵。

故國雲迷。問關千里旅情悲。淒涼滿目鄉心碎。身怯馳驅。且向人煙湊密。望門投止。〔丑〕我老身與女兒行至此間。風餐水宿。受了多少辛苦。不覺又是下邳地方了。前面有個人家。不免哀求他權且棲身。再作區處。呀。門兒閉上在此。不免扣門則個。裏面有人麼。〔小丑上〕正好朦朧睡。誰人剝啄敲。是那個。〔開門介〕呀。到是一位媽媽。一位小娘子。媽媽何來。〔丑旦〕我是逃難的。特來投倚。〔小丑〕待我與裏面主母說知。方敢請進。二位夫人有請。

〔卜算子〕〔貼小旦上〕寂寞掩重門。有甚人來往。〔小丑〕忽聞牕外扣門聲。有

娘女來相訪。二位夫人。玲瓏方才開門去看。到是一位媽媽。同一位小娘。他說避難到此。要來投

倚的。〔貼〕既是女娘家。且請進來。〔相見介〕貼小旦。二位何方人氏。高姓。〔丑〕老身姓裴。這是小女。〔貼〕爲何到此。〔丑〕二位娘娘聽稟。

〔剔銀燈〕我女兒原寄籍教坊。平白地干戈擾攘。飄蓬斷梗。知何向。只有一個使喚的。半路裏迷失。不知那里去了。更沒個兒郎相傍。悲傷流落在異鄉。倘相容恩德

怎忘。

〔前腔〕〔貼〕妹子。他原來是平康女郎。觀花貌。嬋娟模樣。紅顏薄命多勞攘。權且住消除旅況。村莊有幽閒空房。〔旦〕請問主人在那里。〔貼小旦〕我兒夫淹留帝鄉。媽媽且請寬心。自古道烏來投林。人來投主。家下有空房在外。權且住下。待等干戈寧靜。還家便了。〔小旦〕正是。那個帶着房兒走。自古道與人方便。自己方便。〔貼〕妹子說得是。玲瓏。你可對管事人說。大門外左廊下有空房。可收拾幾間與裴媽媽母子住。就是你引他二位同去便了。〔丑旦〕如此多謝了。

天涯母子傍誰親。

幸借廊廡寄此身。

惟有感恩并積恨。

萬年千載不成塵。

第十六齣 訪興不遇

〔六么令〕〔生上〕紅樓似畫。住一灣流水人家。自憐遷客去長沙。迷楚岫。隔金華。匆匆不盡離情話。匆匆不盡離情話。下官自那日出郊行樂。得遇妓者與奴侍酒。他姿容獨步。才技無雙。一夕爲歡。十分留意。今當遠謫。相見無期。特來尋訪。與他叙別一番。迤邐行來。此

間已是與奴門首呀。爲何門兒鎖閉。寂無人聲。待我問那行路的。行路的。此間有個妓者。裴與奴。如今到那裏去了。〔內〕前日河朔兵亂。城外人家。俱已逃避去了。〔生〕咳。可憐可憐。我若在此做官。或者他寧靜還家。還有相見之日。我今遠謫。他又飄流。縱使回來。何由會面。教我好傷感人也。

〔普天樂〕盼嬌娃。愁緒難禁架。曾典衣共醉斜陽下。爲分離重訪仙源。誰知路隔桃花。堪憐你無棲止。悔當初不如不見到無牽掛。恨縱橫豺虎如麻。把燕約鶯期勾罷。咳。我兩人呵。似浮萍飛絮各散天涯。與奴既然遠去。我又難以淹流。不免且到江州。尋個便人。寄書與他便了。

昨日今朝事不同。

玉人飄泊歎西東。

有緣千里能相會。

無緣對面不相逢。

第十七齣 茶客訪興

〔秋夜月〕〔淨扮茶客上〕時運高。賺得財和寶。猗頓陶朱何足道。日來算命花星照。且學一個老闖。且學一個老闖。我本江湖經販侶。個儻風流堪自許。腰纏十萬上揚州。引

帶三千來顧渚。鳳團雀舌龍陂茶。仙芽瑞草藪春花。陰林陽谷恣收採。羽經暉賦真非誇。石蜜霜華是何物。盧家七碗還堪喫。回味應須橄欖仙。生涼好喚雞蘇佛。自家浮梁茶客劉一郎是也。帶着三千引茶。就到此間發賣。聞得裴媽媽家有個女兒。喚名興奴。十分標致。昨日曾央吳小閒說知。那媽媽叫我今日自來。須索去走一遭。小富那裏。〔小丑上〕聽得叫小富。慌忙便解褲。不是注火盆。定是場豆腐。員外呼喚小富。有何分付。〔淨〕小富。你把一百兩銀子。放在皮箱裏背着。隨我到小娘人家去走一走。〔小丑〕莫闕莫闕。小娘最喬。雪花銀子。一似湯澆。〔淨〕休得胡說。快隨着我來。〔小丑背箱介淨〕穿花街。過柳巷。此間是裴媽媽家了。可有人麼。

〔前腔〕〔丑上〕搗兒喬。只愛財和寶。見了他時呵呵笑。近來算命財星照。遇一個老闕。遇一個老闕。是那個。〔淨〕是我。〔丑〕莫不是昨日吳小閒來說的劉員外麼。〔淨〕正是。

〔丑〕失迎失迎。〔淨〕久慕久慕。小子聞得合愛的大名。今日特求一見。〔丑〕員外。不要說起。我女兒只爲守着那白相公。不肯留客。如今叫他出來。一定要接你。只是那個丫頭要使性。員外須索要忍耐些。〔淨〕知道。〔丑〕興奴快來。有客在此。〔內〕身子不快。出來不得。〔丑〕還不快快出來。你不要

討我的打喫。〔旦上〕

〔金瓏璫〕愁眉何日展。慳慳瘦損香肌。心易嬾。步難移。母親喚孩兒。有何分付。〔丑〕

我兒。白相公一別。音信杳無。家計蕭條。怎生過活。如今浮梁劉員外。他十分撒漫。你須留他。賺些錢鈔養家。〔旦〕母親。孩兒與白相公有約在前。誓不接客。教我怎生見他。〔丑〕又來胡說。你且相見何妨。快來見了員外。〔見介淨〕妙。話不虛傳。令愛果然標致。小富。快取皮箱過來。〔取銀介〕媽媽。一錠銀子在此。權作小東之費。〔丑〕員外不消。老身已備在此了。〔淨〕媽媽。些須薄禮。休得見外。請收了。〔丑〕如此多謝了。〔小丑譚介丑〕使兒看酒過來。員外請上。待老身奉一杯。〔旦轉身丑抱住介〕你往那裏去。還不住在此奉陪員外。〔旦背介丑奉酒介〕

〔耍孩兒〕滿泛取金樽綠蟻。準備着偎紅倚翠。對酒當歌。對酒當歌。應知是快樂便宜。〔合〕論人生歡娛能幾。猛拚取沈醉似泥。

〔前腔〕〔淨〕感娘行慇懃意美。況覩着千嬌百媚。綺羅叢裏。綺羅叢裏。頓忘卻客邸棲遲。〔合前淨〕媽媽。我喫不得這啞酒。各飲一杯。說一個無滴。就要唱一曲。〔丑〕既是這等員

外先請。〔淨〕在下僮了。〔唱弋陽腔介〕無滴。如今該媽媽了。〔丑唱打棗竿介〕無滴。〔淨〕如今該是
大姐了。〔旦〕我不會唱。〔淨〕請飲一杯。〔旦〕也不會飲。〔淨〕這等彈一曲琵琶也罷。〔旦〕日久不彈
也都忘了。〔丑〕我兒。你還來奉員外一杯。〔旦丟杯介〕從來不會奉酒。〔丑〕興奴。你怎麼這等無禮
可惡。

〔東甌令〕賊潑賤心太癡。雲慙雨倨卻爲誰。玉顏鎮日垂雙淚。全不思活計。這
劉員外呵。是風流灑落富家兒。何故強推辭。

〔前腔〕〔旦〕他是守財虜。白丁兒。灑落風流在那些。我白頭願守青衫誓。豈忍輕
拋棄。碧梧止許鳳皇棲。怎肯借山雞。〔丑〕我兒還去奉一杯。〔旦〕咳。只管來胡纏。正是可人

期不來。俗子推不去。〔下丑〕你看。你看這賤人。不要慌。且謾着。〔淨〕阿呀阿呀。媽媽。一片熱心腸。化
爲冷面草。在下十分奉承。令愛全然不理。着甚麼來由。告別了罷。〔丑〕呀。員外說那裏話來。自古道
日親日近。日遠日疎。我兒女雖爲那白相公。不肯接客。如今他久無音信。日漸疎遠。員外時常來走
動走動。老身又在傍攬掇。日久自然親近起來。〔淨〕多謝媽媽。只怕令愛不肯。〔丑〕不妨。都在老身

身上包你成就便了。〔淨〕既然如此。我明後日再來。全仗媽媽。〔丑〕員外。怠慢了。明後日專望你來。不可失信。

有分莫嫌遲。

佳人有所思。

得他心肯日。

是我運通時。

〔丑〕員外請了。〔先下介淨小丑弔場小丑〕員外。方纔這小娘兒不肯接你。也不要怪他。〔淨〕卻怎麼。〔小丑〕自古道。小娘兒愛俏。老鴇兒愛鈔。員外。你這般打扮。也不像個鬪客。你日後要去。須換了這高巾。脫了這件大袖衫子。打扮得俏麗些。他就喜你了。〔淨〕這小廝到也說得有理。明日就換。〔小丑〕員外。你這鬚鬚也忒長了。也去了些便好。〔淨〕鬚長有何妨。〔小丑〕你不曉得。鬚長不鬪。〔淨〕啞。胡說。且回去了。明日再來。〔譚下〕

第十八齣 樂天赴任

〔朝元歌〕〔生末從上〕山程水程。漸逼斜陽景。泉聲鳥聲。別是清幽境。日遠長安。浮雲蔽影。自歎孤蹤萍梗。遠道風塵。逐客偏多戀主情。薄誼荷恩深。何須弔

屈平〔合〕溢城隱隱。到得後再圖家慶。再圖家慶。〔淨扮驛丞上〕廬江驛驛丞帶領人

夫接老爺。〔生〕驛丞這裏是那裏了。〔淨〕稟老爺。這這是交界地方了。〔生〕起去前途伺候。〔淨應

下外扮吏上〕江州劉太爺差吏典迎接老爺。有帖子拜上。〔生〕太爺一向好麼。〔外〕好。〔生〕前途

去領回帖。〔外應下〕

〔前腔〕〔生〕驛路遙通五嶺。匡廬入望青。立馬夏雲橫。炎氛難屏。看潯江照影

清。雙鬢欲星星。啼猿不忍聽。自別神京。記尋芳反令春恨增。風月庾樓生。悠悠

懷古情。〔合前〕

初出藍田岡。

又過望秦嶺。

爲問佐江州。

何如在華省。

第十九齣 裴興還衫

〔月雲高〕〔旦上〕匆匆逃避。蒼忙路途裏。似烏鵲驚三匝。幸遇雙珠樹。近日問將

起來。原來就是白樂天家裏。問取鄰姬。知是棲鸞處。我想樂天在我家走動時。常常賣弄他

家有個櫻桃樊素口。楊柳小蠻腰。如今看將起來。檀口依然小。果是腰肢細。我就對他說與他相公有交。難道說你是何人他是誰。也只當鷓鴣借一枝。我如今只得就把青衫送還他。卻不是好。〔對內云〕娘。前日白夫人不要我家房金。你要辦禮去謝他。我如今只送這青衫還他。做個人情何如。〔內應〕省了我辦禮也好。你自送去便了。〔旦〕既如此。我送了去便來。你可關上門兒。〔內云〕知道了。你自去。

〔前腔〕〔旦〕行行還止。〔作退步介〕猛省當時事。倘我把此情實說出來。他二人倘見怪。怎麼好。他未必生嫉妬。我自閒疑慮。看他舉止溫和。難道成乖戾。他既做居亭主。那有入宮忌。也不要疑心了。我只是送還他便了。想人在空閨欲授衣。怕寒到君邊衣到遲。〔扣門介〕

〔生查子〕〔貼小旦小丑上〕寂寞閉深閨。自喜相依倚。〔小旦〕鶯語喚開門。想是裴娘至。玲瓏開了門。看可是裴娘。〔小丑開門介〕果是裴娘。請進。〔相見介貼〕裴娘。今日緣何獨自下顧。〔旦〕無事也不敢來驚動。〔貼小旦〕敢是少些什麼。你就對我說。我這裏都有。〔旦〕多感美情。

也不少什麼。昨日收拾箱籠。偶然尋出一件青衫。送與二位看看。不知可認得否。〔貼小旦看衣相願介〕且住。這青衫是我相公穿往京師應舉的。爲何到在你處。〔旦〕二位夫人請猜一猜。

〔紅衲襖〕〔貼〕莫不是戀戀綈袍贈故知。〔旦〕想他不曾遇什麼淪落的那會贈人。〔小

旦〕莫不是棄青衿爲賜緋。〔旦〕他也不是那樣棄舊憐新的人。〔貼〕莫不是衣狐貉嫌袍敝。〔旦〕他也不是這樣趨炎附勢的人。〔小旦〕莫不是披鶴氅解青衣賜行酒的。

〔旦冷笑介〕酒字兒到猜着三分了。還有七分猜不着。〔貼〕這話兒教人轉疑。這意兒教人怎知。〔小旦〕我知道了。多應是祿薄官貧也。典卻春衣做夏衣。〔旦〕你猜是猜不着了。我實對你說罷。卻是不要着惱。〔貼小旦〕有甚着惱。但說不妨。〔旦〕你那白相公呵。

〔前腔〕對金鑾得意時。曲江遊走馬回。那時與劉元二位訪紅樓。曾把絲鞭繫。解青衫曾將綠酒易。〔笑介〕實不瞞二位說。一時間雲雨迷。到後來情意密。我因此上贖將歸日夜隨身也。今日呵。應把青衫付綠衣。〔貼小旦〕原來你與我相公會有情。便是

一家了。一向有失照管。卻是多罪了。

〔前腔〕每日間見你斂蛾眉不知愁甚的。見你減腰圍不知爲着誰。今日個說起心中事。正好與我並頭花做連理枝。你真情我已知。想夫君也念伊。你只合從頭收拾閒風月也。待他差人來迎接我們時節呵。我和你做個仙侶同舟晚更移。

〔前腔〕〔旦〕我爲着他困騰騰瑣翠眉。我爲着他病懨懨減帶圍。爭奈我娘行不解人深意。強逼我落溷沾泥做牆外枝。我真情你旣知。便追隨想不見疑。只是我娘行重利要把我輕拋也。怕事到頭來祇自悲。二位不知。我娘要我接一浮梁茶客。怪我不從。終日打罵。如今要他千金。把我賣與他。怎生是好。

〔前腔〕〔貼小旦〕我也願賣釵梳贖取伊。我也願典衣衫盡付渠。只是探囊中怎數千金費。罄篋底難當十斛珠。欲托征鴻報與知。奈天涯雲路迷。怎能數特爲司花吏也。留取河陽第一枝。只在早晚。待我請令堂過來。看他說甚麼。再作道理。〔旦〕如此甚好。〔貼小旦送介〕

青衫依舊付伊收。

紅淚盈盈獨倚樓。

無限心中不平事。一齊分付與東流。

第二十齣 遣迎蠻素

〔似娘兒〕〔生上〕一爲遷客到江臯。人事音書謾寂寥。夢斷與魂消。回首碧雲

天杳。〔集白句〕春盡思家歸未得。青山簇簇水悠悠。三聲猿後垂鄉淚。白盡江州司馬頭。下官謫任

江州。又經兩月餘矣。此處左匡廬。右彭蠡。土高氣清。富有佳境。刺史守臣。不可遊觀。郡吏執事。不敢

自佚。惟司馬爲遷人。冷署。得以自由。山澤遨遊。頗酬素志。只是寂寥無伴。難以遣懷。昨日寫下一函。

差白璧回去。取我蠻素二姬。不免喚他出來分付。白璧那裏。〔末上〕堂上聞呼喚。階前聽使令。老爺

有何分付。〔生〕白璧。將這一封書。竟送到家裏。迎取二位小夫人到來。〔末〕理會得。〔生〕你聽我道。

〔懶畫眉〕一封遙寄綵雲箋。說我朝奏封章夕左遷。江州未得整歸鞭。如今官

衙寂寞難消遣。教他早早登舟莫久延。

〔前腔〕〔末〕慇懃傳遞這魚箋。回首江關隔暮煙。秋風江上片帆懸。星馳願逐

天邊雁。真個一紙家書抵萬錢。

潯陽江上見秋風。

欲作家書意萬重。

只恐匆匆說不盡。

行人臨發又開封。

第二十一齣 蠻素邀興

〔鵲橋仙前〕〔貼小旦小丑上〕鏡損朱顏。袖沾紅淚。不道簷前鵲喜。〔相見介〕妹子。

自從相公遠遊京國。我和你獨守空閨。那裴興娘避難相投。恰是相公舊好。今日特陳小酌。聊叙情懷。早間已着人去請。此時想來也。玲瓏。你看裴媽媽裴興娘到來。即便通報。〔小丑〕曉得。

〔鵲橋仙後〕〔丑上〕天涯相聚喜相招。〔旦上〕歎往事不堪提起。〔相見介丑〕

二位夫人。今日呼喚我娘女兩人。不知有何話說。〔貼小旦〕連日多有簡慢。今日特具一杯。屈過少

敘。〔丑〕多承夫人美意。只是老身終日想家。飲酒不下。如何是好。〔貼小旦〕休得愁煩。玲瓏取酒過

來。〔衆把盞介〕

〔憶多嬌〕〔貼小旦〕你歸有日。休怨憶。尊酒相邀情更密。況與我夫君爲舊識。暫時棲息。暫時棲息。愧我蝸居陋室。

〔前腔〕〔丑旦〕知甚日。兵燹息。家山縹緲雲樹隔。幸托高居聊寄跡。〔貼小旦〕且

寬愁寂。〔丑旦〕怎寬愁寂。深感娘行憫惜。〔末上〕欲傳青鳥信。先寄綵雲箋。自家白璧是也。

蒙相公差回。迎取二位小夫人。這裏已是自家門首。不免逕入。有人麼。〔貼小旦〕玲瓏。外面有人說話。你去看來。〔小丑〕是那個呀。白璧哥。你回來了。待我去稟知二位夫人。〔進介〕白璧在門外要見。

〔貼小旦〕着他進來。〔末進見介〕相公爲諫言忤旨。謫宦江州。特差小的回來。迎接二位小夫人。畫船已在河下了。有書奉上。〔貼小旦〕相公又謫宦在江州了。〔丑旦〕有這等事。〔貼小旦〕取書上來。

既如此。你且在外少待。待我看了書。與裴媽媽裴娘相別了。然後收拾起程便了。〔末〕曉得。河下暫停蘭棹。江干專候魚軒。〔下貼小旦看書介〕

〔一封書〕傳書與二姬。謫江州倍慘悽。從別後歲餘。夢遶深閨思欲飛。早整行裝來任所。免使羈人望眼迷。兩相隨。莫相違。草草緘封帶淚題。相公書中之意。要

我二人早去。今日就收拾起程罷了。只是媽媽與裴娘在此。不得陪奉。如何是好。〔丑〕夫人好說。

〔旦〕二位夫人在上。奴家有一言相告。當初在京時。原與相公有約。前日青衫已送還夫人。夫人既

往任所。奴家欲隨侍同行。重見相公一面。不知尊意如何。〔貼小旦〕長途寂寞。挈伴同行。有何不可。〔丑〕二位夫人。這個斷然使不得。老身只有此女。支持門戶。都在他身上。前日有個浮梁茶客。肯出千金娶他。老身尚在遲疑。他若去了。教老身依靠何人。〔旦〕母親。你若不肯放我去。我就在家。也決不接客。一心守着白相公便了。〔丑〕阿呀。賤人。羞也不羞。白相公既在那裏做官。難以娶你。況且有二位夫人在上。聞得此位夫人善歌。此位夫人善舞。你便曉得兩曲琵琶。又是北調。白相公好南的。你這個琵琶卻不上了。就去也沒幹。〔旦〕母親說那裏話來。我一定要去。斷不依你。

〔鬪黑麻〕〔丑〕這賤人敢來與咱挺執。〔貼小旦〕媽媽請息怒。這是好事。你成就他罷。

〔丑〕我貌醜年衰窮途告急。伊若去轉憂悒。門戶淒涼。教誰取給。〔旦〕母親。你與我同去了罷。〔丑〕我淹淹氣息。路途怎慣歷。賤人。白相公是貴顯名公。誰愛你煙花賤質。

〔前腔〕〔旦〕雖不敢與鳳侶鸞儔擬匹。怎做孤鴛中途散失。擔不住紅袖溼。倘若他心戀綈袍。我誓無他適。二位夫人相勸一相勸。〔貼小旦〕媽媽。你還與令愛同行便了。

〔丑〕我淹淹氣息。路途誰慣歷。賤人二位夫人是豔蕊瓊葩。怎比你煙花賤質。

〔貼小旦〕裴娘。我們再三苦勸。你媽媽執意不從。欲待要處些財禮。與你贖身。又一時未便。你且在我房子裏住下。待我們到江州。與相公說知。另差人取你便了。〔旦〕多謝二位夫人。〔丑旦〕我娘女兩人。在此打攪。還當送夫人一程。〔貼小旦〕不消送。就此拜別了罷。

〔哭相思〕〔丑旦〕兩地相思苦掛牽。臨期執手淚潛潛。〔貼小旦〕可憐又是孤舟

別。〔合〕垂首無言去住難。〔丑旦下貼〕玲瓏分付白璧。就此起程。〔小丑〕白璧哥。夫人就要登

舟。快喚舟子打扶手。〔末同船家上〕蘭舟扶浪淺。錦纜映霞明。請夫人上船。〔上船介〕

〔淘金令〕〔貼小旦〕澄波瀉影。畫鷁隨流轉。綠荷泛水。翠蓋擎珠淺。江水江風。香肌無汗。〔貼〕妹子。我與你呵。幸喜長途爲伴。回首家山。斜陽又隔隴樹煙。遠別已經年。深閨魂暗牽。重整歡娛。重整歡娛。舞裙歌扇。

夷猶青雀舫。

蕭瑟白蘋洲。

遙指江州路。

雲陰天際浮。

第二十二齣 茶客娶與

〔山查子〕〔淨上〕買笑且揮金。得意圖佳耦。賣俏逞風流。整頓巾和袖。自家劉員外是也。連日在裴興奴家走動。他嫌我衣帽不整齊。面龐不俏麗。我雖下許多幫襯。他全然不理。如今的袖兒窄窄。帽兒圓圓。一嘴鬚鬚去了半邊。這也看得過了。難道也不留我。只是一件。他既有了那老白。總然留我。一定也不放在心上。不若將千金娶回爲妾。到了我家裏。就由得我了。怕他不從順我。前日媽媽已有見允之意。不免再去與他商議。此間已是裴媽媽家裏了。有人麼。

〔前腔〕〔丑上〕覆雨共翻雲。不怕顏兒厚。佳客到堂前。斂衽相迎候。〔相見介〕呀

員外。前日多有簡慢。〔淨〕好說好說。打攪。〔丑〕阿呀員外。你今日一發打扮得俏麗。越越標致了。好巾帽。好衣服。鬚也恰像少了些。卻是爲何。〔淨〕媽媽。被你女兒弄得做脫鬚了。〔丑〕員外。不是脫鬚。

〔捋鬚介〕咦。其然豈其然乎。〔淨〕休得取笑。媽媽。小子有一句話兒奉告。〔丑〕員外有何見諭。〔淨〕媽媽。我在你令愛跟前。十分幫襯。只是不理。意欲將銀千兩。娶歸爲妾。他既在我家。也只得順從我了。媽媽。你的意如何。〔丑〕員外。老身只有此女。本是割捨不得。員外既有千金。也只得割愛了。〔淨〕

多謝媽媽。只怕合愛不肯。如何是好。〔丑〕員外。老身做主。怕他不從。〔淨〕媽媽。

〔玉胞肚〕姻緣輻輳。喜紅妝牽絲翠樓。贖蛾眉不惜千金。論風流肯落人後。操持箕箒抱衾裯。且載扁舟事遠遊。

〔前腔〕〔丑〕章臺折柳。喜柔枝春風逗留。總黏成一段風流。願百歲常相廝守。相看匹鳥在河洲。河漢今宵會斗牛。員外請坐。待我喚他出來。與奴那裏。快來。〔旦上〕終朝

拭淚頻。腸斷爲情親。無限傷心事。含羞嬾向人。母親萬福。〔丑〕我兒。劉員外在此。過來見了。〔旦〕母親。我心上有事。你只管來胡纏。〔相見介〕旦背白。惹厭的東西。〔丑〕你看。又來使性了。我且不打你。

我對你說。你平日只想從良。雖是守着那白相公。他又杳無音信。這也是徒然了。今日劉員外將銀一千兩。要娶你爲妾。你從了他。也了得你終身之事。卻不是好。〔旦〕孩兒與白相公原有舊約。況且劉員外是個爲客的人。販夫俗子。教我怎生伴着他。我就死也斷不嫁他的。〔丑〕我做娘的得了銀子。難道罷了不成。你慣在娘面上使性。我便奉答了這一遭兒。你也不要怪我。快些梳妝。員外。我和你到外面去兌了銀子。就要他下船去罷。〔淨丑下〕娘。我是你親生的女。你全無骨肉之情。今日

千鄉萬里。把我嫁與這個茶商。閃得我好狠毒也。事出無奈。我也只得權且從他。那斷若來犯我。我到前途尋個自盡便了。

〔山坡羊〕急煎煎雨僂雲愁。怨寥寥粉消紅瘦。虛飄飄如逐浪浮鷗。眼巴巴盼不到的文鴛耦。淚暗流。孤身不自由。紅顏薄命。薄命從來有。誰似今朝落人機。含羞。又抱琵琶過別舟。難留。不是冤家不聚頭。〔淨丑上〕柳外促歸航。花前逞豔妝。

仙源今有約。天遣會劉郎。船已在河下了。媽媽。快請令愛上船。〔丑〕我兒。我只爲孔方兄。斷送親生女。少不得要去的。就此拜別了罷。

〔臨江仙〕〔旦〕擊破菱花半面。那堪目斷江州。天涯淪落下場頭。出門煙水闊。漂泊倩誰收。〔淨扯旦下丑弔場〕我那兒。你掩淚含羞辭別去。似飛花逐水悠悠。蕭蕭孤影向誰投。倚門空悵望。腸斷楚江秋。〔下〕

第二十三齣 蠻素至江

〔鵲橋仙〕〔生上〕明光奏賦。石渠侍講。委珮鳳皇池上。一封朝奏謫江鄉。喜官

舍面山虛爽。〔眼兒媚〕烟草萋萋。小樓西。兩行疎柳。一絲殘照。數點鴉棲。春山碧樹秋重綠。人在武陵溪。無情明月。有情歸夢。同到幽閨。我前日。差白壁回去。取蠻素二姬。爲何去久。還不見來。好生放心不下。

〔解二醒〕想楓宸昔年立仗。效葵忠敢上封章。不道龍鱗難逆。遭黜降。喜青山正對黃堂。只是寂寥夜雨芙蓉帳。冷淡秋風煙水鄉。〔合〕遙相望。豈忍使鳳幃人老。雲冷巫陽。待蠻素二姬到來。我且把裴與奴的事對他說。試他一試。

〔前腔〕想那日東郊歡暢。喜褰簾邂逅裴娘。與他並頭交頸沙堤上。應不羨兩兩鴛鴦。想當初柔情綽態相親傍。到如今水驛江程去路長。〔合前〕

〔生查子〕〔貼小旦小丑末同上〕千里泛長江。經月同官舫。更喜到名邦。歌舞陪新賞。〔末報相見介貼小旦〕相公一向好麼。〔生〕好。〔指貼云〕你也好。〔指小旦云〕你爲何腰肢越

瘦了些。〔小旦〕這兩日身子有些不好。〔生笑介〕如今來了就好了。我且問你。你二人來。路上風景如何。〔貼小旦〕風景甚好。一路都是青山。〔生〕這青山你們到得飽看了。〔貼小旦〕不但飽看。且被

我帶在包裹裏來了。〔生笑介〕青山怎麼帶得在包裹裏來。〔貼小旦〕相公不信。待我取來看。玲瓏。你去取那青衫出來。〔小丑〕青衫在此。〔貼小旦〕相公。這青衫也曾見來麼。

〔太師引〕〔生見驚介〕頓驚惶這舊物渾無恙。悲墜屢難禁感傷。覩亡簪使人惆悵。歎蠅頭蝸角空忙。受盡了許多風浪。轉教人心旌遙颺。這件青衫。是我失落在京師的。路迢迢何緣到你行。〔小丑譏介〕早難道風吹雲捲入蘭房。

〔前腔〕〔貼小旦〕有一個緋衣仙子來相訪。〔生沈吟介〕非衣。〔貼小旦〕他挾青衫擲還阮郎。〔生〕什麼阮郎。〔貼小旦〕有個元在傍邊的。他又曾與劉郎相傍。訪天台同渡石梁。到如今人間天上。閃得人粉凋紅喪。減芳容啼痕兩行。訴不盡別來牛女做參商。〔生〕說話有些蹊蹊。且不明白。你可實對我說。〔貼小旦〕相公。你且實說。這件衣服。失落在那裏。我們纔說。

〔前腔〕〔生〕東郊曾訪平康巷。遇佳人流連夕陽。愛紅妝琵琶嘹唳。解青衫典卻瓊漿。〔貼小旦笑介〕說起瓊漿。卻是裴航的故事了。〔生〕到如今音容絕響。也只爲干

戈擾攘。斷鱗鴻。天各一方。多應是眼前物在人亡。〔貼小旦〕是實說了。我們也實說了罷。當時表與奴母子呵。

〔前腔〕避兵投止方執掌。相憐惜。借居左廊。出青衫把真情說向。反教人寸斷柔腸。相公相公。他爲你受萬千磨障。狠娘行羅鉗吉網。眼見得凌辱數場。爲千金要將他遠嫁浮梁。與奴守志。不肯接那浮梁茶客。他母親使起性來。對茶商說。你出得千金。就賣與你罷。左右在家也不肯接客。那茶商已允。我來時。已聞得將成事。與奴不肯。要與我們同來。又被他母親毒打一場。我們願典衣飾贖他。又不勾數。因此只得撇了他。我們自來了。相公可上緊救他纔好。

〔前腔〕〔生〕聽伊言使我添悽愴。這時節有誰主張。與奴與奴。遣不去殺風景的業障。打不上影兒裏情郎。冷淡卻梅花孤帳。祇落得夢魂勞攘。白頭吟難禁那廂。題橋客怎生忘了鳳求皇。如今罄我宦囊。不上一二百金。怎生是好。〔貼小旦〕奴家二人的

敘梳都湊在裏頭。也有二三百金之數了。待他母親送了與奴來。再找他也不妨。只是相公就該差

人去。〔生〕你們進去收拾東西起來。待我寫了書。并將這青衫寄去爲證。連夜就差人去。〔小丑對貼小旦背云〕玲瓏看起來。你們二位到是鶻突的。方才到衙。如何又要去娶那裴娘。如今一時高興。倘然取將來。樊娘煩惱起來。蠻娘又蠻將起來。那樂天相公就不樂了。不如把玲瓏做了一個通房。又省了銀子。卻不是好。〔貼小旦〕胡說。

一番清話總關心。

急遣人歸寄好音。

但願應時還得見。

須知勝似岳陽金。

第二十四齣 娶興人至

〔雙勸酒〕〔末上〕西風漸緊。長途勞頓。因求麗人。特傳芳信。頻盼望故國煙雲。怕夕陽又近黃昏。自家是白相公差回來娶那裴娘的。迤邐行來。已是家門首了。聞得裴媽媽就在我家房子裏住。此間想必是了。不免叫一聲。有人麼。〔丑上〕孤苦方爲苦。家貧未是貧。自從我女兒出去。他鄉獨處。鬼也沒得上門。今日是誰來相訪。莫不是我女兒有信回來。待我開門去看。〔開門介〕呀。白大叔。又回來了。下願老身。有何話說。〔末〕俺相公因二位夫人說了你令愛的好意。故

此特差我回來。要娶你令愛。這銀子三百兩。聊爲財禮。青衫一件。寄與裴娘爲表照的。媽媽請收了。

〔丑〕大叔不要說起。我那女兒自從你相公別後。終日思想。不肯接客。異鄉流落。生意蕭條。只得把我女兒。嫁與浮梁茶客劉員外去了。大叔起勞你。多多稟上相公。望乞恕罪。銀子青衫。大叔原自收了去。〔末〕媽媽。你女兒嫁了人也罷。只是辜負了我家相公一片好心。怎麼了。怎麼了。〔丑〕大叔。我那女兒呵。

〔好姐姐〕他念青衫難忘舊恩。奈別後杳無音信。門前冷落只得嫁與人。〔合〕堪憐憫。天涯飄泊憑誰問。似水上浮萍陌上塵。

〔前腔〕〔末〕相公呵。念青樓薄倖可嗔。仗青衫特來求聘。奈章臺柳色在別處新。

〔合前丑〕大叔。老身久在此打攪相公府上。如今干戈寧靜。即日回到長安去了。不得叩謝相公與二位夫人。你替我多多稟上。待相公欽召到京。老身自當叩見。大叔多有勞了。多簡慢了。〔末〕好說。就此別了。

勞君千里苦奔馳。

無奈娘行見識迷。

夜靜水寒魚不餌。

滿船空載月明歸。

第二十五齣 樂天賞花

〔畫堂春〕〔生上〕家山迢遞隔秋雲。天涯誰念孤臣。〔貼小旦小丑上〕秋煙一抹

遠山勻。翠黛含顰。〔浣溪沙〕〔生〕露冷風清又杪秋。夢歸思舊兩悠悠。一官何事苦淹留。〔貼小

旦〕你在異鄉須自遣。閒愁休得惱心頭。且將歌舞答清幽。〔生〕小蠻樊素。我謫居在此。淪落無聊。

往娶與奴。又無音耗。好生悶人也。〔貼小旦〕相公。你賜環有日。還珠可待。且自開懷。不須煩惱。奴家

二人見秋花爛熳。風日清嘉。特具一杯。以供玩賞。不知相公意下何如。〔生〕如此卻好。〔貼小旦〕玲

瓏取酒過來。〔小丑〕酒在此。〔貼小旦遞酒介〕

〔集賢賓〕〔生〕秋花點點浥露芬。繞碧砌苔茵。菊散叢金蓮墜粉。喜寒葩似帶

餘春。繁華易隕。恐青女又侵青鏡。〔合〕心自忖。拚取綠醕青尊同引。

〔前腔〕〔貼小旦〕秋風隱隱入座馨。更秋色宜人。把豔舞嬌歌還再整。奈感時濺

淚傷神。金風漸緊。怕玉露又催霜信。〔合前生〕你二人久疎歌舞。今日歌一曲舞一回何如。

〔貼小旦〕奴家正有此意。〔生〕玲瓏取象板過來。

〔貓兒墜〕〔貼〕梁州低按。裊裊動芳塵。白雪飛揚遏彩雲。櫻桃一顆綴朱脣。含顰看尊前扇底。逸韻生春。〔生〕玲瓏取舞榭過來。〔小旦舞介〕

〔前腔〕〔合〕霓裳曲按。恰稱小腰身。瓣落金蓮不動塵。迴旋宛轉逐行雲。輕盈似盤中掌上。逸態生春。

〔尾聲〕浮沈宦跡何須問。〔貼小旦〕況對此妍芳佳醞。〔生〕酩酊渾忘客裏身。玲瓏撒過了酒罷。〔末上〕姻緣姻緣。事非偶然。謀事在人。成事在天。此間已是官衙門首。不免逕入。〔見介〕白璧你回來了。此事成否如何。〔末〕小人一到裴媽媽家。就把銀子青衫送與他看。說相公要娶裴娘。特差我回來。那媽媽說道。近來生意蕭條。相公又無音信。數日之前。將裴娘已嫁與浮梁茶客去了。這青衫與銀子俱在此。〔生〕收了。你自迴避。〔末應下〕

〔朝天子〕〔生〕一夜西風忽報秋。爭奈鯤絃斷。鸞鏡羞。封書空往倩誰收。似沈浮。枉教人目斷青樓。這盟言怎酬。這盟言怎酬。

〔前腔〕〔貼小旦〕無奈姻緣不到頭。可惜他辭條蚤。逐浪浮。須知冰炭自難投。苦
羈留。待尋消問息無由。使傍觀淚流。使傍觀淚流。

功名情事兩蹉跎。

歡樂番成怨恨多。

遇飲酒時須飲酒。

得高歌處且高歌。

第二十六齣 劉白謁元

〔喜遷鶯前〕〔小生從上〕皇華丹詔。看使節凌風。卿雲開道。破浪乘潮。片帆搖

曳。匡廬指點非遙。〔虞美人〕潮生潮落何時了。斷送行人老。消沈萬古意無窮。盡在長空澹澹鳥

飛中。海門幾點青山小。望極烟波渺。何當駕我以長風。便欲乘桴浮到日華東。自家元稹是也。自從

夢得出守江州。樂天謫爲司馬。相知日遠。夢寐爲勞。如今幸得奉詔。安撫江南。路從江州經過。當得

與二君晤面。適才已打報子去了。你看廬山在望。眼見得是江州地方。叫左右。〔衆介〕與我捲起這

簾兒。待我盼望一回。

〔孝順歌〕匡廬近。瀑布高。銀河半落界紫霄。五老倚相招。雲松未可巢。香爐日

照秀色氤氳。芙蓉縹緲。虎溪舊約難尋。蓮社從誰討。追惠遠。憶謝陶。那風流頗

同調。且下了簾兒。把艙門閉上。待我下艙。少息一回。分付稍水。一到江州。便泊了船。看有客相訪。卽

便通報。〔衆應介暫下〕

〔喜遷鶯後〕〔外生從上〕聞道故人來到。還須相訪相邀。期登眺。幾年分袂。暫

慰同袍。〔衆〕此間已是元爺船了。〔生外〕左右快通報。〔衆報介相見介生〕憶昔思君與君處。金鸞

殿裏鳳樓東。〔小生〕今日逢君在何處。廬江烟水畫橋中。〔外〕皇情未使恩波極。日暮樓船更起風。

〔坐定介小生〕樂天前日出京時。小弟大病。所以不能奉餞。止在枕上口占一詩。寒燈無焰影幢幢。

此夜聞君謫九江。垂死病中驚起坐。暗風吹雨入寒窗。〔外〕好詩。聽之使人酸鼻。〔生〕小弟到任後。

曾有一函奉寄。不知曾到否。〔小生〕書到後。小弟又有一絕道。遠信入門先有淚。妻驚女哭問何如。

尋常不省曾如此。應是江州司馬書。〔生〕二詩都不曾領教。〔外〕此二詩樂天雖未見。外面已

傳誦矣。

〔啄木兒〕〔小生〕契闊久。夢寐勞。孤影幢幢歎寂寥。紫薇省自直通宵。未央宮

漫憶同朝分飛鷓鴣俱難保。縱橫燕雀何足道。落得稅駕江干駐使輶。

〔前腔〕〔生〕盟鷗鳥。別鳳毛。曾托雙魚寄木桃。愧一枝暫寄鷓鴣。喜交知萬里扶搖。行看健翮登樞要。〔小生〕想樂天不久亦當內召。〔生〕賜環敢望仍歸趙。結綬空談朱與蕭。

〔前腔〕〔外〕承風調。附雅騷。待罪名邦景物饒。媿蒲鞭未化江臯。祇落得撫字心勞。彤廷路阻絕音耗。畫船喜得追歡笑。且滿泛金尊把旅況消。樂天我與你輪番設讎。須留微之淹留數日。方展此情。〔生〕正是。明日攜具於廬山草堂一坐如何。〔小生〕欽限頗近。明日早發矣。如今還有些事。不得扳留二兄。待我午間事完。薄暮可來舟中一敘。乘月而散。卻不是好。〔生〕微之既如此說。今晚且攜具同來再聚。

一江秋色滿篷牕。

故舊相逢喜欲狂。

但使主人能醉客。

不知何處是他鄉。

第二十七齣 興拒茶客

〔步步嬌〕〔旦上〕慊慊鬼病難消遣。捱不了相思限。〔內撞鐘介〕呀。又早鐘聲到

客船。長夜無眠。業債前生欠。〔淨醉上〕我乘醉欲追歡。只恐陽臺咫尺如天塹。此

間已是我的船了。不免跳上去。呀。與奴姐。你還不會睡。想是等我麼。〔旦〕不識羞。那個來等你。〔淨〕

與娘。你在我船上。將及兩月。從不曾與我同睡。今夜酒興發作。一定要好一好了。〔旦〕不知那裏喫

醉了。爛酒臭。閃開些。〔淨〕我的娘。沒奈何。既在我家裏。難道罷了不成。一定要好一好。〔旦推介〕

〔玉交枝〕你休纏休戀。強將來原非夙緣。孤鴛野鷺難爲伴。空教人背地熬煎。

你終朝沈醉口流涎。蠻聲獠氣村郎面。〔作苦介〕這羈愁似離琴斷絃。這牢籠似

失林檻猿。

〔川撥棹〕〔淨〕你空嗟怨。絮叨叨還將口鉗。費黃金只爲紅顏。費黃金只爲紅

顏。欲相親翻來見嫌。你再推辭看我拳。再推辭把鬢擗。

〔尾聲〕〔旦〕自憐薄命身輕賤。〔淨〕何日方諧繾綣。〔旦〕員外。你若再來纏我呵。拚

取微軀赴九泉。〔旦作關船門下淨弔場〕阿呀。你看這賤人這等可惡。我將千金娶他。他一心只

戀別人。把艙門閉上。竟自去睡了。好惱好惱。〔小丑上〕自不整衣毛。何須夜夜嘆。員外。半夜三更。爲何在此發惱。〔淨〕這小廝你不曉得。〔小丑〕員外。你不要瞞我。我都曉得了。〔淨〕你曉得什麼。〔小丑〕員外。方才乘其酒興。要與興奴姐那話兒。他執意不從。故此在這裏嚷鬧。〔淨〕便是。這等無禮。可惡得緊。待我打開了艙門。拿他出來。打他一頓。方釋我的氣。〔小丑〕員外。你且耐心。我當初勸你不要討他。你就說我喫醋。反罵我起來。如今費了許多心。淘了許多氣。兀自不得到手。着甚來由。如今夜已深了。酒已醒了。他又睡了。門又關了。前面江邊酒樓上多少妓者。也有彈的。也有唱的。何不到那裏自樂一樂。別他娘十日半月。他熬不得了。少不得要上手。〔淨〕此計甚妙。正是此處不留人。自有留人處。去去。〔下〕

第二十八齣 坐溼青衫

〔旦抱琵琶上〕影似白團扇。調諧朱絃琴。一毫不平意。幽怨古猶今。奴家方才閉上艙門。拒絕那廝。且喜他使性。上岸去了。如今再上船頭消遣一回。你看江深夜靜。月冷風清。好淒慘人也。前日聞得白相公謫宦江州。此間正是江州地方了。咳。只在一處。不能勾廝見。好苦呵。稍水那裏。〔丑扮船家

〔上〕隨風倒舵。順水推船。裴娘有何分付。〔旦〕稍水。你把這船頭對着月色。就泊在這蘆花岸邊。待我把琵琶自彈一曲。〔丑譚下旦〕碧海青天無限恨。等閒拭淚付琵琶。〔彈介〕

〔新水令〕鯤絃鐵撥紫檀槽。斷送許多年少。空林驚宿鳥。幽壑舞潛蛟。切切嘈嘈。寫不盡相思調。

〔步步嬌〕〔生外末小丑挑酒壘上〕荻花楓葉秋容老。祖餞潯陽道。山低月已高。挈榼提壺。且須傾倒。〔末〕此間已是元爺船了。〔外生〕快通報。〔末〕稍子打扶手。〔淨稍子上〕是那

個。〔末〕劉爺白爺下馬。〔淨〕老爺有請。〔小生上〕獨坐正無聊。主人下馬剛來到。快請上船。〔相見送酒介換冠服生內穿青衫介〕

〔折桂令〕〔旦〕恨悠悠粉褪香消。悵憶仙郎。夢繞魂勞。想他們別戀多嬌。〔生外〕

微之請一杯。那裏琵琶聲響。〔旦〕他有櫻桃素口。楊柳蠻腰。拋閃得人牛馬同槽。他

昏騰騰酌酒鋪糟。眼睜睜受盡煎熬。〔生〕彈得好。微之再請一杯。〔旦〕到頭來風月場

空。那些兒雲雨峰高。

〔江兒水〕〔外小生〕逸調來雲表。清聲徹斗杓。似湘靈鼓瑟江干曉。似臨邛夜弄求凰操。〔生聽介〕好怪好怪。宛然是裴興奴的指撥。〔拭淚悲介〕他穿簾入溷俱難料。誰共篷窗孤棹。暫且停橈。試問玉人消耗。左右的。你把船移近那船。問他是什麼船。〔問介丑〕我們載的是浮梁茶客。〔回話介生〕你就問那彈琵琶的。可是裴興娘。〔衆問介旦作驚介〕他爲何曉得我。我正是。問我怎麼。〔衆〕果然是。〔生〕我說是了。快請過船來。〔衆請介旦〕我已從了良。不好過來。〔生〕與他說。我是白樂天。〔衆傳說介旦〕既是他在船裏。我就過來了。〔過船相見介生拭淚介〕我說是他。

〔雁兒落帶過得勝令〕〔旦看介〕豈忍見休文減帶腰。豈忍見宋玉悲秋貌。〔生〕

你可認得這件青衫麼。〔旦〕重提起典青衫酒價高。免不得掩紅妝把琵琶抱。〔生〕

你爲何就嫁了人。〔旦〕恨娘行把我一時拋。付茶商把箕箒操。也不管參商和卯

酉。逼勒咱鸞枝作鸛巢。〔生拭淚介外〕樂天爲何只管墮淚。你的青衫盡溼透了。〔小生〕連我

們也要墮淚起來了。〔旦〕延燒。死灰然祇神廟。藍橋爲風波敗久要。爲風波敗久

要。

〔僥僥令〕〔生〕一番新懊惱。幾載舊根苗。〔外小生〕邂逅相逢如天造。怎忍似棄言的解佩要。棄言的解佩要。

〔收江南〕〔旦〕呀。算將來生死是今宵。〔外〕可惜已嫁人了。〔旦〕那籌兒都休道。二位大人。沒奈何要與奴家做一個主。須教我斷絃再續藉鸞膠。休疑慮章臺楊柳折長條。望相憐舊交。望相憐舊交。縱春山淡了尙堪描。

〔園林好〕〔外小生〕教坊中聲名久標。便于歸須從俊髦。出幽谷正宜及早。從今夜好遷喬。從今夜好遷喬。〔小丑上〕天有不測風雲。人有旦夕禍福。娘子在那裏。不好了。員外

大醉落在江裏了。〔內〕娘子遇了一個舊相識。在座船上。請過去彈琵琶去了。〔小丑過船報介外〕

既然如此。明日着地方與他打撈屍首。棺殮載回便了。〔小丑〕請娘子回船裏去。〔外〕胡說。裴與奴係官妓。名在教坊。你們庶人之家。如何娶得他。如今就把他留下的衣飾。當他財禮退還你。與奴自應在此值應。不得前去。〔小丑介〕各人自掃門前雪。莫管他家瓦上霜。〔下外〕如今與奴已歸樂天。

我們就差人送他到衙裏去罷。〔生對外小生背云〕興奴已作商人婦。恐怕使不得。〔外小生〕樂天。你生平大節不虧。官箴無玷。就有些風流罪過也何妨。〔生〕既如此。喚從人取乘轎來。送回衙去。〔衆〕此處沒有轎。請老爺少待。須要到城裏去取來。〔小生〕既要等轎子。何不取酒來再飲幾杯。再彈一曲如何。

〔沽美酒帶太平令〕〔旦〕謝陽侯斬鷓鴣。謝陽侯斬鷓鴣。賴恩相續鸞膠。你把我今夜琵琶付彩毫。一字字繼離騷。一聲聲徹雲璈。一句句完璧歸趙。朋友們千杯歡笑。夫妻們五花官誥。兒曹紅綃紫綃。總只是朝雲暮潮。呀。總不如百年諧老。〔衆〕轎子來了。〔旦〕奴家就此拜謝二位大人。〔外小生〕且不要謝。明日還要來奉賀。〔旦〕乍逢渾似夢。相見反成悲。〔下〕

〔尾聲〕〔外小生〕登堂拜賀須明早。〔笑介〕樂天。他久旱逢甘在此宵。須暫時落後。那楊柳櫻桃。

姻緣簿上喜和同。

恩怨遙傳指撥中。

一葉浮萍歸大海。

人生何處不相逢。

第二十九齣 裴興歸衙

〔出隊子〕〔從持燈引旦上〕從前幽怨。從前幽怨。一曲琵琶續舊緣。歸途燈火接

寒煙。指點官衙蔥蒨間。似舊燕歸巢。雙語簷前。〔從〕已是衙門首了。〔旦下轎從扣門介

貼小旦小丑上貼〕

昨日喜時聞鵲喜。〔小旦〕今宵燈下拜燈花。〔貼〕妹子。連夜燈花結蕊。此時深

夜扣門。不是相公送客回來。一定是家裏有人到了。〔小旦〕是玲瓏開門去看。〔小丑開門介〕是那

個。〔從〕是一位女客在此。老爺送回來的。〔小丑〕到是一位娘娘。阿呀。到有些面熟。〔看介〕是裴娘。

如何到在此間。〔譚介〕夫人。裴娘在此。裴娘。夫人在此。裴娘。裴娘。且來陪我們夫人一陪。正好。正好。

待我閉了門。〔相見介貼小旦〕果是裴娘。爲何到此。〔旦〕二位夫人請上。待奴家拜稟。

〔鎖南枝〕匆匆別各一方。漂流此身無主張。畢竟嫁浮梁。孤舟煙水鄉。新聲奏

舊話長。奴家在月下停舟。偶把琵琶消遣一回。不意相公正在江邊送客。聽得是奴家的指撥。相邀

過船。感舊興悲。青衫淚溼。那時節有人來報。茶客酒醉溺死。相公就贖我回來了。續前緣真不

枉。

〔前腔〕〔貼小旦〕從別後淚兩行。音容阻隔路渺茫。邂逅水雲鄉。似文鴛逐雁行。移蓮步入畫堂。再相逢喜相傍。

〔天下樂〕〔生末上〕遷客逢秋倍黯然。那堪送客楚江邊。琵琶一曲溼青衫。始得鸞膠續斷絃。〔末〕此間已是衙門首了。〔扣門介〕開門。相公回來了。〔小丑開門介貼小旦〕相公

爲何歸遲。裴娘已在此了。〔生〕與奴。你到了幾時了。〔旦〕方才到的。相公請坐。待奴家拜見。〔拜介〕

奴家脫跡烟花。得操箕箒。不勝榮幸。〔生〕與奴。破鏡再合。去璧復還。深爲可喜。你與他二人可曾見禮。〔旦〕還不曾行禮。〔生〕就此行禮罷。〔三旦交拜介貼小旦〕相公。自古道新娶不如遠歸。今日相

公與裴娘又是新娶。又是遠歸。樂可知矣。況秋宵正長。我們備一榼子來。與裴娘燈下坐一回如何。

〔生〕夜已深了。不消了。明日坐罷。〔貼〕相公。你忒性急了些。〔小旦〕姐姐。知趣些罷。〔貼〕既如此。我們先進去睡。玲瓏你看茶來。與裴娘喫。〔小丑〕裴娘聽得茶字。頭也是疼的。如今在白家來。只喫些白滾湯罷。〔貼〕胡說。解道新知樂。〔小旦〕今宵且讓伊。〔做轉身介〕相公。明日有賀客來。又要喫酒。

早些起來。〔小丑〕不是喫酒。是喫醋了。〔小旦〕唵。〔同下生〕與娘。我與你燈下再坐一坐。把別來心事。試講一番如何。〔旦〕如此甚好。

〔江頭金桂〕〔生〕自那日春郊遊訪。爲封章謫此邦。無奈縱橫豺虎。折散鴛鴦。把恩情都撇漾。受盡了多少淒涼。喜得青衫無恙。到此新愁頓減。舊願須償。潯陽今番作楚陽。賸把銀缸照取。賸把銀缸照取。玉容偎傍。謾商量。只落得感舊春如夢。驚心喜欲狂。

〔前腔〕〔旦〕也只爲風塵業障。苦相思在兩鄉。經幾度靡蕪春望。暗惜年芳。歎萍蹤無倚仗。誰承望剩粉殘香。番做了珠還掌上。幸遇今宵歡會。打疊柔腸。他鄉恍疑歸故鄉。雖是青山黛淺。雖是青山黛淺。眉尖愁放。謾論量。相公。你還該到二位夫人那裏去。休落了宛轉歌喉細。躡躡舞袖長。〔生〕夜已深了。我和你去睡罷。〔攜手介〕

今宵相遇豈尋常。

苦把相思訴一場。

不是一番寒徹骨。

怎得梅花撲鼻香。

第二十齣 樂天蒙召

〔風入松〕〔外小生引從上〕 昨宵邂逅豫章城。向秋江餞別長亭。聽冰絃嘹唳傳鄰艇。喜舊愛重諧堪慶。向衙齋聯鑣共行。停征蓋暫逢迎。昨晚相期。同賀樂天。此間已是他官衙了。左右的快通報。〔報介〕

〔前腔〕〔生上〕 天涯淪落不勝情。幸江津重遇娉婷。夢回巫峽魂難定。聞故友朝來相慶。且開尊相邀共傾。候下榻喜逢迎。〔出迎相見介小生外〕 樂天。昨宵裴娘之事。

可謂奇逢。二弟特來奉賀。〔生〕 賴二兄玉成。未及造謝。敢勞先施。請坐了。〔小生〕 小弟簡書相迫。卽欲解維。不敢坐了。〔生〕 旣到衙齋。豈有不坐之理。小設已具。略敘片時。幸勿見拒。白璧那裏。〔末上

生〕 你可傳話後堂。喚玲瓏請二位小夫人同裴娘出來。見了二位老爺。〔末應傳話下介小生外〕 這箇不敢。〔生〕 通家兄弟。相見何妨。〔貼小旦旦小丑同上〕 大婦理青絲。〔小旦〕 中婦飾蛾眉。〔旦〕 少婦獨無事。曲罷詠新詩。〔合〕 上官何須起。安坐飲瓊卮。〔相見介旦拜介〕 多謝二位大人作主。不

忘大恩。〔外小生〕好說樂天。我們兩個也當得個媒人了。〔生〕多謝。正是月夜幸逢月老。〔小生外〕
冰絃喜遇冰人。〔生〕玲瓏取酒過來。〔小丑〕有酒。

〔催拍〕〔生〕記當初周旋帝京。幸今日重逢友生。攻破愁城。拭拂啼痕。打疊心
旌。幾載睽離。百歲姻盟。〔合〕盍簪處且緩王程。三婦豔。二難并。

〔前腔〕〔小生外〕喜一朝重諧舊盟。況契合金蘭並馨。看新歡故情。杯酒盤桓。秉
燭燒燈。妙舞嬌歌。語燕啼鶯。〔合前末上報〕稟爺。朝廷詔書到了。〔生〕快排香案。〔丑扮官捧

詔上〕

〔探春令〕九重綸綍映昭回。捧天書特來宣召。詔書已到。跪聽宣讀。皇帝詔曰。朕惟效

力宜猷者。委質之大義。犯顏直諫者。盡瘁之忠貞。爾原任左拾遺。今降江州司馬白居易。偶因忤旨。

謫譴江州。忠讜才猷。不忍終棄。茲特召爲禮部侍郎兼翰林學士。賜緋衣一襲。仍佩紫金魚袋。贊司

邦禮。啟沃朕心。爾其恪恭厥職。欽哉母替。望闕謝恩。〔生〕萬歲萬歲萬萬歲。〔衆相見介〕天使大人

請坐。〔丑〕王命緊急。不敢坐了。就此告辭。〔生〕還請到館驛中少住。〔丑〕一封來玉陛。千里促雕鞍。

〔下外小生〕恭喜恭喜。〔生〕叨賴叨賴。興奴你過來。我雖荷君恩賜緋。青衫不忍輕棄。我他日歸來。履道園中。香山社裏。還要穿他。好好收拾了。〔旦貼小旦〕足見相公不忘舊的意思。〔生〕二兄。小弟正在淪落之鄉。不意有此寵召。主上之恩。何以報答。

〔大環着〕〔合〕感吾皇寵召。感吾皇寵召。趨命還朝。絳節朱輪。紫泥丹詔。履舄重登廊廟。典禮春曹。金馬玉堂仙。翰林清要。齊欽羨。歡增朋好。看衣紫腰金。榮耀。遭昌運。佐唐堯。位列夔龍。光分管鮑。

〔越恁好〕同聲共傾倒。同聲共傾倒。名譽冠時髦。滿堂歡笑。金石交。鳳鸞交。文章事業。風流才調。咫尺丹霄。浮雲不蔽長安道。歡娛百歲同諧老。

〔尾聲〕佳人才子從來少。榮辱升沈何足道。白雪還須續彩毫。

休論白傅與元郎。

仕路從來是戲場。

一曲琵琶千古恨。

翻令遷客有輝光。

青衫記

六八二開明書店

青衫記終